



# ଭାରତେର ନାରୀ

ଶ୍ରୀଧରଚନ୍ଦ୍ର ଚନ୍ଦ୍ର ଓଷ୍ଟାଧର୍ୟ୍ୟ ( ବିଦ୍ୟାଭୁଷଣ )

ଅନୁସନ୍ଧା

ଅଧାର୍ଗ ବୁକ୍ ଏଜେନ୍ସୀ ପ୍ରାଇଭେଟ୍ ଲିମିଟେଡ୍

ପୁସ୍ତକବିକ୍ରେତା ଓ ପ୍ରକାଶକ

୧୦ନଂ ବହିମ ଚ୍ୟାଟାର୍ଜୀ ସ୍ଟ୍ରିଟ୍, କଲିକାତା—୧୨

୧୭୭୧

“হে ঙগবান্, তুমি চেয়েছ আমাদের বিশ্বাস কি ধরণের  
তা পরীক্ষা করতে, তোমার কষ্টপাথরে আমাদের  
আন্তরিকতা কষে দেখতে। ঙগবান্, এই অগ্নিপরীক্ষা  
থেকে আমরা যেন উঠে আসতে পারি উন্নততর, শুদ্ধতর  
হয়ে।”

—শ্রীমা ( পণ্ডিচেরী )

প্রকাশক—শ্রীরবীন্দ্রনারায়ণ ভট্টাচার্য্য, বি. এ.  
মডার্ন বুক এন্ডেন্সী প্রাইভেট লিমিটেড  
১০নং বর্ধমান চ্যাটার্জী ষ্ট্রীট, কলিকাতা—১২

“হে ভারত, ভুলিও না তোমার নারীজাতির আদর্শ—:  
সীতা, সাবিত্রী, দময়ন্তী। ভুলিও না তোমার সমাজ—:  
বিরাট মহামায়ার ছায়া মাত্র।”

—বিবেকানন্দ

আসামের একমাত্র পরিবেশক :  
বি. বি. ব্রাদার্স এণ্ড কোং  
কলেজ হোটেল রোড, গোহাটী।

মুদ্রাকর : শ্রীসমরেন্দ্রভূষণ মল্লিক  
বাণী প্রেস  
১৬নং হেমেন্দ্র সেন ষ্ট্রীট, কলিকাতা—৬

## উৎসর্গ



হেথা হ'তে কতদূর অজ্ঞাত সে ভূমি,  
দেহাতীতা মা আমার, যেথা আছ তুমি  
স্নেহময়ী সে' মূর্তি করিয়া স্মরণ  
ভক্তিতে 'ভারত-নারী' করিণ্ড অর্পণ ।

“সংযত হয়ে শান্তভাবে মায়ের শক্তির কাছে নিজেকে  
খুলে দাও, সে শক্তির কাছে সম্মতি দাও, নিম্ন প্রকৃতির  
প্রেরণাকে প্রত্যাখ্যান কর।”

—শ্রীঅরবিন্দ



“শক্তি-সাধনা ছেড়ে দিয়েছি, শক্তিও আমাদের ছেড়ে  
দিয়েছেন। প্রেমের সাধনা করি—কিন্তু যেখানে শক্তি  
নাই সেখানে প্রেমও থাকে না, সঙ্কীর্ণতা-কুজ্রতা আসে,  
কুজ্র সঙ্কীর্ণ মনে-প্রাণে প্রেমের স্থান নাই।”

—শ্রীঅরবিন্দ



## ভূমিকা

জগদ্ধাত্রী ভগদম্বার অর্চনায় বিক্রমলক অর্থ উৎসর্গ-মানসে আর্ধ্য-কন্যাগণের জন্য 'ভারতের নারী' প্রকাশিত হইল।

বর্তমানকালে শাস্ত্রানুবাদ, আদর্শ ও উচ্চভাব লইয়া অনেক পুস্তক নারীশিক্ষার উদ্দেশ্যে লিখিত হইয়াছে। কিন্তু তাহাতে রীতি-নীতি ও আচার-ব্যবহার সম্বন্ধে বিশিষ্ট আলোচনা নাই। আমি এই পুস্তকে দৈনন্দিন জীবনের নিত্য-নৈমিত্তিক অবশ্যপালনীয় বিষয় বিশদরূপে বিবৃত করিবার চেষ্টা করিয়াছি এবং অধুনা প্রচলিত আচার-ব্যবহারের যথাসম্ভব দোষগুণ আলোচনা করিয়াছি। পরিশেষে ভারতের দশটি আদর্শ নারীর পুণ্যচরিত্র বর্ণিত হইয়াছে। তাঁহাদের জীবনের যে অংশটি সর্বাপেক্ষা মহিমময় সেই অংশই যথাসম্ভব পরিষ্কৃত করিবার চেষ্টা করিয়াছি। সামাজিক ও নৈতিক দুই একটি জটিল প্রবন্ধ লিখিতে ভাষা ও ভাব অপেক্ষাকৃত কঠিন হইয়াছে। আমার ভরসা স্ত্রীজাতির মঙ্গলাকাজক্ষী সুধীগণ তাঁহাদের স্ব স্ব গৃহলক্ষ্মীকে এই পুস্তক অধ্যয়নে সহায়তা করিবেন।

এই পুস্তকের পাণ্ডুলিপি বঙ্গদেশের বর্তমান মনীষিগণের মধ্যে অনেককে দেখাইয়াছিলাম, তাঁহাদের উৎসাহেই পুস্তকখানি প্রকাশে সাহসী হইলাম।

আমার অন্ততম অগ্রজ সুসাহিত্যিক শ্রীযুক্ত কুমুদেন্দু ভট্টাচার্য্য কাব্যরত্নাকর মহাশয় প্রবন্ধগুলি সর্বতোভাবে সংশোধন ও পরিবর্দ্ধন করিয়া দিয়াছেন এবং কনিষ্ঠ শ্রীমান্ কিশোরীমোহন ভট্টাচার্য্য জীবনী-সঙ্কলনে সহায়তা করিয়াছেন। ইহাদের যত্ন ও সহায়ত্ব না থাকিলে পুস্তকখানি সাধারণ-সমক্ষে বাহির করা অসম্ভব হইত। ইতি—

আড়বালিয়া  
মহালয়া, মন ১৩২৬ সাল।

শ্রীউপেন্দ্র চন্দ্র ভট্টাচার্য্য

## ষষ্ঠ সংস্করণের ভূমিকা

মায়ের রূপায় কয়েক বৎসরের মধ্যেই মংগলীত 'ভারতের নারী'র ষষ্ঠ সংস্করণ প্রকাশিত হইল। বর্তমান নাটক-উপন্যাস-প্রাবৃত 'সবুজ সাহিত্যের' যুগে কুললনা ও গৃহলক্ষ্মীদের নিকট এই ধরণের পুস্তকের আদর যে আঙ্গু কমে নাই, তাহা 'ভারতের নারী'র পক্ষে কম প্রাধিকার কথা নহে। তথাপি ইহা আমি নিঃসঙ্কোচে ব্যক্ত করিতে কুণ্ঠিত নই যে, ইহাতে আমার নিজের কিছু আনন্দ বা কৃতিত্ব নাই। স্ত্রীর্ষ জীবন-পথের সঙ্কটময় যাত্রার সময়ে একদা ষাঁহার প্রেরণায় উদ্ভুদ্ধ হইয়া ভারতের ভবিষ্যৎ নারীসমাজের ঐকান্তিক মঙ্গলের জন্ত এই পুস্তকখানি লিখিত হইয়াছিল, সুদেশে অলক্ষ্যে থাকিয়া তাঁহার কার্য তিনিই করাইয়া লইতেছেন। তাই এ বিশ্বাস আমার আঙ্গু আছে যে, এই পুস্তকপাঠে ভবিষ্যৎ নারীসমাজ ভারত নারীর সনাতন আদর্শে অনুপ্রাণিত হইয়া নারীত্বের হত-গৌরব পুনঃপ্রতিষ্ঠিত করিতে সক্ষম হইবে।

এই সংস্করণের বৈশিষ্ট্য অনেক দিক দিয়া পরিষ্কৃত। ইহা ঠিক পূর্ক পূর্ক সংস্করণের পুনর্মুদ্রণ নহে। অনেক বিষয় পরিবর্তিত হইয়াছে, আবার বাছনাবোধে স্থানে স্থানে বহু অংশ পরিমার্জিত হইয়াছে, এবং আধুনিক যুগপ্রগতির সহিত তাল রাখিয়া অনেক নূতন বিষয়ও সংযোজিত করিত হইয়াছে। 'বিবাহ' ও 'সংসার' প্রবন্ধ দুইটি পণ্ডিতপ্রবর শ্রীযুক্ত সুরেন্দ্রমোহন বেদাস্তশাস্ত্রী পঞ্চতীর্থ মহোদয় কর্তৃক সর্বতোভাবে পরিবর্তিত ও পরিবর্তিত করা হইয়াছে। এতদ্বিধ 'ভারতের নারী-পরিচয়' অধ্যায়ে কতিপয় সতী-সাক্ষী ও প্রাতঃস্মরণীয়া নারীর সংক্ষিপ্ত জীবনী প্রদত্ত হইয়াছে। 'নারীর আদর্শ' শীর্ষক সুললিত কবিতাটি প্রসিদ্ধ কবি ও সুসাহিত্যিক শ্রীযুক্ত রাধাচরণ চক্রবর্তী মহাশয়ের 'দীপা' নামক কবিতা-পুস্তক হইতে সংগৃহীত হইয়াছে এবং পরিশিষ্টে আমাদের কয়েকজন মনীষীর অতীত ও বর্তমান স্বীর্ণিকা সম্বন্ধে কয়েকটি প্রবন্ধ প্রদত্ত হইয়াছে।

পরিশেষে বক্তব্য এই যে, এই সংস্করণকে সকল দিক দিয়া সুন্দর ও শোভন করিয়া তুলিবার জন্ত ষাঁহারা আমাকে সাহায্য করিয়াছেন তাঁহাদের মধ্যে পরমাত্মীয় ও বন্ধু অধ্যাপক শ্রীযুক্ত অশোকনাথ শাস্ত্রী, এম.-এ. পি.-আর.-এস, বেদাস্ততীর্থ; শ্রীযুক্ত প্রমথনাথ চক্রবর্তী, বি.-এ, বিজ্ঞানভূষণ ও শ্রীমান্ মণিভূষণ বাগুচি মহাশয়ের নাম উল্লেখযোগ্য। ইহাদের অযাচিত সাহায্যের জন্ত আমি ইহাদের নিকট বিশিষ্টভাবে

কৃতজ্ঞ । ভরসা আছে, পূর্বাপর সংস্করণ অপেক্ষা এই সংস্করণের 'ভারতের নারী' স্থধীসমাজ ও কুললক্ষ্মীগণের নিকট অধিক আদর-যত্ন পাইবে । ইতি—

আড়বালিয়া,  
২৮শে শ্রাবণ, ১৩৪১ সাল ।

}

শ্রীউপেন্দ্র চন্দ্র ভট্টাচার্য্য

## সপ্তম সংস্করণের ভূমিকা

এই সংস্করণে সামান্য পরিবর্তন ও পরিবর্দ্ধন করিয়াছি এবং দুই একখানি নূতন ছবিও সংযোজিত হইয়াছে । বাঙ্গালাদেশের গৃহিণীগণের জ্ঞাত কবিরাজ আচার্য্য ইন্দুশেখর তর্কাচার্য্য-গায়তর্কতীর্থ মহাশয় কর্তৃক লিখিত কতকগুলি টোটেকা ঔষধের তালিকা ও ব্যবহার-বিধি পরিশিষ্টে মুদ্রিত হইল । গৃহিণীগণ এই সব টোটকা ঔষধ ব্যবহারে উপস্থিত ক্ষেত্রে সামান্য সামান্য বিপদের হাত হইতে অনেককে রক্ষা করিয়া গৃহস্থের অনেক উপকার সাধন করিতে পারিবেন— ইহাই আমাদের বিশ্বাস ।

আশা করি, পূর্ব পূর্ব সংস্করণ অপেক্ষা 'ভারতের নারী'র বর্তমান সংস্করণ গৃহলক্ষ্মীদের নিকট অধিক আদৃত হইবে ।

আড়বালিয়া  
জন্মাষ্টমী, ১৩৪৫ সাল ।

}

শ্রীউপেন্দ্র চন্দ্র ভট্টাচার্য্য

## নবম সংস্করণের ভূমিকা

আজকাল কাগজের অভাবে পুস্তকখানির মুদ্রণ টচ্ছাত্তরূপ করা যাইতেছে না ; এদিকে প্রত্যেক সংস্করণে ইহার কলেবর-বৃদ্ধি করার প্রয়োজন হইতেছে । নানা অসুবিধাসত্ত্বেও এই সংস্করণে সামান্য কয়েকটি নূতন প্রবন্ধ সংযোজিত না করিয়া থাকিতে পারিলাম না । কলেবর-বৃদ্ধির জ্ঞাত মূল্যবৃদ্ধি করা হইল না । আশা করি, পূর্ব পূর্ব সংস্করণ অপেক্ষা এই সংস্করণ সর্বসাধারণের নিকট অধিক আদৃত হইবে । ইতি—

বাহুড়বাগান  
১৩১১, কালিদাস সিংহ লেন, কলিকাতা ।  
লক্ষ্মীপূর্ণিমা, ১৩৫১ সাল ।

}

শ্রীউপেন্দ্র চন্দ্র ভট্টাচার্য্য

## ত্রয়োদশ সংস্করণের ভূমিকা

‘ভারতের নারী’ যে ভারতের নারীত্ব-গৌরব ও তাহার মহিমাকে নূতন করিয়া এ যুগের নারীদিগের নিকট তুলিয়া ধরিয়া তাহাদিগের সম্মুখে একটা আদর্শকে স্থাপনা করিতে কৃতকাৰ্য্য হইয়াছে—‘ভারতের নারী’র বৰ্ত্তমান সংস্করণই তাহার প্রমাণ।

বৰ্ত্তমান যুগে আমাদের দেশের বহু শিক্ষিতা নারী ত্রীশিক্ষা-বিষয়ক নানারূপ প্রবন্ধ লিখিতেছেন। স্থানাভাববশতঃ আমরা সেগুলি আমাদের পুস্তকে পুনর্মুদ্রণ করিয়া পাঠক-পাঠিকীগণকে উপহার না দিতে পারায় দুঃখিত। সম্প্রতি বিখ্যাত ‘কেশরী’ সাপ্তাহিক পত্রিকায় মেয়েদের লেখা যে সব ছোট ছোট প্রবন্ধ বাহির হইতেছে, তাহার কয়েকটা আমরা ‘ভারতের নারী’র পরিশিষ্টে সংযোজিত করিয়া পাঠক-পাঠিকাদের উপহার দিলাম। আশা করি, পূৰ্ব পূৰ্ব সংস্করণ অপেক্ষা এই সংস্করণের ‘ভারতের নারী’ সকলের নিকট অধিক আদৃত হইবে।

কলিকাতা  
রথযাত্রা, আষাঢ়.  
১৩৫৯ সাল।

শ্রীউপেন্দ্র চন্দ্র ভট্টাচার্য্য

## ষোড়শ সংস্করণের ভূমিকা

এই নূতন সংস্করণটি পূৰ্ব পূৰ্ব সংস্করণের পুনর্মুদ্রণ বলিলেও চলে, কেবলমাত্র এই সংস্করণে শ্রীমতী সবিতা চৌধুরী বিলিখিত ‘গৃহলক্ষ্মী’ প্রবন্ধটি ‘আনন্দবাজার পত্রিকা’ হইতে উদ্ধৃত করিয়া পরিশিষ্টে সংযোজিত করা হইল। ইতি—

কলিকাতা  
দোলযাত্রা, ফাল্গুন,  
১৩৬১ সাল।

শ্রীউপেন্দ্র চন্দ্র ভট্টাচার্য্য

# ভারতের নারী

## বিষয় সূচী

### প্রথম ভাগ

#### অবতরণিকা ও প্রবন্ধসমূহ

১। ভারতের শিক্ষা-মন্ত্র	... ১	২১। রূপ	... ৫৬
২। ভারতের অবদান	... ২	২২। সহিষ্ণুতা	... ৫৭
৩। নারীর আবশ্যিকতা	... ৫	২৩। সংঘম	... ৫৮
৪। নারীর আদর্শ ( পৃষ্ঠ )	... ৬	২৪। স্মৃষ্ণলা	... ৬০
৫। আর্ধ্যশাস্ত্রে নারীধর্ম	... ৭	২৫। বিলাসিতা	... ৬২
৬। স্ত্রীশিক্ষা	... ৯	২৬। অলসতা	... ৬৩
৭। বিবাহ	... ১১	২৭। ক্ষমা	... ৬৪
৮। সংসার	... ১২	২৮। স্নেহ-মমতা	... ৬৪
৯। সংসার-সম্রাজ্ঞীর কর্তব্য	... ২২	২৯। বিনয়	... ৬৬
১০। স্বামী-দেবতা	... ২৫	৩০। স্বাধীনতা	... ৬৭
১১। পত্নীত্ব	... ২৭	৩১। লজ্জা	... ৬৮
১২। খস্তর-শান্তুড়ীর প্রতি কর্তব্য	... ৩০	৩২। সরলতা	... ৬৯
১৩। ভাস্কর ও অগ্ন্যান্ত পরিঅনের প্রতি কর্তব্য	... ৩৩	৩৩। গান্ধীর্ধ্য	... ৭১
১৪। প্রতিবেশীর প্রতি কর্তব্য	... ৩৭	৩৪। আত্ম-সন্তোষ	... ৭৩
১৫। দেশের প্রতি কর্তব্য	... ৩৮	৩৫। অর্থসম্পদের সদ্যাবহার	... ৭৮
১৬। সন্তান পালন	... ৪০	৩৬। আমোদ-প্রমোদ	... ৭৯
১৭। সন্তানের শিক্ষা	... ৪৩	৩৭। একান্তবর্তিতা	... ৮১
১৮। রোগি-পরিচর্যা	... ৫০	৩৮। গৃহ-বিবাদ	... ৮৩
১৯। স্বাস্থ্য-রক্ষা	... ৫২	৩৯। দানপ্রার্থীর প্রতি কর্তব্য	... ৮৭
২০। আত্মার পবিত্রতা রক্ষা	... ৫৪	৪০। অতিথিসেবা ও ধর্মকার্য	... ৮৮
		৪১। ব্রত-নিয়ম-পালন	... ৯১
		৪২। সতীত্ব ও সহমরণ	... ৯৩

## দ্বিতীয় ভাগ

### সতী-কথা

১। সতী	... ২২	৮। দময়ন্তী	... ১২২
২। পার্বতী	... ১০২	৯। শকুন্তলা	... ১২৭
৩। সাবিত্রী	... ১০৫	১০। দ্রৌপদী	... ১৩১
৪। অনঙ্গা	... ১০২	১১। দ্রৌপদী ও সত্যভামা-সংবাদ	১৪৩
৫। অরুন্ধতী	... ১১০	১২। গান্ধারী	... ১৪৬
৬। সীতা	... ১১৪	১৩। চিন্তা	... ১৫১
৭। শৈব্যা	... ১১২	১৪। বেহলা	... ১৫৫

## তৃতীয় ভাগ

ভারতের নারী-পরিচয়

...

১৬১—১৭৬

## চতুর্থ ভাগ

### পরিশিষ্ট

১। 'বিবাহ ও পাতিব্রত'— ঋষি বহুমচন্দ্র	... ১৭২	১০। 'ভারতের নারীদের আদর্শ'— শ্রীশশাঙ্কশেখর বাগ্‌চী	... ২০৭
২। 'অরবিন্দের পত্র'— শ্রীঅরবিন্দ	... ১৮০	১১। 'বর্তমান যুগে নারীর দায়িত্ব'— শ্রীমালতী ভট্টাচার্য	... ২০২
৩। 'জননী ও জায়া'— সরোজিনী নাইডু	... ১৮৪	১২। 'নারী-বন্দনা'— শ্রীমতী সূচাকমলদেবী	... ২১১
৪। 'মা ভৈঃ'—শ্রীকমলাকান্ত চক্রবর্তী	... ১৮৫	১৩। 'নারীর অধিকার'— শ্রীমতী সুষমা সেন	... ২১৩
৫। 'বাৰা মেয়ে'—শ্রীকমলাকান্ত চক্রবর্তী	... ১৮৭	১৪। 'নারীর আদর্শ'— শ্রীমালতী ভট্টাচার্য (মুদ্রের)	২১৪
৬। 'নারী-মঙ্গল'—শ্রীউষানাথ সেনগুপ্ত	... ১৮৯	১৫। 'গৃহলক্ষ্মী'—সবিতা চৌধুরী	২১৬
৭। 'সমাজে স্ত্রী-সমস্যা'— শ্রীচাক্রমিত্র	... ১৯২	১৬। 'নারী-প্রগতি'— শ্রীইন্দিরা দত্তগুপ্ত	... ২১৮
৮। 'বর্তমান যুগে ভারত-নারীর কর্তব্য'—অনুরূপা দেবী	... ১৯৮	১৭। 'রত্নশালার নারী'— শ্রীমতী গীতারানী পাল	... ২২০
৯। 'নারীর-স্থান—অতীতে ও বর্তমানে'—প্রবর্তক	... ২০৩	১৮। 'নারী সমস্যা'—শ্রীমা	... ২২২
		১৯। 'ভারতের নারী' (পঞ্চ) —শ্রীবিজয়মাধব মণ্ডল	... ২২৫
		২০। কয়েকটা টোটকা ঔষধ	... ২২৭

ভারতের নারী

( ১ )

অবতরণিকা

ও

প্রবন্ধ-সমূহ

## মঙ্গলাচরণ

### “বন্দে মাতরম্”

জয় দুর্গে জগন্মাতঃ  
ভক্তি দাও পদাশুভে  
শক্তি দে মা শক্তিরূপা  
অবলা-কলঙ্ক লয়ে  
আত্মরক্ষা, ধর্মরক্ষা,  
দেহ, মন, বাহুতে মা  
কৌমারী রূপ সংস্থানে  
পালন করিয়া ধন্য  
রূপ দাও, স্বাস্থ্য দাও,  
স্বাস্থ্যরক্ষা-উদাসীনা  
যশ দাও, ভাগ্য দাও,  
পতি-মনোমত হ'তে  
সহধর্ম্মিণীর ধর্ম্ম  
কখনও ভুলেও যেন  
সম্মান-পালন-শক্তি  
দেশারাতি মারি রণে,  
জননী জনমভূমি  
স্বর্গাদপি গরিয়সী—

প্রণমামি শ্রীচরণে,  
জনমে, মরণে, রণে ।  
অবলায়ে দে মা বল,  
বাঁচিয়া মা নাহি ফল ।  
সমাজের রক্ষা তরে  
বল দেগো দয়া ক'রে ।  
কণ্ঠ্যরূপে সেবাত্রত  
হই যেন মনোমত ।  
দাও স্বাস্থ্যরক্ষা-মতি ;  
ভারত-নারী-দুর্গতি ।  
দাও মনোমত বর ;  
শক্তি দে মা তারপর ।  
পালি' যেন ধন্য হই ;  
পতি-প্রতিকূলা নই ।  
গণেশজননি দে মা ;  
সে শক্তি দে মা শ্যামা ।  
মায়ের অধিক মাতা,  
না ভুলি যেন সে কথা ।



## ভারতের শিক্ষা-মন্ত্র

সৃষ্টির পূর্বাঙ্ক গাঢ় অঙ্ককারে আচ্ছন্ন। প্রলয়ের পববর্তী অবস্থাও প্রায় তদ্রূপ; একমাত্র স্থিতিকালেই প্রতিভাত হয়,—যেন “স্বপ্ন দিয়ে তৈরী, সে যে স্মৃতি দিয়ে ঘেরা।” স্থিতিকালের স্মৃতিও স্পষ্ট নহে। সৃষ্টির প্রারম্ভ ও ধ্বংস দুজোঁয়। স্থিতিকাল ব্যক্ত হইলেও রহস্যজালে আবৃত।

স্থিতিকালের সত্তা সৃষ্ট-জগতের প্রকৃতি-নিচয়ের অন্তরাআর তন্মীতে তন্মীতে ঝঙ্কত হইয়া বৈচিত্র্যের ভিতর দিয়া আপনাকে বহুধা পরিষ্ফুরণ করিতেছে। বিশ্ববিমোহিনী প্রকৃতি ও মানবাত্মা—এতদুভয়ের আধারভূতা সত্তারূপে সে আপনাকে ব্যক্ত করিতেছে।

নিখিল প্রকৃতি এই দুজোঁয় রহস্য ভেদ করিয়া, আধারভূতা সত্তাকে পরিপূর্ণভাবে জানিবার জন্ম অনন্ত অবিশ্রাম প্রবাহে, আপনার অন্তর্গূঢ় আনন্দকে বর্ণে, গন্ধে এবং শোভায় বিকশিত করিয়া একভাবে আবহমানকাল ছুটিয়া চলিয়াছে।

সৃষ্টির শ্রেষ্ঠ অবদান মানব-আত্মাও এই রহস্য-জাল ছিন্ন করিয়া অনন্ত তপস্বী দ্বারা এই সত্তাকে জানিবার জন্ম আবহমানকাল ছুটিয়া চলিয়াছে। অমোঘ বীৰ্য, অমিত সাহস এবং অনন্ত তপস্বী দ্বারা ইহাকে পাইতে ব্যর্থকাম হইয়া, নিজের ধর্কতা-স্বল্পতা বুঝিতে পারিয়া, মানব-মন অতি দীন আকুলস্বরে বলিতেছে—“অন্তরাআ প্রকাশিত হও।”

জ্যোতিঃসম্পদ মানব-মনের এই পরিপূর্ণ আত্ম-নিবেদনে তুষ্ট হইয়া, পুনঃপুনঃ জনন-মরণের সঞ্চিত বেদনা দূরীভূত করিয়া অন্তরের গভীরতলের দ্বার উন্মোচন করিয়া বলিতেছেন—“আত্মস্থ হও, আপনাকে বিকশিত কর, আপনাকে সমর্পণ কর, আপনার দিক্ হইতে সকলের দিকে ফের।”

মানব-মন পরিপূর্ণভাবে এই নির্দেশে আত্মোৎসর্গ করিয়া আপনাকে ব্রাহ্ম-ভাগবত করিবার নিমিত্ত কর্ম-ভক্তি-জ্ঞানের সাধনায় রত হইল; এবং এইরূপে কর্ম, ভক্তি ও জ্ঞানের সমন্বয়ে নিজের চাঞ্চল্য দূরীভূত করিয়া আত্মস্থ হইল।

এই কর্ম-ভক্তি-জ্ঞানের সাধনাই আমাদের শিক্ষা-মন্ত্র,—আমাদের দীক্ষা-মন্ত্র। আজ আমরা পাশ্চাত্য জাতির সংশ্রবে আসিয়া আমাদের দেশের সেই সাধনা ভুলিয়া

## ভারতের নারী

গিয়াছি। জননীগণ, এই দুর্দিনে আপনারা কর্ম-ভক্তি-জ্ঞানের সাধনায় আমাদের দেশকে পুনরায় পুত ও ভাগবত করিয়া তুলুন।

## ভারতের অবদান

বিশ্বব্রহ্মাণ্ডের মধ্যে কত পৃথিবী, কত চন্দ্র, কত সূর্য আছে, তাহা এখনও মানুষ আবিষ্কার করিতে সমর্থ হয় নাই। সকলেই একটা পৃথিবী, একটা সূর্য ও একটা চন্দ্র ও কতকগুলি গ্রহ-নক্ষত্র দেখিয়াছে। আবার আমাদের এই পৃথিবীতে চন্দ্র-সূর্য ও গ্রহ-নক্ষত্র কতটুকু কাজ করে, তাহাও কেহ এখনও বলিতে সম্পূর্ণ সমর্থ নহে। তবে আমরা যে পৃথিবীতে বাস করি, তাহার তিন ভাগ জল ও একভাগ স্থল; এরূপ নির্দেশ করা সম্ভব হইয়াছে, এবং উহাকে নূতন ও প্রাচীন নামে অভিহিত করা গিয়াছে। প্রাচীন ভাগে এশিয়া, ইউরোপ, আফ্রিকা ও ওসিয়ানিয়া এই কয়টা মহাদেশ। এষ্ট এশিয়া মহাদেশেই আবার অনেকগুলি দেশ আছে। তাহার মধ্যে ভারতবর্ষ একটা। এই ভারতবর্ষই আমাদের দেশ।

ভরত রাজার নাম হইতেই আমাদের দেশের নাম হইয়াছে 'ভারতবর্ষ'। আমাদের দেশের মত দেশ পৃথিবীতে কোথাও নাই। কোন দেশেই হিমালয়ের মত সুন্দর ও সু-উচ্চ পর্বত নাই; কিম্বা সিন্ধু, ব্রহ্মপুত্র, গঙ্গা, গোদাবরী ও সরস্বতীর মত সুন্দর সুন্দর নদ-নদীও নাই। প্রাকৃতিক দ্রব্যসম্ভারে সম্পত্তিশালী ভারতের মত স্থান কোথাও নাই। ভারতে ঘাহা নাই, তাহা পৃথিবীর কোথাও নাই। রামায়ণ, মহাভারত ও পুরাণাদি হইতে ভারতের প্রাচীন ইতিহাস জানিতে পারা যায়। এই ইতিহাস-পাঠে আমরা আমাদের দেশের সংস্থান সম্বন্ধে এবং আমাদের পূর্বপুরুষ ও সতী-সাধীগণের সম্বন্ধে সব কথাই জানিতে পারি।

উত্তরে মণিময় পর্বত-রাজ হিমালয় ভারতমাতার মুকুটরূপ বিরাজমান, দক্ষিণে

## ভারতের অবদান

অনন্তরদ্ধাকর নীলাধু ভারতমহাসাগর তাঁহার চরণ বিধৌত করিতেছে। পশ্চিমে আরবসাগর, পূর্বে বঙ্গোপসাগর যেন তাঁহার চরণাবিন্দে আপনাদিগকে উৎসর্গ করিবার নিমিত্ত ছুটিয়াছে। মধ্যে বিদ্যাপর্বত মেখলায় স্তায় শোভা পাইতেছে; সেই মেখলায় যেন তিনি ষিখা বিভক্ত হইয়া পড়িয়াছেন। হিমালয় হইতে বিদ্যাপর্বত পর্যন্ত উত্তর ভাগকে আর্ধ্যাবর্ত্ত এবং বিদ্যাপর্বতের দক্ষিণের দেশকে দাক্ষিণাত্য বলে। মনে হয়, প্রকৃতিদেবী নিজের মনের মত করিয়া ভারতমাতাকে সর্বসৌন্দর্যময়ী করিয়াছেন।

আধুনিক ঐতিহাসিকগণের বিশ্বাস—ভারতীয় সভ্যতার আদিপুরুষ আর্ধ্যগণ ভারতে পঞ্জাব প্রদেশে সিন্ধুদের তীরে প্রথমে বাস করেন। তাঁহারা হিন্দু নামে অভিহিত। সেই হিন্দুজাতি ক্রমে ক্রমে ভারতের সর্বত্র নিজ সভ্যতালোক বিকীর্ণ করিলেন। লোক-বৃদ্ধির সহিত সংসার ও সমাজের সুবিধার জন্ত তাঁহারা চারি বর্ণের সৃষ্টি করিলেন। ইহাদের মধ্যে যাহারা ধর্মচিন্তা করিতেন এবং সকলের মধ্যে ভগবান্কে মূর্ত্ত করিয়া, সকলকেই আত্মপ্রতিষ্ঠা করিয়া, জগৎকে সচ্চিদানন্দের অধিকারী করিতে লাগিলেন, এবং ত্যাগ ও জ্ঞানের বলে দেশকে ভাগবত করিয়া তুলিলেন, তাঁহারা হইলেন ব্রাহ্মণ। সমাজে ইহাদের কর্তব্য নির্দ্ধারিত হইল বিদ্যাচর্চা, ধর্মশিক্ষা দান, সকলের সুবিধার দিকে লক্ষ্য রাখিয়া সমাজ ও রাষ্ট্রের গঠন, সমাজের হিতার্থে স্ব স্ব সাধনা, তপস্বী ও শক্তির নিয়োগ। যাহারা ব্রাহ্মণের আদর্শ-প্রতিষ্ঠার জন্ত জীবন উৎসর্গ করিলেন, অর্থাৎ যাহারা ব্রাহ্মণের দক্ষিণ বাহু-স্বরূপ, যাহারা রাষ্ট্র ও সমাজকে অনার্যের হস্ত হইতে রক্ষা করিবার জন্ত অস্ত্রধারণ করিলেন, যাহারা স্ব স্ব বৌধ্য ও জীবন দান করিলেন, দেশ-রক্ষার্থে যাহারা ক্ষত্র-সম্পদে দেশকে ধনী করিলেন, তাঁহাদের নাম হইল ক্ষত্রিয়; যাহারা এই আদর্শ হৃদয়ঙ্গম করিয়া লোকস্থিতির জন্ত সমাজের পুষ্টিসাধনে আত্মনিয়োগ করিলেন এবং অর্থ-সম্পদে দেশকে সমৃদ্ধিশালী করিলেন, তাঁহাদের নাম হইল বৈশ্য। আর তিন জাতির কর্তব্যের প্রতিদান করিয়া ভূমানন্দের অধিকারী হইবার জন্ত ইহাদের সেবায় যাহারা অগ্রসর হইলেন, তাঁহাদের নাম হইল শূদ্র। তখন চতুর্বর্ণের সকলেই সমভাবে সমাজের সেবা করিতে লাগিলেন, কেহ কাহাকেও হীন বলিয়া বিবেচনা করিতেন না।

## ভারতের মারী

হিন্দুগণই প্রথমে সর্বপ্রকার বিচার চর্চা করেন আর জগৎকে জ্ঞানালোকে উদ্ভাসিত করেন। ভারতই জ্ঞান-বিজ্ঞানের আদি-জননী—ত্যাগ-সাধনার পীঠভূমি। ভারতের বিদ্যা, ভারতের সাধনা, ভারতের ধর্ম, ভারতের শিক্ষা-দীক্ষা, ভারতের সতী-ধর্মের কীর্তি-শুক্র সর্বত্র বিঘোষিত—জয়শ্রীমণ্ডিত। ভারতের রমণী “অজ্ঞান-তমঃ খণ্ডনী, শূক্ৰ-জননী, ব্রহ্মবাদিনী, ঋষ্যগুপ্ত-মণ্ডনী”।

শ্রীরামচন্দ্রের রাজ্যশাসন, প্রজাপালন, ধর্মরক্ষা প্রভৃতি কর্তব্য-সাধনের কাহিনী জগতের ইতিহাসে দ্বিতীয় নাই। শ্রীরাম-পত্নী সীতা সতীত্ব-ধর্ম দ্বারা জগৎকে পরিপূত করিয়া গিয়াছেন। সাবিত্রী মৃত স্বামীকে বাঁচাইলেন—ভারত ভিন্ন জগতে কে কোথায় এ দৃশ্য দেখিয়াছে? কোন্ দেশে বেহলা গলিতপ্রায় স্বামীর দেহে প্রাণ সঞ্চার করিতে পারিয়াছে? কোন্ দেশের ‘সতী’ স্বামি-নিন্দা শুনিয়া দেহত্যাগ করিয়াছেন? কোন্ দেশে মূর্ত্তিমতী-সতী ‘সতী’ নিজের দেহখানি বায়াম খণ্ড করিয়া চারিদিকে ছড়াইয়া সমগ্র দেশকে এক পুণ্য গণ্ডীর ভিতর রাখিয়াছেন—পাছে পাপ স্পর্শ করে! দময়ন্তী, নীলা, চূড়ামা, রক্তিদেবী, দ্রৌপদী, চিন্তা প্রভৃতি রাজকন্যা হইয়াও স্বেচ্ছায় কত ক্লেশ সহ করিয়াছেন! স্বামী অন্ধ ছিলেন বলিয়া গান্ধারীদেবী চক্ষে বস্ত্র বাঁধিয়া নিজেও অন্ধ সাজিয়াছিলেন। রাজপুতনার বীর রমণীগণের ‘অহরত্রতের’ কথা, স্মিতবদনে স্বামী ও পুত্রকে যুদ্ধক্ষেত্রে প্রেরণের কাহিনী কে না জানে? বিধাতার আশীর্ব্বাদে, তাঁহাদের পুণ্য-মহিমায় এদেশ সতীর খনি। কতক কালমাহাত্ম্যে, কতক আমাদের শিক্ষার দোষে, এখন সে ভাব বিরল হইলেও সতীর অঙ্গস্পর্শে পুণ্য পীঠস্থানের পবিত্র ধূলি ভাগীরথীর পবিত্র সলিলের মত চিরদিনই সমস্ত কলুষ ধৌত করিতেছে; ধর্মজগতে এবং কর্মজগতে ভারতের অবদান অপূর্ব্ব।

## নারীর আবশ্যিকতা

বিশ্বসৃষ্টির সকল আদর্শের সারভূতারূপে ভগবান্ নারীর সৃষ্টি করিয়াছেন। স্থিরচিত্তে পর্যালোচনা করিলে আমরা জগদ্বন্ধনের সমুদয় উপাদান নারী-জাতির মধ্যে উপলব্ধি করিতে পারি। প্রকৃতি বিশ্বজগতের বন্ধন; নারীর অগ্র নামও প্রকৃতি। বিশ্ব-প্রসবিনী আত্মশক্তির অংশরূপে তাঁহাদের জন্ম, সেইজগৎ জগৎ জীজাতিকে মাতৃচক্ষে দেখে। জগতে সর্বসম্ভাপ হরণ করিতে মায়ের জায় কে আছে? মাতৃগর্ভে অবস্থানের পর হইতে মায়ের জীবিত-কাল পর্যন্ত আমরা অশেষ-প্রকারে তাঁহার যত্নে রক্ষিত, পালিত ও বর্দ্ধিত হই। কবির চক্ষে অনেক সময়ে জীজাতিকে সৌন্দর্যের সারভূতারূপে বর্ণিত হইতে দেখা যায়, কিন্তু পুষ্পের সহিত তুলনা করিয়া কেবল তাহার মাধুর্যের প্রতি লক্ষ্য করিয়াই ক্ষান্ত হওয়া কর্তব্য নহে; পুষ্পকে বিশ্ববিটপীর বীজরূপে উপলব্ধি করাই শ্রেষ্ঠ উদ্দেশ্য। ক্রোড়ে কমলকান্তি শিশু রমণীর যে শোভা বর্দ্ধন করে, জগতের সমগ্র অনকার ও সৌন্দর্য্য তাহার শতাংশের একাংশও বাড়াইতে পারে কি না সন্দেহ! সংসার-জীবনে নারীজাতির কর্তব্যপালনের সহিত তাঁহার দৈহিক সৌন্দর্যের উপযোগিতার তুলনায় শেষোক্তটি একান্ত অকিঞ্চিৎকর বলিয়া মনে হয়। জন্মের প্রথম প্রভাত হইতে নারীই সংসারকে মধুর স্নেহবন্ধনে আবদ্ধ করেন। নারীকে কুমারীরূপে পার্বতী, যুবতীরূপে ষড়ৈশ্বর্যময়ী, মাতৃরূপে জগদম্বা, প্রোটারূপে জগৎপালিকা ও বৃদ্ধারূপে স্বয়ং জগদ্ধাত্রী বলা হয়। রোগে, শোকে, দুঃখে, দৈন্তে, অভাবে, অভিযোগে,—মানবের সর্ববিধ অশান্তিতে নারীই একমাত্র শান্তিপ্রদায়িনী। ভিন্ন ভিন্ন ক্ষেত্রে নারীর ভিন্ন ভিন্ন মহিমার কথঞ্চিৎ আলোচনাই এই গ্রন্থের উদ্দেশ্য।

## নারীর আদর্শ

“কল্যাণি, তব কল্যাণ হোক,

কল্যাণে পুরো গৃহ;

সকলের তুমি প্রিয় হও,

হোক সকলে তোমার প্রিয়।

## ভারতের নারী

তব সীমন্ত-শুভসিন্দুর  
প্রভাতসূর্য্য-তলে,  
সংসার থাক শতদল সম  
বিকশিয়া শতদলে ।

\* \* \* \*

ক্ষুধিত তৃষিত তব দ্বার হ'তে  
না যেন ফিরে গো ক্ষুণ্ণ,  
শাস্তোজ্জন চল-ছল অঁাধি  
করণায় থাকে পূর্ণ ।  
শিশুদের তুমি 'শিশু-সখী' হও  
বধু সহকশ্মিনী,  
ননন্দ-সখী স্বশ্র-তৃহিতা  
স্বামী-সহধশ্মিনী ।  
বৈর্ষ্য হও ধরিত্রীসমা  
সৌতাসমা ত্যাগ-তৃপ্তা,—  
প্রলোভীর আগে দাঁড়াইও তুমি  
দ্রৌপদীসমা দৃপ্তা ।  
অশুভ হইতে ফিরাবে স্বামীরে  
সাবিত্রীসমা দৃঢ়া,—  
বীর্ষ্যের সাথে আভরণ হ'য়ে  
অড়াইয়া থাক ব্রীড়া ।"

## আর্য্যশাস্ত্রে নারীধর্ম

আজ এই হৃদ্যিনেও ভারত তাহার বৈশিষ্ট্য অক্ষুণ্ণ রাখিয়াছে। ভারতের নারী এখনও ধর্মবিচ্যুতা হন নাই। এখনও ভারতের নারী সর্বত্র পূজিতা। ভারতের অধিকাংশ পুরুষ এখনও নারীকে দেবীভাবে পূজা করেন বলিয়াই তাঁহারা স্ত্রীজাতিকে বাসনার বিষয়ীভূত করিতে চাহেন না। পাছে পাপস্পর্শে পুণ্যপ্রতিমা কলুষিত হয় এই ভয়ে স্ত্রীলোকের জন্ম নানারূপ বিধি-বাবস্থা অবলম্বিত হইয়াছে। অন্য দেশ প্রকৃত নারীপূজা জানে না। যাহারা নারীপূজার দাবী করিয়া গর্ব প্রকাশ করেন, একটু অপক্ষপাত দৃষ্টিতে বিচার করিলেই স্পষ্ট উপলক্ষি হইবে যে, তাঁহারা নারীপূজার নামে সর্বত্রই নারীদের অবমাননা করিতেছে। ভারতের মুনি-ঋষিগণ জগতের আদর্শস্বরূপ নরনারীর আচরণীয় যে সকল নিয়ম শাস্ত্রে লিখিয়া রাখিয়াছেন, তাহা একবার আলোচনা করিলেই বুঝিতে পারা যায়—পুরাকালে হিন্দুগণ স্ত্রীজাতিকে কিরূপ শ্রদ্ধার চক্ষে দেখিতেন। বাস্তবিক হিন্দুগণ স্ত্রীজাতিকে যেরূপ শ্রদ্ধা, সম্মান ও গৌরবের আসন দিয়াছিলেন, সেরূপ পৃথিবীর আর কোন দেশে এযাবৎ দেখিতে পাওয়া যায় না। নারীর পাতিব্রতের একরূপ গৌরবের বিষয় অন্য জাতি ধারণায়ও আনিতে পারে না।

আমাদের দেশ যে আজ তাহার সেই পুরাতন আদর্শ হইতে পিছাইয়া পড়ে নাই, তাহা বলিতেছি না। এই অধঃপতনের মূল কি, তাহা আমরা প্রসঙ্গক্রমে আলোচনা করিব। কুশিক্ষিত, কাণ্ডজ্ঞানহীন, গুরুজনে ভক্তিবিহীন ব্যক্তিরাই তাহাদের স্ত্রীকে বিলাসের পুত্তলি করিয়া তুলে, সেই সঙ্গে দেবীপ্রতিমা বিলাসের সংস্পর্শে কলুষিত হয়। তাহারা দেবীপূজা জানে না; তাহাদের দেবীপূজায় মন্ত্র নাই, তাহারা দেবীপূজায় যে ধূপধূনা জাগায়, তাহা হইতে নরকের পুতিগন্ধই বাহির হয়, সেখানে দেবীপ্রতিমা থাকে না; থাকে কেবল তামসিক ভোগের লীলা।

প্রাচীন আদর্শ কি, তাহা অষ্টম পৃষ্ঠায় উদ্ধৃত কয়েকটি বচন হইতে স্পষ্ট বুঝিতে পারা যায়।

## ভারতের নারী

**মল্লু বলেন :—**“যে বংশে রমণীগণের পরম সমাদর বা সম্মান হয়, সে বংশের প্রতি দেবগণ এসন্ন থাকেন আর যেখানে রমণীর আদর নাই, সম্মান নাই, সে বংশের যাগযজ্ঞাদি কার্যও নিষ্ফল হয়। যে বংশে দম্পতী পরস্পরের প্রতি নিত্য সন্তুষ্ট সেখানে মঙ্গল অবশ্যস্বাবী।”

“সাধ্বী স্ত্রী আদরগোরবে হর্ষোৎফুল্ল থাকিলে সমস্ত বংশের শ্রীবৃদ্ধি হয়। আর স্ত্রীলোকের অবমাননা হইলে সে বংশের শ্রীবৃদ্ধি হয় না; যেখানে গভীর রাত্রে স্ত্রীলোকের দীর্ঘবাস পড়ে সে স্থান অচিরাৎ শ্মশানে পরিণত হয়। রমণীগণ অশেষ মঙ্গলের আস্পদ। রমণী গৃহের শোভা, সংসারের লক্ষ্মী। স্ত্রীতে ও স্ত্রীতে কোন প্রভেদ নাই। যে মুঢ় পুরুষাধম স্ত্রীলোকদিগকে অবমাননা করে, সতী পার্শ্বতী পদে পদে তাহার অমঙ্গল করেন।”

“স্বামী রুষ্ট হইলেও পত্নী সর্বদা হৃষ্টা থাকিবেন, গৃহকর্মে দক্ষা হইবেন, গৃহসামগ্রীসকল পরিষ্কৃত পরিচ্ছন্ন রাখিবেন এবং ব্যয়বিষয়ে বিবেচনা করিয়া চলিবেন। পতি সদাচারবিহীন, অন্য স্ত্রীতে আসক্ত, বিধাবিহীন হইলেও সাধ্বী-স্ত্রী সর্বদা দেবতার ঞ্চায় তাঁহাকে সেবা করিবেন। সাধ্বী-স্ত্রীর সম্মান না হইলেও তিনি স্বর্গে যাইবার অধিকারিণী।”

“স্ত্রীলোক ব্যভিচার-দোষে দূষিত হইলে সমাজে নিন্দনীয় হয়, শৃগাল-যোনিতে জন্মগ্রহণ করে এবং কুষ্ঠাদি মহারোগে আক্রান্ত হইয়া অতিশয় ক্লেশ পায়। যিনি সর্বপ্রকারে পতির বশীভূতা থাকেন, তিনি স্বর্গে স্বামীর সঙ্গ প্রাপ্ত হন।

স্ত্রীলোকদিগের স্বাধীনতা সম্বন্ধে **বিষ্ণু সংহিতার মত :—**“পতি বিদেশে গমন করিলে স্ত্রী কোন স্থানে যাওয়া-আসা কিংবা বেশভূষা করিবেন না, গবাক্ষপথে দাঁড়াইবেন না, কোন কার্যই স্বামীর আজ্ঞা ব্যতীত করিবেন না।”

**শঙ্খ বলেন :—**“স্ত্রীলোক, কোন স্থানে যাইতে হইলে, গুরুজনের আদেশ লইয়া যাইবেন, পরপুরুষদের সহিত বাক্যালাপ করিবেন না।”

**বহিষ্কৃত পুরাণ বলেন :—**“রমণী প্রাতে পতিকে প্রণাম করিয়া শয্যা হইতে উঠিবেন। বিছানা হইতে উঠিয়া গৃহ পরিষ্কার করিয়া স্নান করিবেন। পরে দেবতা, ব্রাহ্মণ ও পতিকে পূজা করিয়া দেবতার প্রণাম করিবেন। তৎপরে রন্ধন করিয়া স্বামীকে ভোজন করাইবেন এবং অতিথি ও অস্থায়ী সকলকে খাওয়াইয়া নিজে খাইবেন। স্বামীর মৃত্যুর পরে স্ত্রী ব্রহ্মচর্য্য পালন কিংবা সহগমন করিবেন।”

**লক্ষ্মী ( বিষ্ণুপুরাণে ) বলেন :—**“যে নারী সর্বদা পরিষ্কৃত পরিচ্ছন্ন থাকে, পতিব্রতা, প্রিয়বাদিনী, সত্যভাষিনী, ব্যয়কুণ্ঠিতা, পুত্রবতী, দেবতাগণের পূজাপ্রিয়, গৃহমার্জন-তৎপর, জিতেন্দ্রিয়া, কলহবিরতা, ধর্ম্মরতা ও দয়াদিতা হয়, আমি তাহাতে বাস করি।”

**কৌশল্যা দেবী সীতাদেবীকে হনুগমন-সময়ে বলিয়াছিলেন :—**“বৎসে! যে নারী



## স্ত্রীশিক্ষা

প্রিয়জনদিগের আদরভাজন হইয়াও বিপদে স্বামীসেবার পরাধুখ হয়, সেই-ই ইহলোকে অসতী বলিয়া পরিগণিত হইয়া থাকে। এইরূপ অসতীদের স্বভাব এই যে, উহারা স্বামীর সম্পদের সময়ে সুখভোগ করে এবং বিপদ উপস্থিত হইলে স্বামীকে পরিত্যাগ করিয়া থাকে। উহারা মিথ্যা কহে এবং পতির প্রতি একান্ত বিরাগ বলিয়া অল্প কারণেই বিরক্ত হইয়া উঠে। এই সকল স্ত্রীলোক অত্যন্ত অস্থির-চিন্ত; উহারা কুলের অপেক্ষা রাখে না, বসন-ভূষণে বশীভূত হয় না, ধর্মজ্ঞান তুচ্ছ বিবেচনা করে এবং দোষ দেখাইয়া দিলে অস্বীকার করে। কিন্তু যাহারা ঙ্গরুজনের উপদেশ গ্রহণ এবং আপনাদের কুলমর্যাদা পালন করেন, যাহারা সত্যবাদিনী ও শুদ্ধস্বভাবা, সেই সকল সতী একমাত্র পতিকেই পুণ্যসাধন বলিয়া মনে করেন। এক্ষণে আমার রাম যদিও নির্বাসিত হইতেছেন, কিন্তু তুমি ইহাকে অনাদর করিও না। ইনি দরিদ্র বা সম্পন্ন হউন, তুমি ইহাকে দেবতুল্য বিবেচনা করিবে।”

## স্ত্রী-শিক্ষা

স্ত্রী-শিক্ষা কখনও দোষের নহে, কিন্তু স্ত্রীজাতির শিক্ষা পুরুষের শিক্ষার অনুরূপ হওয়া উচিত নহে। বর্তমান সংস্কারের যুগে প্রচলিত শিক্ষাপদ্ধতি একমাত্র আদর্শ-স্থানীয় বলিয়া স্বীকার করা যায় না। এ জগৎ শিক্ষাকেন্দ্র; মনুষ্যের সর্বাত্মক চিন্তা ও কার্যপ্রণালী সুনিয়ন্ত্রিত হওয়া একান্ত শিক্ষা-সাপেক্ষ। কতকগুলি পুস্তক পাঠ করা বা সীমাবদ্ধ রীতি-নীতি আলোচনা করাই শিক্ষা শব্দের একমাত্র লক্ষ্যস্থল নহে। যে যে-বিষয়ের উপযুক্ত, তৎসম্বন্ধে তাহার পূর্ণজ্ঞান লাভ করাই শিক্ষার প্রথম এবং প্রধান উদ্দেশ্য। সুতরাং বিলাসবহুল সাজসজ্জায় ভূষিত হইয়া স্কুল-কলেজে অধ্যয়ন না করিলে যে তাঁহাদের শিক্ষার পথ রুদ্ধ হইল, স্ত্রীজাতি সম্বন্ধে এইরূপ মন্তব্য সমীচীন নহে। একজন সুবিজ্ঞ ইঞ্জিনিয়ার যদি সেক্সপিয়ার বা বাইরনে অনভিজ্ঞ হন, তথাপি তাঁহাকে অশিক্ষিত বলা যাইতে পারে না। সেইরূপ সংসারধর্ম্যে অভিজ্ঞা, সম্ভানপালনরতা ও স্বামি সেবাপরায়ণা, সাধবী-রমণী নিরক্ষরা হইলেও তাঁহাকে অশিক্ষিত বলা যায় না। তবে একটি কথা উঠিতে পারে—গ্রন্থাদি পাঠ-ব্যতীত

## ভারতের নারী

উক্ত বিষয়ে সম্যক জ্ঞানলাভ কিরূপে হইবে? এক্ষেত্রে আমাদের বক্তব্য এই যে জ্ঞানভাষি স্বাধীন নহেন; সর্বসময়ে তাঁহারা পুরুষের অস্থবর্তিনী; সুতরাং শিক্ষিত চরিত্রবান্ স্বামী সচেষ্টি হইলেই সহজে সে শিক্ষা দান করিতে সমর্থ হইবেন।

আজকাল আমরা দেখিতে পাই, অনেক সঙ্গতিপন্ন ভদ্র গৃহস্থ-পরিবারে বর্তমান জ্ঞানশিক্ষাপদ্ধতি প্রচলিত হওয়ায় ক্রমে ক্রমে পুরুষীগণ সংসার-কর্মে নিতান্ত অপটু হইয়া উঠিতেছেন। একদিন পাচক-ব্রাহ্মণ অস্থপস্থিত হইলে স্বামী-পুত্রকে উপবাসী থাকিতে হয়। ইহা কি নিতান্ত পরিতাপের বিষয় নহে? মনুষ্যের উন্নতি চিরস্থায়ী নহে; চিরদিন পাচক ও দাসদাসীর দ্বারা সংসার-কাষা নির্বাহ না-ও হইতে পারে; সে-ক্ষেত্রে সংসার-কাষ্যে অনভিজ্ঞা রমণীর অবস্থা যে কত শোচনীয়, তাহা সহজেই অনুমান করিতে পারা যায়। বিশেষতঃ দরিদ্র ও মধ্যবিত্ত ভদ্রগৃহস্থেব গৃহিণীগণ কাষ্যানিপুণা না হইলে সংসারধর্ম পালন করা অসম্ভব হইয়া উঠে। পক্ষান্তরে হিন্দুরমণীগণ মহিষ্ণুতার আধার বলিয়াই বর্তমান দুর্দিনেও হিন্দুসমাজ অটুট রহিয়াছে। হিন্দুরমণীগণের সংসারপালন-প্রথা স্বচক্ষে অবলোকন করিলে কোন সহৃদয় ব্যক্তি বিস্মিত না হইয়া থাকিতেই পারেন না। আজ যদি আমাদের ব্যবস্থার দোষে, আমাদের কৃষ্টির বিকারে, সে-পথ হইতে তাঁহাদিগকে বিচলিত করা হয়, তাহা হইলে সমাজের ভিত্তি পধ্যস্ত বিচলিত হইয়া উঠিবে।

জ্ঞান-শিক্ষার অর্থ শুধু ভাষাশিক্ষা বা সাহিত্যচর্চা নহে। নারীর কর্তব্য, নারীর আচরণীয় কাষ্যাবলী শিক্ষা করাই জ্ঞানভাষিদের প্রধান শিক্ষণীয় বিষয়। সংসার-ধর্মে সম্পূর্ণ শিক্ষিতা একজন নারী আধুনিক বিশ্ববিদ্যালয়ের একজন এম.এ. পাস পুরুষ অপেক্ষা অনেকগুণে শ্রেষ্ঠ। কতিপয় পুস্তক মুখস্থ করিয়া পরীক্ষালয়ে ঘাইয়া তদনুরূপ লিখিয়া আসিতে পারিলেই এম.এ. পাস করা সম্ভব হয়; কিন্তু সংসারসম্রাজ্ঞী হইতে হইলে বিবাহকাল পর্যন্ত সংসারের সকল বিষয়ে শিক্ষালাভ করিয়া অপরিতচিত খণ্ডরকূলে ঘাইতে হয়। লজ্জা, বিনয়, গাণ্ডীর্ষ্য, স্নেহ, দয়া, সরলতা, ও সতীত্বের সৌন্দর্য্যে আপনাকে বিভূষিত করিয়া সকলের মনোরঞ্জন করিতে প্রস্তুত হইতে হয়। তবে সংসারের হিসাব-নিকাশ, সদগ্রন্থ অধ্যয়ন ও সাহিত্যাদি চর্চা করিতে শিখিবার জন্য যত অধিক জ্ঞানগর্ভ পুস্তক পাঠ করিতে পারেন, ততই সমাজের ও সংসারের মঙ্গল।

## বিবাহ

বর্তমান যুগের শিক্ষা-পদ্ধতিতে অক্ষর-পরিচয় প্রায় সকল জ্ঞীলোকেরই হইতেছে ; তাহাতে যে সকলেই সুশিক্ষিত হইতেছেন, এমন কথা বলা যায় না। আবার অক্ষর পরিচয় না থাকিলেও শিক্ষিত হওয়া যায়, একথা আমরা বিশেষরূপে দেখিয়াছি। পূর্বে অনেক জ্ঞীলোকেরই অক্ষর-পরিচয় ছিল না, তথাপি তাঁহারা অনেকেই সুশিক্ষিতা ছিলেন। জীবনে সমাজের বিচিত্র আভিজাত্য ভিতর দিয়া, সকল ইন্দ্রিয়ের দ্বার দিয়া, মানুষ নানাভাবে জ্ঞান অর্জন করিয়া শিক্ষা লাভ করে। আমাদের মাতৃজাতি, আমাদের মা, মামী, পিসী, ঠাকুরমা, দিদিমা,—যাঁহাদের ক্রোড়ে আমরা লালিতপালিত ও বর্ধিত হইয়াছি, যাঁহাদের মুখে মুখে রামলক্ষ্মণ-কর্ণার্জুনের বীরত্ব-কাহিনী, সীতা-সাবিত্রী-বেহলা-লক্ষ্মীন্দরের পুণ্য-আখ্যানের কথা শুনিয়া আমাদের মর্মে তাহা গাঁথা হইয়া গিয়াছে, যাঁহারা দেশের বালকবালিকাদিগের জীবনপথে অমূল্য পাথেয় দান করিয়া গিয়াছেন, সেই মাতৃজাতির অক্ষর-পরিচয় ছিল কিনা সন্দেহ ! এক্ষেত্রে আমরা কি তাঁহাদিগকে অশিক্ষিতা বলিয়া অবজ্ঞার চক্ষে দেখিতে পারি ? নিশ্চয়ই না। শিক্ষার পরিচয় হয় ভদ্রব্যবহারে ; শিক্ষার সার্থকতা হয় চরিত্র-সাধনে, শিক্ষার পরিপূর্ণতা হয় আদর্শজীবনে। কাহারও অক্ষর-পরিচয় না থাকিলেও যদি তাঁহার চিন্তা ও কার্যপ্রণালী সর্বদাঙ্গ, সুনিয়ন্ত্রিত ও কল্যাণদায়ক হয়, তাহা হইলে তাঁহাকেই আমরা শিক্ষিত বলিব।

## বিবাহ

বিবাহ—বর ও কন্যার অপূর্ব প্রাণের সম্বন্ধ, অচ্ছেদ্য প্রেমের বন্ধন। কোন কোন দেশে বিবাহ শুধু চুক্তিমাাত্র, কিন্তু হিন্দুর বিবাহ অতি পবিত্র ধর্মবন্ধন। চুক্তি ঋণস্বায়ী, কিন্তু ধর্মবন্ধন অবিদ্যমান। পতি ও পত্নীর সম্বন্ধ অনন্তকালের সম্বন্ধ। হিন্দু-পত্নী ভাবেন—আজ যিনি আমার পতি, তিনি অনন্তকাল আমার পতি ; ইনি

## শারভের মারী

অতীতেও আমার পতি ছিলেন এবং পরকালেও থাকিবেন। পতি ভাবেন, আজ যিনি আমার পত্নী, ইনি জন্মে জন্মে আমার পত্নী।

বিবাহের সময় স্বামী সুপবিত্র বেদের মন্ত্র উচ্চারণপূর্বক অগ্নি-সাক্ষী করিয়া বলেন :—“তোমার প্রাণের সহিত আমার প্রাণ, তোমার অস্থির সহিত আমার অস্থি, তোমার মাংসের সহিত আমার মাংস এবং তোমার চর্মের সহিত আমার চর্ম মিশাইয়া লইলাম ; মনে, প্রাণে ও দেহে তুমি আর আমি এক হইলাম।”<sup>১</sup> কি পবিত্র মহান্ ভাব !

স্ত্রী বলেন—“ঋবমসি ঋবাহং পতিকূলে ভূয়াসম্” হে ঋব ( নক্ষত্র ), তুমি যেমন অচল-অটল, আমিও যেন পতির কূলে তেমনি অচল-অটল হইয়া থাকি।

আবার স্বামী বলিতেছেন—“এই যে তোমার হৃদয়, উহা আমার হউক। এই যে আমার হৃদয়, ইহা তোমার হউক।”<sup>২</sup> [ অগ্নি সাক্ষী করিয়া ] “সত্যরূপ গ্রহিবন্ধন দ্বারা আজ তোমার মন ও হৃদয়কে ( আমার মন ও হৃদয়ের সহিত ) বন্ধন করিলাম।”<sup>৩</sup> “তুমি আমি একপ্রাণ, একমন ও একচিত্ত হইলাম।” “আমার ব্রতে ( কর্মে ) তোমার হৃদয় নিহিত হউক, তোমার চিত্ত আমার চিত্তের অনুরূপ হউক, তুমি একমনে আমার বাক্য পালন কর, প্রজাপতি তোমাকে আমার করিয়া দিউন।”<sup>৪</sup>

- (১) প্রাগৈশ্বে প্রাণান্ সন্দধানি,  
অস্থিভিরস্থীনি মাংসৈর্মাংসান্, ত্বচা ত্বচম্।
- (২) যদেতৎ হৃদয়ং তব, তদন্ত হৃদয়ং মম।  
যদিদং হৃদয়ং মম, তদন্ত হৃদয়ং তব ॥
- (৩) বধ্যামি সত্যগ্রহিণা মনশ্চ হৃদয়ঞ্চ তে।
- (৪) মম ব্রতে তে হৃদয়ং দধাতু,  
মম চিত্তমনুচিত্তং তেহন্ত  
মম বাচমেকমনা জুযস্ব,  
প্রজাপতি ত্বা নিযুনন্ত মহম্ ॥

## বিবাহ

পত্নী বলিতেছেন,—“হে অরুদ্ধতি! আমি তোমারই মত যেন আমার পতিতে, কায়মনোবাক্যে অবরুদ্ধা হইয়া থাকিতে পারি।”<sup>১</sup>

হিন্দুশাস্ত্রের বিবাহধর্ম কিরূপ পবিত্র, ধর্মমূলক ও মর্মস্পর্শী, তাহা উপরিলিখিত বিবাহ-মন্ত্র হইতেই বুঝিতে পারা যায়। পৃথিবীর অত্র কোন দেশের বিবাহ-মন্ত্র এইরূপ উচ্চভাবপূর্ণ নহে।

ভারতীয় ধর্মে বিবাহিতা নারীর আসন অতি উচ্চে। সাধারণ কথায় লোকে বলে, অমুক ব্যক্তির গৃহিণী নাই, অতএব তার গৃহই নাই। “ন গৃহ গৃহমিত্যাছগৃহিণী গৃহমুচ্যতে।” গৃহের সাম্রাজ্য গৃহিণী। এই রাজ্যে স্বামীর আধিপত্য নাই, পুরুষের স্বাধীনতা নাই। এই রাজ্যে পত্নী স্বাধীনা, এখানে নারীর সর্বময় কর্তৃত্ব। বিবাহের সময় মন্ত্র বলা হয় “সম্রাজ্যী খণ্ডরে ভব, সম্রাজ্যী খণ্ড্রাং ভব, ননান্দরি চ সম্রাজ্যী।” অর্থাৎ খণ্ডরের রাজ্যে তুমি সম্যকপ্রকারে বিরাজমানা হও, শাণ্ডীর হৃদয়রাজ্যে তুমি জয় কর, ননদের উপরেও তোমার স্নেহের রাজ্য বিস্তৃত হউক।

বাহিরের রাজ্যে পুরুষের কর্মক্ষেত্র, গৃহের রাজ্যে গৃহিণীর। আমাদের দেশে স্ত্রীবাচক যতগুলি শব্দ আছে, তাহার অধিকাংশই গৃহরক্ষার পক্ষে শৃঙ্খলাযুক্ত অর্থ বহন করে। যথা—সৌমস্তিনী, সহধর্মিণী, পত্নী, পাণিগৃহীতা, ভার্যা, জায়া, সতী, সাধ্বী, পতিব্রতা, পুরস্কী, অস্তপুরঃচারিণী, সূচরিত্রা, গৃহিণী, নারী ইত্যাদি।

প্রথমতঃ, চারিবর্ণের ব্যবস্থা দ্বারা সমগ্র জাতিতে শৃঙ্খলা স্থাপিত হইয়াছে। দ্বিতীয়তঃ, ব্রহ্মচর্য্য, গার্হস্থ্য, বানপ্রস্থ, ও সন্ন্যাস এই চারি আশ্রমের ব্যবস্থা দ্বারা মানবজীবনের ব্যক্তিগত শৃঙ্খলা-স্থাপন সহজ হইয়াছে। এইরূপ সুনিয়ন্ত্রিত জীবন ধাপন করিলে মানব সমুন্নত, সমৃদ্ধ ও কর্মে মহীয়ান হইতে পারে।

জীবনের প্রথম ভাগে ব্রহ্মচর্য্যব্রত-পালনে জীবনের ভিত্তি দৃঢ় হইলে দ্বিতীয় ভাগে বিবাহ করিয়া গার্হস্থ্য আশ্রমে প্রবেশ করিতে হইবে। জীবনের দ্বিতীয় ভাগে কেহই অবিবাহিত থাকিতে পারিবে না। হিন্দুশাস্ত্রের উক্তি এই,—“অনাশ্রমী ন তিষ্ঠত্ব

(১) “অরুদ্ধত্যবরুদ্ধাহমস্মি।” মহর্ষি বশিষ্ঠের পত্নী অরুদ্ধতী নন্দ্রলোকে অবস্থিত। সপ্তর্ষিমণ্ডলের একটা নন্দ্রের অতি নিকটে আর একটা ক্ষুদ্র নন্দ্র দৃষ্ট হয়, ইহাই অরুদ্ধতী। এই দুইটা নন্দ্রকে যুগ্মতারকা (double star) বলা হয়।

## ভারতের নারী

কণমাত্রমপি বিধঃ ।” কোন মানবই আশ্রমহীন হইয়া থাকিবে না। সকল মানবকেই অধিকারক্রমে উক্ত চারি আশ্রমের যে-কোনও আশ্রমে থাকিতে হইবে। অবিবাহিত পুরুষ ও স্ত্রীলোক চিত্তশৈথিল্য ও গাভীর্ষ্যলাভ করিতে সক্ষম হয় না। শুদ্ধ-চরিত্রের হইলেও অনেক সময় অনেকে তাঁহাদিগকে বিশেষ সন্দেহের চক্ষে দেখিয়া থাকেন। অতএব ব্রহ্মচর্য আশ্রমের পর গার্হস্থ্য আশ্রম (বিবাহ) করিতেই হইবে। জার্মানী প্রভৃতি ইউরোপের কতক দেশে সেই কারণেই এখন আইন প্রণয়ন করিয়া, শাস্তির ভয় দেখাইয়া নর ও নারীকে বিবাহবন্ধনে আবদ্ধ করা হইতেছে। কোনও কোনও দেশে সহস্র সহস্র যুবক-যুবতীর বিবাহের ভার স্বয়ং গভর্নমেন্ট বহন করিতেছেন। উদ্দেশ্য—সামাজিক শৃঙ্খলা-স্থাপন।

পুরুষের পক্ষে বিবাহ যেমন অপরিহার্য, নারীর পক্ষেও বিবাহ তেমনি অপরিহার্য। সংসারে পণ্ডিত ব্যক্তি, নারী এবং লতা আশ্রয় ভিন্ন থাকিতে পারে না।<sup>১</sup> আশ্রয় ভিন্ন উহাদের পূর্ণ বিকাশ হয় না। গুণী বা ধনীর নজরে না পড়িলে পণ্ডিতের পাণ্ডিত্য বিকশিত হয় না। বৃক্ষ বা অপর কোনও অবলম্বন না থাকিলে লতার জীবন যেমন চলিতে পারে না, তেমনি বাল্যে পিতার, যৌবনে স্বামীর ও বার্ককে্য পুত্রের আশ্রয়ে না থাকিলে নারীর নারীত্ব ফুটিয়া উঠে না।<sup>২</sup> অতএব, সংসারে স্বামীর আশ্রয় স্ত্রী, স্ত্রীর আশ্রয় স্বামী।

কেহ কেহ বলেন—বিবাহে স্বামীর যেমন অধিকার, স্ত্রীরও তেমনি অধিকার, অর্থাৎ বর যেমন কন্যাকে বিবাহ করে, কন্যাও সেইরূপ বরকে বিবাহ করে। কিন্তু হিন্দুর চিন্তাধারার ইহা অতি আধুনিক, অথচ ইহা বৈদেশিক অনুকরণ। হিন্দুশাস্ত্র বলেন, বিবাহের বর স্বয়ং কর্তা, কন্যা কণ্ম এবং সম্প্রদানকারী কন্যাদাতা। সম্প্রদাতা হইতে বর কন্যাকে ভার্য্যরূপে গ্রহণ করিলেন। পাত্রী পাত্র কর্তৃক গৃহীতা হইলেন এই কারণেই পত্নী পাণিগৃহীতা; পাশ্চাত্য দেশেও বরই কন্যার বিবাহকর্তা কারণ

(১) “বিনাশ্রয়ং ন তিষ্ঠেৎ পণ্ডিতা বনিতা লতাঃ।”

(২) পিতা রক্ষতি কৌমারে ভর্তা রক্ষতি যৌবনে।

পুত্রো রক্ষতি বার্ককে্যে ন স্ত্রী স্বাতন্ত্র্যমর্হতি।

## বিবাহ

বিবাহের পরেই পাত্রীর উপাধি পরিবর্তিত হইয়া পতির উপাধিতে পরিণত হয়। গতকল্য যিনি ছিলেন মিস্ এমেলিয়া ( Miss Emelia ), অথ তিনি মিসেস্ টমসন্ ( Mrs. Thompson )। আমাদের দেশেও গতকল্য যিনি ছিলেন ভরদ্বাজগোত্রীয়া, বিবাহের পর তিনি হইলেন শান্তিলাগোত্রীয়া; গতকল্য যিনি ছিলেন মিস্ রায়, ( Miss Roy ), আজ তিনি মিসেস মজুমদার ( Mrs. Mazumdar )। অতএব দেখা যাউতেছে সকল দেশেই পত্নীর আশ্রয় পতি।

এরূপ পরম্পর সম্বন্ধ থাকিলেও, আমাদের দেশের নারীর মৰ্যাদার তুলনা হয় না। হিন্দুর যে কার্যে নারীদের সম্মান দেওয়া হয় না, সে কার্য বিফল; যে কার্যে নারী সম্মানিতা হন, সেই কার্যে দেবতার আশীর্বাদ বর্ষিত হয়।<sup>১</sup>

আমাদের দেশে পিতা স্বর্গ, পিতা ধর্ম, পিতাই পরম তপস্বী; কিন্তু মা পিতা অপেক্ষাও গরীয়সী, যেহেতু তিনি গর্ভে ধারণ করেন ও পালন করেন।<sup>২</sup> মাতার স্নেহের তুলনা নাই। বিবাহিতা স্ত্রীর একমাত্র গুরু পতি। পুত্রের পক্ষে মাতাপিতা মহাগুরু, স্ত্রীর পক্ষে স্বামীই মহাগুরু, স্বামীই সর্বস্ব। আবার স্বামীর পক্ষেও স্ত্রী শ্রেষ্ঠতম সখা এবং ধর্ম, অর্থ ও কাম এই ত্রিবর্গের মূল।<sup>৩</sup> মহাকবি কালিদাসের উক্তিতে গৃহিণী মন্ত্রণাদানে মন্ত্রী, পরম্পর অবস্থান সময়ে প্রিয়তমা সখী, ললিতকলাতে প্রিয়শিষ্যা।<sup>৪</sup>

পতি-পত্নীর প্রধান লক্ষণ এই যে, সদৃশ পতি সদৃশী পত্নী গ্রহণ করিবেন। পতি হইবেন অবিপ্লুত ব্রহ্মচারী, অর্থাৎ যাহার ব্রহ্মচর্য্যব্রত ভঙ্গ হয় নাই, যিনি আজ পর্য্যন্ত কখনও অসংঘমের পরিচয় দেন নাই। আর পত্নী হইবেন কুমারী অর্থাৎ অপুরুষপৃষ্টা

- 
- (১) যত্র নাশ্যস্ত পূজ্যস্তে রমস্তে তত্র দেবতা।  
যত্র তাস্ত ন পূজ্যস্তে সর্বাশ্তত্রাকলাঃ ক্রিয়াঃ ॥ ( মনু )
  - (২) “গর্ভধারণপোষাভ্যাং তাতান্নাতা গরীয়সী।”  
“পিতুরপ্যাধিকা মাতা গর্ভধারণপোষণাৎ।”
  - (৩) অর্কাং ভার্যা মনুষ্যস্ত ভার্যা। শ্রেষ্ঠতমঃ সখা।  
ভার্যা মূলং ত্রিবর্গস্ত যঃ সভার্যাঃ সবন্ধুমান্ ॥
  - (৪) গৃহিণীঃ সচিবঃ সখী মিথঃ প্রিয়শিষ্য ললিতো কলাবিদো।

## ভারতের নারী

কোনও কোনও দেশে কচিং দেখা যায়, পাত্রীর বয়স পাত্র অপেক্ষা অনেক বেশী ; কিন্তু আমাদের দেশে বর ও কন্যার বয়স নিয়মিত আছে। পাত্র চব্বিশ বৎসর পর্যন্ত ব্রহ্মচর্য্য পালনপূর্ব্বক বিজ্ঞাশিক্ষা করিবে, তারপর বিবাহ করিবে। শাস্ত্রকারগণ বলেন—তেইশ বৎসর তিন মাসের পরেই গর্ভাবস্থানের নয়মাস সহ চব্বিশ বৎসর ধরিতে হয়। কন্যার বয়স নানা রকম নির্দিষ্ট থাকিলেও ঋতুমতী হওয়ার পূর্ব্ব পর্যন্ত বয়সই ঋষিদের অভিপ্রেত। “অত উর্দ্ধং রজস্বলা” এই বাক্যদ্বারা রজস্বলা কন্যার বিবাহ নিষিদ্ধ হইয়াছে। যৌবন-বিবাহের বিষয় ফলে পাশ্চাত্য দেশ উর্দ্ধকরিত ও অল্পতপ্ত। কালক্রমে আমাদের দেশেও সেই বিষ সংক্রামিত হইয়াছে।

ব্রাহ্ম, দৈব, আর্ষ, প্রাজাপত্য, আত্ম, গাঙ্কর, রাক্ষস ও পৈশাচ—এই আট প্রকার বিবাহ। তন্মধ্যে রাক্ষস-বিবাহে বা পৈশাচিক বিবাহে বয়সের বিচার নাই, কালকাল জ্ঞান নাই, পাত্রপাত্রীর সাদৃশ্য দেখা হয় না। ইহাতে যথেষ্ট আচরণ, উচ্ছৃঙ্খল ব্যবহার মাত্র পরিলক্ষিত হয়। এই কারণেই ধর্ম্মের দেশে, পুণ্যের দেশে ঋষিশাসিত এই ভারতবর্ষে অষ্ট প্রকার বিবাহের মধ্যে ব্রাহ্ম বিবাহই বর্তমান কালের উপযোগী বলিয়া সর্ব্বাপেক্ষা অধিক সম্মানিত হইয়া আসিতেছে। পিশাচের স্ত্রায় মতিগতি যাহাদের তাহাদের দ্বারাই পৈশাচিক বিবাহ সংঘটিত হয়।

অধুনা যাহারা উন্নত ও শিক্ষিত বলিয়া গর্ব্ব করেন, সেই সকল সমাজে পণের টাকার দাবীতে কন্যার বিবাহ ‘কন্যাদায়’ রূপে বিভীষিকাময় হইয়া দাঁড়াইয়াছে। বহু বাদ-প্রতিবাদে জনহিতকর নানা সভার অস্থানে পণপ্রথা ক্রমশঃ হ্রাস পাইতেছে বটে, কিন্তু অতি দ্রুত ইহার সমূল উচ্ছেদ বাঞ্ছনীয়। বড়ই পরিতাপের বিষয়—সংস্কারের ছলে হিন্দুসমাজের নানা দিক্ হইতে নানা রকমের বিপ্লব ঘটিতেছে ; কিন্তু প্রকৃত গলদ যেখানে তাহার তো কোন প্রতিকার হইতেছে না। পবিত্র কল্যাণপ্রদ বিবাহব্যাপারে ঘরে বাহিরে উৎপীড়ন ! তথাপি আমরা যেন ইহাকে মনে প্রাণে চিরকাল পবিত্রই মনে করি।



## সংসার

সংসার বলিতে আমরা দুইটি অর্থ বুঝি ; প্রথম অর্থ—গৃহ, দ্বিতীয় অর্থ—বিশ্বব্রহ্মাণ্ড । গৃহ শব্দের প্রধান তাৎপর্য যে গৃহিণী, ইহা আমরা ‘বিবাহ’ প্রসঙ্গে উল্লেখ করিয়াছি । সংসার বলিতেই যে গৃহকে বুঝায়, তাহার একটু ব্যাপক অর্থও আছে । অর্থাৎ স্বামী, স্ত্রী, পুত্র, কন্যা, মাতা, পিতা প্রভৃতি দ্বারা সমগ্র পরিবারই সংসার ।

বিবাহের পর পতি ও পত্নীর যে ‘ঘরকন্না’ আরম্ভ হয়, তাহাতেই সংসারের সূত্রপাত হয় । যে সংসারে ভার্য্যা দ্বারা ভর্তা সন্তুষ্ট, ভর্তা দ্বারা ভার্য্যা সন্তুষ্ট, সেই সংসার কল্যাণের মন্দির, সুখের আলায় । স্বামীর প্রতি স্ত্রীর কর্তব্য এবং স্ত্রীর প্রতি স্বামীর কর্তব্যসমূহ যথাযথ প্রতিপালিত হইলে সংসার স্বর্গের স্থায় সুখের স্থান হইয়া থাকে ।

হিন্দুশাস্ত্রের বিধিপ্রণয়নের উদ্দেশ্য সামাজিক ও জাগতিক কল্যাণ-সাধন । সেই শৃঙ্খলাবন্ধনের দিক্ দিয়া বুঝাইতে হইলে সংসারকে বলিতে হয় গার্হস্থ্য আশ্রম । এই ‘আশ্রম’ শব্দটির উল্লেখে হিন্দুর মনে স্বভাবতঃই একটা পবিত্র ভাব জাগিয়া উঠে । এই সংসারের সকল কার্যই যেন পবিত্রভাবে সম্পন্ন হয়, ইহাই সংসারী লোকের কামনা ।

সংসারশ্রমে প্রবেশের পর পুত্রকন্টার মুখদর্শন ধর্মের অঙ্গ । পুত্র ইহকালের অবলম্বন এবং পরকালের সহায় । ধর্মনিষ্ঠ হিন্দু জন্মান্তর বিশ্বাস করে, কাজেই পুত্রের নিকট হইতে পিতৃপ্রাপ্তির ভরসা রাখে ।<sup>১</sup>

সংসারে যাবতীয় কাজই সন্তোষের সহিত অতিশয় সংযতভাবে সম্পন্ন করিতে হয়—তবেই সুখ, তবেই সংসারীর আনন্দ । অসন্তোষের সহিত অসংযত অবস্থায় দিন যাপন করিলেই পরম দুঃখ ।<sup>২</sup>

আজকাল শিক্ষিত ব্যক্তিগণের মধ্যে এক সংসার জন্মিয়াছে ;—তাঁহারা বিবাহ বা সংসার করিতে ইচ্ছুক নন । তাঁহারা পরিবার প্রতিপালনের অক্ষমতা সত্ত্বে

(১) পুত্রার্থং ক্রিয়তে ভার্য্যা পুত্রপিওপ্রয়োজনম্ ।

(২) সন্তোষঃ পরমাস্বায় সুখার্থী সংযতো ভবেৎ ।

সন্তোষঃ সুখমূলং হি দুঃখমূলং বিপর্যয়ঃ ॥

## ভারতের নারী

অজুহাত দেন। আর্ধ্যধর্মের আদর্শ—স্বথ ভোগে নহে, স্বথ সংঘমে; শাস্তি—ঐর্ষ্যের ভোগ লালসায় নহে, ত্যাগে; ধর্মসাত্ত—স্বরম্য হর্ম্যে নয়, সুপবিজ্ঞ কুটীরে, অর্থাৎ আশ্রমে।

সংসারশ্রম অতি কঠোর। এখানে সংঘম, ত্যাগ, তিতিক্ষা সকলই কঠোর সাধন-সাপেক্ষ। সংসারী মানব পাঁচটা ঋণের ভার লইয়া জন্মগ্রহণ করে। তন্মধ্যে দেবঋণ, ঋষিঋণ ও পিতৃঋণ এই তিনটা প্রধান। ব্রত-পার্বণ, যাগ-যজ্ঞ, পূজা ও উপবাসাদির দ্বারা দেবঋণ পরিশোধ হয়। নিজের যে বিদ্যাটা ভালরূপ আয়ত্ত আছে, সেই বিদ্যা অপরকে দান করিলে ঋষিঋণ শোধ হয়; কোন বিদ্যা না থাকিলে ধনী ব্যক্তির পক্ষে বিদ্যার উৎকর্ষের নিমিত্ত ধনদান দ্বারাও ঋষিঋণ শোধ হয়।<sup>১</sup> পুত্রোৎপাদন দ্বারা পিতৃঋণ শোধ হয়; এই পুত্র পিতৃপিতামহের তৃপ্তিসাধন করিবে, অসম্পূর্ণ পিতৃকার্য সম্পূর্ণ করিবে, তর্পণ করিবে।<sup>২</sup>

উদ্যম, উচ্ছৃঙ্খল, অসংঘত, অসদাচারী, পিতামাতার প্রতি ভক্তিহীন পুত্র পিতামাতার বা সমাজের কাহারও তৃপ্তিসাধন করিতে পারে না। একরূপ স্থলে একাধিক পুত্র প্রয়োজন।<sup>৩</sup> সংপুত্র কুলের ভূষণ। সংপুত্র দ্বারা পিতৃপুরুষ তৃপ্ত হন, বংশ সমৃদ্ধ হয়। এইরূপ পুত্রই মাতাপিতার সুখের কারণ।

অধুনা কাল-প্রভাবে এবং বিজ্ঞাতীয় শিক্ষার প্রভাবে ধনী, মামী, গুণী অথচ সম্পত্তিশালী গৃহস্থ সংসারশ্রমে প্রবেশ করিয়া সন্তানের পিতা হইতে অনিচ্ছুক এবং তাহাদের পত্নীগণও সন্তানের জননী হইতে নারাজ। অবশ্য এই শ্রেণীর মনোবৃত্তিসম্পন্ন পুরুষ অপেক্ষা নারীর সংখ্যাই অধিক। কতক নারী সন্তানের জননী হইতে পছন্দ করেন না। তাঁহারা ভোগ বা বিদেশের ঘণ্য অনুকরণ পছন্দ করেন।

(১) পঞ্চঋণ—দেবঋণ, ঋষিঋণ, পিতৃঋণ, নরঋণ, ভূতঋণ। সাংসারিকগণের প্রত্যহ পঞ্চমহাযজ্ঞ দ্বারা পঞ্চঋণের শোধ হয়।

(২) “পুং” নামে একটা নরক আছে। মৃত্যুর পর পিতার সেই নরকে পতনের সম্ভাবনা থাকে। পুত্র যথাবিধি পিতৃকার্য করিলে পিতার সেই অধোগতি হয় না। পুং + জৈ ধাতু + ড = পুত্র।

(৩) এষ্টব্যা বহবাঃ পুত্রাঃ যত্বপোকো গয়াং ব্রজেৎ।

বজ্রচৈবাম্মেধেন নীলং বা বৃষমুৎসজেৎ ॥

পক্ষান্তরে, অশিক্ষিত নিঃস্ব ব্যক্তির গৃহে প্রার্থনার অতিরিক্ত পুত্রকণ্ঠা জন্মগ্রহণ করে। গ্রাসাচ্ছাদনের ব্যবস্থা নাই তবু আশাতীত সন্তান। অশিক্ষিত মাতাপিতার দীর্ঘ-দরিদ্র সহস্র সন্তানে দেশ পরিপূর্ণ হইবে, আর শিক্ষিত ও ধনী ব্যক্তির একটি সন্তানও দেশোজ্জ্বল করিবার জন্ত জন্মগ্রহণ করিবে না! ইহাই কি সংসারাত্মকের উদ্দেশ্য বা বিধাতার অভিপ্রায়?

যৌথ পরিবারের সকলেই একান্ববর্তী থাকায় সংসারের বন্ধন দৃঢ় দেখা যায়, আর যেখানে শুধু স্বামী ও স্ত্রীকে লইয়া সংসার, সেইখানে ব্যষ্টিগত সুখ-শান্তি থাকিলেও সমষ্টির সুখ নাই, গোষ্ঠীর আনন্দ নাই; আছে শুধু বেকার-সমস্তার, তীব্র হাহাকার, সমস্তা-সমাধানের ব্যর্থ আন্দোলন।

হিন্দু গৃহস্থের পরিজনবর্গ গজা, গীতা, গায়ত্রী, গো, গয়া ও গদাধর এই ছয়টি বিষয়ে ভক্তি-শ্রদ্ধা রাখিলে সংসারাত্মকের মধুর ফল আন্বাদন করিতে পারিবেন। গজা বলিতে ভারতবর্ষের পবিত্রসলিলা নদীর প্রতি শ্রদ্ধা। গীতা—সর্ব বেদ-বেদান্তের সার,—পৃথিবীর শ্রেষ্ঠ গ্রন্থ। গায়ত্রী অর্থে সন্ধ্যা-উপাসনা, কল আত্মশুদ্ধি, মনঃস্থিরতা। গো—সপ্ত মাতার এক মাতা। গয়া বলিতে যে কোনও তীর্থে বিশ্বাস। গদাধর অর্থে ভগবানে বিশ্বাস, আন্তিকতা। সংসারী ব্যক্তির প্রথম কর্তব্য—রক্ষা,—মাতাপিতা, পুত্রকণ্ঠা, স্ত্রী ও আত্মরক্ষা, পরে বিশ্বব্রহ্মাণ্ডের রক্ষা।

সংসার শব্দের দ্বিতীয় অর্থ বিশ্বব্রহ্মাণ্ড বলা হইয়াছে। ক্ষুদ্র সংসারের সঙ্গে সম্যক পরিচয় হইলে পরে সেই বিরাট সংসারের সন্ধান লইতে হয়। “উদারচরিতানাঙ্ক বসুধৈব কুটুম্বকম্,” যাঁহারা উদার চরিত্র, তাঁহাদের নিকট মাতা পার্শ্বতী দেবী, পিতা স্বয়ং দেবাদিদেব মহেশ্বর, সংসারে যত সচ্চরিত্র ব্যক্তি তাঁহারা ই বাসব এবং তিন ভুবনই সংসার ( বা স্বদেশ ) রূপে সম্মানিত হয়।<sup>১</sup>

আজকাল নীতিবাদীদিগের চক্ষে আপন স্ত্রী-পুত্রের সুখ-স্বাচ্ছন্দ্যবিধান স্বার্থপরতার মধ্যে পরিগণিত হইয়া পড়িয়াছে। পরসেবা, স্বার্থত্যাগ ইত্যাদি মহান্ আদর্শের

(১) মাতা মে পার্শ্বতী দেবী পিতা দেবোমহেশ্বরঃ ।

বাসুধাঃ শিবভক্তানাঞ্চ স্বদেশো ভুবনত্রয়ন্ ॥

## ভারতের নারী

অনুসরণে লোকচক্ষে সংসার-পালন বড়ই ক্লম হইয়া পড়িয়াছে। কিন্তু স্থিরচিত্তে পর্যালোচনা করিলে ইহাও যে সংসারের মহাব্রতেরই শ্রেষ্ঠ সাধনা, তাহা স্পষ্টই প্রতীয়মান হইবে। সৃষ্টির সহায়তার জন্যই মানব-সৃষ্টি, একথা স্বীকার করিলে যে-কোন প্রকারে—স্বীয় পুত্রকন্ঠা রূপেই হউক, অথবা যে-কোন রূপেই হউক—জগৎ পালন করাই ভগবৎ উদ্দেশ্যসাধন ভিন্ন আর কি হইতে পারে? মানব ভগবদস্ত শক্তি লইয়াই সংসারকার্য্য করিয়া থাকে। তিনি যাহাকে যে প্রকার শক্তি দিয়াছেন, সে সেই প্রকার কার্য্যই করিবে। সুতরাং যে পোস্তগণ পূর্ণ-মুখাপেক্ষী, সর্বপ্রকারে তাহাদের সুখ-স্বাচ্ছন্দ্য বিধান করা আমাদের সর্বপ্রথম কর্তব্য মধ্যে পরিগণিত হওয়া উচিত।

## সংসার-সম্রাজ্ঞীর কর্তব্য

আমাদের গার্হস্থ্য-জীবনে সাংসারিক কার্য্যের বিধি-ব্যবস্থা একমাত্র স্ত্রীজাতির উপর নির্ভর করে। বৃহৎ বা ক্ষুদ্র সকল সংসারেই গৃহিণীপনা করা একটা সাম্রাজ্যপালনের দায়িত্ব বলিলেও অত্যাঙ্কি হয় না। প্রত্যেক নববধু তাঁহার কিশোর জীবনেই উক্ত পদে প্রতিষ্ঠিতা হন। পৃথিবীর সাম্রাজ্য পালন করিবার জন্য সকল দেশে সকলেই যেমন পূর্ণ আগ্রহে সম্রাট অথবা সম্রাজ্ঞীর অভিষেকক্রিয়া সম্পন্ন করেন এবং সেই অভিষিক্তকে তাঁহাদিগের ভাবী সুখ-দুঃখের বিধাতা বলিয়া মনে করেন, হিন্দুগণও সেইরূপ বিবাহ-উৎসবরূপ অভিষেকে নববধুকে সংসারের ভাবী কর্তারূপে পরমাগ্রহে বরণ করিয়া গৃহে লয়েন। যেমন রাজ্যের অধিবাসিগণ তাঁহাদের অভিষিক্তা সম্রাজ্ঞীর অভিষেককালীন সামান্য আচরণ হইতেই তাঁহার ভাবী কর্তব্যপালনের বিষয় স্থির করিয়া লয়েন, সেইরূপ নববধু বালিকা অবস্থায় নানাবিধ আমোদ-প্রমোদের মধ্যে যখন খুশুরগৃহে প্রবেশ করেন ও যে কয়দিন খুশুরগৃহে থাকেন, তাঁহার সেই কয়দিনের সামান্য সামান্য আচার-ব্যবহার দেখিয়া গৃহস্থগণ তাঁহার ভাবী গৃহিণীপনার বিষয় বুঝিতে

## সংসার-সম্রাজীর কর্তব্য

পারেন। সম্রাজীর যেমন নিজের সুখস্বচ্ছন্দ্য, আনন্দ-কৌতুক বিসর্জন দিয়া আশ্রিত প্রজাগণের উন্নতি ও সুখবিধান করা একমাত্র কর্তব্য, সংসার-সম্রাজীরও সেইরূপ নিজের সুখ-শান্তি ত্যাগ করিয়া একমনে সমগ্র পরিবারস্থ আত্মীয়-স্বজন, অমুগত অভ্যাগত, সকলেরই তৃপ্তিসাধন করা একমাত্র লক্ষ্য হওয়া উচিত। সংসারের লোক কেবলমাত্র নববধুর রূপ দেখিয়া মুগ্ধ হইবেন না, তাঁহার আচরণ, কথাবার্তা, চালচলন, ভাবভঙ্গী প্রভৃতি লক্ষ্য করিয়াই তাঁহার প্রতি অমুরক্ত ও বিরক্ত হন। ভবিষ্যৎ জীবনে যাহাকে যে পথ অবলম্বন করিয়া জীবনযাত্রা নির্বাহ করিতে হইবে, জ্ঞানোদয়ের পর হইতেই তাঁহার সে বিষয়ে সর্বপ্রথমে শিক্ষালাভ করা শ্রেষ্ঠ কর্তব্য। পিতৃগৃহে অবস্থানকাল হইতে সংসারের কর্তৃত্ব গ্রহণের পূর্ব পর্য্যন্ত স্ত্রীজাতির গৃহকর্মে সর্বাত্মক নিপুণতা লাভ করা উচিত। বিশেষতঃ, আমাদের দেশে বিবাহের পূর্বকাল পর্য্যন্ত গৃহকর্মে অনভ্যস্ত থাকিলে এবং আমোদ-প্রমোদে দিন কাটাইলে চলে না, বিবাহান্তে সংসারের গুরুভার-বহনোপযোগী সমুদয় শিক্ষা পিতৃগৃহে পূজনীয়গণের নিকট হইতেই বিশেষরূপে শিক্ষা করিতে হয়। স্বশুরগৃহে শান্তুড়ী প্রভৃতি পূজনীয়গণের নিকট হইতে সমুদয় শিক্ষালাভ করিবেন সেরূপ সুযোগ পূর্ণমাত্রায় সকলের না ঘটিতে পারে; শান্তুড়ীশূন্য বা কজাহীন গৃহেও অনেকের বিবাহ হইতে পারে; সুতরাং পিতৃগৃহ হইতেই এ বিষয়ে শিক্ষালাভ করা সকলেরই উচিত।

প্রত্যেক বালিকারই জ্ঞানবিকাশের পর হইতে বিবাহের পূর্ব পর্য্যন্ত যেমন সংসারের সমস্ত বিষয়ের জ্ঞান অর্জন করা উচিত সেইরূপ বিবাহের পরও সেই জ্ঞান কার্যে পরিণত করা উচিত। নববধু ভাবিবেন, “বিবাহের সময়ে সকলে যেমন বড় আশায় হাসিমুখে আমাকে বরণ করিয়া লইবেন, আমার আচরণে তাঁহাদের সে হাসি যেন জীবনে না ফুরায়; যে আশায় আমাকে সংসারে বরণ করিবেন, আমার অসদাচরণে তাঁহাদের সে আশা যেন কখনও ভঙ্গ না হয়। স্বশুরগৃহে আগমন করিলে যখন সকলে মুখ দেখিবার জন্য আসে, তখন আমার যেমন মনে হয়, আমার এ মুখখানি যেন সকলের নিকটেই সুন্দর হয়, সেইরূপ আমার সমগ্র জীবনে আমার মুখ, আমার আচরণ, আমার স্মৃতি যাহাতে সকলের নিকট তুল্য তৃপ্তিপ্রদ থাকে, প্রাণপণে সে চেষ্টা করিতে হইবে। পাঁচটা লইয়া সংসার; সংসারের পাঁচজন পাঁচরকমের হইতে পারে; তাহাদের আদর্শ

## ভারতের নারী

লইয়াই আমার জীবন গঠন করিলে চলিবে না। অপরের আচরণ বা ব্যবহার যে রূপই হউক না কেন আমার কর্তব্য যথাসাধ্য আমায় পালন করিতেই হইবে।”

সংসার অল্পসারে সংসারের কাজের ব্যবস্থা নানারূপ হইলেও আমরা সংসারের মোটামুটি কয়েকটি কর্তব্যের কথা উল্লেখ করিতেছি :—

প্রত্যুষে অল্পাঙ্গ পরিষ্করণের উঠিবার পূর্বেই শয্যা ত্যাগ করা কর্তব্য ; সংসারের পূজনীয় বা পূজনীয়গণ যেন কোনক্রমেই তোমাকে সূর্যোদয়ের পরে নিদ্রিতা দেখিবার অবসর না পান। গৃহ ও অঙ্গনাদি মার্জনাতে স্নান করিয়া শ্রদ্ধা বা গৃহকর্তীর নিকট গমন করিয়া তাঁহার আদেশমত রন্ধনাদি কার্যে ব্যাপৃত হইতে হইবে। সর্বাস্তঃকরণে ও বিশেষ পরিষ্কার-পরিচ্ছন্নতার সহিত রন্ধন-কার্যাদি সম্পন্ন করা প্রয়োজন। আহারকালে সকলকে যথাযোগ্যরূপে পরিবেশন ও ভোজনাতে তাঁহাদের আবশ্যিকমত দ্রব্যের ব্যবস্থা করিয়া সজ্জা-বন্দনাদি কার্য শেষ করিবে ; সর্বশেষে নিজে আহার করা কর্তব্য। আহারাতে গৃহের দ্রব্যাদি যথাস্থানে রক্ষা করিয়া শ্রদ্ধামাতা ও গুরুজনদের প্রীতির জন্য সেবা দ্বারা তাঁহাদের আনন্দবর্ধন করিবে এবং তাঁহাদিগের নিকট সহপদেশ গ্রহণ করিবে ; অথবা তাঁহাদের নিকট বসিয়া স্মৃতিগ্রন্থাদি পাঠ করা কর্তব্য। মোটের উপর সংসারের সমুদয় লোক তোমার কাছে যাহা আশা করেন, তোমার সাধ্যমত তাঁহাদিগের সে আশা পূর্ণ করিতে কুণ্ঠিত হইও না। সংসারের সমুদয় সুখ-শান্তি নিজের সুখ-শান্তি বলিয়া মনে করিও। বিশেষতঃ আশ্রিত ও অন্তঃগতগণ তোমার ব্যবহারে যেন মনঃকষ্ট না পান। আদর্শ গৃহিণী হইতে হইলে পরিশ্রম-কাতরা হইলে চলিবে না ; পরিশ্রম না করিয়া কে কবে উন্নতি লাভ করিতে পারিয়াছে ? তোমার যখন আবার পুত্রবধু হইবে, সংসার সম্বন্ধে তাঁহাকে শিক্ষা দিয়া, তাঁহারই হাতে সংসারের সমস্ত ভার অর্পণ করিয়া, তোমার শান্ত্তীর ত্রায় তুমিও নিশ্চিন্ত মনে পরিণত বয়সে ভগবদারাধনা করিতে পারিবে।

## স্বামী-দেবতা

হিন্দুরমণীর ইহকাল ও পরকালের একমাত্র আশ্রয় ও গতি স্বামী। স্বামীই রমণীর সর্বময় দেবতা, একথা আৰ্য্যসভ্যতার আদিযুগ হইতে নানা ভাবে, নানা স্থলে বেদ হইতে আরম্ভ করিয়া রজ-পরিহাসমূলক গ্রন্থাদিতেও ভূষোভূষঃ সন্নিবেশিত হইয়াছে। অত্য়াপি হিন্দুমাতেই তাঁহাদের স্ব স্ব কল্পা, কনিষ্ঠা ভগিনী ও অন্যান্য বয়ঃকনিষ্ঠা প্রতিপাল্যাগণকে একথা শতাধিকবার বলেন—সে বিষয়ে সন্দেহ নাই। তবে আমাদের এ প্রস্তাবের পুনরুত্থাপন কেন? তাহার উত্তরে আমরা এই বলি—প্রাচীন যুগে কুশাগ্রমতি আৰ্য্যঋষিগণ অনেক গ্রন্থে মূলমন্ত্র মাত্র রচনা করিয়া তাঁহাদের ভবিষ্যৎ বংশধরগণের জন্ত রাখিয়া গিয়াছেন। দুর্ভাগ্যবশতঃ কালবিপর্য্যয়ে আমাদের এত অল্পমেধা যে, ভাষ্য ও টীকা ব্যতীত এখন তাহা হৃদয়ঙ্গম করিতে পারি না বা নিজে নিজে বুঝিতে গিয়া কদর্থ করিয়া বসি। এস্থলেও “স্বামী সর্বময় দেবতা” এই মূলমন্ত্রের টীকার প্রয়োজন হইয়াছে।

বাল্যকাল হইতে মানব-শিশুর সম্মুখে শিক্ষার যে আদর্শ স্থাপন করা যায়, তাহা প্রকৃতিগত ধর্ম্মানুসারে আমরণ তাহার চিত্তে দৃঢ় অঙ্কিত হইয়া যায়। আদিযুগে আৰ্য্যগণ সর্বদা দেবতাবাপন্ন ছিলেন, তাঁহারা প্রত্যহ দেবতার সান্নিধ্য লাভ করিতেন, তখন দেবতা ও মানবে বিশেষ কোন প্রভেদ ছিল না। কিন্তু কালধর্ম্মে দেবতা ও মানবের মধ্যে স্বর্গমর্ত্য ব্যবধান আসিয়াছে। প্রাচীন আৰ্য্যগণ দেবতাকে যে চক্ষে দেখিতেন, বা দেবতা সম্বন্ধে তাঁহাদের যে ধারণা ছিল, তাহা বর্তমানকালের হিন্দুগণের ধারণা হইতে অনেক ভিন্ন। অধুনা দেবতা ও ভগবানের নাম উচ্চারণে মানব-মনে যে ভাবের উদয় হয়, পূর্বযুগে সে ভাবের উদ্দীপনা হইত না। ইহার কারণ আলোচনা করিলে বুঝিতে পারা যায় যে, কালে কালে আমরা দেব-চরিত্র ও দেব-আদর্শ হইতে এত পিছাইয়া পড়িয়াছি যে, দেবতার নামে আমাদের প্রীতি ও আনন্দের পরিবর্তে ভীতি ও কুণ্ঠার উদয় হইয়া থাকে। সুতরাং সরলচিত্তা অপরিপক্ববুদ্ধি বালিকাগণকে দেবতা কথাটির অর্থ সর্ব্বাগ্রে বুঝাইতে হইবে। কারণ, আজকাল যে অর্থে ও আদর্শে ‘দেবতা’ শব্দ ব্যবহৃত হয়, ‘স্বামী দেবতাস্বরূপ’ একথা

## ভারতের নারী

বলিলে বালিকার মনে স্বামীর প্রতি অকৃত্রিম অহুরাগ ও ঐকান্তিক প্রীতির পরিবর্তে অজানিত শঙ্কা ও অপরিণীম কুণ্ঠার উদয় হওয়া স্বাভাবিক।

দেবতা শব্দের তাৎপর্য—যিনি জীবনে মরণে একমাত্র সহায়; বিপদে সম্পদে একমাত্র অবলম্বন, পার্থিব সর্বকাৰ্য্যে একমাত্র শুভকামী; যিনি আশীর্বাদ করিতে জানেন, অভিশাপ করিতে জানেন না, যিনি সর্বদোষ, সর্বপাপ দূর করিয়া চিত্তকে নির্মল করেন; যিনি আমাদের নিতান্ত আপনায়; যিনি আমাদের কোন অপরাধ গ্রহণ করেন না; যিনি আমাদের জ্ঞানমার্গের শিক্ষক, ভক্তিমার্গের প্রদর্শক ও ক্রীড়ামার্গের সঙ্গী; যিনি আমাদের অন্তরে-বাহিরে থাকিয়া সর্বদা সর্বদীণ কল্যাণ সাধন করিতেছেন, তিনিই দেবতা; তাঁহার কাছে আমাদের গোপনের কিছু নাই, লজ্জার কিছু নাই, সঙ্কোচের কিছু নাই। আমরা বিপথে গমন করিলে তিনি বারণ করেন ও আমাদের সৎপথ দেখাইয়া দেন; বিপদে পড়িলে বুকে টানিয়া লন; ডাকিলে বা না ডাকিলে তাঁহার পবিত্র বাহুর দ্বারা সর্বদা আমাদের বেষ্টন করিয়া রাখেন। তিনি একাধারে আমাদের গুরু, পিতা, ভ্রাতা, বন্ধু ও ক্রীড়ার সার্থী: এমন আত্মীয়, এমন স্বজন, এমন মঙ্গলাকাজ্জী জগতে আমাদের আর কেহ নাই; আমরা দোষ করিলে তিনি রোষ করেন না, অপরাধ করিলে তিনি আমাদের কাছে আসেন না; একরূপ দেবতাই হিন্দুরমণীর স্বামী। এ দেবতা শুধু পূজা-পুষ্পাঞ্জলি পাইয়া নিষ্ক্রিয় থাকেন না, ক্রটি-অপরাধ ধরিতে ব্যস্ত থাকেন না, এ দেবতা শুধু ধ্যানের দেবতা নহেন। অতাবে-অভিযোগে, গুণে ও অগুণে, কর্মে ও অকর্মে ইনি আমাদের নিত্যসঙ্গী, নিত্যসহায়!



## পত্নীত্ব

পূর্ব পরিচ্ছেদে হিন্দুরমণীর স্বামী-দেবতার ব্যাখ্যা করা হইয়াছে। এই পরিচ্ছেদে তাঁহার পূজার মন্ত্র ও সেবার বিধি অর্থাৎ তাঁহার প্রতি কর্তব্যের বিষয় কিছু বলিব। তৎপূর্বে স্বামী-স্ত্রীর সম্বন্ধ-নির্ণয় আবশ্যিক। এক কথায় সংসার-জীবনে—শুধু সংসার-জীবনে কেন—ধর্মজীবনে, ইহকাল ও পরকালে সকল অবস্থায় এবং সর্ববিষয়ে পরম্পরের যে অচ্ছেদ্য ও আনন্দময় চিরসম্বন্ধ ইহাই স্বামী-স্ত্রীর সম্বন্ধ। রাধাকৃষ্ণের যুগলমূর্তি হইলে রাধা অস্তিত্বহীন হইলে কৃষ্ণের কৃষ্ণত্ব থাকে না। আবার কৃষ্ণশূন্য রাধার অস্তিত্বও নাই। স্বামী-স্ত্রীর মধ্যেও পরম্পরে এরূপ অনির্কচনীয় সূক্ষ্ম সম্বন্ধ; সুতরাং স্বামী যদি দেবতা হন, পত্নীও দেবী। অতএব পূজা-পদ্ধতি শুধু সেব্য-সেবিকা ভাব লইয়া নহে; ইহার মধ্যে আনন্দ ও প্রীতির বিকাশ থাকা চাই। মনে পূর্ণ বিশ্বাস থাকা চাই, তুমি যেমন স্বামীর নিষ্ঠাবতী সেবিকা, সেইরূপ তুল্যরূপে তাহার আনন্দ ও প্রীতির পাত্রী। ইহা কতকটা অধ্যাত্ম উচ্চভাবের কথা হইল। এক্ষণে নিত্যনৈমিত্তিক সংসার-জীবনের কার্যাবলী লইয়া আলোচনা করা যাউক। কুমারী অবস্থায় 'সংস্বামী' লাভের জন্য শিব-পূজার বিধি আছে। আমাদের মনে হয় উহা 'সংস্বামী' লাভের জন্য নয়—'সুপত্নীত্ব' লাভের জন্যই উপাসনা। মা পার্বতী যেমন শৈলশিখরে একান্তমনে উপাসনার সর্বত্যাগী জটাবকলধারী শিবকে স্বামীরূপে লাভ করিয়া সুপত্নীত্বের চরমাদর্শ দেখাইয়াছেন সেইরূপ প্রত্যেক হিন্দু-কুমারী 'স্বামী' যে রূপে অবস্থাপন্ন হউন না, তাঁহাকে স্বামীরূপে লাভ করিয়া সর্বপ্রযত্নে তাঁহার তুষ্টিবিশানে যত্নবতী হইয়া চিরদিনের জন্য তাঁহার সহিত মিলিত থাকেন'—কুমারীর শিবব্রতের ইহাই চরম লক্ষ্য।

আমাদের হিন্দুধর্মে স্বামী-স্ত্রীর সম্বন্ধ অচ্ছেদ্য, একথা পূর্বেই বলা হইয়াছে। জন্ম-জন্মান্তরে একই স্বামী ভিন্নরূপে নির্দিষ্ট পত্নীকে গ্রহণ করিয়া থাকেন। হিন্দুর শিক্ষার এমনই উৎকর্ষতা যে, স্বামী যে রূপেই হউন না কেন, পত্নীর নিকট তিনি বরণ্য হইবেনই। সুতরাং স্বামী ভাল হউন কিংবা মন্দ হউন, কুমারীর এ চিন্তা করিবার আবশ্যিকতা নাই। শুভদৃষ্টির পবিত্র মুহূর্ত্ত হইতে স্বামীর প্রতি অচলা শ্রদ্ধা রাখাই হিন্দুরমণীর একমাত্র কাম্য।

## ভারতের নারী

বাসর-ঘর হইতে স্ত্রীজীবনে স্বামীর প্রতি কর্তব্যপালনের প্রথম সূত্রপাত। প্রচলিত প্রথা অনুসারে বাসর-ঘরে পরিহাস-কৌতুক চলিয়া আসিতেছে; তাই বলিয়া সে কৌতুকে পূর্ণ যোগদান নববিবাহিতা বালিকার কর্তব্য নহে। সম্পূর্ণরূপে প্রগল্ভতা বর্জন করিয়া সে কৌতুক লক্ষ্য করিতে হইবে। অনেকক্ষেত্রে এমন হয়, প্রথম মিলনে স্বামী স্ত্রীর নিকট হইতে নানা কথা শুনিবার বাসনা করেন। কিন্তু স্ত্রী যদি প্রগল্ভা বা লজ্জাহীনার গুণ অসকোচে তাঁহার সব কথার উত্তর দান করে, সেটাও কিন্তু স্বামীর নিকট প্রীতপ্রদ হয় না। সুতরাং লজ্জা ও ধীরতার সহিত তাঁহার প্রশ্নের উত্তর করাই যুক্তিযুক্ত।

পিতৃগৃহ হইতে পতিগৃহে প্রথম আগমনে নববধূর সর্ববিষয়ে বিশেষ সতর্কতা আবশ্যিক। শ্বশুরগৃহে পদার্পণ করিয়া প্রথমেই স্বামীর আরাধা দেবী শ্রদ্ধাভার অথবা তাঁহার অবর্তমানে সংসারের গৃহিণীর মনস্তৃষ্টি-সম্পাদন আবশ্যিক; কারণ, তাঁহাদের মুখে পত্নীর সুখ্যাতি শুনিলে স্বামীর আনন্দ হইবে সন্দেহ নাই। নববধূ শ্বশুরগৃহের সকলের সন্তোষ বিধান করিতে সকল সময়েই ব্যস্ত থাকিবেন। কথাবার্তা, চালচলন এবং কার্য-পদ্ধতি সম্পূর্ণ বিনীত ও ভদ্রভাবে সম্পাদন করিতে হইবে; স্বীয় স্বার্থের কোন গন্ধ থাকিবে না। সর্বস্থলেই মনে রাখিতে হইবে—পরিজনবর্গের শান্তিতে আমার শান্তি তাহাদের সুখেই আমার সুখ।

নূতন বিবাহের পর উপহারাদি-প্রদান বর্তমানে একটা প্রথার মধ্যে গণ্য হইয়াছে। স্বামীর অবস্থা সচ্ছল বা অসচ্ছল হউক, নিজের জন্ম কোন দিন কোন জিনিস মুখ কুটিয়া চাহিতে নাই। তিনি নিজে হাতে করিয়া সঙ্কটচিত্তে ষাহা দিবেন, আত্মাদের সহিত তাহা গ্রহণ করিবে। সকলেরই স্বামী যে অবস্থাপন্ন হইবেন তাহা অশা করা যায় না। যদি অদৃষ্টচক্রে স্বামী দরিদ্র হন, সঙ্কট থাকিয়া তাঁহার দরিদ্রতার অংশ গ্রহণ করাই পত্নীর প্রধান কর্তব্য; ধনী পত্নীও যেন বিলাসিতায় মগ্ন না হন। স্বামী বিদ্বান, চরিত্রবান্ ও ধার্মিক হইলে পত্নীর আনন্দের কথা সন্দেহ নাই; স্বামী যদি চরিত্রহীন ও 'বদ্রাগী' হন তাহাতেও পত্নীর কয়ের কিছুই নাই; তখন একমাত্র অবলম্বন—ধৈর্য ও সহিষ্ণুতা। তাঁহার কোন অন্তায় কার্যের প্রতিবাদ করা নববধূর কর্তব্য নহে। যত্ন, আদর, সেবা ও শুশ্রূষার দ্বারা তাঁহার মনকে এমন বশীভূত করিতে হইবে, যেন

তাঁহাকে ছাড়িয়া তাঁহার মন বিষয়াস্তরে উৎক্লিষ্ট হইবার অবসর না পায়। তুই একদিনে সাফল্য-লাভ না-ও হইতে পারে, কিন্তু তাহাতে দুঃখিত হইবার কিছুই নাই। দীর্ঘ সাধনায় সফলতা-লাভ অবশ্যস্বাভাবী। স্বামীর চরিত্র সম্বন্ধে কোন কথা কোন দিন জিজ্ঞাসা করিবে না; শুনিবার আকাঙ্ক্ষাও যেন কোন দিন না হয়। কেহ যদি তাঁহার পরিচয় দিতে আসে, তাহার কথায় কর্ণপাত করিবে না। স্বামী যে-কোন কারণে ক্রুদ্ধ হইলে কোনক্রমে তাঁহার সহিত তর্ক করিবে না। নীরবে তাঁহার ঈপ্সিত কর্মগুলি সম্পন্ন করিবে। পরে রাগ পড়িলে, মিষ্ট কথায়—তাঁহার যদি ভ্রম হইয়া থাকে—বুঝাইয়া দিবে।

কোন কোন নম্র স্বামীর প্রিয়, কোন কোন খাণ্ড স্বামীর বাঞ্ছিত, দৈনন্দিন কার্যের মধ্যে তাহা কৌশলে আনিয়া লইবে। যে-কোন কার্য আদেশের পূর্বেই তাঁহার অভিপ্রায়মত সম্পন্ন করিলে স্বামী অতিশয় আনন্দিত হইবেন। দৈনিক কার্যশেষে শ্রান্তদেহে স্বামী গৃহে আসিলে সর্বকর্ম ত্যাগ করিয়া তাঁহার শ্রান্তি দূর করার ব্যবস্থা করিবে। তাহাতে যদি সংসারের কেহ অসন্তুষ্ট হন বা কিছু বলেন, নীরবে তাহা সহ করিবে। যতক্ষণ তিনি সুস্থতা অনুভব না করেন, ততক্ষণ কার্যাস্তরে গমন করিবে না। গৃহ হইতে যখন স্বামী বহির্গত হইবেন তখন তাঁহার আবশ্যিক জিনিষ-পত্র যথাযথ গুছাইয়া দিবে এবং কোন দ্রব্য লইতে ভুলিয়া গেলেন কিনা তাহা লক্ষ্য রাখিবে।

কদাচ স্বামীর কোন অন্তর কার্যের বিষয় সঙ্গিনী বা অপর কাহারও সহিত আলোচনা করিবে না। যদি কেহ তোমার সাক্ষাতে তোমার স্বামীর নিন্দা করে, স্বামী প্রকৃত দোষী হইলেও প্রতিবাদ করিতে কুণ্ঠিত হইও না। নিন্দাকারী যদি গুরুজন হন সেখান হইতে সরিয়া যাইবে; সাংসারিক কার্যের চিন্তা হইতে স্বামীকে যতদূর সম্ভব অব্যাহতি দিবার চেষ্টা করিবে। ক্লান্ত অবস্থায় অথবা বিবাদগ্রস্ত অবস্থায় কদাচ কোন দুঃসংবাদ বা অপ্রিয় কথা তাঁহাকে শুনাইবে না। স্বামীর প্রতি তোমার যে দৈনন্দিন কাজ তাহা চাকর-চাকরাণী বা অন্য কাহারও উপর ভার না দিয়া যতদূর সম্ভব নিজ-হাতে সম্পন্ন করিবে। সম্ভব হইলে স্বামীর আহ্বারের পূর্বে কদাচ আহ্বায় করিবে না এবং যতদূর সম্ভব গুরুজনের অসাক্ষাতে তাহা সম্পন্ন

## ভারতের নারী

করিবে। স্বামী যতক্ষণ নিদ্রিত না হন, শরীর সুস্থ থাকিলে ততক্ষণ নিদ্রা বাইবে না, তাঁহার সেবাকার্য্যে ব্যাপৃত থাকিবে। প্রত্যহ প্রভাতে শয্যাভ্যাগের পর পদধূলি গ্রহণ করিবে এবং তাঁহার প্রাতঃকৃত্যের সমুদয় আয়োজন করিয়া দিবে। আবশ্যিক গৃহকর্ম্ম এবং স্বামীর প্রয়োজনীয় কার্য্য সম্পাদন না করিয়া কোনরূপ আমোদ বা উৎসবে যোগদান করিবে না; বিশেষ আবশ্যিক হইলে তাঁহার অনুমতি লইবে, এবং যত সত্বর পার প্রত্যাবর্তনের চেষ্টা করিবে। সন্তানাদি হইলে তাহাদের লালন-পালনের মধ্যে স্বামিসেবাটুকু যেন ডুবিয়া না যায়। স্বামীর সর্ব্বকার্য্যে পূর্ণমাত্রায় সহায়ত্ব ও আনন্দ প্রকাশ করা সাক্ষী স্ত্রীর প্রধান কর্তব্য। স্বামীর আদেশসত্ত্বেও কদাচ লজ্জাহীনতার কোন কার্য্য করিবে না। এক কথায় স্বামীর চরিত্র, মনোভাব ও প্রকৃতির প্রতি সবিশেষ লক্ষ্য রাখিয়া প্রতিনিয়ত তাঁহার প্রীতি-উৎপাদনের চেষ্টা করিতে পারিলেই জগতের সর্ব্বজনপ্রশংসিত পত্নী হওয়া যায়।

## শুশ্রূষা-শাস্ত্রের প্রতি কর্তব্য

কুমারী-জীবনের পর স্বামীগৃহে আগমন স্ত্রী-জীবনে একটি সম্পূর্ণ নূতন অঙ্ক। বহু যুগ-যুগান্তর হইতে এ প্রথা প্রচলিত থাকায় বর্ত্তমানে অনেকটা সহজ ও সরল হইয়া আসিয়াছে; তথাপি চিন্তা করিয়া দেখিলে বুঝিতে পারা যায়, এ একটি বড় গুরুতর সমস্যা। সংসার জ্ঞানানভিজ্ঞা, সরলচিন্তা বালিকার পক্ষে সম্পূর্ণ অপরিচিত, অজ্ঞাত এবং বহু বিষয়ে পিজ্জালয় হইতে ভিন্ন ক্রটি ও ভিন্ন প্রথাযুক্ত পরিবারের মধ্যে আসিয়া অত্যন্ত দিনের মধ্যে পরমাখীয়-পরিজনে পরিণত হওয়া যে কত কঠিন, তাহা চিন্তা করিলেও চক্ষে জল আসে। উক্ত বিষয়ে হিন্দুজাতির মধ্যে এমন সহজ সমাবেশ দেখিয়া এ জাতির উপর শ্রীভগবানের যে অনন্ত করুণা আছে, তাহা কোন চিন্তাশীল ব্যক্তিই অস্বীকার করিতে পারেন না। জানি না প্রজাপতির কোন শুভ আশীর্ব্বাদে

## শুভ-শান্তির প্রতি কর্তব্য

এ পুণ্য বন্ধন এত দৃঢ় হয়, যেখানে অন্তর্দেশে বয়ঃপ্রাপ্ত যুবক-যুবতীর 'পূর্ব-পরিচয়' সঙ্গেও মিলনভঙ্গের আইন বিধিবদ্ধ করিতে হইয়াছে। অবশ্য আমরা এ কথা বলিতেছি না যে, এদেশে স্ত্রীমাত্রেই স্বয়ং-সিদ্ধা হইয়া জন্মগ্রহণ করেন। সংসার-জীবনে অশেষবিধ গুণ তাঁহাদের স্বভাবসিদ্ধ হইলেও, সে বিষয়ে যথাসম্ভব উপদেশ দেওয়া ও পন্থা নির্দেশ করা বিশেষ সমীচীন বলিয়া মনে হয়। এ প্রবন্ধে আমরা নারীজাতির পরম শ্রদ্ধার পাত্র শুভ ও শান্তির প্রতি কর্তব্য বিষয়ে কিছু আলোচনা করিব।

বধু প্রথম শুভগৃহে আসিবার পূর্বে প্রায়ই শ্রদ্ধাকুরাণী তাহাকে দেখিবার সুযোগ পান না। সুতরাং রূপে ও লাবণ্যে তাঁহার মনঃপূত হওয়া নববধুর পরম ভাগ্য। আজও পাড়ারগায় এমন দেখা যায়, বধু কুরূপা হইলে শান্তি মঙ্গলাচরণ ও হলুধনি ত্যাগ করিয়া ক্রন্দন করিতেও কুণ্ঠিতা হন না। অথচ সেক্ষণে নববধুর কোন অপরাধই নাই। কারণ, দেহ বা রূপ ভগবদ্রত, আত্মকৃত নহে। যাহা হউক সেক্ষেত্রে বালিকাকে বিশেষ সাবধানতা অবলম্বন করিতে হইবে, শান্তির সহিত প্রথম সাক্ষাতেই এমন ধীর ও করুণ ভাবে তাঁহার পদধূলি লইতে হইবে ও এমন ভঙ্গীতে তাঁহার নিকটবর্তিনী হইতে হইবে এবং সুযোগ হইলে এমন কাতরতার সহিত তাঁহার মুখের দিকে চাহিতে হইবে, যেন তাঁহার স্ত্রীমূলত করুণ হৃদয় গলিয়া যায়। প্রথমবারে যে কয়দিন শুভ গৃহে বাস করিতে হইবে, সে কয়দিন যতদূর সম্ভব শান্তির কাছে থাকিবার চেষ্টা করা প্রয়োজন। যদি মনের ক্ষোভে তিনি কোন কটুকথা কহিয়া ফেলেন, না কাদিয়া অথচ বিশেষ কাতর হইয়া তাঁহার নিকটবর্তিনী থাকিবে ; কদাচ অগুত্র চলিয়া যাইবে না। এই অল্পকাল মধ্যে যতদূর সম্ভব তাঁহার আন্তরিক ইচ্ছা ও প্রকৃতি বিশেষ করিয়া বুঝিয়া লইয়া সেই মত চলিতে চেষ্টা করিবে। ভবিষ্যতে তাঁহার প্রিয়কার্যগুলি অক্ষুণ্ণ করিয়া ও অপ্রিয় কার্য পরিত্যাগ করিয়া যাহাতে তাঁহার মনস্তপ্তি সম্পাদন করিতে পার, সে বিষয়ের সূত্রপাত প্রথম যাত্রায় করিয়া আসিবে। স্ত্রীলোকেরা স্বভাবতঃ 'আত্মীসতা'কে বড় ভালবাসেন ; সুতরাং সর্ককার্যে ও সর্কস্বর্গে সেই 'আত্মীসতা' যতদূর দেখাইতে পার, তাহার জন্ম প্রাণপণে চেষ্টা করিবে। এ সময়ে নববধুর সর্কদাই মেয়েদের মধ্যে থাকিতে হয়, সুতরাং

## ভারতের নারী

খণ্ডের সহিত সাক্ষাতের বিশেষ অবসর হয় না। সাক্ষাৎ হইলে কণ্ঠার গায়, অথচ লজ্জার সহিত আলাপাদি করিবে।

পিত্রালয়ে আসিয়া খণ্ডর ও শাশুড়ীকে ভক্তি ও সম্মানের সহিত গৃহের কুশলাদি জিজ্ঞাসা করিয়া পত্র দিতে বিশ্বত হইও না। তাঁহাদের কোন অপ্রিয় আচরণের কথা পিত্রালয়ে আসিয়া, এমন কি পিতামাতার নিকটও প্রকাশ করিবে না।

প্রথম ঘর-সংসার করিতে গিয়া বহু পরিচিতা-কণ্ঠার গায় খণ্ডর ও শাশুড়ীর সম্মুখে উপস্থিত হইবে এবং সঙ্কোচ ত্যাগ করিয়া ষতদূর সম্ভব প্রীতি ও ঘনিষ্ঠতার সহিত তাঁহাদের সহিত কথাবার্তা করিবে। শাশুড়ীর হাতের কাজ তাঁহার নিষেধ-সত্বেও হাসিমুখে সর্বদা করিবার জন্য প্রস্তুত থাকিবে এবং তাঁহার দৈহিক স্বচ্ছন্দতার প্রতি লক্ষ্য রাখিবে। যথাসময়ে জলখাবার গুছাইয়া দেওয়া, বিছানা পাতিয়া দেওয়া, কাপড় কাচিয়া দেওয়া এবং শুকাইয়া তাহা যথাস্থানে রাখা, তাঁহার পূজাদির আয়োজন করিয়া এবং দেওয়া অবসরমত কাছে বসিয়া তাঁহার হাত-পা টিপিয়া দেওয়া ও রামায়ণ-মহাভারত প্রভৃতি পাঠ করিয়া শুনান—ইত্যাদি নিত্য-নৈমিত্তিক কার্য্য ষত্নের সহিত সম্পন্ন করিবে। যাহাতে তিনি কিছু বলিবার পূর্বেই তাঁহার মনোভাব বুঝিয়া সেই কার্য্য করিতে পার, সেজন্য বিধিমত চেষ্টা করিবে। এইরূপ খণ্ডর মহাশয়েরও আবশ্যিক কার্য্যাদি যথানিয়মে সম্পন্ন করিবে।

আমাদের সমাজে আজও 'বউকঁটকি' অপবাদ শাশুড়ীদিগের মধ্যে দেখা যায়। আমাদের মনে হয়, স্ত্রীর প্রতি অস্বাভাবিক অহুরাগ ও শাশুড়ীর প্রতি বধূর আংশিক উপেক্ষা তাহার একমাত্র কারণ। আজকাল দেখা যায়—অনেক স্থলে মাতাপিতা জীবিত থাকিতেও পুত্র উপার্জনক্ষম হইয়া অর্জিত অর্থ স্ত্রীর নিকট রাখিতে কুণ্ঠিত হন না এবং স্ত্রীও সেটাকে নিজস্ব সম্পত্তি বলিয়া মনে করেন এবং একটু 'দেমাকে'র সহিত তাহা ব্যবহার করেন। এক্ষেত্রে মাতা বিশেষ শিক্ষিতা বা উন্নতচরিত্রা না হইলে পুত্র ও পুত্রবধূর এ আচরণ সহ্য করা সহজ নহে। সুতরাং স্বামী তাঁহার উপার্জিত অর্থ তোমার নিকট রাখিতে আসিলেও, তিনি যাহাতে উহা তাঁহার মাতাপিতার কাছে রাখেন, সেজন্য প্রাণপণে চেষ্টা করিবে। তবে যদি তাঁহারা স্বেচ্ছায় তোমার নিকট রাখিবার অহুমতি করেন







## ভাসুর ও অন্যান্য পরিজনের প্রতি কর্তব্য

তুমি রাখিবে। কিন্তু কদাচ উহা নিজ সম্পত্তি বলিয়া মনে করিও না। দ্বিতীয়তঃ, নিজের জ্ঞান কোন দ্রব্য তাঁহাদের অগোচরে বা অসুস্থতি না লইয়া ক্রয় করিবে না। যত দিন তাঁহারা জীবিত থাকেন তাঁহাদিগের অভাব সৰ্বাগ্রে পূরণ করিয়া তবে নিজের অভাব দূর করিবে। বৃদ্ধবয়সে স্বভাবতঃ লোকে লোভপরবশ হইয়া পড়েন; সৰ্বপ্রথমে তাঁহাদের কচিকর খাওয়ার আয়োজনে যত্নবতী হইবে। সংসারে অন্যান্য পরিজনের খুঁটিনাটি দোষত্রুটির কথা কদাচ তাঁহাদের কাণে তুলিও না। যতদূর সম্ভব তাঁহাদের শয়নের পূর্বে শয়ন করিও না। প্রত্যেক মানুষেরই স্বভাব ও প্রকৃতি বিভিন্ন প্রকারের। অতএব তাঁহাদের স্বভাবে যদি কোন অস্বাভাবিক ভাব থাকে, সে বিষয়ে কখনও প্রতিবাদ করিবে না। বধূরূপে সৰ্বদা কন্যার শ্রায় সেবা-শুশ্রূষা করিবে এবং তুমি যে তাঁহাদের একান্ত আশ্রিতা এবং তোমার কিছুই স্বাতন্ত্র্য নাই, এভাব যেন তোমা হইতে লুপ্ত না হয়। তোমার যেমন কন্যা-স্নেহ তাঁহাদের নিকট প্রার্থনীয়, তাঁহাদের প্রতি তোমার ভক্তি তদনুরূপ হওয়া উচিত। তাঁহারা শুধু তোমার পূজার পাত্র নহেন, তোমার পরমপূজ্য স্বামীরও পরমপূজনীয়—এই জ্ঞানে সৰ্বদা তাঁহাদের সেবা করিবে।

## ভাসুর ও অন্যান্য পরিজনের প্রতি কর্তব্য

বর্তমানে আমাদের সমাজে কয়েকটি কুপ্রথা দেখা যায়। কবে এবং কিরূপে এ সব প্রথা আমাদের পারিবারিক জীবনে প্রবেশ করিয়াছে, বর্তমান প্রবন্ধে আমরা সে বিষয়ের বিশেষ আলোচনা করিব না। এ সব প্রথার দোষগুণ সম্বন্ধে সংক্ষেপে দুই একটি কথা বলিব মাত্র।

ভাসুর এক্ষণে পূজ্যপাদ পিতার স্থান হইতে চ্যুত হইয়া অস্পৃশ্য অনাস্বীয়রূপে পরিণত হইয়াছেন। যিনি ভ্রাতৃবধূকে মাতৃসম্বোধন করেন, তাঁহার ছায়াস্পর্শ এখন কলঙ্ক ও পাপের বিষয় হইয়া দাঁড়াইয়াছে। জানি না—কোন যুক্তি ও ভিত্তির উপর

## ভারতের মারা

এ প্রথা স্থাপিত। এই প্রথা ভ্রাতৃবধুকে ভাস্করের কণ্ঠা-স্নেহ হইতে দূরে রাখে বলিয়া আমাদের মনে হয়। পুরাণ ও পুরাবৃত্ত আলোচনা করিয়া দেখিলে বর্তমান প্রথার কোন সূত্রই পাওয়া না। আমাদের মনে হয়—ভাস্করের প্রতি কণ্ঠোচিত সভক্তি ব্যবহার প্রদর্শন করাই ভ্রাতৃবধুর কর্তব্য।

খস্তুর ও ভাস্কর পিতৃতুল্য হইলেও উভয়ের মধ্যে একটু প্রভেদ আছে। খস্তুর বয়ঃপ্রাপ্ত সন্তানবৎসল ও ক্ষমাশীল; পুত্রবধুর যে-কোন অপরাধ, যে-কোন ত্রুটি তিনি সহজেই ক্ষমা করিতে পারেন এবং পুত্রবৎসল্যে বধুমাতার কোন অশ্রায় ব্যবহার তাঁহাকে স্পর্শ করিতে পারে না। কিন্তু ভাস্কর পিতৃতুল্য হইলেও কনিষ্ঠের উপর সর্বদা অগ্রজত্বের দাবী রাখেন; অল্পজ তাঁহার প্রতিপাল্য হইলেও তাহার পালনে তাঁহার একটু শ্রাঘা আছে; সূতরাং কনিষ্ঠের ত্রুটি তাঁহার একটু অভিমান জাগাইয়া দিবে, তাহাতে আর বিচিন্তিতা কি? সূতরাং এক্ষেত্রে কনিষ্ঠ ভ্রাতৃবধু যদি কোন কারণে তাঁহার অপরিয়া হন বা মনোব্যথা দেন, তাঁহার আর ক্ষোভের স্থান থাকে না। যিনি কনিষ্ঠকে প্রাণতুল্য ভালবাসিয়া, লালন-পালন করিয়াছেন, যিনি বড় আদরে মাতৃসম্বোধনে ভ্রাতৃবধুকে ঘরে আনিয়াছেন, আজ যদি সেই ভ্রাতৃবধু তাঁহাকে অশ্রদ্ধা করে, তবে তাঁহার দুঃখের সীমা থাকে না। মনে হয় হিন্দুসমাজ এই মনঃপীড়ার ভয়ে ভীত হইয়াই ভ্রাতৃবধুকে দূরে রাখিবার ব্যবস্থা করিয়াছে। যাহা হউক এই প্রথা যেন আমাদের প্রীতিপ্রদ বলিয়া বোধ হয় না। সূতরাং ভ্রাতৃবধুকে বিশেষ সতর্কতা অবলম্বন করিয়া যাহাতে তাঁহার বিন্দুমাত্র মনঃকষ্টের কারণ না হয়, একরূপভাবে চলিতে হইবে। ভাইয়ে ভাইয়ে যদি কখন কথাস্তুর বা মতাস্তুর হয়, সে সম্বন্ধে কোন কথাই কহিবে না; সাংসারিক কার্যে বিরক্ত হইয়া যদি তিনি কোন রূঢ় কথা বলেন অম্লানবদনে তাহা সহ্য করিবে, কোন প্রতিবাদ করিবে না। তাঁহার পরম যত্নের, পরম স্নেহের কনিষ্ঠ তোমার সংস্রবে আসিয়া পর হইয়া যাইতেছেন, এ কলঙ্ক কোন দিন যেন তোমায় স্পর্শ করিতে না পারে। আদর বা আকার লইয়া তাঁহার নিকট উপস্থিত না হইলেও তাঁহার সর্বদায়ী সূখ-স্বাচ্ছন্দ্য বিধান ও সেবা করিতে যত্নবতী হইবে।

অধুনা গৃহস্থ সমাজে ভাজ ও দেবরের সহিত যেক্রপ ব্যবহার ও আচরণ চলিতেছে তাহাও বিধিসঙ্গত বলিয়া মনে হয় না। যে জাতির আদর্শ সীতা ও লক্ষ্মণ, সে জাতির

## ভাস্কর ও অশ্রান্ত পরিভ্রমের প্রতি কর্তব্য

ভিতর প্রচলিত প্রথা কিরূপে সম্ভবে? দেবর সম্মানস্থানীয়—সর্ববিধ সম্মানস্নেহ তাহার প্রাপ্য, তাহার সহিত রহস্তালাপ কোনরূপে যুক্তিযুক্ত ও ভদ্রতাসিদ্ধ হইতে পারে না। দেবর বয়োজ্যেষ্ঠ হইলে আমাদের মতে যতদিন পর্যন্ত বধু উপযুক্ত বয়ঃপ্রাপ্তা না হন, ততদিন পর্যন্ত তাঁহার সহিত স্বাধীন আলাপ না করাই ভাল; করিতে হইলেও তাহা বিশেষ সাবধানতা ও শিষ্টাচারের সহিত হওয়াই উচিত। তাই বলিয়া তাঁহার দূরবর্তিনী থাকারও কর্তব্য নহে, সর্বদা সম্মানবোধে যত্ন ও স্নেহ করা কর্তব্য। দেবর শিশু হইলে পুত্রবৎ তাহাকে সর্বদা লালন-পালন করিবে।

ননদিনীগণ সাধারণতঃ একটু অভিমানিনী হইয়া থাকেন, সুতরাং ভগিনীর স্নায় ব্যবহার করা কর্তব্য হইলেও তাঁহাদিগকে একটু সম্মান করাও উচিত। এ ভাব কখনও দেখাইও না যে, তাঁহাদের ভ্রাতা তোমার একান্ত অমুগত হইয়াছেন। অন্তবিধ রহস্তালাপ তাঁহাদিগের সহিত করিলেও স্বামী সম্বন্ধে কোন কথা তাঁহাদের সম্মুখে বলা উচিত নহে। তাঁহাদের বেশবিন্যাস বিষয়ে সর্বদা সহায়তা করিবে এবং সখীভাবে আনন্দে রত থাকিবে। কোন গুরুজনের দোষত্রুটি সম্বন্ধে তাঁহাদের সহিত আলোচনা করিবে না। শাপ্তাঙ্গীর অবর্তমানে স্বস্তুরালয় হইতে তাঁহাদিগকে পিতৃগৃহে আনিবার জন্ত স্বামীকে অমুরোধ করিবে এবং গৃহে আনিয়া মাতৃস্নেহে স্বর্গগতা জননীর দুঃখ ভুলাইয়া দিবে। ক্রিয়া-কর্ম বা পূজা-পার্বণাদি উপলক্ষে তাঁহাদিগের যথাসম্ভব তত্ত্বতাবাসাদি করিবার জন্ত স্বামীকে অমুরোধ করিবে। মাতৃবিয়োগের সহিত তাঁহাদের পিতৃআলয়ের সম্বন্ধ যেন ঘুচিয়া না যায়। দুর্ভাগ্যবশে যদি কোন ননদিনী বিধবা হইয়া তোমার স্বামীর প্রতিপাল্যা হন, সর্বদা প্রাণপণ যত্নে তাঁহাকে সাহায্য দিবার চেষ্টা করিবে এবং সাংসারিক সমুদয় কার্যে তাঁহাকে অভিভাবিকা ও গৃহিণীর স্থান দিবে এবং তাঁহার পুত্রকন্যাগণকে স্বীয় পুত্র-কন্যা-নিব্বশেষে স্নেহঃঃ পালন করিবে। সম্মানহীনা হইলে, নিজের একটি শিশু-সম্মানকে তাঁহার অমুগত করিয়া দিয়া তাঁহার সম্মানের অভাব ও মনঃক্ষোভ দূর করিবে। সংসার-খরচের অর্থাৎ তাঁহার হাতে থাকাই ভাল, তাহাতে তাঁহার মনে অনেকটা শান্তি থাকিতে পারে। তিনি গলগ্রহস্বরূপ—এ ভাব যেন কখনও মনে না আসে।

## ভারতের নারী

সংসারের দাসদাসীদিগের সহিত অবস্থাভেদে পুত্র-কন্যা বা ভ্রাতা-ভগিনীর গ্ৰায় ব্যবহার করিবে। তাহারা যে তোমার 'হুকুমের চাকর' এ ভাবটি তাহাদিগের নিকট প্রকাশ করিও না। পরিবারস্থ পরিজনের গ্ৰায় গণ্য করিয়া তাহাদিগের প্রতিপালন করিবে। অনেক ক্ষেত্রে দেখা গিয়াছে, সদ্ব্যবহারে দাসদাসী পরমাত্মীয়রূপে পরিণত হইয়াছে। তাহাদের দৈহিক ও মানসিক সুখ-দুঃখের প্রতি লক্ষ্য রাখিবে। আহার-কালে স্বয়ং উপস্থিত থাকিয়া তদ্বিষয়ে তত্ত্বাবধান করিবে। তাহাদের সাধারণ ভোজ্যপানীয় তোমাদের হইতে যেন স্বতন্ত্র না হয়, কারণ তা'রাও মানুষ, তা'রাও তোমাদের সম্তান। বিপদে, সম্পদে তাহাদিগকে স্বগৃহে ঘাইতে দিবে। নিজের কষ্ট হইলেও সংসার-জীবনের সুখ হইতে তাহাদিগকে বঞ্চিত করিও না। উৎসবাদিতে যতদূর সম্ভব তাহাদিগকে নব বস্ত্রাদি দিবার চেষ্টা করিবে। তাহাদের কোন আত্মীয়-স্বজন দেখা করিতে আসিলে তাহাদের সম্মান করিয়া ইহাদের সম্মান বৃদ্ধি করিবে। তাহাদের সামান্য দোষত্রুটিতে তাহাদিগকে বিতাড়িত করিবার বাসনা যেন তোমার মনে না জাগে।

সর্বোপরি পারিবারিক জীবনে একটি বিষয় সম্বন্ধে বিশেষ সতর্কতা অবলম্বন না করিলে পদে পদে বিশেষ অনিষ্টের আশঙ্কা। বর্তমানকালে পাড়ায় পাড়ায়, ঘরে ঘরে মন্তরার অভাব নাই। ইহারা নানা ছলে সুখের সুখী দুঃখের দুঃখী হইয়া তোমার হিতকারিণীরূপে দেখা দিবে। হঠাৎ ইহাদিগকে চিনিতে পারিবে না! তবে এইটুকু যেন সর্বদা তোমার মনে থাকে যে, খস্তুর, শাণ্ডী, ভাসুর, স্বামী, দেবর ইত্যাদি যত অপ্রিয়কারীই হউক না কেন, জগতে তাঁহাদের যত আপনার জন তোমার আর কেহ নাই; তাঁহাদের গ্ৰায় আপনার কেহ আর থাকিতে পারে না। সুতরাং উহাদিগের বিরুদ্ধাচারিণী কোন প্রিয়বাদিনীর মিষ্ট মিষ্ট কথায় কখনও কর্ণপাত করিবে না। একবার প্রথমে দিলে ইহারা তোমাকে এমন মোহিত করিয়া ফেলিবে যে, তোমার আর হিতাহিত জ্ঞান থাকিবে না। সংসারে শাস্তিস্থাপন উহাদের উদ্দেশ্য নহে, সংসারে অশান্তি-বীজ বপনই উহাদের জীবনের ব্রত। ঘরের কোন কথা উহাদের নিকট প্রকাশ করিবে না। উহারা ঘুণাকরেও কোন কথা জানিতে পারিলে তোমার সর্বনাশ করিবে। তোমার সুখ হোক, দুঃখ হোক, তাহা যেন আত্মীয়ের নিকট

## প্রতিবেশীর প্রতি কর্তব্য

থাকিয়াই পাইতে পার একরূপ করিবে, কখনও অনাত্মীয় হিতাকাঙ্ক্ষীর নিকট কোন স্বথের আশা করিও না। আমাদের সমাজে যত সংসার ভাঙ্গে, অহুস্কান করিলে দেখা যায়, তাহার মূলে একটা না একটা মম্বরা আছেই আছে, এবং যাহারা তাহার মম্বণায় ভুলিয়াছেন তাঁহাদের সর্বনাশ হইয়াছে। ইহাদিগকে যত্ন করিবে না—অযত্নও করিবে না। ইহারা প্রায় না পাইলে আপনা হইতেই সরিয়া পড়িবে।

## প্রতিবেশীর প্রতি কর্তব্য

প্রতিবাসী গৃহস্থের নিকটতম বন্ধু। আকস্মিক আপদ-বিপদে প্রতিব সর্বপ্রথম অযাচিতভাবে মিত্ররূপে আসিয়া উপস্থিত হয় এবং সর্বতোভাবে প্রতিকারের চেষ্টা করিয়া থাকে। কিন্তু উহাদের সহিত সম্ভাব না থাকিলে মিত্রতার পরিবর্তে শত্রুতাই বর্ধিত হইতে থাকে। দলবদ্ধ ও সমাজবদ্ধ হইয়া বাস করাই মানবের সাধারণ ধর্ম এবং ইহার উপকারিতাও যথেষ্ট। সুতরাং ব্যবহার-দোষে যাহাতে অসন্তোষ উৎপন্ন না হয় তৎপ্রতি দৃষ্টি রাখা প্রত্যেক গৃহস্থেরই কর্তব্য। প্রতিবেশীর আমোদ-উৎসবে সহযোগিতা, বিপদে সাহায্য, শোকে সহানুভূতি-প্রকাশ এবং দুঃখ-দুর্দশার প্রতিকার করিলেই তাহারা একান্ত আপনার হইয়া উঠে। প্রতিবাসী নীচ, সজ্জন, ধনী বা দরিদ্র হউক না কেন, তাহাদের সহিত বন্ধুভাবে ব্যবহার করা উচিত। প্রতিবাসীর দ্বারা কখনও কখনও ক্ষতি হইতে পারে, কিন্তু সম্ভবপর হইলে তাহাদের কৃত সামান্য সামান্য ক্ষতি সহ করিয়া ক্ষমা করিতে পারিলে তাহাদের সেই শত্রুতা মিত্রতায় পরিণত হয়। আর এক কথা, পরনিন্দা-পরচর্চায় যত অধিক শত্রু সৃষ্টি হয়, এত আর কিছুতেই হয় না। প্রবাদ আছে—“বোবার শত্রু নাই।” এই পরচর্চার আগ্রহটা পুরুষদের অপেক্ষা রমণী-সমাজেই অধিক লক্ষ্য করা যায়। স্নানের ঘাটে, বন্ধুবান্ধবগৃহের নিমন্ত্রণে বা অন্য কোন কারণে দুই চারিজন সমবেত হইলেই এইরূপ

## ভারতের নারী

চর্চা চলিয়া থাকে। কিন্তু ইহার মধ্যে যে কি ভয়ানক সর্বনাশের বীজ নিহিত আছে, তাহা তাঁহারা অল্পতব করিতে পারে না। অনেক স্থলে এমন দেখা গিয়াছে যে এইরূপ সামান্য ব্যাপার হইতেই মামলা-মোকদ্দমার সৃষ্টি হইয়া উভয় সংসারকেই ধ্বংসের পথে অগ্রসর করিয়া দিয়াছে। সৌভাগ্যক্রমে ঋষিদিগকে শারীরিক পরিশ্রমের বিনিময়ে উদরারের সংস্থান করিতে হয় না, তাঁহারা যদি পরচর্চা হইতে বিরত থাকেন, তবে এই সব অসন্তোষের বীজ ছড়াইয়া পড়ে না। যে সব গৃহস্থের প্রতিবাসীর সহিত সম্ভাব থাকে না, তাঁহারা ধনী হইলেও কখনও শান্তিতে বাস করিতে পারেন না। শত্রু-পরিবেষ্টিত গৃহস্থের সুখলাভ সুদূরপর্যন্ত। গৃহলক্ষ্মীগণ রসনা সুষত রাখিয়া প্রতিবাসীর সহিত সৌহার্দ্য বজায় রাখিতে পারিলেই সংসারের বন্ধুবল বৃদ্ধি পাইবে। তাঁহারা যদি স্বীয় দান্তিকতা পরিত্যাগ করিয়া প্রতিবাসিনীর সহিত সহজ অনাড়ম্বরভাবে মেলামেশা করেন এবং তাহাদের মধ্যে দুঃস্থগণকে যথাসাধ্য সাহায্য করিতে কার্পণ্য প্রকাশ না করেন, তাহা হইলে প্রতিবাসীর দ্বারাই ভবিষ্যতে অনেক উপকার পাইবেন।

## দেশের প্রতি কর্তব্য

মানব মাতৃগর্ভ হইতে যে দেশের মৃত্তিকায় ভূমিষ্ঠ হয় এবং যাহার অন্নজলে পরিপুষ্ট হয়, সেই মাতৃ বা মা জন্মভূমির নিকট সে সর্বতোভাবে ঋণী। এই ঋণমুক্ত হইবার জন্য দেশ-মাতৃকার প্রতি তাহার কঠোর কর্তব্য রহিয়াছে। কারণ—কতকগুলি ব্যক্তি লইয়া একটি পরিবার, কতকগুলি পরিবার-সমবায়ে একটি সমাজ, কতিপয় সমাজ লইয়া একটি গ্রাম এবং গ্রাম-সমূহে দেশ সীমাবদ্ধ। সুতরাং দেশের সহিত প্রত্যেকেরই ঘনিষ্ঠ সম্বন্ধ ওতপ্রোতভাবে বিজড়িত রহিয়াছে। এ ক্ষেত্রে পরিজন-বর্গের প্রতিপালনেই কর্তব্য শেষ হইল মনে করা ভুল। গ্রাম, সমাজ, দেশ ইহাদের প্রত্যেকের নিকট কোন না কোন প্রকারে সাহায্য না পাইলে আমাদের জীবনধারণ

## দেশের প্রতি কর্তব্য

পর্যন্ত অসম্ভব হইয়া উঠিত। সুতরাং ইহাদের প্রত্যেকের নিকট সাক্ষাৎ বা পরোক-ভাবে আমরা যে ঋণী, ইহা বলা-বাহুল্যমাত্র। এখন এই ঋণ কি প্রকারে শোধ হইতে পারে তাহাই আলোচ্য। আমরা যেমন নিজের ও পরিজনবর্গের কাষিক, বাচিক, আর্থিক ও মানসিক উন্নতির জন্য যত্নবান্ হইয়া থাকি, তেমনি স্বসমাজের সর্ববিধ উন্নতিসাধনে আমাদের সচেতন হইতে হইবে। এইরূপে সম্ভবপর-মত সামাজিক উন্নতির পরে গ্রামের উন্নতিবিধানে মনোযোগ দিতে হইবে এবং তাহার পরে উহা সম্প্রসারিত করিয়া দেশের উন্নয়ন-কার্যে আত্মনিয়োগ করিতে হইবে। অবশ্য ধাহার যেমন শিক্ষা-দীক্ষা ও শক্তি-সামর্থ্য, তিনি সেইভাবেই করিবেন। 'আমি ক্ষুদ্র, আমি অসহায়, আমি মূর্খ, আমি অবলা, এ বিষয়ে আমি কি করিতে পারি'—ইহা ভাবিয়া নিরাশ হইবার কোন কারণ নাই। একজন দশ বৎসর বয়স্ক বালক বা অসহায় রমণীও যথাশক্তি দেশের বা দেশের কাজে আত্মনিয়োগ করিতে পারে। দেশের কাজ করিতে হইলে যে সংসার ত্যাগ করিয়া যাইতে হইবে তাহা নহে, দেশের কাজ অর্থাৎ দেশের দুর্গতদিগের দুঃখমোচন, শিক্ষাবিস্তার, কৃষি, শিল্প, বাণিজ্যের প্রসার প্রভৃতি সংসারে থাকিয়াও করা যাইতে পারে। ধনী অর্থ বিনিময়ে, নির্ধন শারীরিক সামর্থ্যের দ্বারা, জ্ঞানী উপদেশ-দানে, চিকিৎসক চিকিৎসার দ্বারা, এইভাবে প্রত্যেকেই কিছু কিছু কাজ করিতে পারেন; কর্তব্যবোধ থাকিলে সামর্থ্যেরও অভাব থাকে না। আমাদের জননীগণ হয়ত ভাবিবেন যে, আমরা কুলবধু, আমরা বাহিরের কাজে কি করিয়া আত্মনিয়োগ করিতে পারি? কিন্তু চিন্তা করিয়া দেখিলে তাঁহারাও বুঝিতে পারিবেন যে, তাঁহাদের পক্ষে ইহা দুঃসাধ্য নহে। দেশের ক্ষুধার্তকে অন্নদান, তৃষ্ণার্তকে জলদান, বস্ত্রহীনে বস্ত্রদান, ইহা তাঁহারাও করিতে পারেন। রোগশয্যায় শুশ্রূষা, শোকার্তকে সাহায্যদান প্রভৃতি কার্য করিবার যথেষ্ট সুযোগ তাঁহাদের আছে। কেবল এবিষয়ে উদয় ও আন্তরিকতা থাকিলেই হইল। তাঁহারা যে সময়টা আমোদ-প্রমোদে অতিবাহিত করেন, সেই সময়টা যদি প্রতিবাসী ও স্বদেশবাসীর উপকারার্থে ব্যয় করেন, তবে সময়েরও সদ্যবহার হইবে, নিজেরাও আদর্শস্থানীয়া হইয়া দেশের মুখোজ্জ্বল করিবেন।

## সন্তান-পালন

নারীজীবনের প্রধান কর্তব্যগুলির মধ্যে সন্তান-পালন অন্যতম। সুসন্তানের জননাই নারীসমাজে বরণীয়া। অধুনা সমাজের দোষেই হউক বা শিক্ষাবিপর্ধ্যয়ে হউক, এ বিষয়ে রমণীগণ লক্ষ্যহীনা হইয়া পড়িয়াছেন। আমাদের মতে 'কাঞ্চন ফেলিয়া আঁচলে গেরো' দেওয়ার গায় প্রধান কর্তব্যে লক্ষ্যভ্রষ্ট হইয়া অকিঞ্চিৎকর শিক্ষায় মনোনিবেশ করা প্রচলিত শিক্ষা-পদ্ধতির ব্যবস্থা হইয়াছে। সুতরাং স্বাধীনভাবে এ বিষয়ে মতামত প্রকাশ করিতে আমরা কুণ্ঠিত হইব না। সন্তান-পালন সম্বন্ধে সগ্যক আলোচনা করিতে গেলে প্রসূতির গর্ভসঞ্চার হইতে সন্তানের প্রাপ্তবয়সকাল পর্যন্ত আলোচনা করাই কর্তব্য।

প্রসূতি গর্ভসঞ্চারকাল হইতে সর্বদা শুচিতাবে ও আনন্দিত মনে কালযাপন করিবেন। কারণ, গর্ভাবস্থায় জননীর মানসিক অবস্থা ও বৃত্তি প্রায়শঃ সন্তানে সঞ্চারিত হইয়া থাকে। এ বিষয়ের উদাহরণ রামায়ণ, মহাভারত প্রভৃতি গ্রন্থে এবং চিকিৎসা গ্রন্থে বহুলভাবে পাওয়া যায়। মাতৃগর্ভে অবস্থান কালে বীরবালক অভিমত শৌর্ধ্যশীল পিতার ব্যুভেদবিজ্ঞা লাভ করিয়াছিলেন, একথা বোধ হয় কেহ অবিশ্বাস করিবেন না। সুতরাং পরিজনবর্গের বিশেষতঃ প্রসূতির গর্ভধারণকালে দৈহিক ও মানসিক অবস্থার প্রতি তীক্ষ্ণ দৃষ্টি রাখা আবশ্যিক। স্বামীর কর্তব্য—সহধর্মিণীকে সদা প্রফুল্ল রাখা : সহধর্মিণীর কর্তব্য কদাচ কাহারও অপ্ৰিয়ভাজন না হওয়া। নিরর্থক কলহ, অনর্থক ক্রন্দন, অযথা খেদ, অসংযত ব্যবহার সর্বদা পরিহার্য। প্রসূতি প্রথম গর্ভবতী হইলে স্বতঃই পরিজনবর্গের আনন্দবর্ধিনী হন, তাই বলিয়া এই সুযোগে তাঁহারা যেন কদাচ আলস্য-পরায়ণা না হন। অমরতা রমণীরাই সুখপ্রসবের অধিকারিণী হইয়া থাকেন। সর্বদাই এমন বিষয়ের আলোচনা, শ্রবণ বা চিন্তা করিবেন, যাহাতে মানসিক সদ্বৃত্তিগুলি সহজে ফুটিয়া উঠে ও গর্ভস্থ সন্তান তাহার ফলভাগী হয়।

বর্তমানকালে হিন্দুশাস্ত্র মূলমন্ত্র হারাইয়া নারীজাতির হস্তে 'শুচিবাই'এ পরিণত হইয়াছে। তাই আজ আঁতুড়ঘরের এত শোচনীয় অবস্থা! সাধারণতঃ বাটীর নিকট



ঘরটি আঁতুড়ের উদ্দেশ্যে ব্যবহৃত হইয়া থাকে। সন্তোজাত শিশু জীবনের প্রথম প্রভাতে দেখে—একটি অন্ধকূপ, খাস গ্রহণ করে—পুতিগন্ধময় রক্ত বায়ু, তাহার পরিচ্ছদ—ছিন্ন বস্ত্র, শয্যা—জীর্ণ কস্থা। কোমল শিশুর স্বাস্থ্যের পক্ষে ইহার প্রত্যেকটি যে কত বিষময়, বিবেচক ব্যক্তি মাঝেই তাহা উপলব্ধি করিতে পারেন। যে শিশুর জন্মে আমরা বংশগৌরবের কামনা করিয়া থাকি, সেই শিশুর প্রতি আমরা এইরূপ জঘন্য ব্যবহার করিয়া থাকি। যে স্থানে যে পরিচ্ছদে, যে শয্যায়, একটি সবলদেহ, সুস্থকায় যুবক পীড়িত হইয়া পড়ে, আমরা অন্ধ হইয়া এই নবনীত-কোমলকায় কুমারকে সেই অবস্থায় রাখিবার ব্যবস্থা করি। আমাদের মনে হয়—বঙ্গদেশে অত্যধিক শিশুমৃত্যুর ইহাও অন্যতম কারণ। ভ্রূণহত্যায় যদি পাপ থাকে, এবংবিধ শিশুহত্যায় কি পাপ স্পর্শ করিবে না? তাহার পর যে প্রসূতি প্রসব যাতনায় একরূপ সন্তোমৃত্যুমুখ হইতে ফিরিয়া আসিল,—যাহাতে ক্ষীণ স্পন্দনশক্তি ব্যতীত জীবিতের আর কোন লক্ষণ দৃষ্ট হয় না—তাহার প্রতি ব্যবহারও পূর্বোক্ত ব্যবহার অপেক্ষা কোন অংশে শ্রেষ্ঠ নহে। অথচ তিনিই হয়ত সংসারের সর্বময়ী কর্তা ও বংশরক্ষার নিদানভূতা। শিশুর ও প্রসূতির অবস্থার উন্নতিসাধন পরিজনবর্গের উপরই সম্যক নির্ভর করে। নবজাত শিশুকে যতদূর সম্ভব উন্মুক্ত স্থানে, কোমল শয্যায়, উষ্ণ পরিচ্ছদে আবৃত রাখাই কর্তব্য। প্রসূতির জন্মও উক্তরূপ ব্যবস্থা হওয়া আবশ্যিক। প্রসবান্তে তিনি কিছুদিন যেন পূর্ণ বিশ্রাম লাভ করিতে পারেন।

ধাত্রীহস্তে সন্তান সমর্পণ ধনী ও শিক্ষিত সম্প্রদায়ের মধ্যে বিশেষরূপে প্রচলিত হইতে আরম্ভ করিয়াছে। প্রসূতির শ্রমলাঘবের অভ্যুহাতে বা বিলাসবাসনার পুষ্টি-সাধনের জন্ম এরূপ ব্যবস্থা যে কতদূর দূষণীয়, তাহা মমস্তুত্ববিদ্মাঝেই অবগত আছেন। অর্থের সচ্ছলতা থাকিলে সন্তানের জন্ম ধাত্রী নিয়োগ না করিয়া প্রসূতির জন্ম করাই কর্তব্য। পবিত্রকূলে, মেধাবীর ঔরসে পুণ্যবতীর গর্ভে জন্মগ্রহণ করিয়া শিশুর পক্ষে হীনবংশীয়া কলুষিতচরিত্রা ধাত্রীর স্তন্য পান করা কি উচিত? ইহাতে তাহার পক্ষে দেহ পরিপুষ্ট হইলেও হইতে পারে, কিন্তু চিত্তবৃত্তি উদার হয় না। খাণ্ড ও সংসর্গ যে অল্পরূপ ভাব সংক্রামিত করে এ বিষয়ে বোধ হয় কাহারও সংশয় নাই। তবে কোন্ প্রাণে আমরা নৈহিক সুখের জন্ম সংসার ও সমাজের ভাবী-মঙ্গল এই

## ভারতের নারী

স্বর্গপুস্তলিকার প্রতি ওরূপ ব্যবস্থা করিতে পারি? শিশুর প্রথম চক্ষুরায়ীলনের সহিত মনোমধ্যে জ্ঞানের আভা জাগিয়া উঠে; জননীর স্নেহ আঁধির করণ কটাক্ষে তাহার মধ্যে যে কোমল ভাবের উদয় হয়, সম্পর্কহীনা ধাত্রীর যত্নে তাহা কি কখনও ফুটিতে পারে? আমাদের বোধ হয়—সন্তান জননীর যত সংসর্গ লাভ করিতে পারে, ততই তাহার পক্ষে মঙ্গলপ্রদ।

সন্তানের অঙ্গে অলঙ্কার পরাইতে পারিলে অনেক জনক-জননী সুখী হইয়া থাকেন। তাহাতে তাঁহাদের আনন্দ হইতে পারে বটে, কিন্তু শিশুর পক্ষে তাহা যথার্থই ক্লেশকর। পরিচ্ছনাদি সম্বন্ধেও আবশ্যকের অধিক সাজসজ্জা বর্জনীয়। স্নেহের আতিশয্যে এই গ্রীষ্মপ্রধান দেশে গরমের দিনে অনেক জননী নানাবিধ বেশভূষায় শিশুসন্তানকে সাজাইতে কুণ্ঠিত হন না, ইহা তাহার পক্ষে আদৌ ভাল নহে। যাহাতে শিশু স্বচ্ছন্দে থাকিতে পারে এরূপ বেশেরই ব্যবস্থা করা উচিত। স্নেহাধিক্যবশতঃ অনেক প্রসূতি সর্বদা সন্তানকে কোড়ে রাখিয়া থাকেন, ইহা শিশুর স্বাস্থ্যের পক্ষে হানিকর। পক্ষান্তরে অভ্যাসদোষে শিশু ভূমি স্পর্শ করিতে চাহে না, তাহাতে প্রসূতির অসুখ ও অসুবিধার কারণ হইয়া থাকে। শৈশবকাল হইতে সন্তানকে অত 'আতুপুতু' করা ভাল নয়। ক্রমে ক্রমে পৃথিবীর আবহাওয়া সহ্য করাইবার অভ্যাস করাইয়া সন্তানের দেহ গঠিত করা উচিত। সর্বদা বেশভূষায় শিশুর দেহ আবৃত রাখিতে নাই; ইহাতে দৈহিক পরিপুষ্টির ব্যাঘাত ঘটে। বাল্যকাল হইতে সামান্য ব্যাধিতে যতদূর সম্ভব উগ্রবীৰ্য্য ঔষধ সেবন না করানই ভাল। খাণ্ড সম্বন্ধে প্রাচুর্য্য না ঘটে, সে বিষয়েও বিশেষ লক্ষ্য রাখিতে হইবে। শিশুর সামান্য আঘাতপ্রাপ্তিতে অনেক জনক-জননী একান্ত অস্থির হইয়া উঠেন এবং সন্তানের সমক্ষে এরূপ ব্যাকুলতা দেখান যে, সন্তান বেদনা ভুলিয়া ভীত হইয়া পড়ে। এরূপ করা কোনক্রমেই উচিত নহে। ইহাতে সন্তানের সহনশক্তির আদৌ বিকাশ হয় না। পরন্তু কোনরূপ সহ্যক্ষমতা না দেখাইয়া তৎসম্বন্ধে উদাসীন থাকাই ভাল। তাহাতে বালকের সহ্যশক্তি ও সাবধানতা বৃদ্ধি পাইবে। শিশুকে যেমন ননীর পুতুল করিয়া কোড়ে কোড়ে রাখা অর্থোক্তিক, সেইরূপ গৃহপ্রাঙ্গণে স্বচ্ছন্দ-ক্রীড়াশীল শিশুর দৈহিক পরিচ্ছন্নতায় ঔদাসীণ্যও অর্থোক্তিক। ক্রীড়াশীল শিশুর দেহ পরিষ্কার করিয়া দেওয়া কর্তব্য। বিশেষতঃ

নির্দিষ্ট হইবার পূর্বে শিশুর অঙ্গ উত্তমরূপে মার্জিত করিয়া দেওয়া আবশ্যিক। শিশু ক্রীড়াশীল থাকিলেও নির্দিষ্ট সময়ে আহার করান চাই এবং শৌচপ্রস্রাবাদি দেহধর্মের প্রতি প্রত্যহ লক্ষ্য রাখা বিশেষ প্রয়োজন।

## সন্তানের শিক্ষা

আজকাল শিক্ষা বলিতে আমরা সাধারণতঃ বৃষ্টি—বিদ্যালয়ে নির্দিষ্ট পুস্তকসমূহ পাঠ করা এবং তত্ত্ব বিষয়ে পরীক্ষায় উত্তীর্ণ হওয়া। বস্তুতঃ শিক্ষার মূল উদ্দেশ্য আমরা ভুলিয়া গিয়াছি। এখন পরীক্ষায় কোন প্রকারে উত্তীর্ণ হইয়া অর্থ উপার্জন করিতে পারিলেই শিক্ষিত বলিয়া গণ্য হইতে পারা যায়। কাজেই শিক্ষাকে উপযুক্ত অর্থকরী করা জনক-জননী বা অধ্যাপকগণের চরম লক্ষ্যস্থল হইয়া দাঁড়াইয়াছে। যে বালক নির্দিষ্ট পুস্তকের প্রস্তোত্তরদানে সমধিক সমর্থ, সে যদি অশেষবিধ কু-অভ্যাসের দাসও হয়, তথাপি সে স্বচ্ছন্দে জনক-জননীর স্নেহ লাভ করিতে পারে। অধীতপুস্তকে মেধাহীন অথচ চরিত্রবান্ বালকও সে প্রকার স্নেহের দাবী করিতে পারে না। ইহা যে পূর্ণশিক্ষার অনুপযোগী ইহা অস্বীকার করা যায় না। মনুষ্যহৃদয়ের সমুদয় সুপ্রবৃত্তির উন্মেষণ, পরিবর্দ্ধন ও পরিণতি-প্রাপ্তির নামই প্রকৃত শিক্ষা। অর্থাৎ যে শিক্ষা দ্বারা শৃঙ্খলার সহিত মানবের পূর্ণশক্তির বিকাশ হইতে পারে, তাহাকেই আমরা সমীচীন ও সূচিস্থিত শিক্ষাপদ্ধতি বলিয়া স্বীকার করিব।

কু-শিক্ষা বা অর্ধ-শিক্ষা দ্বারা অপূর্ণ মনুষ্যগঠনের ভগ্ন প্রধানতঃ দায়ী কে? ভাবী-জীবনে চরিত্রহীন, ধর্মহীন, অধঃপতিত, নির্দম পাষণ্ড হওয়ার ভগ্ন বস্তুতঃ কে দায়ী? মানবের শিক্ষাশক্তি ভূমির উর্বরতাশক্তির স্থায় ভগবদ্রু ও স্বাভাবিক। কাহারও এমন শক্তি নাই যে, তাহার বিন্দুমাত্র দান করিতে সমর্থ হয়। তবে ভূমির সফল

## ভারতের নারী

বা কুফল যেমন প্রধানতঃ কৃষকের উপর নির্ভর করে, স্বসন্তান বা কুসন্তান লাভ তেমনি প্রধানতঃ জনক-জননী বা অভিভাবকের উপরই নির্ভর করে।

অনেকে বলেন—বুদ্ধিমান বাল্যলী জাতি সমালোচনায় সিদ্ধহস্ত; তবে অধিকাংশ ক্ষেত্রেই তাঁহাদের সমালোচনা সাধারণ বাক্যমাঝেই পর্যবসিত হয় কিন্তু উহা মর্ম স্পর্শ করে না। বর্তমানে শিশু ও বালকগণের মধ্যে যে ছুর্নীতি, মিথ্যা, কদাচার, উচ্ছৃঙ্খলতা ও অসংযম দেখা যায় তজ্জন্ম দায়ী আমরা, শিশুরা নহে। যতদিন পর্যন্ত আমরা স্বীয় চরিত্র সংগঠনে সমর্থ না হইব, ততদিন পর্যন্ত সমাজে স্বসন্তান লাভ করার চেষ্টা বাতুলতা মাত্র।

কোন পণ্ডিতকে জিজ্ঞাসা করায় তিনি উত্তর করিয়াছিলেন—“সন্তানের শিক্ষা পিতামহ ও পিতামহী হইতে সূচিত হওয়াই ঠিক।” উপযুক্ত সময়ে স্বীয় সন্তানের উপযুক্ত শিক্ষার ব্যবস্থা না করিয়া, পরিণত বয়সে তাহাদের নৈতিক, মানসিক ও শারীরিক অধঃপতনে ‘এ যে কলিকাল’ বলিয়া অহুতাপ করার ফল কি? সোহাগ করিয়া সন্তানের মুখে স্বহস্তে হলাহল প্রদানপূর্বক তাহাদের শোচনীয় মৃত্যু দেখিয়া কাঁদিলে চলিবে কেন? আমাদের সকলের সাধ পুত্র আমার চরিত্রবান হউক, জ্ঞানবান হউক, সমাজের মুখোজ্জ্বলকারী হউক। কিন্তু সে চেষ্টা কৈ? কয়জন মাতাপিতা তাঁহাদের কর্তব্য পালন করিয়া থাকেন? কোনরূপে প্রাপ্তবয়স্ক হইলেই তাঁহাদের ক্রোড়ে বংশদুলাল অবলোকন করাই এখন অধিকাংশ অভিভাবকের আন্তরিক ইচ্ছা। এই ইচ্ছা পূর্ণ হইলেই তাঁহাদের মোক্ষলাভ হইতে পারে, এইরূপই তাঁহাদের ধারণা। কিন্তু যতদিন না অভিভাবক নিজের চরিত্রগঠন ও পারিপার্শ্বিক অবস্থার পরিবর্তন করিতে সমর্থ হইবেন এবং সন্তানকে চরিত্রবান, ধান্মিক ও সংশিক্ষাদানে চেষ্টিত না হইবেন, ততদিন পর্যন্ত শিশুর সংসারে ও সমাজে ইষ্টলাভ স্বদূরপর্যন্ত।

মুখবন্ধে শিক্ষাসম্বন্ধে দুই একটি কথা বলিয়া আমরা উপযুক্ত শিক্ষাদানসম্বন্ধে কথঞ্চিৎ আলোচনা করিব। পুস্তকাদির সাহায্যে আমরা বালকগণকে যে পরিমাণ শিক্ষা দান করিয়া থাকি, জ্ঞাতসারে বা অজ্ঞাতসারে আমাদের কার্যকলাপ ও রীতিনীতি হইতে তাহারা তাহার লক্ষণ শিক্ষালাভ করিয়া থাকে। স্বচক্ষে সকল বিষয় নিরীক্ষণ করিয়া

## সন্তানের শিক্ষা

সে স্বয়ং যে শিক্ষা লাভ করে, সহস্র উপদেশে ও শত বেত্রাঘাতেও তাহার অণুমাত্র শিক্ষাদানে সমর্থ হওয়া যায় না। বালকের জ্ঞানোদয়ের পূর্ব হইতে শিক্ষার সূচনা হয়। ভাষা, ভাব-ভঙ্গী, আচার-ব্যবহার, রীতি-নীতি, আহার-বিহার এমন কি স্বয়ং পর্যাস্ত শিক্ষাকাল প্রাপ্ত হইবার পূর্বেই তাহারা স্বয়ং শিক্ষা করিয়া থাকে। সাধারণতঃ দেখা যায়, যে যেমন ঘরের ছেলে তাহার চরিত্র তদনুরূপ হইয়া থাকে, তাহার জন্ম কোন অভিভাবকের মাথা ঘামাইতে হয় না। সুতরাং ইহা স্পষ্টই প্রতীয়মান হইতেছে যে, শিশুশিক্ষার জন্ম স্বতন্ত্র সরঞ্জামের কোন আবশ্যকই হইবে না; শুধু তাহাদের সম্মুখে প্রতিনিয়ত সৎ দৃষ্টান্তের আদর্শ দেখাইলেই সফল মনোরথ হওয়া যায়।

আমরা কথায় কথায় শিশুগণকে বুদ্ধিহীন বা জ্ঞানহীন বলি। কিন্তু প্রকৃত প্রস্তাবে তাহাদের সৎ ও অসৎ ভাবের উপলব্ধি ও ভাবপ্রবণতা পূর্ণবয়স্ক অপেক্ষা যথেষ্ট প্রবল। আমাদের সামান্য সামান্য কার্যকারণ হইতে তাহারা অনায়াসে স্থির সিদ্ধান্তে উপনীত হয়। ইহা আমাদের বক্তৃতা নহে, অভিজ্ঞতা। আমরা যে কত সময়ে আমাদের চিন্তাহীন ক্ষুদ্র কর্মের দ্বারা তাহাদের চরিত্র গঠন করিয়া যাই, তাহা চিন্তা করিলে বিস্মিত হইতে হয়। আমরা অনেক সময়ে শিশুকে তিক্ত ঔষধ খাওয়াইতে বলি— ‘মিষ্টি ঔষধ’। সে আনন্দে তাহা পান করে, কিন্তু সেই তিক্ত স্বাদের সঙ্গে সঙ্গে তাহাদিগের কোমল হৃদয়ে যে প্রবঞ্চনার বীজ ঢালিয়া দিই, তাহা আমরা একবার চিন্তা করি না। প্রতিনিয়ত তাহাদের সহিত ইচ্ছায়-অনিচ্ছায়, আদরে-সোহাগে, নানাপ্রকার ক্ষুদ্র ক্ষুদ্র মিথ্যা ও প্রবঞ্চনার অভিনয় করিয়া শুধু যে আমরা তাহাদিগকে প্রবঞ্চক করিয়া তুলি তাহা নহে; পরন্তু তাহাদিগকে আমাদের প্রতি শ্রদ্ধাহীন করিয়া ফেলি। আমরা চাই “পিতা স্বর্গঃ, পিতা ধর্মঃ” হ’তে, কিন্তু আচরণ করি নারকীয় কীটের মত। সুতরাং কীটের সন্তানের কাছে সে দৃঢ় ও অচলা ভক্তি কিরূপে লাভ করিব?

অনেক সময় বেত্রাঘাত বা সেই জাতীয় কোন প্রকার শাস্তিদানে আমরা জোর করিয়া সন্তানের নিকট হইতে সন্মান আদায় করি। তাহাতে ফল এই হয়, পিতাপুত্রে মধুর সম্বন্ধস্থলে আমরা শাস্ত-শাসকের সম্বন্ধ স্থাপন করিয়া বসি। সন্তানের চরিত্রগঠনে সূশাসন আবশ্যিক, সন্দেহ নাই; তবে, সে শাসন বেত্রদণ্ডের পরিবর্তে স্নেহের শাসন

## ভারতের নারী

হওয়া চাই। বালকের বাধ্যতা অবশ্যই অভিপ্রেত ; তবে সে বাধ্যতা যেন বালকের স্বেচ্ছাপ্রণোদিত হয়। আদর-অভিমান মানবের স্বকুমার বৃত্তি : সন্তানের উপর ইহার প্রভাবও বিশেষ ক্রিয়ালীল। দোষহীন বিষয়ে অগাধ স্নেহ দেখাইয়া, ছুট্ট বিষয়ে অভিমান দেখাইলে সম্যক ফললাভ হইতে পারে, ইহাই আমাদের বিশ্বাস। উদাহরণস্বরূপ শিশুর আনন্দময়-নর্ভনক্রীড়া দেখিয়া স্নেহে তাহাকে সহস্র চুষন-প্রদান, আবার তাহার অবাধ্যতা বা অন্য কোন অসদাচরণ দেখিয়া তুল্যরূপে বিরক্তির ভাব-প্রকাশ—ইহাতে তাহার শাসনকার্য্য সুসম্পন্ন হইল। কিন্তু কোন কার্যের আদেশ করিলে সে যদি তাহা পালনে পরাঙ্মুখ হয়, তাহা হইলে যে-কোন উপায়ে হউক তাহার দ্বারা সে কাজ সম্পন্ন করাইতেই হইবে ; তাহাতে যদি বেত্রাঘাতের প্রয়োজন হয়, নিঃসঙ্কোচে করিতে পারেন ; বালক যেন সম্যক বৃদ্ধিতে পারে, তাহাকে মাতাপিতার আদেশ পালন করিতেই হইবে, তাহার ক্ষেদ মাতাপিতার আদেশকে লঙ্ঘন করিতে সমর্থ নয়। আবার এ বিষয়েও দৃষ্টি থাকা চাই—যেন আমরা বালকগণকে অযথা আদেশ পালনে বাধ্য না করি। অনেক সময়ে আমরা তাহাদের দৈবকৃত কর্মের জন্ত যথেষ্ট শাসন করিয়া থাকি, তাহা কোনক্রমেই উচিত নহে। অপর কেহ সন্তানকে শাসন করিলে অনেক সময়ে জনক-জননী 'আনক' করিয়া বিনা অপরাধে আবার তাহাকেই প্রহার করেন, ইহা সর্বথা বর্জনীয়। আবার কখনও বা সামান্য দোষে গুরুদণ্ডের ব্যবস্থা করেন ও গুরু অপরাধে লঘুদণ্ড দিয়া থাকেন, অনেক স্থলে কোন দণ্ড বিধানই করেন না। ইহা উভয়তঃ দূষণীয়। ক্ষেত্রবিশেষে সামান্য সামান্য বিষয়ে প্রকৃতির শাসনের উপর নির্ভর করাও মন্দ নহে। প্রকৃতির শাসন নির্মম, কঠোর ও ওজন করা। দীপ-শিখায় শিশু ঘটবার হস্ত প্রদান করিবে, উহা তুল্যরূপে দগ্ধকারী হইবে এবং সে শাসন শিশুর বন্ধমূল হইয়া যাইবে। তখন সে বিষয়ে আর উপদেশ-দানের আবশ্যিকতা থাকিবে না।

অনেক ক্ষেত্রে মাতাপিতা অত্যন্ত কঠোরতা অবলম্বন করিয়া সন্তানের প্রত্যেক ক্রটিতে কঠিন কাণ্ডিক-দণ্ডের ব্যবস্থা করেন। ইহাতে সন্তান শাসিত হয় বটে, কিন্তু সঙ্গে সঙ্গে তাহাকে নিকৃষ্ট স্বভাব, ভীক ও প্রাণহীন করিয়া ফেলে এবং তাহার মানসিক বৃত্তির মূলে কুঠারাঘাত করা হয়। ইহাতে মাতাপিতার প্রতি সন্তানের বিদ্বেষভাব বা

বিরক্তি জন্মে। একবার শাসনমুক্ত হইতে পারিলে তাহারা উচ্ছ্বাসতায় গা ঢালিয়া দেয়। যতদূর সম্ভব তাহাদের স্বাধীনতা বজায় রাখিয়া তাহাদিগকে সুপথে চালিত করাই মাতাপিতার একান্ত কর্তব্য।

শিশুরা প্রতিবন্দীকে পরাজিত করিবার জন্য অনেক সময়ে মিথ্যা অভিযোগ করিয়া থাকে; উহার প্রশ্রয় দেওয়া কোনরূপে যুক্তিযুক্ত নহে। আকার, বায়না, কান্নাকাটি বালকের স্বভাবসিদ্ধ দোষ। ইহা প্রকৃতিগত প্রভুত্ব-স্থাপনের ইচ্ছা মাত্র; কোনক্রমে তাহার প্রশ্রয় দেওয়া উচিত নহে। শৈশব হইতেই বালকের মিথ্যাকথন সম্বন্ধে সতর্ক দৃষ্টি রাখা আবশ্যিক। কিন্তু দুঃখের বিষয়, অনেক জনক-জননী বালকের সেরূপ আচরণে তাহাকে শাসন না করিয়া তাহার বুদ্ধিমত্তার প্রশংসা করিয়া থাকেন। অতি শৈশবেই কোন কু-অভ্যাস মজ্জাগত হইতে দেওয়া উচিত নহে। পোষাক-পরিচ্ছদাদি নির্বাচনের ভার বালকের উপর দেওয়া কর্তব্য নহে। ইহাতে তাহার বিলাসিতার প্রশ্রয় দেওয়া হয়। বাল্যকাল হইতে আত্মসম্মান ও আত্মশ্রদ্ধা যাহাতে শিশুর মনে উন্মেষিত হয়, সর্বপ্রথমে তাহা অবলম্বন করা আবশ্যিক। সে যে ক্ষুদ্র, সে যে বৃহৎ, এ ভাব কোনক্রমেই তাহার মনে যেন জাগরুক হইতে না পারে। শাসন ও উপদেশকালে তাহার আত্মসম্মানের যাহাতে বিকাশ ঘটে, সেইরূপ করাই উচিত। প্রতিযোগিতায় পাঠ্য ও শিক্ষণীয় বিষয়ে কথঞ্চিৎ উৎকর্ষ লাভ হইলেও অনেক সময় বিদ্বেষের ভাব উদ্দীপ্ত হয়; সুতরাং প্রতিযোগিতা অপেক্ষা সহানুভোগিতা উত্তম। শিষ্টাচার, বিনয়াদি গুণ উপদেশ-সাপেক্ষ নহে, আদর্শ-সাপেক্ষ ও সংসর্গ-সাপেক্ষ।

কোন ক্ষেত্রে বা কোন কারণে শিশুদের দৌরাখ্যা হইতে অব্যাহতি লাভ করিবার জন্য তাহাদিগকে ভূত-পিশাচাদির অলীক ভয় দেখাইয়া নিবৃত্ত করা হয়। ইহা খুবই অন্তায়। সংসারে ঠাকুরমা, দিদিমা, পিসিমা, মাসিমা প্রভৃতি শিশুর সামান্য পতনাদিতে এমন 'আহা', 'উহু', 'গেছে গেছে' 'চীৎকার করেন' তাহাতে বালকের সাহস জন্মের মত অস্তর্হিত হইয়া যায়। আপান প্রভৃতির সত্য দেশে কিন্তু উক্তরূপ পতনাদিতে অভিভাবকেরা কোন ক্রমেই হস্তক্ষেপ করেন না, অধিকন্তু বালক ক্রন্দন করিলে তাহারা পরিহাস করেন।

## ভায়তের নারী

বালকে বালকে স্বপ্নের পর ক্রন্দন করিয়া গৃহে ফিরিয়া আসার স্মরণ অপমানের বিষয় আর কিছুই নাই। বয়োবৃদ্ধির সঙ্গে সঙ্গে স্বচ্ছন্দে ভ্রমণ, কষ্টসাধ্য কার্যে নিয়োগ ও সংসাহসের কার্যে উৎসাহ-দান, অভিভাবকমাত্রেয়ই কর্তব্য। শৈশবের সীমা উত্তীর্ণ হইলেই বালককে আত্মনির্ভরতায়, সংকার্যের অমুষ্ঠানে যোগদানে, ভগবানের আরাধনামূলক চিন্তা ও কার্যে উৎসাহ দান করিতে হইবে। সন্তানকে চরিত্রবান ও ভক্তিমান করাই সন্তান-পালনের প্রকৃত উদ্দেশ্য। শৈশব হইতে শিশুগণের সরলচিত্তে ধর্মবোধ বপন করা মাতাপিতার কর্তব্য। জাতিধর্মায়ুযায়ী দেবার্চনায় উৎসাহ-দান পবিত্রতা ও পরিচ্ছন্নতার বিষয়ে সতর্ক দৃষ্টি রাখা আবশ্যিক।

মাতাপিতার আর একটা প্রধান কর্তব্য—সঙ্গ-নির্বাচন। আমাদের দেশে—শুধু আমাদের দেশে কেন—সর্বদেশে অধিকাংশ শিশু সঙ্গদোষেই উৎসর্গে যাইয়া থাকে। ক্রীড়া-কৌতুক ও ভ্রমণাদিতে যতদূর সম্ভব অভিভাবকস্থানীয় কাহারও সঙ্গে থাকা খুব ভাল; একান্তপক্ষে তাহাদের ক্রীড়া-কৌতুকের প্রতি সতর্ক দৃষ্টি ও তাহাদিগের দৈনন্দিন কার্যকলাপের শৃঙ্খলা সম্বন্ধে যথাযথ ব্যবস্থা করা প্রয়োজন।

পৃথক পৃথক রূপে সকল বিষয়ের আলোচনা করিতে গেলে প্রবন্ধ সুদীর্ঘ হইয়া পড়ে; অতএব সংক্ষেপে বর্তমান শিক্ষার অসারতা সম্বন্ধে কয়েকটা কথা বলিয়া আমরা এ প্রবন্ধ শেষ করিব।

ব্যবস্থাবৈগুণ্যেই হউক আর অব্যবস্থাবৈগুণ্যেই হউক, আমাদের দেশে বর্তমান শিক্ষাপদ্ধতি নিতান্ত একঘেয়ে হইয়া পড়িয়াছে। শিক্ষা শুধু অভিভাবকের কর্তব্যের মধ্যে পর্য্যবসিত হইয়াছে, চিন্তাস্থান অধিকার করিতে পারে নাই। গুরুমহাশয়ের পাঠশালা হইতে বিশ্ববিদ্যালয় পর্য্যন্ত একটি ধারাবাহিক বাঁধা নিয়ম গডালিকাপ্রবাহের স্মরণ সমানভাবে চলিয়াছে। সাহিত্যে বা বিজ্ঞানে বালকের বিন্দুমাত্র আসক্তি থাকুক বা না থাকুক তাহাকে পূর্ণ যৌবনকাল পর্য্যন্ত প্রচলিত নিয়মে পড়িতেই হইবে। তাহাতে যদি বালককে এক শ্রেণীতে বর্ষজয় অভিবাহিত করিতে হয়, তাহাতেও অভিভাবকের আপত্তি নাই। মানুষমাত্রেয়ই প্রকৃতি ও শক্তি কোন ক্রমেই এক হইতে পারে না। অদ্ভুত কবিত্বশক্তিসম্পন্ন পুরুষ যে প্রথিতনামা বৈজ্ঞানিক হইবে, ইহার হেতু কি?



## সস্তানের শিক্ষা

যে ছেলে সহজেই অঙ্কনবিদ্যায় দক্ষ, সে যে ভাল অঙ্ক কষিতে পারিবেই তাহার কি প্রমাণ আছে? সুতরাং শৈশবকাল হইতে বালকের আসক্তি ও শক্তি কোন্ মুখী, তাহা সম্যক্রূপে নির্ধারণ করিয়া তদনুরূপ শিক্ষাদানই বিধিসঙ্গত। সাধারণ শিক্ষায় যে বালকের অভিনিবেশ হয় না, অনুসন্ধান করিয়া দেখিলে হয়ত দেখা যায় যে, অল্পবিধ শিল্প বা বিজ্ঞানে সে সহজে প্রতিষ্ঠা লাভ করিতে সমর্থ হয়। সুতরাং সামান্য চিন্তা ও অনুসন্ধানের হস্ত হইতে অব্যাহতি-লাভের জন্য একটি অমূল্য জীবনকে ব্যর্থ করিয়া, তাহার উন্নতির পথে কণ্টক হইয়া, তাহাকে সমাজের কলঙ্কস্বরূপ করিয়া রাখা কি নিদারুণ নির্মমতা নহে?

দ্বিতীয়তঃ, ভাষাদি শিক্ষাই কি জীবনের মুখ্য উদ্দেশ্য? নৃত্য, গীত, অঙ্কন প্রভৃতি কলাবিদ্যা কি শিক্ষাভূক্ত নহে? কিন্তু কৈ, সে বিষয়ে আমাদের দৃষ্টি কই? যত্ন থাকা দূরে থাকুক, অনেক ক্ষেত্রেই আমরা দেখিতে পাই কলাবিদ্যায় কোন বালকের স্বভাবতঃ আসক্তি লক্ষিত হইলে অভিভাবকগণ উৎসাহদানের পরিবর্তে তাহাকে নির্ধ্যাতিত করিতেও কুণ্ঠিত হন না। অথচ তাঁহারা সমাজে সঙ্গীতজ্ঞ বা কলাবিদ ব্যক্তির প্রভূত সম্মান দান করিয়া থাকেন। আমাদের বিবেচনায় ভগবদন্ত যে যে সম্বৃতি বালকের হৃদয়ে সঞ্চিত আছে, সর্বপ্রথমে তাহার পূর্ণ বিকাশ করিবার চেষ্টা করা অভিভাবকমাজেরই কর্তব্য। ইহাতে শুধু যে সে ভবিষ্যৎ জীবনে শাস্তি ও সুখলাভের অধিকারী হয় তাহা নহে, অধিকন্তু তাহার বুদ্ধিবৃত্তিরও পরিপুষ্টি হয়।

তৃতীয়তঃ, বর্তমানে 'ভাল ছেলে' বলিতে সাধারণতঃ এই বুঝায় যে, সে নির্দিষ্ট পুস্তক ব্যতীত আর কিছুই জানে না, ক্রীড়া-কৌতুকে অনভিজ্ঞ, ভীক, লাজুক, কার্যকুশলতাহীন জড়ভরতমাত্র। কেবলমাত্র সাহিত্যাদি চর্চায় মস্তিষ্কের কিছু উন্নতি সাধন করা যায় বটে, কিন্তু মানুষ গড়া যায় না। আমরা এমনি অন্ধ-স্নেহশীল যে, যতদিন সম্ভব সন্তানকে দুগ্ধপোষ্য শিশুর চক্ষে দেখিয়া তাহাকে অঞ্চলে ঢাকিয়া রাখিতে চাহি। ফলে এই হয় যে, বিশ্ববিদ্যালয়ের সর্বোচ্চ উপাধিদারী জাতশ্রেণী যুবকও অজাতদন্ত শিশুর গায় কর্মহীন অপোগণ্ডরূপে রহিয়া যায়।

দেশের বর্তমান জীবনসঙ্কটে অধিকাংশ পিতাই উদরান্ন-সংস্থানে এরূপ ব্যস্ত থাকেন

## ভারতের নারী

যে, সম্ভান-পালন ও তাহাদের শিক্ষার প্রতি দৃষ্টি রাখিতে পারেন না। সুতরাং এ বিষয়ের ভার জননীগণের গ্রহণ করাই সমধিক সুবিধা।

## রোগি-পরিচর্যা

প্রত্যেক সংসারেই কোন না কোন সময়ে একটা না একটা রোগ লাগিয়া থাকে, ইহা প্রায়ই দেখা যায়। সুতরাং রোগি-পরিচর্যা সম্বন্ধে স্ত্রী-পুরুষ প্রত্যেকেরই কিছু কিছু জ্ঞান থাকা আবশ্যিক। বরং এ সম্বন্ধে পুরুষের অপেক্ষা স্ত্রীলোকের বিশিষ্ট জ্ঞান অর্জন করা উচিত। কারণ রমণী স্বভাবতঃ দয়ালবতী ও মধুরভাষিনী। তাঁহাদের কোমল হস্তের শুশ্রুণায় রোগী যেমন আরাম পায়, পুরুষের স্বভাব-কঠোর হস্তে তাহা সম্ভবপর নহে, ইহা পরীক্ষিত সত্য। স্ত্রীলোকের এই স্বাভাবিক গুণ লক্ষ্য করিয়াই চিকিৎসালয়সমূহে নার্সিং বা শুশ্রুণাকার্যে স্ত্রীলোকরাই নিযুক্ত হইয়া থাকেন। বিশেষতঃ স্ত্রীলোক রোগিণী হইলে তা কথাই নাই। তাঁহারা লজ্জাশীলতাহেতু পুরুষের হস্তে শুশ্রুণা গ্রহণ করিতে একান্তই কুণ্ঠিতা। এইজন্য প্রত্যেক স্ত্রীলোকেরই শুশ্রুণায় পারদর্শিতা লাভ করা প্রয়োজন। শুশ্রুণায় পারদর্শিনী হইতে হইলে রোগের প্রকৃতি ও লক্ষণসমূহে বিশেষ জ্ঞান অর্জন করিতে হইবে। এতদ্বিন্ন তাঁহার সহিষ্ণুতা, লঘুহস্ততা, মধুরভাষিতা, নিয়ম-শৃঙ্খলা-জ্ঞান, সময়-জ্ঞান প্রভৃতি গুণ থাকাও আবশ্যিক। কাহারও কোন রোগ হইলে সর্বাগ্রে তাহাকে পৃথক্ গৃহে স্থানান্তরিত করিতে হইবে। কারণ, রোগমাত্রই অল্প-বিস্তর সংক্রামক। রোগীর গৃহে যাহাতে আলো-বাতাসের অভাব না ঘটে এবং অনাবশ্যক গুণ্ণগোল না হয়, তৎপ্রতি দৃষ্টি রাখিতে হইবে। সর্বদা সতর্ক থাকিয়া ষথাসময়ে ঔষধ ও পথ্য খাওয়াইতে হইবে। রোগ যতই কঠিন হউক না কেন, রোগীর নিকট সে বিষয়ে কোন আলাপ করিবে না, বরঞ্চ মিষ্ট কথায় সাহসনা দিবে। কেননা রোগীর মনে হতাশভাব জাগিলে রোগ উত্তরোত্তর জটিল ও ছুরারোগ্য হইয়া পড়ে। শিশুরা সহজে ঔষধ খাইতে চায় না, তাহাদিগকে নানা-প্রকারে ভুলাইয়া ঔষধ ও পথ্য খাওয়াইতে হইবে। এ বিষয়ে পুরুষের অপেক্ষা

## রোগি-পরিচর্যা

জীলোকের দক্ষতাই সমধিক। রোগীর মলমূত্রাদি তৎক্ষণাৎ স্থানান্তরিত করা কর্তব্য ; কলেরা, বসন্ত, হাম, টাইফয়েড প্রভৃতি তীব্র সংক্রামক রোগীর মলমূত্র মাটিতে গর্ভ করা পুঁতিয়া ফেলা উচিত। তাহার বস্ত্রাদি ফেনাইলের জলে ধুইয়া সাবান প্রভৃতি দিয়া সিদ্ধ করিয়া কাচিয়া লওয়া আবশ্যিক। সকাল-সন্ধ্যায় রোগীর ঘরে ধূনা দিলে রোগ-জীবাণু মরিয়া যায় এবং বায়ু বিশুদ্ধ হয়। বয়স্ক রোগী সুস্বাভাষ্য যে খাওয়া পছন্দ করে না, তাদৃশ খাওয়া পথ্য হিসাবে দেওয়া উচিত নহে। ফলতঃ ঔষধ এবং পথ্য সংক্ষেপে যাহাতে বয়স্ক রোগীর মানসিক বিকার না ঘটে, তৎপ্রতি লক্ষ্য রাখিয়াই চিকিৎসা এবং পথ্য-নির্বাচন কর্তব্য। ঔষধ এবং পথ্য উভয়ই রোগ-উপশমে সহায়তা করে। রোগের জটিলতা অনুসারে কখন কি উপসর্গ বাড়ে বা কমে, সেদিকে তীক্ষ্ণ দৃষ্টি রাখা আবশ্যিক। এইজন্য রোগীর নিকটে সর্বদাই উপস্থিত থাকা উচিত। অথচ একজন মাত্র লোকের উপর এই ভার ন্যস্ত থাকিলে, রাত্রি জাগরণ প্রভৃতি দ্বারা তিনি নিজেও অসুস্থ হইয়া পড়িতে পারেন, এই কারণে সময় করিয়া পরিবারস্থ বিভিন্ন ব্যক্তির এই কার্যে অংশ গ্রহণ করা উচিত। কিন্তু যিনিই এই কার্যে নিযুক্ত হউন না কেন, তাঁহাকেই গুরুত্বপূর্ণ কার্যে অভিজ্ঞ হইতে হইবে। গুরুত্বপূর্ণ রোগীর পরিচ্ছদাদি পরিষ্কৃত-পরিচ্ছন্ন থাকিবে। তাঁহাকে নিঃশব্দে চলাফেরা করিতে হইবে, এজন্য অলকারের প্রাচুর্য না থাকাই ভাল। রোগীর গৃহ হইতে বাহির হইয়া, বস্ত্র পরিবর্তন করিয়া, গা-হাত ভাল করিয়া ধুইয়া, তবেই গৃহস্থালীর কর্মাস্তরে যাওয়া উচিত। সংক্রামক রোগীর নিকট পশমাবস্ত্র পরিধান করিয়া বা খালি পেটে যাওয়া উচিত নহে ; উহাতে গুরুত্বপূর্ণ রোগীর আক্রান্ত হওয়ার সম্ভাবনা থাকে ; পরস্তু কর্পূর ব্যবহার প্রভৃতি আত্মরক্ষামূলক ব্যবস্থা অবলম্বন করা কর্তব্য। এ সংক্ষেপে চিকিৎসা-বিষয়ক গ্রন্থে বিশদভাবে উপদেশ দেওয়া আছে। পুরনারীগণ যদি অবসর সময় গল্পগুজবে না কাটাইয়া ২।১ খানি চিকিৎসাবিষয়ক গ্রন্থ অধ্যয়ন করিয়া রাখেন তবে তাঁহাদের প্রিয়জনের রোগের সময়ে বিশেষ উপকারে আসিবে। শিক্ষিত গুরুত্বপূর্ণ রোগী সর্বত্র সুলভ নহে, এজন্য প্রত্যেক গৃহস্থের রোগি-পরিচর্যাবিষয়ে কিছু কিছু জ্ঞান লাভ করা উচিত।

## স্বাস্থ্য-রক্ষা

শরীর সুস্থ রাখা, ধর্ম ও কর্ম-সাধনের সর্বপ্রধান অঙ্গ। “শরীরমাণ্ডং খলু ধর্মসাধনম্।” শরীর সুস্থ না থাকিলে, সবল দেহ ধারণ করিতে না পারিলে, সংসারের কর্তব্যাকর্তব্যের প্রতি লক্ষ্য রাখিয়া সংসারের অভাব-অভিযোগ পূরণ করা যেরূপ অসম্ভব, সেইরূপ সংচিন্তা বা উচ্চধারণা, সংকার্ষ্য প্রভৃতি করিবার সাহস বা ক্ষমতাও একেবারে লোপ পাইতে থাকে। সেইজন্য সুস্থ ও সবল দেহে থাকিবার জন্য আমাদের যাহা একান্ত আবশ্যিক, তাহা সংগ্রহ করিয়া মনকে ভগবনুগ্ৰী করাই প্রধান কর্ম।

এই স্বাস্থ্য-রক্ষার প্রথম ও প্রধান অঙ্গ কি কি? প্রাতঃস্থান, বিমলবায়ুসেবন, সুপথ্যগ্রহণ, ব্যায়ামচর্চা, সুনিদ্রা, এবং ইন্দ্রিয়সংযম ইত্যাদি সর্ববাদিসম্মত স্বাস্থ্য-রক্ষার প্রধান অঙ্গ। ইংরাজী প্রবচনে বলে, “ভোরে উঠিলেই সুস্থ, সবল ও ধনবান হওয়া যায়।” ইহা যে শুধু ইংরাজদের মত, তাহা নহে; আমাদের দেশের মুনি-ঋষিগণও ব্রাহ্মমুহুর্তে গাত্রোথান অবশ্যকর্তব্য বলিয়া ব্যবস্থা দিয়া গিয়াছেন। তাহার পরে দস্তধাবন একটী সামান্ত ব্যাপার নহে। বর্তমান স্বাস্থ্যবিজ্ঞান বলিতেছে—দস্তরোগ হইতেই অতি কঠিন কঠিন রোগ সমুদয় উৎপন্ন হইতে পারে। তাই প্রত্যহ ভাল করিয়া মুখ ধোওয়া উচিত। আর্ধ্যচিকিৎসকগণের মতে, শরীরপালন-বিধি মানিয়া চলিলে, সত্যই সুস্থ ও সবল হওয়া যায়। শয্যাভ্যাগ হইতে পুনরায় নিদ্রা যাওয়ার সময় পর্যন্ত সুন্দর শৃঙ্খলা তাঁহারা বিধিবদ্ধ করিয়াছেন। ঐ সব নিয়ম একবার পালন ও অভ্যাস করিলেই ফল পাওয়া যায়।

কেবলমাত্র যে প্রচুর আহার্যের অভাবেই আমাদের স্বাস্থ্য-রক্ষা অসম্ভব হইতেছে এবং দেহ নানারূপ ব্যাধির আবাসভূমি হইয়া দাঁড়াইতেছে তাহা নহে; পরন্তু, পুষ্টিকর সহজপাচ্য এবং সাত্বিক আহারের অভাবেই আমরা স্বাস্থ্য-রক্ষ হারাইতেছি। অতিভোজন রোগের মূল। “উনো ভাতে দুনো বল, তরা পেটে রসাতল”—এ সব প্রসিদ্ধ প্রবচন মা-লক্ষ্মীরা নিশ্চয়ই জানেন। খাণ্ডদ্রব্য পুষ্টিকর হইলে পরিমাণে কম

হওয়া চিন্তার বিষয় নহে। বরং সকল দেশের স্বাস্থ্যতত্ত্বজ্ঞ ব্যক্তিগণই ক্ষুধা রাখিয়া বারে বারে অল্প পরিমাণে খাদ্যগ্রহণের পরামর্শ দিয়া থাকেন।

জীবনধারণের প্রধান উপাদান নির্মূল বায়ু ও পরিষ্কার জল। শুদ্ধাচারী দরিদ্রের সংসারে যে আহার্য সংগ্রহ হয়, তাহা আহার করিলেই স্বচ্ছন্দে স্বাস্থ্য-রক্ষা করা যায়। কিন্তু আমাদের দেশে রমণীগণের অনেকেই ধারণা, ছেলে-মেয়েকে বেশী খাওয়াইলে বল-বৃদ্ধি হয়। এই ধারণার বশবর্তিনী হইয়া তাঁহারা সস্তানদিগকে অতি-ভোজন করাইয়া নষ্টস্বাস্থ্য করেন। এই ধারণা যে নিতান্ত ভ্রমাত্মক, সে কথা পূর্বেই বলা হইয়াছে।

আজকাল দেশের অনেকেই বৈদেশিক ভাবাপন্ন হইয়া প্রকৃত স্বাস্থ্য-রক্ষার মর্ম ভুলিয়া গিয়াছেন। চিকিৎসকগণও নানারূপ রোগের জন্ত রোগ-প্রতিষেধক অনেক ঔষধাদি আবিষ্কার করিতেছেন। এই সকল ঔষধসেবনে রোগিগণ অনেক সময়ে মরণের হাত হইতে সাময়িক রক্ষা পাইয়া কথঞ্চিৎ সুস্থতা অনুভব করেন মাত্র।

যে খাদ্য ক্ষয়পূরণ বা দেহের পুষ্টিসাধন না করিয়া নানা রোগ উৎপন্ন করে, তাহাকে খাদ্য বলা যায় না। যে ঔষধ সাময়িক রোগের হাত হইতে রক্ষা করিতে গিয়া মাস্থকে চিরকল্প করে, তাহাকে ঔষধ বলা যায় না। আহার্যমাত্রেই সুখাচ্ছন্ন নয়, ঔষধমাত্রেই রোগ সারে না। তাই অনেক বিবেচনা করিয়া খাদ্য ও ঔষধ নির্বাচন করা আবশ্যিক। মোট কথা, সাত্ত্বিক আহারে, ব্রহ্মচর্যপালনে ও পরিষ্কার-পরিচ্ছন্নতায় শরীর যেরূপ সুস্থ ও বলিষ্ঠ হয়, কোন তামসিক খাদ্য প্রচুর পরিমাণে আহার করিলেও শরীরকে সেরূপ সুস্থ রাখা যায় না; অধিকন্তু দেহখানিকে নানারূপ রোগের আবাসভূমি করা হয়। তাই, আমাদের প্রধান কর্তব্য শাস্ত্রের বিধি যথাযথ পালন করিয়া শরীরকে নানা রোগের হাত হইতে রক্ষা করা এবং নিজে সুস্থ ও বলিষ্ঠ হওয়া। শরীর ভাল থাকিলে সৎচিন্তা, উচ্চধারণা ও সৎকার্য প্রভৃতিতে আনন্দ আসিবে এবং কঠিন কার্য সম্পাদনে অবসাদ আসিবে না; বরং সমস্ত কর্মেই আনন্দ হইবে।

বর্তমান যুগে একমাত্র ভারতবর্ষ ভিন্ন সকল দেশেই নরনারী দেশকাল অনুযায়ী স্বাস্থ্য-রক্ষার বিষয়ে বিশেষরূপে যত্ন লইয়া থাকেন। আমাদের দেশের পুরুষেরা বাহিরের কাজকর্মে ইচ্ছায়-অনিচ্ছায় কিছু না কিছু ব্যায়ামচর্চা করিয়া কতকটা সুস্থ

## ভারতের নারী

আছেন, কিন্তু এদেশের নারীসমাজের অবস্থা শোচনীয়। বিলাসিতাকে যিনিই আশ্রয় করিয়াছেন, তাঁহারই স্বাস্থ্য ভাঙিবে। আর যিনি সংসারের কাজে সর্বদা ব্যস্ত থাকিবেন, তাঁহার শরীর উপযুক্ত আহার না পাইলেও কিছু ভাল থাকিবে। স্বাস্থ্য-রক্ষা করিতে হইলে অতি প্রত্যায়ে শয্যাভ্যাগ, নিয়মিত সময়ে স্নান ও ভোজন আবশ্যিক। দিবানিদ্রা, মাদক-দ্রব্যসেবন ও অধিক রাত্রি-জাগরণ প্রভৃতি পরিত্যাগ এবং শারীরিক পরিশ্রম ইত্যাদি নিয়মে অভ্যস্ত হইতে হইবে। তাহা ছাড়া যে যে তিথিতে যে সমস্ত খাওয়াদি নিষিদ্ধ তাহা প্রতিপালন করিয়া চলা উচিত। শাস্ত্রকারগণ শরীর-রক্ষার নিমিত্তই এই সমস্ত নিয়ম নির্দেশ করিয়াছেন। এই সমস্ত নিয়ম প্রতিপালন করা সত্ত্বেও দূষিত খাদ্য, পানীয় ও বায়ুর দোষে রোগাদি উৎপন্ন হইতে পারে। মা-লক্ষ্মীগণ স্বভাবতঃ লজ্জাশীলা; তাঁহার কোন অস্বথের সূচনা হইলে তখনই যদি তাহার প্রতিবিধান করেন এবং রোগ অনুযায়ী আহার ও ঔষধের ব্যবস্থা করেন, তাহা হইলে চিরকাল রোগ ভোগ করিতে হইবে না। নারীজাতিই জাতির জননী, এজন্য নারীজাতিকে সর্বপ্রথমে স্বাস্থ্য-রক্ষা-বিষয়ে শিক্ষিত হইতে হইবে।

## আত্মার পবিত্রতা রক্ষা

আমাদের সং বা অসং যাহা কিছু জ্ঞান জন্মে তাহা ইন্দ্রিয় দ্বারাই উৎপন্ন হয়। ইন্দ্রিয় সর্বসমষ্টিতে ছয়টি। চক্ষু, কর্ণ, নাসিকা, জিহ্বা ও ত্বক্ এই পাঁচটিকে জ্ঞানেন্দ্রিয় বা বহিরিন্দ্রিয় এবং মনকে অন্তরিন্দ্রিয় বলে। কিন্তু মন সর্বাধিক জ্ঞানের প্রতিকারণ; মনঃসংযোগ না হইলে কোন জ্ঞান উৎপন্ন হইতে পারে না। এই সর্বাধিক জ্ঞানের দ্বারস্বরূপ মন যদি বিস্তৃত না থাকে, তবে সমস্ত জ্ঞানই কলুষিত হইয়া যায়। দর্পণ নির্মল না হইলে প্রতিবিম্বও নির্মল হয় না। সুতরাং আত্মার পবিত্রতা রক্ষা করিতে হইলে, সর্বপ্রথমে মনকে সংযত করিয়া উহার নির্মলতা রক্ষা করিতে হইবে। মন চঞ্চল,

## আত্মার পবিত্রতা রক্ষা

উহাকে সংঘমের দ্বারা আয়ত্তে রাখিতে হয়। মনীষিগণ মনকে দুর্দান্ত ঘোটকের সহিত তুলনা করিয়াছেন। দুর্দান্ত অশ্বকে যেমন বজ্রা দ্বারা সংযত রাখিতে হয়, মনকেও তদ্রূপ বিবেকরূপ বজ্রা দ্বারা সংযত না করিলে উহা বন্ধনমুক্ত অশ্বের ন্যায় উন্মার্গগামী হইয়া থাকে। বিবেক ধর্মজ্ঞানেরই নামাস্তর। উহা দ্বারা কর্তব্যাকর্তব্যবোধ জন্মে। একমাত্র ধর্মজ্ঞান আছে বলিয়াই মনুষ্যজাতি পশুসাধারণ হইতে শ্রেষ্ঠ জীবরূপে পরিগণিত হয়। অন্তথা আহার, নিদ্রা প্রভৃতি প্রকৃতিমূলক কর্মগুলি মনুষ্যের ন্যায় পশু প্রকৃতিতেও বিদ্যমান রহিয়াছে। ঈশ্বরের অনুগ্রহে শ্রেষ্ঠ মানবদেহ লাভ করিয়াও যে ব্যক্তি ধর্মজ্ঞানরহিত বা বিবেকহীন তাহাকে পশুধর্ম বলিতেও বিধাবোধ হয় না। এই ধর্মজ্ঞান সূদূত হইলে ভাবশুদ্ধি হয় এবং ভাবশুদ্ধ মানবই আত্মার পবিত্রতা রক্ষা করিতে পারে। সুতরাং দেখা যাইতেছে যে, আত্মার পবিত্রতা রক্ষা করিতে হইলে প্রথমে সংঘমের অনুশীলন দ্বারা মনকে সংযত করিতে হইবে। তারপর ধর্মজ্ঞান ও বিবেককে সূদূত করা আবশ্যিক; গুরুপদেশ শ্রবণ, শাস্ত্রানুশীলন, সংসঙ্গ, মহাপুরুষগণের জীবনী পর্যালোচনা, সদগ্রন্থ-পাঠ প্রভৃতি দ্বারা বিবেক সূদূত হইয়া থাকে। দুর্ভাগ্যবশতঃ আমাদের দেশে এখন বিপরীত আবহাওয়া বহিতেছে। সিনেমা-বায়োস্কোপদর্শনে এবং নভেল-উপন্যাসপাঠে যে সমস্ত ভাব স্বভাব-চঞ্চল নর-নারীর চিত্তপটে অঙ্কিত হইয়া যাইতেছে, তাহাতে সংঘম সূদূরপর্যাহত, বিবেক তিরোহিত এবং আত্মার আবিলতা ক্রমশঃই বর্ধিত হইতেছে। কল্যাণকামী নরনারীগণ বিষধরজ্ঞানে এই সমস্ত প্রলোভন হইতে যত দূরে থাকিবেন ততই মঙ্গল। তাঁহারা অবসর সময়ে ঈশ্বরোপাসনা, সদুপদেশপূর্ণ গ্রন্থপাঠ, সদালাপ প্রভৃতিতে অভ্যস্ত হইলেই, ক্রমশঃ চিত্তের মালিন্য দূর হইয়া ধর্মজ্যোতিতে অন্তর উদ্ভাসিত হইয়া উঠিবে। দৈবাৎ প্রবল প্রকৃতির তাড়নে যদি কোন অবিবেকের কার্য করিয়া বসেন, তবে অনুতাপাদির দ্বারা ঐ পাপের ক্ষয় করিয়া ভবিষ্যতের জন্য সাবধানতা অবলম্বন করিলেই শাস্ত শাস্তির অধিকারী হইতে পারিবেন।

## রূপ

রূপ ভগবানের দেওয়া জিনিষ। রূপবান্ বা রূপবতী হওয়া অবশ্যই তাঁহার আশীর্বাদ। মানুষমাত্রেই রূপ ভালবাসে, রূপের আদর করিয়া থাকে। তাই বলিয়া রূপই জগতের একমাত্র সার বস্তু নহে, ইহা মনুষ্যদেহের আবরণ মাত্র। অনেক সময়ে দেখা যায়—অনেক জ্ঞানহীনা নারী রূপের গর্বে উচ্ছৃঙ্খলা হন, তাহা কোন প্রকারেই বাঞ্ছনীয় নয়। আবার রূপহীনতার জন্য কেহ দায়ী নহে, তাহাতে কাহারও হাত নাই। ভগবান্ যাহাকে যে রূপ করিবেন তাহাকে সেইরূপ হইতে হইবে। সুতরাং নিরপরাধা রূপহীনাদের গঞ্জনা করা যুক্তিযুক্ত নহে। এ জগতে সৃষ্টদ্রব্যের সম্বন্ধে আলোচনা করিলে আমরা দেখিতে পাই, যাহা কিছু দেখিতে সুন্দর তাহাই শ্রেষ্ঠ নহে। সৌন্দর্যহীন বহু দ্রব্য আমাদের পরম কল্যাণকর। সুতরাং সুন্দরী রমণীই যে কেবল নারীজাতির মধ্যে শ্রেষ্ঠা ইহা বলা যাইতে পারে না। যেমন সুন্দর পুষ্পের সহিত সুগন্ধ মিশ্রিত থাকিলে সকলেই সেই ফুল ভালবাসে, সেইরূপ সুন্দরী রমণী সঙ্গুণের আধার হইলে সকলেরই আদরগীয়া হন। আবার সৌন্দর্যহীন পুষ্প সুগন্ধময় হইলে লোকে যেমন তাহার আদর করে ও গন্ধহীন সুন্দর পুষ্পের অনাদর করে সেইরূপ কুরূপাও গুণবতী হইলেই সকলেই তাঁহার প্রশংসা করে; গুণহীন সুন্দরীর সমাদর কেহ করে না। জ্বীলোকের রূপই বল আর গুণই বল, তাহাতে নিজের গর্ব করিবার কি আছে? যাহারা রূপবতী, তাঁহারা স্বীয় সৌন্দর্যের সহিত সহস্র গুণ যুক্ত করিয়া 'মণিকাঞ্চন'-সংযোগের ন্যায় অতুলনীয় হউন, এবং যাহারা রূপহীনা তাঁহারা ততোধিক যত্নে জ্বীজাতিমূলভ অগ্ৰাণ্য গুণের অধিকারিণী হইয়া তাঁহাদের রূপহীনতার কলঙ্ক ঢাকিয়া ফেলুন, তাহা হইলে, সংসার-জীবন সার্থক হইবে।



## সহিষ্ণুতা

সহিষ্ণুতা বা সহ্যশক্তির তুলনা করিতে হইলে সাধারণতঃ লোকে ধরিজীর বা পৃথিবীর সহিত তুলনা করিয়া থাকেন। তাহার কারণ—জগতে সকল সৃষ্টিই সহিষ্ণুতার উপর নির্ভর করে। কত আপদ-বিপদ, কত ঝড়-ঝঞ্ঝা সহ্য করিয়া একটা ফলবান্ বৃক্ষ উৎপন্ন হয়, তাহা আমরা প্রতিনিয়ত লক্ষ্য করিতেছি। সেইরূপ এ সংসারে বহু আপদ-বিপদ, অভাব-অনটন, আধি-ব্যাদি, দুঃখ-দৈন্ত্য নীরবে সহ্য করিলে পরিশেষে ভগবানের আশীর্ব্বাদে সুখ-শান্তি লাভ করা যায়। যাহারা সামান্য দুঃখ-কষ্টে অস্থির হইয়া পড়েন, তাঁহারা কখনও স্থায়ী সুখলাভ করিতে পারেন না। আজ তোমার কষ্ট হইয়াছে, অভাব হইয়াছে সহ্য কর, কাল আবার ভগবানের আশীর্ব্বাদে তোমার সুখের দিন আসিবে। অনেক সময়ে আমাদের দুঃখ-কষ্ট হিংসা হইতেও উৎপন্ন হয়। অমুক ভাল ভাল গহনা পরিতেছে, অমুকের কত ঐশ্বর্য্য, আমার কিছুই নাই; কিন্তু চিন্তা করিয়া দেখিও অমুকের একদিনে উন্নতি হয় নাই। অমুকের অবস্থাও একদিন ভাল ছিল না; ক্রমশঃ অবস্থার পরিবর্তন হইয়াছে। তুমি যদি একান্তমনে ধৈর্য্য ধরিয়া কর্তব্য সম্পাদন করিতে পার, সুখের দিন তোমারও আসিবে। মহাভারত, পুরাণ, নাটক, নভেল সকল পুস্তকেই ধৈর্য্যহীনতায় নাশের আর সহিষ্ণুতায় সুখের উদাহরণ ভূরি ভূরি পাওয়া যায়। সীতাদেবী যদি স্বর্ণমুগের জন্ত অসহিষ্ণু না হইয়া উঠিতেন, তাহা হইলে বোধ হয় তাঁহার এমন সর্ব্বনাশ ঘটিত না। আবার অহল্যা সহিষ্ণুতার মূর্ত্তিরূপে যদি পাষণ হইয়া না থাকিতেন, তাহা হইলে তিনি শ্রীরামচন্দ্রের পদরেণু পাইতেন না। বঙ্কিমবাবুর 'বিষবৃক্ষ' ও 'কৃষ্ণকান্তের উইলে' এ বিষয় সুন্দররূপে আলোচিত হইয়াছে। সূর্য্যমুখীর সহিষ্ণুতাই তাঁহাকে তাঁহার সোনার সংসার ফিরাইয়া দিল, আর ভ্রমরের অধৈর্য্যই একটা বঙ্কিম বংশ উৎসর্গে দিল। সময়ে সময়ে আমাদের উপর এমন বিপদের বোঝা আসিয়া পড়ে যে, তখন মনে হয় সর্ব্বনাশ হইল, এ যাত্রা আর রক্ষা হইল না; কিন্তু ধৈর্য্য ধারণ করিয়া থাকিলে আমরা দেখিতে পাই যে, অচিরকাল মধ্যে বিপদের মেঘ কাটিয়া সুখ-চন্দ্রের উদয় হয়। কৰ্ম্মবশে তুমি যদি চরিত্রহীন স্বামীর হাতে পড়িয়া থাক, ভালবাসার দ্বারা

## ভারতের নারী

তাঁহাকে সংপথে আনিতে চেষ্টা কর। যদি গঞ্জনাযম সংসারে আসিয়া থাক, নীরবে সহ কর; প্রতিবাদ করিও না, প্রতিকলহ করিও না;—দেখিবে মঙ্গলময় ভগবানের আশীর্বাদে তোমার অশাস্তি দূর হইবে। তোমার সংসার সুখ-শাস্তিতে পূর্ণ হইবে। আর যদি সাময়িক যন্ত্রণার হাত হইতে নিষ্কৃতি পাইবার জন্য স্বামী সংসার ভাসাইয়া দিয়া পিতৃগৃহে উঠ, তাহাতে সাময়িক সুখ হইতে পারে বটে, কিন্তু চিরকালের সুখ হারাইতে হইবে। অনেক অজ্ঞ অভিভাবক একরূপ ক্ষেত্রে কন্যাদিগকে উক্তরূপ প্রণয় দিয়া থাকেন। কিন্তু এ প্রণয়ে যে কন্যার সর্বনাশ করা হইতেছে, তাহা তাঁহারা চিন্তাও করেন না।

## সংযম

কাম, ক্রোধ, লোভ, মোহ, মদ ও মাৎসর্য—এই ছয়টি মানবের পরম শত্রু। এইজন্ত ইহাদিগকে 'ষড়্‌রিপু' বলা হয়। এই ছয়টিকে দমন করিয়া রাখার নামই সংযম। এই কামাদি রিপু ছয়টির মধ্যে একটির সঙ্গে অপরটির ঘনিষ্ঠ সম্বন্ধ আছে। একটির উৎপত্তিতে অপরটির উৎপত্তি এবং একটির নাশে অপরটির নাশ হয়। লোভ-বিশেষ হইতে কাম, কাম হইতে ক্রোধ, ক্রোধ হইতে মোহ, মদ ও মাৎসর্য জন্মিয়া থাকে। সুতরাং দেখা যাইতেছে যে, একমাত্র লোভকে দমন করিয়া রাখিতে পারিলেই ক্রমশঃ অপরায় রিপুগুলিও শাস্তভাবে পন্ন হইয়া থাকে। লোভ হইতে কাম জন্মিয়া থাকে। অতএব এই রিপু বা মানসিক বৃত্তিগুলিকে সংযত করিয়া রাখিতে না পারিলে নরনারী ক্রমশঃ অধঃপতনের দিকেই অগ্রসর হইতে থাকে। প্রথমতঃ, রূপজ লোভের বশবস্তী হইয়া কত রাজ্য শ্বশানভূমিতে পরিণত হইয়াছে, কত সোনার সংসার উৎসর্গে গিয়াছে এবং কত নরনারী যে কলঙ্কিত দুর্ভহ জীবন-ষাপনে বাধ্য হইতেছে, তাহার আর ইয়ত্তা নাই। দ্বিতীয় প্রকার লোভ—

রসনাঘটিত। আমরা খাদ্য-পানীয়ের লোভ সংবরণ করিতে না পারিয়া সুন্দর নীরোগ দেহকে নানাবিধ ব্যাধির আধারে পরিণত করি। ইদানীং দেখা যায় যে, প্রায় প্রত্যেক সংসারেই কাহারও না কাহারও কোন না কোন রোগ লাগিয়াই আছে। ইহাদের অধিকাংশই যে আহার-বিহারের দোষে উৎপন্ন, তাহা প্রায় সকলেই বুঝেন; কিন্তু সংযমের অভাবে লোভের বশবর্তী হইয়া আমরা ইহা বুঝিয়াও অজ্ঞের গ্ৰাম সর্বনাশের পথ পরিষ্কার করিয়া অকালমৃত্যুকে ডাকিয়া আনিতেছি। শাস্তি ও শৃঙ্খলাপূর্ণ সংসারে রুগ্ন ব্যক্তিকে লইয়া পরিজনবর্গকে ব্যতিব্যস্ত হইতে হয়। শুধু ইহাই নহে; আবশ্যিক সংসার-খরচের ব্যয়সঙ্কোচ করিয়া বা ঋণ করিয়া ডাক্তার-কবিরাজের ব্যয় নির্বাহ করিতে হয়। সময়ে লোভ সংবরণ করিতে পারিলে এই আগন্তুক ব্যয়টা বাঁচিয়া যাইতে পারে।

লোভ যেমন শয়তানের ফাঁদ, ক্রোধও তেমনই উহার শানিত তরবারি। ক্রোধের উদ্বেক হইলে মানবের হিতাহিত জ্ঞান থাকে না। তখন দয়া, দাক্ষিণ্য প্রভৃতি মনুষ্যোচিত সদগুণসমূহ লোপ পাইয়া মানুষকে পিশাচে পরিণত করে। ক্রোধের বশবর্তী হইয়া আমরা এমন একটা কু-কার্য্য করিয়া বসি, যাহার জন্য আমাদের আত্মজীবন অনুতাপ করিতে হয়। ক্রোধকে অগ্নির সহিত উপমা দেওয়া হয়। বাস্তবিক অগ্নি যেমন নির্বিচারে দাহ বস্তুকে দগ্ধ করিয়া ভস্মাবশেষে পরিণত করে, ক্রোধও তদ্রূপ সদগুণসমূহ বা বিবেককে নির্বিচারে ভস্মীভূত করে। মনীষিগণ এই দুর্দান্ত শত্রুকে দলন করিবার একটা সুন্দর উপায় দেখাইয়া গিয়াছেন। তাঁহারা বলিয়াছেন যে, যখন কোন ক্রোধের কারণ উপস্থিত হইবে, তৎক্ষণাৎ দর্পণে নিজের মুখ দেখিবে এবং সেই স্থান ত্যাগ করিয়া ভগবানের নাম স্মরণ করিবে। এইরূপ করিলেই অচিরে উহা লয়প্রাপ্ত হইবে।

ক্রোধ হইতেই স্মৃতিবিভ্রম বা মোহ জন্মিয়া থাকে। মোহ অজ্ঞানতারই নামান্তর। উহা মায়া-মরীচিকার গ্ৰাম মানুষকে কুপথে লইয়া যায়। নির্মল আকাশে হঠাৎ কুয়াসা উঠিয়া যেমন সূর্য্যকিরণ অচ্ছাদন করে, মোহও তদ্রূপ বিবেকজ্ঞানকে অচ্ছাদন করায় অসম্ভৃতিগুলি প্রবল হইয়া উঠে এবং আত্মরক্ষায় অসমর্থ জীবকে ক্রমশঃই পাপের পথে টানিয়া লইয়া যায়।

## ভারতের নারী

মদ ও মাৎসর্য মোহেরই সহজাত শত্রু। মদ বা মত্ততা দ্বিবিধ ; প্রথম—মাদক-দ্রব্যসেবনজনিত ; দ্বিতীয়—ঐশ্বর্যজনিত। অত্যন্ত অহিতকর উগ্র মাদকের কথা ছাড়িয়া দিলেও আত্মকাল প্রায় ঘরে ঘরে চা, চুরুট, দোস্তা, জরদা ইত্যাদি মৃদুমাদক-দ্রব্যের প্রচলন দেখা যায়। ইহাও একপ্রকার বিলাসিতা ; ইহা দ্বারা এক এক গৃহস্থের যত অর্থ নষ্ট হয়, তদ্বারা এক দরিদ্র গৃহস্থ বাঁচিয়া যাইতে পারে।

মাৎসর্য অর্থাৎ অহঙ্কার, বড় কম শত্রু নহে। যাহার ভিতরে অহঙ্কার শিকড় গাড়িয়া বসিয়াছে, সে নিজেকে অপর হইতে বেশ একটু স্বতন্ত্র রাখিতে চেষ্টা করে। এই মাৎসর্যভাব হইতে শাস্তিপূর্ণ সংসারে মনোভঙ্গ এবং গৃহভঙ্গরূপ আগুন জলিয়া উঠিয়া সংসারকে ছারখারে দেয়। প্রথম হইতে সংযম অভ্যাস করিলে এই সমস্ত দুঃস্বপ্ন রিপূর হস্ত হইতে পরিজ্ঞান পাওয়া যায়। সংযমহীন ব্যক্তির যাবতীয় কর্মই ভ্রমস্থিতার তায় নিষ্ফল হয়। শাস্ত্রের নিয়ম এবং গুরুজনবর্গের সদুপদেশ প্রতিপালন করিয়া চলিলেই নরনারী সংযত বা জিতেন্দ্রিয় হইতে পারেন ইহাতে সন্দেহ নাই।

## সুশৃঙ্খলা

সকল বিষয়ের সুশৃঙ্খলা সংসার-জীবনের একটা অতি আবশ্যকীয় গুণ। ইহা ব্যতীত সুব্যবস্থায় সংসার-চলা অসম্ভব। সংসারের কাজ বা সংসারের দ্রব্য একটী-ছুইটা নয়, বহু। যদি সকল দ্রব্য নিয়মিতরূপে ও নির্দিষ্ট স্থানে সংরক্ষিত না হয়, তাহা হইলে সকল কাজ এমনই 'এলোমেলো' হইয়া যায় যে, বহু পরিশ্রমেও কোন বিষয় সুসম্পন্ন করা যাইতে পারে না। শৃঙ্খলার অভাবেই অনেক সময়ে অনেক কার্য অসম্পন্ন থাকে এবং বহু দ্রব্য অব্যবহার্য হইয়া পড়ে। এমন কি হঠাৎ বিপদের সময়ে আবশ্যক দ্রব্যের অভাবে বিপদের গুরুতা বাড়িয়া যায়। বৃহৎ পুস্তকের সূচী না থাকিলে যেমন তাহাতে লিখিত বিষয়গুলি সহজে বাহির করা যায় না,

কেবল পাতা উন্টাইয়া মরিতে হয় সেইরূপ সংসারে শৃঙ্খলা না থাকিলে সাংসারিক কার্য ও দ্রব্যাদির কিছুই হিসাব থাকে না; কেবল ছুটাছুটি, খোঁজাখোঁজি ও ঝগড়া-ঝাঁটি করিয়া মরিতে হয়; জ্বীলোক গৃহের লক্ষ্মী, সৌন্দর্য ও ঐশ্বর্যের দেবতা। শৃঙ্খলাহীনা গৃহিণীর সংসারে কখনও লক্ষ্মীর বাস থাকিতে পারে না। সুতরাং যে সংসারে বিলি-বন্দোবস্ত নাই, সে সংসার শীঘ্রই লক্ষ্মীছাড়া হইয়া পড়ে। লক্ষ্মীস্বরূপিণীর লক্ষ্মীছাড়া হওয়া অপেক্ষা অধিক নিন্দার আর কি আছে? শৃঙ্খলা রাখিতে হইলে সকল দিকেই হঁস থাকা চাই ও সঙ্গে সঙ্গে আলস্যহীনা হওয়া চাই। কখন কি কাজ হইবে, কি হইতেছে না, কখন কাহার কি দরকার এ সব বিষয়ে সর্বদা দৃষ্টি রাখা চাই। কোথায় কোন্ জিনিষ গেল, কোথায় কোন্ জিনিষ রহিল, সর্বদা তত্ত্বাবধান করিতে হইবে এবং গৃহ-কাৰ্য্যাদির শেষে তত্ত্বাবধান না সংসারের সমুদয় দ্রব্য যথাস্থানে সন্নিবেশিত হয়, তত্ত্বাবধান পর্য্যন্ত কোনক্রমেই বিশ্রাম লাভ করিবেন না। কার্যে যেমন শৃঙ্খলা আবশ্যিক, বাক্য ও ব্যবহারেও তদনুরূপ হওয়া উচিত। কঠিনে শৃঙ্খলা চাই। অথবা চীৎকার বা অনাবশ্যিক মৃহতার প্রয়োজন নাই। কার্যের তারতম্য, সম্পর্ক ও সময়ের গুণে কঠিনের হ্রাস-বৃদ্ধি করিতে হইবে। শ্রমমাতার সহিত সাংসারিক বিষয়ের আলোচনায় যে কঠিন আবশ্যিক, সম্মানকে শাসন করিবার সময়ে সে শ্রম ব্যবহার করিলে চলিবে না। আবার সম্মান-শাসনের শ্রম কৌতুকপ্রসঙ্গে প্রযোজ্য নহে। আবার মাথামুণ্ড ঠিক না রাখিয়া কোন বিষয়ে 'হাউ হাউ' করিয়া পরিচয় দিতে গিয়া 'খেই' হারাইয়া ফেলা সমধিক দুষণীয়। যাহাকে দেখিয়া আবক্ষ ঘোমটা দেও, তাহার সমক্ষে বা পরোক্ষে ঘোমটার ভিতর হইতে লজ্জাহীনায় গায় চীৎকার করা সঙ্গত নয়। পক্ষান্তরে যাহার সহিত কথা কহিবার সম্পর্ক তাহাকে দেখিয়া 'কলাবৌ' হওয়াও দুষণীয়। এইরূপ আহার, নিদ্রা, প্রভৃতি সর্ববিষয়ে সমান শৃঙ্খলা থাকা আবশ্যিক।

## বিলাসিতা

বিলাসবাসনা মানবের একরূপ দেহধর্ম বলিলেও চলে ; স্তত্রাং সংসারের সকলেই আপন আপন সুখস্বাচ্ছন্দ্য খুঁজিবে, তাহাতে আর বিচিত্রতা কি ? কিন্তু দেহ লইয়াই সংসার নহে ; দৈহিক সুখবিধান ছাড়া সংসারে অনেক গুরুত্বর কর্তব্য আছে । স্তত্রাং দৈহিক সুখের জন্ত সে কর্তব্য ভাসাইয়া দিলে চলিবে কেন ? দেশ, কাল অল্পসারে আমাদের সংসারে ক্রমশঃই বিলাসিতা প্রবেশ করিতেছে । ইহা কোনক্রমেই মঙ্গলজনক নহে । বিলাতীবিবির আদর্শ দেখিয়া হিন্দুনারীর কি বিবি সাজা শোভা পায় ? বিশেষতঃ বিলাসসজ্জা অনেক সময়ে কুৎসিত ভাবের উদ্দীপক । কোন্ লজ্জায় কুলবধূরা অর্ধনগ্ন বিলাসিনী সাজিয়া স্বপুত্র, ভাস্কর, দেবর, শাস্ত্রী, ননদিনী প্রভৃতির সম্মুখে বাহির হন ? স্তত্রাং সেকালে আয্যবধূগণ সজ্জিত হইয়া সাধারণের সমক্ষে আসিতে একান্ত সঙ্কুচিত হইতেন, ইহাই নারীচরিত্রের পবিত্র মধুরতা । জগজ্জননী জগদম্বা, যৈত্বেশ্বর্যময়ী হইলেও শ্মশানবাসী শিবের বকলপরিহিতা গৃহিণীরূপে বিরাজ করিতে ভালবাসেন । বিলাসিতার উপযোগী বেশভূষা হিন্দুবধূদিগের পক্ষে লজ্জার কথা, ইহা সর্বথা বর্জনীয় । ইহাতে অনাবশ্যক অর্থ-ব্যয়, সময় নষ্ট, অপরপক্ষে শরীর নষ্ট হয় । তবে পরিচ্ছন্নতা-রক্ষার জন্ত অঙ্গমার্জনা ও পরিষ্কৃত-বস্ত্রাদি-পরিধান, কেশবিষ্ণাসাদি যাহা একান্ত আবশ্যক, সেগুলির প্রতি দৃষ্টি রাখিতে হইবে । বর্তমান সামাজিক রীতি অল্পসারে মর্ধ্যাদারক্ষার জন্ত অনেক সময়ে মূল্যবান বসন-ভূষণের আবশ্যক হয় বটে, কিন্তু ভগবৎকৃপায় যাহার অবস্থা স্বচ্ছল, সময়বিশেষে তিনি তাহা সম্ভবমত ব্যবহার করিতে পারেন । তাই বলিয়া দরিদ্রগৃহিণী যেন সর্বস্বান্ত করিয়া উক্তরূপ বসন-ভূষণ স্বামী নিকট দাবী না করেন । ভদ্রসমাজে গমনোপযোগী সাদাসিধা পরিচ্ছন্ন বসনাদি মধ্যবিত্ত গৃহস্থের পক্ষে যথেষ্ট বলিয়া মনে হয় । আজ-কালকার সমাজে 'সেয়ানে সেয়ানে কোলাকুলি' চলিতেছে । কেহ মূল্যবান বসন-ভূষণ পরিলে তাহাকে সকলেই ঘৃণার চক্ষে দেখিয়া থাকে ও তাহার অনিষ্ট চিন্তা করিয়া থাকে । স্বামীর বংশমর্ধ্যাদা ও গুণগৌরবই স্ত্রীলোকের অলঙ্কার—'সোনাদানা' নহে । নবদ্বীপনিবাসী পণ্ডিতপ্রবর বুনো রামনাথের সহধর্মিণী গঙ্গার ঘাটে পরিহাসকারিণী

রমণীগণের প্রতি আপনার বামহস্তের লাল সূতা দেখাইয়া সগর্বে বলিয়াছিলেন, “এই সূতো যে দিন ছিঁড়বে সে দিন নবদ্বীপ অঙ্ককার হবে।” যে অর্থে ‘বিলাসিনী’ শব্দ ব্যবহৃত হয় সকলেই জানেন তাহা অতি ঘৃণ্য। অতএব আমাদের বিশ্বাস—পবিত্র হিন্দুকুলের মঙ্গলময়ী বধুরা সাধ করিয়া কখনও সে আখ্যা-গ্রহণে অভিলাষিনী হইবেন না।

## অলসতা

বিলাসিতা হইতেই অলসতা আসে। আলস্য মানুষের একটি প্রধান শত্রু; ইহা হইতে যে সংসারের কত কলিত হয়, তাহা বর্ণনা করা যায় না। অলসতা যেকোন দুঃখ-কষ্ট ও অবনতির কারণ হয়, পৃথিবীতে কোন দুর্ঘটনাও তদ্রূপ হয় নাই। অলসতা শুধু শরীরকে নষ্ট করিয়াই ক্ষান্ত হয় না, মনকে তুল্যরূপে কলুষিত করে। মেয়েলি ছড়ায় আছে—“সন্ধ্যায় শয়ন করে প্রভাতে নিদ্রা যায়, চাউল মৎস্য ধুয়ে ঘেবা দুয়ারে ফেলায়” ইত্যাদি সমুদয় আলস্যের চিহ্নস্বাক্ষর, এবং ইহার ফলে লক্ষ্মীহীনা হওয়া অবশ্যজ্ঞা। আলস্যপরায়ণা গৃহিণীর কোন সময়েও শৃঙ্খলার সহিত গৃহকার্য নিষ্পন্ন হয় না, কাজেই গুরুজনের সেবা, সন্তান-পালন প্রভৃতিও সম্যক্রূপে নিষ্পাদিত হয় না। আলস্যপরায়ণার গৃহে প্রবেশ করিতে যেখানে মানুষের ঘণা বোধ হয়, সেখানে লক্ষ্মী আসিবেন কি করিয়া? কোন স্থানে মলমূত্র, কোন স্থানে শুপীকৃত দুর্গন্ধময় অপরিষ্কৃত শয্যা, অন্য স্থানে গৃহতল আবর্জনাপূর্ণ; সংসারের সর্বত্রই যেন বিষাদময় ও উৎসাহহীন। অলসতার এমনি প্রভাব যে, সে স্বীয় জননী বিলাসিতাকেও গ্রাস করিয়া ফেলে; সে সংসারের সকল সুখ নাশ করিয়া আশ্রয়দাতাকে যত্নমুখে টানিয়া লইয়া যায়। বহু উপার্জনকর স্বামীও আলস্যপরায়ণা পত্নীর দোষে চিরদুঃখ ও দরিদ্রতা ভোগ করেন।

## ক্ষমা

অসমতা যেমন বিলাসিতার রাক্ষসীকণ্ঠা, ক্ষমা তদ্রূপ সহিষ্ণুতার দেবছহিতা। সহিষ্ণুতা হইতে ক্ষমার উৎপত্তি। সৰ্বসংহা ধরণীর কণ্ঠারূপা হিন্দুললনার সহিষ্ণুতা ও ক্ষমা স্বাভাবিক। যে সহ করিতে পারে, সে ক্ষমা করিতে পারে। জগতে যত মহত্ব আছে, ক্ষমার মত মহত্ব আর কিছু নাই। ক্ষমা—দাতা ও গ্রহীতা উভয়েরই সমান কল্যাণ সাধন করে। ক্ষমার মত মন গলাইয়া দিতে, এমন প্রাণ মাতাইয়া দিতে, এমন আপনার করিতে জগতে আর কিছুই নাই। সহস্র তিরস্কার, শত অত্যাচার, অজস্র লাঞ্ছনায় যে ফল না হয়, একটা ক্ষমার উদাহরণে তাহার অজস্রগুণ ফল হয়। মন খুব উচু না হইলে ক্ষমা করা যায় না। ক্ষমাশীল ব্যক্তি নিজেকে কাঁদিয়া পরকে কাঁদান। এ সংসার ভুলভ্রান্তি ও দোষক্রটিতে পূর্ণ। পদে পদে সৰ্ববিষয়ে প্রতিবিধান করিতে গেলে সংসারে হাহাকার পড়িয়া যায়। যেখানে দণ্ড বা প্রতিবিধান একান্ত অপরিহার্য হয়, সেখানেই দণ্ড দিবে, তদ্ব্যতীত ক্ষমার বন্ধনেই সমস্ত সংসারকে আপনার করিয়া বাঁধিয়া লইবে ; জগতে এমন পাষণ্ড কেহ নাই যে ক্ষমার বাঁধন ছিঁড়িতে পারে।

## শ্বেহ-মমতা

হিন্দুনারীকে শ্বেহ-মমতা বিষয়ে শিক্ষাদানের বিশেষ প্রয়োজনীয়তা দেখি না। ইহা তাঁহাদের স্বাভাবিক গুণ। জগতে হিন্দুরমণীই এ গুণে অন্যান্য দেশের রমণীগণের মধ্যে শীর্ষস্থান অধিকার করিয়াছেন, এ কথা নিঃসন্দেহে বলা যাইতে পারে। আপন সুখ তুচ্ছ করিয়া, জীবনের মায়া ত্যাগ করিয়া সৰ্বান্তঃকরণে শ্বেহ করিতে বুঝি জগতে আর কেহই সমর্থ নয়। হিন্দুরমণীর শ্বেহের উদাহরণ, মমতার দৃষ্টান্ত লেখনীর বিষয়ীভূত নয়, ইহা প্রতিদিন প্রতিক্ষণে সংসার-জীবনে প্রতিনিয়ত উপলব্ধির বিষয়। স্বামীর পরিজন-



বর্গের জন্ত, বিশেষতঃ সন্তানের নিমিত্ত, সর্বত্যাগিনী যুক্তিমতী মমতা হিন্দু পরিবারের গৃহে গৃহে এ দুর্দিনেও বিরাজ করিতেছে। তবে পাছে বৈদেশিক সংমিশ্রণে, পাশ্চাত্য আবহাওয়ায় আমাদের এই পবিত্র আরাধ্য বস্তু কলুষিত হয়, সেই আশঙ্কায় এ বিষয়ের কিঞ্চিৎ অবতারণা করিতেছি। আর একটা কথা, অমৃতও ব্যবহার-দোষে গরলে পরিণত হয়। কিংবদন্তী আছে, বানরীরা স্নেহপরবশ হইয়া দৃঢ় আলিঙ্গনে স্বীয় সন্তানের জীবন পর্যন্ত নষ্ট করিয়া ফেলে। স্বভাবতঃই স্নেহশীলা অনেক জননী সন্তানস্নেহে একরূপ মুগ্ধ হইয়া পড়েন যে, তাঁহাদের স্নেহাধিক্যই অনেক সময়ে সন্তানের সর্বনাশের কারণ হইয়া উঠে। অনেক পরিবারের মধ্যে 'আলালের ঘরের ছুলাল' প্রায়ই দেখা যায়। শৈশব হইতে অত্যধিক স্নেহে তাহারা এমনি দুর্নীতিপরায়ণ হইয়া উঠে যে, তাহাদের ভবিষ্যৎ জীবন চিন্তা করিলে হৃদয় শিহরিয়া উঠে। যাহাকে তাঁহারা বুকের ধন ভাবিয়া পালন করিয়া আসিতেছেন, সে-ই একদিন আবার তাঁহাদের হৃদয়ের শেলস্বরূপ হইয়া উঠে। সুতরাং সন্তান স্নেহের পাত্র হইলেও সে স্নেহের সীমা থাকিবে, বন্ধন থাকিবে, বিধি থাকিবে। সকল ক্ষেত্রেই স্নেহ-নিবন্ধন কঠোরতা হইতে নিবৃত্ত হইলে চলিবে কেন? সন্তানের বিস্ফোটক হইলে অস্বাভাবিক কষ্টকর বলিয়া কি তাহা হইতে নিবৃত্ত থাকিতে হইবে?

আর একটা কথা--আমরা সময়ে সময়ে এই স্নেহের বশবর্তী হইয়া সন্তানের প্রতি স্নেহের অত্যাচার করিয়া থাকি। সন্তান প্রাপ্তবয়স্ক হইলে, শিক্ষিত ও শক্তিশালী হইলে তাহাকে কি আঁচলে ঢাকিয়া রাখা ভাল দেখায়? সে যখন মানুষ হইয়াছে, তখন সে আপনার পথে চলুক। তাহার শৈশবে আমাদের যাহা কর্তব্য তাহা সাধন করিয়াছি, এখন সে তাহার কর্তব্য সাধন করুক। একমাত্র স্নেহপরবশ হইয়া তাহার উন্নতির পথে কণ্টক হইতে যাইব কেন? সে ত ভালবাসা নয়, সে যে শক্ততা। কর্মশূন্য দীর্ঘকালের জন্ত তাহাকে যদি স্বদূর দেশে যাইতে হয় যাউক; তাহার অদর্শনজনিত দুঃখ নীরবে সহ করাই প্রয়োজন। স্নেহপ্রবণ হৃদয়ে ভগবানের নিকট তাহার সর্বাঙ্গীণ কুশল-কামনাই তখন মাতাপিতার একমাত্র কর্তব্য। জীবনের ব্রত সাধন করিতে যদি তাহাকে সংস্রাধিকবার মৃত্যুর সম্মুখীন হইতে হয় হউক; জনক হইয়া, পালন করিয়া তাহাকে কি মানুষ হইতে দিব না? মৃত্যু ত দেহীর অবশ্যস্বাভাবী নিয়তি; যদি মৃত্যু

## ভারতের নারী

আসে গৃহে রাখিয়া আঁচলে ঢাকিয়া তাহাকে কি রক্ষা করিতে পারিবেন ? অন্ধস্নেহের বশবর্তী হইয়া বাঙালীজাতি 'ভীক বাঙালীই' রহিল, মাহুষ হইতে পারিল না। শিশু যতদিন শিশু থাকে, ততদিন সে জননীর অঞ্চলের নিধি ; শিশু যুবক হইলে সে ত জনমভূমির ধন। স্বার্থপ্রণোদিত হইয়া সে ধন অপহরণ করা কি পাপ নহে ? সেইজন্য বলিতেছিলাম, স্নেহেরও বিধিবদ্ধন আবশ্যিক। যে স্নেহের অমৃতময় সিকনে শিশুর দেহ গঠিত হইল, সে পবিত্র স্নেহ যেন জ্ঞাত বা অজ্ঞাতপারে স্বার্থ-কলুষিত না হয়।

## বিনয়

পুরুষকে যেমন বাহিরের নানা কাজে নানা লোকের সংশ্রবে আসিতে হয়, স্ত্রীলোকগণের তদনুরূপ বাহিরের লোকের সহিত সংশ্রব না থাকিলেও, একেবারে যে তাঁহারা সংশ্রবশূন্য, তাহা নহে। স্ত্রীরাং আচারে ও ব্যবহারে বিনয় যেমন পুরুষের চিরসঙ্গী, স্ত্রীলোকগণেরও উহা ভূষণস্বরূপ। উৎসবাদিতে বাঙালীর ঘরে ভিন্ন পরিবারস্থ বহু রমণীর আগমন হইয়া থাকে ; তাহাদের পরিচর্য্যার ভার গৃহিণীর উপরই ন্যস্ত থাকে। সুখ্যাতি-অখ্যাতি তাঁহার ব্যবহারের উপরই নির্ভর করে। স্বামীর ঐশ্বর্য্য-উৎসবের বিপুল আয়োজনে তিনি যদি মনে মনে গর্বিতা হন, অথবা তাঁহার অপেক্ষা অবস্থাহীন। অভ্যাগতা স্ত্রীলোকদিগকে তিনি যদি ছোট নজরে দেখেন, তাহা হইলে আয়োজন যত বিপুলই হউক না কেন, তাঁহার উদ্দেশ্য একেবারে ব্যর্থ হইয়া যাইবে। অপরপক্ষে যদি দ্রব্যাদির আয়োজন অসচ্ছলও থাকে, বিনয়সহকারে সকলকে উপযুক্ত-রূপ সমাদর করিলে ক্রটি সহজেই ঢাকিয়া যায়। স্ত্রীলোকের গর্ব অতি ভয়ঙ্কর জিনিষ। জগৎলক্ষী ইহা কখনই সহ্য করেন না। যে পরিবারের রমণীরা স্বামী প্রভৃতির আর্থিক উন্নতিতে গর্বিতা হইয়া পড়েন, সে পরিবারের আশু পতন অবশ্যস্তাবী। 'লক্ষীর কথা'য়

## স্বাধীনতা

আছে “গৃহিণী গর্বের ভরে করে কদাচার, অস্তি অস্তি বলি আমি ছাড়ি সে সংসার।” ভগবানের কৃপায় অর্ধশালী হইলে অনেক অবস্থাহীনকে প্রতিপালন করিতে হয়। সে পালন গর্বের সহিত করিলেও প্রতিপাল্যেরা অবনতমস্তকে তাহা গ্রহণ করিবে সত্য কিন্তু তোমার নিকট উপকার প্রাপ্তির কৃতজ্ঞতা তাহাদিগের মনে উদয় হওয়ার পরিবর্তে প্রতিনিয়ত বিবেচ্যভাবই জাগরিত হইতে থাকিবে। ফলে এই হইবে যে, অর্ধব্যয়ে বিনয়ের অভাবে মাত্র বিবেচ্যভাজনই হইতে হইবে। পক্ষান্তরে যদি বিনয়ের সহিত তাহাদিগকে সাহায্য করা যায়, তাহারা তোমার নিকট চিরকৃতজ্ঞ থাকিবে।

## স্বাধীনতা

স্ত্রীজাতির স্বাধীনতা এদেশে নাই বলিলেই হয়। জন্ম হইতে মৃত্যুকাল পর্যন্ত হিন্দুরমণীর জীবন আলোচনা করিলে দেখা যায়, তাঁহারা সর্বাবস্থাতেই পিতা, স্বামী, সম্বানাদি কোন না কোন পুরুষের অধীনে থাকেন। জীবনসৃষ্টি সম্বন্ধে চিন্তা করিলে পুরুষ ও স্ত্রীর দৈহিক গঠনের পার্থক্যে স্ত্রীজাতি যে পুরুষেরই অশুভর্ষিনী থাকিবে, ইহাই যেন ভগবদ্ অভিশ্রেত বলিয়া মনে হয়। সুতরাং পুরুষের বশবর্তী থাকা স্ত্রীজাতির লজ্জা বা ঘৃণার কথা নহে। বিশেষতঃ শিক্ষিত ও হৃদয়বান্ ব্যক্তি কখনই স্ত্রীজাতিকে তাঁহাদের অধীন বলিয়া ঘৃণার চক্ষে দেখেন না। হিন্দুশাস্ত্রমতে স্বামী-স্ত্রী যখন অভিন্নহৃদয়, তখন স্বামীর মত, স্বামীর ইচ্ছা, সে ত তাঁহারই মত, তাঁহারই ইচ্ছা। আমাদের দেশের স্ত্রীলোকেরা সাধারণতঃ অশিক্ষিতা ও দুর্বলা। তাঁহাদের পক্ষে স্বাধীনভাবে কোন কার্য করিতে গেলেই পদে পদে অনিষ্টপাতের সম্ভাবনা। এরূপ অনেক দেখা গিয়াছে—সংসারজ্ঞানরহিতা অনেক রমণী স্বাধীনভাবে চলিতে গিয়া নিজের সর্বনাশ সাধন করিয়াছেন। বিশেষতঃ এখন যেরূপ দেশকালের অবস্থা, তাহাতে স্ত্রীজাতির স্বাধীনভাবে ভ্রমণাদিও নিরাপদ নহে। এতদেশীয় সমাজতত্ত্ববিদ

## ভারতের নারী

মনীষিগণ স্ত্রীজাতির উপযোগী যে ব্যবস্থা করিয়া গিয়াছেন, সেই বিধিনিষেধগুলি মানিয়া চলিলে সংসারে সুখ, শান্তি ও শৃঙ্খলা বিরাজ করিবে। সুতরাং ঋষি-ব্যবস্থিত নিয়মগুলি আমাদের অবনতমস্তকে পালন করাই কর্তব্য। আমাদের মনে হয়—সর্ববিষয়ে স্বামীর মতানুসারিণী হওয়াই কুলবধুর ধর্ম। একমাত্র পাষণ্ড ও দুর্নীতিপরায়ণ ব্যক্তির কবল হইতে স্ত্রীধর্ম বা সতীত্ব-রক্ষার বিষয়ে স্ত্রীজাতি স্বাধীন।

## লজ্জা

চাণক্য পণ্ডিত বলেন—“অসম্ভ্রষ্টা দ্বিজা নষ্টা: সম্ভ্রষ্টা এব পার্থিবা:। সলজ্জা গণিকা নষ্টা লজ্জাহীনা: কুলদ্বিগ্না:।” অর্থাৎ সম্ভ্রষ্টা ব্রাহ্মণ, সম্ভ্রষ্টা রাজা, সলজ্জা বারবনিতা ও লজ্জাহীনা কুলবধুর ধ্বংস অবশ্যস্বভাবী। লজ্জাই স্ত্রীজাতির রক্ষাকবচ। ইহা স্ত্রীজনেচ্চিত সমুদয় গুণকে বর্ষের গায় আচ্ছাদিত করিয়া রাখে। লজ্জা আছে বলিয়াই আজও অনেক ক্ষেত্রে দুর্নীতি প্রবেশ করে নাই। লজ্জার ভয়েই স্ত্রী-পুরুষ বহু অকার্য্য হইতে নিবৃত্ত থাকেন। লজ্জাহীনা স্ত্রীলোক সমাজের কলঙ্কস্বরূপ। কবিগণ স্ত্রীজাতিকে লজ্জাবতী লতার সহিত তুলনা করিয়া থাকেন। পরপুরুষ দর্শনে লজ্জাবতী লতার গায় সম্ভ্রুচিত থাকাই স্ত্রীজাতির ধর্ম।

আজকাল অনেক বিষয়ে ইহার বৈপরীত্য ঘটিতেছে। ঘোমটা লজ্জা নিবারণের একটা বাহ্য আচ্ছাদন। ক্ষেত্রবিশেষে ইহারও অপব্যবহার চলিতেছে। সাধারণতঃ দেখা যায়, পথে ঘাটে স্ত্রীলোকেরা পুরুষ দেখিলেই ঘোমটা দেন, কিন্তু অনেক স্থলে দেখা যায়, তাঁহারা একবার পুরুষকে ভাল করিয়া দেখিয়াই ঘোমটাটা দেন। আমাদের মতে যেখানে পুরুষের আগমনের সম্ভাবনা আছে, পূর্ব হইতেই সেখানে ঘোমটা দেওয়া ভাল। অনেক স্থানে বিবাহবাসরে কুলবধুরা হস্তকৌতুক করিয়া থাকেন। ক্ষেত্রবিশেষে তাহা

এরূপ অশ্লীল ও কুকচিপূর্ণ হয় যে, তাহা ভাষায় বর্ণনার অযোগ্য। এ প্রথার আশু উচ্ছেদ একান্ত প্রয়োজন। বর মত আত্মীয়ই হউক না কেন, সে-ত নবাগত পরপুরুষ বটে। কোন্ যুক্তিতে তাহার সম্মুখে অশ্লীল রহস্তালাপ সম্ভব হইতে পারে? স্বামীর সাক্ষাতেও যে ব্যবহার করিতে সঙ্কোচ আসে, অপরের সাক্ষাতে কিরূপে তাহা করা যায়? সম্বন্ধে যেই হউক, স্বামী ভিন্ন অপর কোন পুরুষের সহিত কোনরূপ রহস্তালাপ কুলবধুদিগের কর্তব্য নহে।

ভগ্নীপতি, নন্দাই প্রভৃতিকে লইয়া কোন কোন অঞ্চলে উক্ত প্রকার পরিহাসাদি প্রচলিত প্রথার মধ্যে দাঁড়াইয়াছে। কিন্তু কি সূত্রে বা কোন্ যুক্তিতে যে এরূপ প্রথা প্রচলিত হইল ভাবিয়া পাওয়া যায় না। এ বিষয়ে পুরুষদিগেরও লক্ষ্য রাখা বিশেষ প্রয়োজন হইয়া পড়িয়াছে। আমাদের মনে হয়, অপরের সাক্ষাতে স্বামীর সহিত হাস্যপরিহাসও লজ্জাশীলতার বিরুদ্ধ। বিলাসিতাপূর্ণ বেশভূষা লজ্জাহীনতার রূপান্তর। লজ্জাবতীরা কখনও স্বামীর সম্মুখে অসম্ভব লজ্জাহীনতার পরিচয় দিবেন না। উচ্চ ভাষণ, উচ্চ হাস্য, চঞ্চল গমন, প্রভৃতি লজ্জাহীনতার লক্ষণ। স্ত্রীজাতির শয়নে, ভোজনে, কখনে ও আচরণে সর্বদা সংযত থাকাই কর্তব্য।

## সরলতা

অকপটে নিজের মনোভাব বা মতামত যথাযথ প্রকাশ করার নাম সরলতা। মুখে একভাব, মনে একভাব ও বাক্যে একভাব, কিন্তু কার্যে অন্যরূপ আচরণ করার নাম কুটিলতা। যাহার মন সর্বদা সংচিন্তায় মগ্ন, নিত্য আনন্দময়, সরলতা তাহার মুখে স্বতঃই ফুটিয়া উঠে। কোন গর্হিত-কার্য গোপন করিতে হইলে প্রবঞ্চনার আশ্রয় গ্রহণ করিতেই হয়। যে জীবনে কোন মন্দ কার্য করে না, তাহার সে পথ অবলম্বন করিবার আবশ্যক হয় না। সুতরাং সরলতাসম্পন্ন হইতে হইলে প্রথমে হীন বা নিন্দনীয় কার্য করিতে বিরত হইবে, নচেৎ সরলতা লাভ অসম্ভব। সমাজে এক-

## ভারতের নারী

জাতীয় অতি হীন কুটিলস্বভাবা রমণী আছেন, যাহারা সরলতার ভান দেখাইয়া পরের মনে অবধা ব্যথা দিয়া থাকেন। তাঁহারা বুঝেন সব, অথচ বলিবার সময়ে এমন ভাব দেখান, যেন না বুঝিয়াই সরলভাবে সমস্ত বলিয়া ফেলিয়াছেন। আন্তরিক উদ্দেশ্য—তাঁহার মর্মঘাতী কথায় অল্পে অল্পে দগ্ধ হউক। কুটিলতা অপেক্ষা সেই সরলতার ভান বড় সাংঘাতিক। সরলতা বিশ্বাসের ভিত্তিস্বরূপ। যদি কাহারও সরলতায় কাহারও বিশ্বাস থাকে, তাহার সমুদয় কার্য, সকল বাক্যই, নিঃসন্দেহে সে বিশ্বাস করে। সংসারের লোক যতই চতুর হউক না কেন, একদিন না একদিন তাহার চাতুরী ধরা পড়েই। কাজেই দৈনন্দিন জীবনে নিত্যনৈমিত্তিক চতুরতা ও কুটিলতা তাহার পরিজনবর্গের মধ্যে কাহারও নিকট অজ্ঞাত থাকে না। ফলে এই হয়, যদি কোন বিষয় তিনি আন্তরিকতার সহিতও সম্পন্ন করেন সে বিষয়ও লোক সন্দেহের চক্ষে দেখিতে থাকে। অনেক সময় দেখা গিয়াছে, সামান্য বিষয়ে কুটিলতার আশ্রয় গ্রহণ করিয়া জীকে চিরদিনের জন্ত স্বামীর নিকট সন্দেহ ও ঘৃণার পাত্রী হইয়া জীবন ঘাপন করিতে হইয়াছে। স্বামীর মনে সহজেই ধারণা হয় যে, সামান্য বিষয়ে যে এরূপ ছলনা করিতে পারে, গুরুতর বিষয়েও যে সে একদিন ছলনা করিতে পারিবে না, তাহার প্রমাণ কি? সংসারে, বিশেষতঃ নারীজীবনে সন্দেহ বড় দোষের, বড় ভয়ের কারণ। তিলেকের সন্দেহ দূর করিতে অনেক সময়ে একটা জীবন কাটিয়া যায়। মাহুষমাত্রেয় ভুল-ভ্রান্তি, দোষ-ত্রুটি হইয়া থাকে। উপস্থিত তিরস্কার হইতে নিষ্কৃতি পাইবার জন্ত কপটতা অবলম্বন করা কোন ক্রমেই যুক্তিযুক্ত নয়। সরল চিন্তে আপনার ভুল বা ত্রুটি, স্বামী বা পরিজনসমক্ষে প্রকাশ করাই শ্রেয়স্কর। কুটিল ব্যবহারে সন্দেহ উৎপাদন করাইয়া যে নিজেই জন্মের মত দুঃখ-ভাগিনী হন, তাহা নহে; যাহার মনে সে সন্দেহ উপস্থিত হয়, তাহার জীবনকেও বিষয় করিয়া তোলা হয়। কার্যে, ব্যবহারে ও চিন্তায় সর্বাস্তঃকরণে যাহাতে পূর্ণ সরলতা থাকে, সর্বপ্রযত্নে সে বিষয়ে যত্নবতী হইতে হইবে। সত্য, সরলতা সহচর ও আশ্রয়। সুতরাং জীবনের সমুদয় আচরণ সত্যপূর্ণ হওয়া চাই।

অনেক ক্ষেত্রে দেখা যায়—আজকাল বুদ্ধিহীনতাকে সাধারণে সরলতা আখ্যা দিয়া থাকেন। সরল হইতে হইলে বুদ্ধিহীন হইতে হইবে, তাহার কোন অর্থ নাই।

## গান্ধীর্ষ্য

সরল হইতে হইলে যে সংসারের সকল সমস্যা, সকল রহস্যই, সকল গোপনীয় বিষয়ই, অকপটে সাধারণের সমক্ষে প্রকাশ করিতে হইবে, তাহার কোন হেতু নাই। সংসারধর্ম করিতে গেলে অনেক বিষয় অনেক সময়ে গোপন রাখা আবশ্যিক হয়। সকল বিষয়ই সাধারণের নিকট প্রকাশিত হইলে কার্যসিদ্ধির অনেক ব্যাঘাত ঘটে। সুতরাং 'মন্ত্রগুপ্তি' অর্থাৎ আপনার উদ্দেশ্য গোপন, সংসারজীবনে একটা সাধনীয় বিষয়। সরলতা অবলম্বন করিতে হইবে বলিয়া উক্ত বিষয়ে লক্ষ্যহীনা হইলে চলিবে না। বিশেষতঃ অনেকেই বিশ্বাস করিয়া তাঁহার মনের কথা তোমার কাছে ব্যক্ত করিতে পারেন, সরলতার দোহাই দিয়া তুমি যদি তাহা সাধারণের নিকট প্রকাশ কর, তাহাতে প্রকারান্তরে উক্ত ব্যক্তির সর্বনাশ সাধন করা হইবে। গোপনীয় বিষয় যদি ঘৃণ্য হয়, তুমি তাহা কদাচ শ্রবণ করিবে না। আর এক কথা, সংসার শঠ ও প্রবঞ্চকে পূর্ণ। সুতরাং তোমার সরলতার সুযোগ গ্রহণ করিয়া তোমার অনিষ্ট করিতে না পারে, সে বিষয়েও তোমাকে তুল্যরূপে লক্ষ্য রাখিতে হইবে। কাজেই সরলচিত্তা হইতে গেলে বুদ্ধিহীনতার পরিবর্তে সূচতুরা ও তীক্ষ্ণবুদ্ধিসম্পন্ন হইতে হইবে। নতুবা অনেক বিপদের সম্ভাবনা।

## গান্ধীর্ষ্য

অনেক সংসারে দেখা যায়—এমন এক একটা কর্তা বা গৃহিণী আছেন যাহাকে দেখিবামাত্র বাড়ীশুদ্ধ লোক এমন কি পাড়ার বা গ্রামস্থ অনেক লোক ভ্রস্ত হইয়া পড়ে। তাঁহার কাছে মাথা যেন আপনিই নত হইয়া পড়ে। অথচ তাঁহাকে কখনও কাহাকেও তাড়না বা পীড়ন করিতে দেখা যায় না। আবার এমনও হয়, হয়ত তাঁহার অসাক্ষাতে অনেকেই তাঁহার প্রভুত্বের বিরুদ্ধে জল্পনা-কল্পনা করে, কিন্তু সেই ক্ষেত্রে তিনি তাঁহার সদাপ্রফুল্ল মূর্তি লইয়া যেমনই উপস্থিত হন, অমনি সকলে

## ভারতের মারী

গলিয়া যায়। কেন এমন হয়? আমাদের আলোচ্য বিষয় গান্ধীর্ষ্য বা 'রাশ' যে ইহার একমাত্র কারণ ইহাই আমাদের বিশ্বাস।

এখন দেখিতে হইবে, কি কি বিশিষ্ট গুণ থাকিলে এ সম্মান লাভ করা যায়। গান্ধীর প্রকৃতির লোকের চরিত্রে আলোচনা করিলে দেখা যায়, ইহার স্বভাবতঃ বিশেষ ধৈর্যশীল। আপদ-বিপদে, সম্পদ-উৎসবে, অথবা কলহ-বিবাদে ইহার অগ্ৰায় বিচার করেন না, বা অর্থোক্তিক কথা বলেন না। ইহার স্বল্পভাষী ও মিষ্টভাষী। সাধারণের অগ্ৰায় কোন বিষয়ে অযাচিতভাবে নিজের মতামত প্রকাশ করেন না বা কোনও বিষয়ে মীমাংসা করিতে অগ্রসর হন না। যখন ইহাদের কোন বিষয়ে মতামত প্রকাশ বা মীমাংসার আবশ্যক হয়, তখন ইহার স্বভাবসুলভ মিষ্ট কথায় ও ধীরভাবে সকল বিষয়ের একরূপ মীমাংসা করেন যে, বাদী প্রতিবাদী কোন পক্ষই অসন্তুষ্ট হন না। ইহার কষ্টসহিষ্ণু। অশ্রের বিপদে বা উৎসবে আপনাদের দৈহিক সুখ তুচ্ছ করিয়া প্রাণপণ যত্নে ও প্রসন্ন মনে তাঁহার কার্যোদ্ধার করিয়া থাকেন। ইহার স্বভাবতঃ স্নেহশীল। ইহাদের মিষ্ট বাক্য শোকে সান্ত্বনা দিতে, বিপদে উৎসাহ দিতে সম্পূর্ণ সক্ষম। ইহার অতি সহজেই মনের ভাব বুঝিতে পারেন এবং লোকের মন বুঝিয়া তদনুরূপ ব্যবহারেই তাহাদিগকে তুষ্ট করিয়া থাকেন। আপনাদের সুখ-ঐশ্বর্য বা অভাব-অভিযোগের বিষয় কদাপি আলোচনা করেন না। কেহ তাঁহাদের কাছে যাইলে তাহার সর্বজনীন কুশল পুঙ্খানুপুঙ্খরূপে জিজ্ঞাসা করেন এবং তাহার দুঃখের বিষয়গুলিতে সহানুভূতি ও সুখের বিষয়গুলিতে আনন্দ প্রকাশ করেন। বড় গাছ যেমন বড় বড় হয়, তেমনি ইহার সংসার-অরণ্যে বনস্পতিরূপে দুঃখ-শোকের অনেক আঘাত নীরবে সহ্য করেন। গান্ধীর্ষ্যপূর্ণ গৃহিনীর গুটিকয়েক গুণের উল্লেখ করিলাম। সংসারকে সুখের ও শান্তির স্থল করিতে হইলে এসব গুণের অধিকারিণী না হইলে চলিবে কেন? আমরা আশা করি, সংসারজীবনের আরম্ভ হইতে প্রত্যেক পুরুষই উক্ত গুণে গুণবতী হইতে প্রাণপণে চেষ্টা করিবেন।



## আত্ম-সন্তোষ

রোগ যেমন স্বভাবতঃ সারিবার মুখে না আসিলে কেবলমাত্র ঔষধ প্রয়োগে কিছুতেই সারে না, অনেক কঠিন ব্যাধি আবার বিনা ঔষধে সারিতে দেখা যায়, মানুষেরও আত্ম-সন্তোষ বা মনের সুখ-আপনা হইতে লাভ না করিলে কেবলমাত্র উপাদানসংগ্রহে বা ভোগ্যবস্তুলাভে কখনই প্রাপ্ত হওয়া যায় না। আত্ম-সন্তোষশীল ব্যক্তির মনের সুখ সহস্র অভাবের ভিতরও সমভাবে বিরাজ করিতে থাকে। এই পৃথিবীতে কামনারও শেষ নাই, বাসনারও শেষ নাই। যিনি যত ভোগ্যবস্তু পাইবেন তাহাতে তাঁহার তৃপ্তি না হইয়া বরং আকাঙ্ক্ষার বৃদ্ধি হইয়া থাকে। রাজমহিষীকেও জিজ্ঞাসা করিয়া দেখ, শুনিবে তাঁহার সেই অতুল ঐশ্বর্য্যেও তৃপ্তিলাভ হইতেছে না। সুতরাং দেখা যাইতেছে, ভোগ্যবস্তুলাভেই কোনক্রমে মনের সুখলাভ হইতে পারে না। ঐশ্বর্য্য সম্পদলাভে প্রায় সকল লোকেরই আকাঙ্ক্ষা দেখা যায়, তাই বলিয়া উহাই জীবনের প্রকৃত সুখলাভের পন্থা নহে; ওটা আমাদের মনের বিকার মাত্র।

তোমার স্বামী এক শত টাকা উপার্জন করেন, তুমি তাহাতে সুখী হইতে পারিতেছ না; ভাবিতেছ, পাঁচ শত টাকা উপার্জন করিলে তোমার সুখ হয়। কিন্তু পাঁচ শত টাকা উপার্জনশীল স্বামীর স্ত্রীকে জিজ্ঞাসা করিয়া দেখ, তিনিও তাহাতে সুখী হইতে পারিতেছেন না; তিনি হাজার টাকার জগ্ন লালায়িত। আবার দরিদ্রের গৃহিণী তোমার ঐশ্বর্য্যের ঈর্ষ্যা করিতেছেন। জগতে এই ভাব বরাবর চলিয়া আসিতেছে। কোন দিন যে ইহার ব্যতিক্রম হইবে, এরূপ বোধ হয় না। ধাওয়া বল, পরা বল, অলঙ্কার বল, অট্টালিকা বল, সকলই ত বাঁচার জগ্ন কিন্তু ভোগ-বিলাসের জগ্ন ত বাঁচা নহে, জীবনের উদ্দেশ্যও তাহা নয়। জীবনধারণ করিতে গেলে যাহা একান্ত দরকার, তাহা পাইলেই যথেষ্ট হইল মনে করা উচিত। কারণ, আমরা স্পষ্ট দেখিতেছি, শাক-ভাত খাইয়া দরিদ্রেরা বাঁচে, আবার পোলাও-কালিয়া খাইয়াও বড়লোকেরা বাঁচে। তাহাতে দুঃখ বা কষ্ট করা আমাদের সম্পূর্ণ ভুল। উহাতে

## ভারতের নারী

কিছুই আসে যায় না। বরং ঐশ্বর্য্য বেশী হইলে লোক সাধারণতঃ তাহাতে উন্নত হইয়া পড়ে ; তাহাতে তাহার ক্ষতি বৈ লাভ হয় না।

জগতে বিজ্ঞান, গৌরবে ও মহিমায় যাহারা শ্রেষ্ঠ লাভ করিয়াছেন, তাঁহাদের মধ্যে প্রায় সকলেই দরিদ্রের সম্ভান। অর্থহীনতা বা অভাব তাঁহাদের উন্নতির কিছুই ক্ষতি করিতে পারে নাই ; বরং তাঁহাদের মানুষ হইবার পক্ষে সহায়তাই করিয়াছে। স্নেহময় ভগবান্ সমদর্শী, তিনি তাঁহার করুণা সকল সম্ভানের উপর তুল্যরূপে বন্টন করিয়া দিয়াছেন এবং দেহ ধারণ করিতে যাহা একান্ত প্রয়োজন, তাহা হইতে কাহাকেও বঞ্চিত করেন নাই।

উদাহরণস্বরূপ একটা কথা বলিতেছি—বাতাস আমাদের প্রাণস্বরূপ ; তাহা আমরা সকলে তুল্যরূপেই পাই। বর্তমান যুগে ইলেকট্রিক ফ্যানের হাওয়া না পাইলে আমাদের মন খুঁতখুঁত করে সত্য, কিন্তু ভাবিয়া দেখ দেখি ভগবৎপ্রদত্ত বায়ু অপেক্ষা সে কি বেশী তৃপ্তিকর ? নিশ্চল জল অভাবে আমরা কয় দিন বাঁচিতে পারি ? শত সহস্র শ্রোতস্বিনীর সুপেয় ক্ষীরধারা কি আমাদের সকলের তুল্য ভোগ্য নহে ? কল বা ফোয়ারার জল কি এতই মিষ্ট ? দেহধারণ করিতে হইলে আহাৰ্য্যের প্রয়োজন সন্দেহ নাই ; ক্ষীর, সর, নবনী-ভোগে ধনীরা যে সুখ লাভ করেন, শাক-ভাত খাইয়া দরিদ্রের সে তৃপ্তি হয় না কি ? দরিদ্রের দেহ কি সুস্থ থাকে না ? নিদ্রা দেহধারণের জন্য বিশেষ প্রয়োজনীয়, সে সুখ হইতে ভগবান্ ত কোন দরিদ্রকে বঞ্চিত করেন নাই। বরং আত্ম-সন্তোষশীল ঐশ্বর্য্যচিন্তাহীন দরিদ্রেরাই সে তৃপ্তি পূর্ণমাত্রায় উপভোগ করে।

অর্থহীনতা ও অর্থপ্রাচুর্য্যের মধ্যে বাস্তবিকই আমরা বিশেষ কোন পার্থক্য দেখিতে পাই না। কোন অর্থবান্ ব্যক্তি কি জগতের রোগ, শোক, জরা, বার্দ্ধক্য ও মৃত্যুর হস্ত হইতে অর্থবলে নিষ্কৃতি লাভ করিতে পারেন ? এ সম্বন্ধে দরিদ্রেরও যেমন ধনীরও তেমন। তবে আমরা যে 'হাউ-মাউ' করি, সেটা মোহ ও আমাদের মনের ভুল। জটাবন্ধলধারী আৰ্য্যঋষি এবং ভূষণহীনা আৰ্য্যরমণীগণের স্বচ্ছন্দবনজাত ফলমূল-আহারে, কুটীরবাসে বা পত্রশয্যা শয়নে মনের সুখের বা মনুষ্যত্বলাভের বিন্দুমাত্র ব্যাঘাত ঘটে নাই। আৰ্য্যযুগ ছাড়িয়া দিলেও, এই সেদিনের কথা, নিষ্ঠাবান্ পরমপণ্ডিত

বুনো রামনাথ তাঁহার পুণ্যবতী পত্নীর প্রদত্ত তেঁতুল পাতার ঝোল খাইয়া আনন্দে বলিয়াছিলেন, “যাহার বাড়ীতে এমন অমৃত বৃক্ষ এবং যাহার স্ত্রী এমন সুপাচিকা, তাহার বাড়ীতে খাওয়ার অভাব আবার কিরূপে হইতে পারে?” মহারাজা কৃষ্ণচন্দ্র তাঁহার গ্রাসাচ্ছাদন উপযোগী ভূমি দান করিবার অভিপ্রায়ে একদিন তাঁহাকে সভায় লইয়া যান, কিন্তু স্বভাবসম্বলিত সদানন্দ মহাপুরুষ কোন সাংসারিক অভাবই জ্ঞাপন করিতে সমর্থ হইলেন না; কেবলমাত্র জীবের আত্যন্তিক দুঃখের বিষয় লইয়াই আলোচনা করিতে লাগিলেন।

সুখ বা আনন্দ লোকের মনে, দ্রব্যে নহে; যদি দ্রব্যে হইত, তাহা হইলে সকলেই একই জিনিষ বা একপ্রকার জিনিষই ভালবাসিত। তুমি পিঁয়াজের গন্ধে অস্থির হইয়া পড়, আর একজন আনন্দে তাহা আহাৰ করে। সৌন্দর্য্যজ্ঞানী তুমি যে সুন্দর পুষ্প সাদরে সোহাগের সহিত বক্ষে ধারণ কর, শশুকামী কৃষক অনায়াসে তাহার ক্ষেত্র হইতে সেই পুষ্পবৃক্ষকে আবর্জনার ন্যায় উৎপাটন করে। এখন ভাবিয়া দেখ দেখি সৌন্দর্য্য সেই পুষ্পে না তোমার মনে? সুতরাং যাহা কিছু সুখ এবং যাহা কিছু দুঃখ সবই আমাদের নিজেদের মনের ধর্ম্ম। আমরা ইচ্ছা করিলেই সুখী হইতে পারি, আবার ইচ্ছানুসারেই দুঃখের ভাগী হই। জগতে মঙ্গলময় বিধাতার বিধানে যাহা হইবার তাহা হইবেই, তুমি আমি কেহই তাহা রোধ করিতে পারিব না। তাহাতে অসম্বলিত বা কষ্ট হইয়া ‘গেলুম-গেছি’ বলিয়া আমরা দুঃখের মাত্রাই বৃদ্ধি করিয়া থাকি।

একভাবে দেখিতে গেলে জগতে প্রকৃতপক্ষে সকলেই সমান সুখ-দুঃখভাগী। রাজা ও প্রজা, ধনী ও দরিদ্রে কিছুমাত্র প্রভেদ নাই। এ জগতে যদি একজন রাজা থাকে ত সকলেই রাজা, আর একজন দরিদ্র থাকিলে সকলেই দরিদ্র। কথাটী একটু ভাল করিয়া বুঝাইয়া বলা দরকার; মনে কর একজন রাজা, এখন দেখ তাঁহার রাজশক্তি ও ঐশ্বর্য্য কি কি? প্রথমতঃ, রাজার অনেক প্রজা আছে, অনেক কল্যাণকামী ব্যক্তিও আছেন; তিনি স্বাধীন, তাঁহার আদেশ লোকে দেবাদেশের মত পালন করে, তিনি বরণ্য, সকলে তাঁহাকে শ্রেষ্ঠতা দান করে; মোটামুটি এই লইয়াই তিনি রাজা; এবং সেই সম্মানে সম্মানিত স্বামীর স্ত্রী রাজমহিষী আখ্যা পাইয়া থাকেন।

## ভারতের নারী

এখন একজন তোমার বা আমার মত সাধারণ লোক লইয়া আলোচনা কর। দেখা যাক সাধারণ রাজারানীর যে যে সম্পদ, যে যে শক্তি আছে, তোমার আমার মত গৃহস্থ রাজারানীর সেই সেই সম্পদ, সেই সেই শক্তি আছে কি না। পূর্বোক্ত রাজা বা রাজমহিষীর লক্ষ বা কোটি প্রজা বা প্রতিপাল্য; তোমার বা আমার না হয় দু'টি কি পাঁচটি। তিনি যেমন প্রজাদের দণ্ডমুণ্ডের কর্তা, তুমি বা আমি কি আমাদের ক্ষুদ্র সংসারের একমাত্র হর্তা-কর্তা নহি? একজনও কি আমাদের মুখাপেক্ষী নাই। রাজার সহস্র দাসদাসী সেবারত; তোমার আমার কি একটাও স্নেহপুস্তলিকা পুত্র-কন্যা, ভ্রাতা-ভগিনী আন্তরিক যত্নে সেবা করে না? রাজার কল্যাণকামনায় লক্ষ প্রজা মঙ্গল উৎসব করে সত্য, কিন্তু ভাবিয়া দেখ দেখি, তোমার দরিদ্র স্বামী জীবিকার্জনে যখন বিপদসঙ্কুল পথে যান, তখন তুমি ও তোমার পরিবারস্থ প্রতিপাল্য সকলে আর্তস্বরে কায়মনোবাক্যে তাঁহার কল্যাণ কামনা কর কি না? যদি ইন্দ্র-চন্দ্র-বায়ু-বরুণ পাত হইয়া যায়, তোমার কি সেদিকে লক্ষ্য থাকে? একমাত্র সেই দরিদ্র স্বামীর মঙ্গল—তাঁহার সর্বাঙ্গীণ কুশল, তাঁহার নিরাপদে গৃহে প্রত্যাবর্তন—তোমার কি তখন একমাত্র কামা হইয়া উঠে না? জগতে এমন কি কেহ আছে, যাহার জন্ম তোমার স্বামী অপেক্ষা মন অধিক চঞ্চল হয়? রাজারানী তাঁহাদের রাজ্যের মধ্যে স্বাধীন সত্য, তুমি বা আমি কি আমাদের ক্ষুদ্র সংসারে পূর্ণকূটীর মধ্যে পূর্ণ স্বাধীনতা উপভোগ করি না? চিরদুঃখপীড়িতা কাদালিনী জননীর প্রাণপুস্তলি পুত্রের প্রতি যে স্বর্গীয় স্নেহ, অমৃতময় টান, ঐশ্বর্যের প্রভাবে, শক্তির শাসনে রাজা কি প্রজার নিকট তদপেক্ষা অধিক স্নেহভাজন হইতে সমর্থ হন? সুতরাং এ কথা আমরা স্পর্ধা করিয়া বলিতে পারি, নিজের গৃহে স্বজনমধ্যে সকলেই সমান রাজসম্মান লাভ করিয়া থাকেন।

আমাদের সাধারণ মনঃকষ্ট যে ঈর্ষ্যাসম্ভূত ও মানসিক দুর্বলতার পরিচায়ক, আর দুই-একটি কথা বলিয়া তাহা বুঝাইবার চেষ্টা করিব। তোমার সম্মান যদি কুৎসিত হয়, কৈ তাহাকে ফেলিয়া অন্যের রূপবান্ শিশুকে কোলে লইয়া তুল্যস্নেহে ত আদর করিতে পার না। তবে কেন পরের মূল্যবান্ স্বর্ণবলয় দেখিয়া আপনার দরিদ্র স্বামিপ্রদত্ত শাঁখাসিন্দুরে সম্ভাষ লাভ করিতে পারিবে না? নিজের কৃষ্ণবর্ণ কুৎসিত অঙ্গুলিতে

অজুরীয় ধারণ না করিয়া অন্তের স্বগঠিত স্থায় অঙ্গুলিতে পরাইবার জন্ত ত পাগল হও না ! তবে কেন পরের স্বধাধবল অট্টালিকা দেখিয়া নিজের পর্ণকুটীর পানে দৃষ্টিপাত করিতে তোমার প্রাণ কাঁদিয়া উঠে ? ভগবান্ দয়া করিয়া তোমাকে যাহা দিয়াছেন, সেই তোমার সুখের, সে-ই তোমার আদরের। পরের সুখ, পরের ঐশ্বর্য দেখিয়া নিজের প্রাণকে অস্থির করিও না। সৌন্দর্যের জন্ত অলঙ্কারের প্রয়োজন ; সে সৌন্দর্য-লাভের জন্ত তোমার প্রাণ ব্যাকুল হইতে পারে ; কিন্তু তোমার শুধু সেই সৌন্দর্য-লাভই উদ্দেশ্য হইলে, তুমিও অক্লেশে কাননস্থলভ সুন্দর কুসুমে তোমার দেহ আবৃত করিতে পার। বল দেখি একটা ফুলের যে স্বভাবসৌন্দর্য, সহস্র শিল্পী লক্ষ মুদ্রা ব্যয়ে কি সে সৌন্দর্য সৃষ্টি করিতে পারে ? একটা সত্যঃপ্রস্ফুটিত পুষ্পমালা বক্ষঃ ও গ্রীবাদেশকে যে শোভায় শোভিত করে, জগতে কোন মূল্যবান অলঙ্কার কি তাহা করিতে সমর্থ হয় ? তাহা হইলে দেখা যাইতেছে, অলঙ্কার আমাদের সৌন্দর্যবৃদ্ধির জন্ত নহে, উহা আমাদের ঐশ্বর্যগর্ভের জন্ত। এই ঐশ্বর্যগর্ভ সাধারণতঃ পরশ্রীকাতরতা হইতে উৎপন্ন হয়। সংসারধর্ম পালন করা তোমার নারীজীবনের লক্ষ্য, তাহার সম্পাদনেই তোমার তৃপ্তি। ভোগবিলাস ত তোমার জীবনের ব্রত নহে।

দারিদ্র্যপীড়িত দেশে শত অভাবের মধ্যে আমাদের সংসারযাত্রা নির্বাহ করিতে হইবে। হিংসা-প্রণোদিত হইয়া সকল বিষয়ের অসন্তোষ সৃষ্টি করিয়া সংসার-জীবনকে বিষময় করিয়া তোলা আদর্শ গৃহিণীর কর্তব্য নহে। তোমরা ইচ্ছা করিলে আত্ম-সন্তোষ দ্বারা গৃহের শত অভাব, সহস্র অনটনকে আত্মতৃপ্তির অমৃতধারায় মধুময় করিয়া তুলিতে পার ; নিজেরাও চিরস্থিরা ও ধন্যা হইতে পার, তোমাদের স্বামী এবং পরিজনবর্গও পরনানন্দে কালষাপন করিতে পারেন।

## অর্থসম্পদের সদ্যবহার

মণি, মুক্তা, হীরক, প্রবাল, প্রভৃতি রত্ন ; স্বর্ণ-রৌপ্যের পাত্র ও অলঙ্কার, কাংশ, তাম্র, ও পিত্তলাদির দ্রব্যসমূহ এবং বসন-ভূষণাদি পদার্থ-সমুদয় অর্থসম্পদরূপে পরিগণিত। এই অর্থসম্পদ সকল গৃহস্থেরই অল্প-বিস্তর কিছু না কিছু আছে। কিন্তু উহার যথাযথ ব্যবহার না জানায় অনেকে দুর্দশাগ্রস্ত ও বিপদাপন্ন হইয়া থাকেন। উহার রক্ষা এবং নিয়মিত ব্যবহার দ্বারা যেমন সুখশান্তি পাওয়া যায়, তেমনই অযথা ব্যবহারে দারিদ্র্য এবং বিপদকে ডাকিয়া আনা হয়, সুতরাং অর্থ-ব্যবহারনীতি শিক্ষা করা সকলেরই প্রয়োজন। সংসারে সকলেই সমান অর্থ উপার্জনক্ষম হইতে পারে না; এ অবস্থায় প্রত্যেকেরই স্ব স্ব অবস্থায় সন্তুষ্ট থাকিয়া মিতব্যয়িতা দ্বারা সংসার পরিচালনা করা উচিত। লক্ষপতি হইলেও অমিতব্যয়ী ব্যক্তিকে পরিণামে অবশ্যই দুঃখভোগ করিতে হয়। এ বিষয়ে পুরুষ অপেক্ষা আমাদের মাতৃস্থানীয়া গৃহলক্ষ্মীগণেরই বিশেষরূপে অবহিত হওয়া কর্তব্য। তাঁহারা যদি মিতব্যয়িতা-সহকারে উহার পরিচালনা না করেন, তবে সে সংসার কখনই সুখের হইতে পারে না। অনেক সংসারে এরূপ দেখা যায় যে, পয়সার অভাবে হস্ত ছেলেরা পড়িবার বই যথাসময়ে সংগ্রহ করিতে না পারায় পড়াশুনার যথেষ্ট ক্ষতি হইতেছে, অথচ এ দিকে আলতা, চিরুণী, পমেটম, প্রভৃতির প্রসাধন দ্রব্য, সাবান ও এসেন্স প্রভৃতি বিলাসিতার উপকরণের কোন বিছুরই অভাব ঘটে না, বরঞ্চ একপ্রকার নিঃশেষ হইতে না হইতেই অন্য প্রকার আমদানী হয়। এইরূপ অর্থের অপব্যবহারের ফলে দুঃসময়ে বা বিপদ-আপদে প্রয়োজনীয় অর্থের অভাবে গৃহস্থকে ঋণগ্রস্ত হইতে হয়। কোন কোন ক্ষেত্রে অনাবশ্যক পরিচ্ছদ ও অলঙ্কারের প্রাচুর্য এত অধিক যে, প্রলুব্ধ দৃষ্টি-তরঙ্গ কর্তৃক আক্রান্ত হইয়া গৃহস্থকে সর্বস্বান্ত হইতে হয়, এমন কি প্রাণরক্ষাও দুর্ঘট হইয়া পড়ে। জননীগণ ইহা বুঝেন না যে, সময়ে অর্থসঞ্চয় না করায় প্রাণাপেক্ষা প্রিয় পুত্র-কন্যার রোগাদিতে সূচিকিৎসার অভাবে অকালে তাহাদিগকে হারাইতে হয়। মধ্যবিত্তের সংসারে এইরূপ ঘটনা বিরল নহে। গৃহিণীকে সর্বদাই মনে

## আমোদ-প্রমোদ

রাধিতে হইবে যে, স্বামি-পুত্রের উপার্জনশক্তি চিরদিন সমান থাকিবে না। উপার্জনের অল্পপাতে সাংসারিক অবশ্যকর্তব্য ব্যয় নির্বাহ করিয়া দুঃসময়ের জন্ত যথাসাধ্য সঞ্চয় করা প্রত্যেকেই কর্তব্য। মিতব্যয় করিতে হইবে বলিয়া একেবারে কুপণতাও ভাল নহে। অমিতব্যয়িতা এবং কুপণতা তুল্যরূপেই দোষাবহ। শাস্ত্রের উপদেশ এই যে, “উপার্জিত অর্থের অর্ধেক নিজের এবং পোষ্যবর্গের প্রতিপালনার্থ ব্যয় করিবে, চারিভাগের একভাগ দানাদি সংকার্যে নিয়োগ করিবে এবং অবশিষ্ট এক-চতুর্থাংশ দুঃসময়ের জন্ত সঞ্চয় করিবে।” শাস্ত্রের এই নির্দেশ ও মত স্মৃতিস্তিত। আমরা যদি এই মতানুবর্তী হইয়া চলি, তবে আমাদেরকে বিপন্ন হইতে হইবে না, ইহা স্মৃতিস্তিত। আমাদের মাতৃস্থানীয়া গৃহিণীগণ এই শাস্ত্র-নির্দিষ্ট পথে সংসার পরিচালন করিলে তাঁহাদের সংসারে অভাবজনিত দুঃখের লেশমাত্রও থাকিবে না ইহাতে সন্দেহ নাই।

## আমোদ-প্রমোদ

কর্মক্লাস্ত সংসারে মধ্যে মধ্যে আমোদ-প্রমোদেরও অল্পাংশ আবশ্যক। আমোদ-প্রমোদের উদ্দেশ্য—আনন্দলাভ। ভগবান্ স্বয়ং আনন্দময় বলিয়া তাঁহার সন্তানকুলও আনন্দ পাইবার ইচ্ছা করিয়া থাকে; ইহা অস্বাভাবিক নহে। কিন্তু এই আনন্দ লাভের উদ্দেশ্যে অল্পাংশ আমোদ-প্রমোদ যাহাতে সর্বতোভাবে বিস্তৃত হয়, তৎপ্রতি সকলের দৃষ্টি রাখা উচিত। যে আমোদ-প্রমোদ স্বামী-স্ত্রী, পিতা-পুত্র ভ্রাতা-ভগিনী একত্র বসিয়া উপভোগ করিতে পারে, তাহাই বিস্তৃত এবং বাঞ্ছনীয়। পূর্বে আমাদের দেশে কুস্তি, লাঠিখেলা, ঘাড়ুকীড়া, তরঙ্গা, কবির গান প্রভৃতি নানাপ্রকার বিস্তৃত আমোদ-প্রমোদের অল্পাংশ প্রচলিত ছিল। ইহাতে স্ত্রী-পুরুষ, বালক-বৃদ্ধ-নির্বিশেষে সকলেই যোগদান করিত এবং সমানভাবে আনন্দ উপভোগ করিত। এতদ্ব্যতীত দোল, তুর্গেৎসব প্রভৃতি গৃহস্থের অল্পাংশ পূজা-পার্বণাদি উৎসবেও

## ভারতের নারী

আপায়র সকলেই যোগদান করিয়া প্রচুর আনন্দ পাইত। এই সমস্ত উৎসবের মধ্যে যাত্রাও হইত; যাত্রায় সঙ্গীত ও গান উভয়ের ব্যবস্থা থাকায় উহা অধিকতর আনন্দবর্ধন করিয়া উৎসবকে সাফল্যমণ্ডিত করিত। পরন্তু এই সমস্ত আমোদ-প্রমোদের মধ্যে শিক্ষার উপাদানও যথেষ্ট ছিল। অধুনা বিকৃত শিক্ষার ফলে কচি-বৈচিত্র্যাহেতু পূর্বোক্ত বিস্তৃত আমোদ-প্রমোদ নির্বাসিতপ্রায়। দুই-এক স্থলে কচিৎ ইহা দেখা যাইলেও তাহাও অতি সঙ্কীর্ণ গভীর মধ্যে আবদ্ধ; যাত্রার স্থান থিয়েটার-বায়স্কোপ অধিকার করিয়াছে। এখন আমরা রাত্রি জাগরণ করিয়া কঠোপার্জিত অর্থের বিনিময়ে থিয়েটার-বায়স্কোপের নেশায় অভ্যস্ত হইতেছি। পূর্বে পৌরাণিক প্রসঙ্গপূর্ণ যাত্রা দেখিয়া পাপে ভীতি এবং ধর্মে আসক্তি জন্মিত; বর্তমান থিয়েটার-বায়স্কোপের কলুষিত চিত্রদর্শনে অসংঘমের মাত্রা বর্ধিত হইয়া থাকে। আমরা অমৃতভ্রমে স্বয়ং হলাহল পান করিতেছি। ইহা অপেক্ষা মূর্খতার পরিচায়ক আর কি হইতে পারে? আজকাল ছুটির দিনে থিয়েটার-বায়স্কোপ গৃহের সম্মুখের পথ দর্শনার্থী নরনারীগণের দ্বারা এমন অবরুদ্ধ হয় যে, সময়ে সময়ে ঐ পথ অতিক্রম করা দুর্ঘট হইয়া পড়ে। অনেক কলুষিতচিত্ত পুরুষ স্ত্রী-পরিচয় দিয়া বারবনিতাকে সঙ্গে লইয়া এই সব আমোদের জগু উপস্থিত হয়। এজন্য এই সব স্থানে যত কম যাওয়া যায়, তাহার প্রতি লক্ষ্য রাখা আবশ্যিক। সঙ্গীতাদির দ্বারা আনন্দ উপভোগ করিতে হইলে নিজ গৃহে পুত্র-কন্যাদিগকে লইয়া ধর্মবিষয়ক সঙ্গীত চর্চা করাই উচিত। ইহাতে চিন্তের মালিন্য দূর হইয়া অনির্কচনীয় শাস্তির উদয় হইবে। ফলতঃ, প্রতিযোগিতামূলক ক্রীড়াকৌতুক, ধর্মবিষয়ক সঙ্গীত, পূজা-পার্বণ, বিবাহ প্রভৃতিই বিস্তৃত আমোদ-প্রমোদ।



## একান্নবর্তিতা

হিন্দুর সংসার-জীবনে ষতগুলি প্রথা আছে, তাহার মধ্যে একান্নবর্তিতা বা একপরিবারস্থ হইয়া জীবনযাপন-প্রণালী যে কত শাস্তির বিষয় তাহা চিন্তা করিলে হৃদয় আনন্দে পূর্ণ হয়। ভ্রাতায় ভ্রাতায় একসঙ্গে, একযোগে, এক চিন্তা ও এক উদ্দেশ্য লইয়া সংসার করায় যে কত সুখ, কত শান্তি, কত সুবিধা ও কত তৃপ্তি তাহা ষাহারা উপভোগ করিয়াছেন, তাঁহারা কখন পৃথক্ হইবার কল্পনাও মনে আনিতে পারেন না। অতি প্রাচীনকাল হইতে আমাদের দেশে এ ব্যবস্থা চলিয়া আসিতেছে। প্রাচীনকালে এমন কি এক গোত্রস্থ সকল জাতি একসঙ্গে ও একান্নবর্তী হইয়া বাস করিতেন। ইহাতে যে কেবল আর্থিক সুবিধা হয়, তাহা নহে; ভ্রাতায় ভ্রাতায়, আত্মীয়-স্বজনে যে মধুর ভাব, যে পবিত্র প্রীতির সম্বন্ধ, তাহা চিরদিন অক্ষুণ্ণ থাকে, এবং একই চিন্তা ও উদ্দেশ্যের বশবর্তী থাকায় ঘেব-হিংসা হৃদয়ে স্থান পায় না, পরমানন্দে সংসারযাত্রা নির্বাহ হয়।

দুঃখের বিষয় আমরা আজকাল পাশ্চাত্য জাতির সংস্রবে আসিয়া তাহাদিগের স্বার্থপরতা ও ব্যক্তিগত সুখসম্ভোগের পক্ষপাতিতা দেখিয়া আমাদের পূর্বপ্রচলিত এই পবিত্র প্রথার উচ্ছেদ সাধন করিতে বসিয়াছি। আপনার সুখ, আপনার সম্ভানের স্বাচ্ছন্দ্য ও আপনার জীবন মনস্তত্ত্ব লইয়াই আমরা ব্যতিব্যস্ত হইয়া পড়িয়াছি। এই আপাতমধুর ক্ষণিক সুখলাভের আশায় আমরা আমাদের স্থায়ী ব্যবস্থার উচ্ছেদ-সাধন করিতে বসিয়াছি। আমরা এমনি অন্ধ যে, একবার চিন্তা করিয়াও দেখি না, কি সামান্য বস্তুলাভের জগু সংসার-জীবনের কি অমূল্য রত্ন বিসর্জন দিতেছি। আপনার সুখ আমাদের কাছে এত বড় হইয়া উঠিয়াছে যে, আমরা স্বচ্ছন্দে মাতা-পিতা, সহোদর-সহোদরা, আত্মীয়-বন্ধু, জাতি-কুটুম্ব, সকলের প্রীতির বাধন হেলায় ছিন্ন করিতে কুণ্ঠিত হই না। শৈশবে যে কনিষ্ঠ সহোদরকে প্রাণ দিয়া ভালবাসিয়াছি, আহারে-বিহারে, ক্রীড়ায়-ক্রন্দনে, সুখে-দুঃখে, আনন্দ-উৎসবে যে আমার একমাত্র

## ভারতের নারী

প্রাণের সাথী ছিল, আজ ঘৃণ্য স্বার্থ ও অর্থের দাস হইয়া তাহাকে দূর করিয়া দিতে লজ্জিত হইতেছি না। শুধু তাহা করিয়াই ক্ষান্ত হই না; স্বভাবতঃ হিংসার বশবর্তী হইয়া সুযোগ পাইলে অশ্রের দ্বারাও তাহার সর্বনাশ করিতে কুণ্ঠিত হই না। বিবাদ, মোকদ্দমা, অনিষ্টচিন্তা আমাদের নিত্য সাথী হইয়া পড়িতেছে। এই একাগ্রবর্তিতার অভাবে ও পরম্পরের হিংসায়, পরম্পরের শ্রীতি দিন দিন লুপ্ত হইতে বসিয়াছে। আমাদের একরূপ আচরণ শুধু শ্রীতি নষ্ট করিয়াই ক্ষান্ত হয় নাই, সামাজিক চক্ষুজ্ঞাও দূর করিয়া দিয়াছে। যে আচরণ অশ্রু করিতেও লজ্জিত হয়, আমরা অক্লেশে সে ব্যবহার করিয়া থাকি। আমাদের হৃদয়, আমাদের মন এমনি কঠিন হইয়া গিয়াছে যে, অতুল ঐশ্বর্যবান্ হইয়াও নিরন্ন সহোদরের সাহায্য করা দূরে থাকুক, তাহার মুখের গ্রাস কাড়িয়া লইতেও দ্বিধা বোধ করি না। এই জীবনসঙ্কটের দিনে এই একাগ্র-বর্তিতার উচ্ছেদে আমাদের সামাজিক অবস্থা যে কত শোচনীয় হইয়া পড়িতেছে, তাহা আমরা স্পষ্ট দেখিতে পাইতেছি। বর্তমানে যাহারা একত্রে আছেন, তাঁহাদিগের মধ্যেও অনেক পরিবর্তন আসিয়াছে। একপরিবারস্থ হিন্দু পরিবারের সকল সম্পত্তি ও সকল বস্তুতে সমান দাবী মহর্ষিমত্ন প্রবর্তিত হইলেও, আজ তাহা লোপ পাইতে বসিয়াছে। যাহারা এক সংসারে থাকেন, তাঁহাদের মধ্যে প্রায়ই দেখিতে পাই, মাত্র আহারই একস্থলে হইয়া থাকে, আবার তাহার ভিতরও কোন কোন স্থলে পার্থক্য দৃষ্ট হয়। অপর সুখ-স্বাচ্ছন্দ্য সকলই স্বতন্ত্র। উপার্জনকম-কনিষ্ঠ, উপার্জনহীন জ্যেষ্ঠের উপর কর্তৃত্ব করিতে কুণ্ঠিত নন; বধুদিগের মধ্যেও ঠিক সেই আচরণ। একই সংসারে থাকিয়া একজনের স্ত্রী অষ্টালকারে ভূষিতা, আর একজনের স্ত্রী জীর্ণবস্ত্র-পরিহিতা। কি বিষময় দৃশ্য! একজনের কন্যার বিবাহে দশ হাজার টাকা ব্যয় হইয়াছে, আর একজনের কন্যার বিবাহের জন্য দুইশত টাকা সংগ্রহ হইতেছে না। একজনের পুত্রগণ প্রেসিডেন্সি কলেজে পড়ে, আর একজনের পুত্রের পাঠশালার বেতন জুটিতেছে না। সুতরাং এ প্রকার একত্র থাকায় পরম্পরের কোন শ্রীতির বাধনই থাকিতে পারে না। আমাদের মনে হয়—পাখী উড়িতে না পারিয়া যেমন পোষ মানে, সেইরূপ উপার্জনহীন ব্যক্তিঃ বাধ্য হইয়া ধনবানের সহিত মিলিত থাকেন। তাহাদের একরূপ মিলন সুখের নহে। অশ্রুভাবে

মৃত্যুর হস্ত হইতে রক্ষা পাইবার আশায় সাময়িক শ্রীতিবন্ধন মাত্র। কি কারণে দিন দিন এই উদার একান্তবর্জিত-প্রথা হ্রাস পাইতেছে, তাহা আমরা পর পরিচ্ছেদে কিঞ্চিৎ আলোচনা করিব।

## গৃহ-বিবাদ

নানা কারণে আমাদের ঘরের বউ-বির মন দিন দিন দুর্বল ও স্বার্থপর হইয়া পড়িতেছে। আবার আমরা অনেক সময়ে স্বার্থপর হইয়া তাহাদিগকে সংশিক্ষা দিতে বিরত থাকি। এমনকি কখনও কখনও জ্বর বশবর্তী হইয়া তাহাদিগের অন্তায় আচরণের প্রশংসা দিয়াও থাকি। আমাদের দুর্বলতা, শিক্ষার অভাব প্রভৃতির সুযোগ পাইয়া পাড়ায় পাড়ায়, ঘরে ঘরে, ঘর-ভাঙ্গানীর দল তাহাদের ঘৃণ্য উদ্দেশ্য সিদ্ধ করে।

বেশ সুখে স্বচ্ছন্দে সংসার চলিতেছে, পাড়াদরদী আসিয়া কহিলেন—“আহা! বউমা, অনিল আমার এত টাকা রোজগার করে, কিন্তু আজও তোমার গায়ে একখানাও গয়না উঠেনি?” সরলা বধু হাসিমুখে উত্তর করিলেন—“কেমন ক’রে হবে, ছোট খুড়ীমা! সংসারে অনেক খরচ, তাই কুলাইয়া উঠা ভার।” “ওমা! তোর আর কিসের খরচ, তোর একটা ছেলে ও একটা মেয়ে বইতো নয়? আর সব টাকাগুলি ত ভূতভূজি হচ্ছে। অনিল আমার একেলে ছেলের মত নয়, তাই সর্বস্ব দিয়ে ফকির হচ্ছে। কিন্তু বউমা, পরিণামের ভাবনা ত ভাবতে হয়। শত্রুরের মুখে ছাই দিয়ে তোমারও পাচটি হ’তে চলল; তাদের মুখের দিকে চাওয়া ত দরকার। তার উপর লোকের সময়-অসময় আছে, শরীরের ভদ্রাভদ্র আছে, সব দিক্ ভেবেচিন্তে সংসার করতে হয়। লোকে কথায় বলে—‘পরের বিড়াল খায়, আর বন পানে চায়’। যতই কর না কেন, অসময়ে কিন্তু কেউ থাকবে না। অনিল না হয় আমার বড় ভাল মানুষ, কিন্তু তুমি ত মা আমার ছেলেমানুষটা নও; তুমিও কি ছাই কিছুই বুঝতে পারছ না? দেখ বউমা! তোমাকে বড় ভালবাসি বলেই এ কথাগুলি বললুম, পরে বুঝতে পারবে কিরণ বামনীই ঠিক কথা বলেছিল।”

## ভারতের নারী

সরলা বধুর কাণে দরদী এই যে বিষ ঢালিয়া দিয়া গেল, কালে তাহা অক্ষুরিত ও বৃদ্ধিপ্রাপ্ত হইয়া শাস্তিপূর্ণ সংসারটাকে শ্মশানে পরিণত করিল। প্রথমে জায় জায়, ক্রমে ননদিনী ও শান্তুড়ীর সহিত খুঁটিনাটি আরম্ভ হইতে চলিল। চক্ষুসজ্জার খাতিরে সংসারে থাকিয়া সহসা পৃথক্ হওয়া অসম্ভব হইয়া পড়িলে কেহ কিছুদিনের জগ্ন পিত্রালয়ে গেলেন, কেহ বা সে স্থানে অস্বাস্থ্যের অছিলা করিয়া স্বামীর সহিত তাঁহার কর্মস্থলে বাসের ব্যবস্থা করিতে লাগিলেন।

সংসারে ঝগড়া-বিবাদ প্রথম প্রথম অতি সামান্য কারণ হইতেই শুরু হয়। আজ অমুকের ছেলে অমুককে মারিয়াছে, অমুক অমুকের বই ছিঁড়িয়া দিয়াছে ; বালকের একরূপ বালসুসভ ব্যাপার লইয়া মায় মায় ঝগড়া আরম্ভ করিলেন। আমরা দেখিয়াছি, যে সময়ে উক্তরূপে ঝগড়া লইয়া উভয় মাতা রণচণ্ডী-মূর্তি ধারণ করিয়া থাকেন, ঠিক সেই সময়েই কলহপরায়ণ শিশু দুইটা গলা ধরাধরি করিয়া পরমানন্দে পুতুল খেলায় বিভোর। সুতরাং ইহাকে ঝগড়া কিরূপে বলি? ইহা স্বার্থ ও স্বাতন্ত্র্যজনিত পরস্পরের প্রতি হিংসা ছাড়া আর কিছুই নহে।

সকলে সাংসারিক কাজকর্ম কখনও সমানভাবে করিতে পারে না। কারণ, কেহ দুর্বল, কেহ বা সবল ; কেহ বা কর্মনিপুণ, কেহ বা কর্মকুশলতাহীন ; কাহারও বা পাঁচটা ছেলে মেয়ে, কাহারও বা একটা। সুতরাং তুলা অংশে বা তুল্যরূপে সকল কার্য কেমন করিয়া সম্ভব হয়? এক্ষেত্রে যদি পরস্পরের টান থাকে এবং সেই প্রীতিতে এ উহার সুসার সারিয়া লন, তবেই সংসার নির্বিবাদে চলিতে পারে। তাহা না হইলে প্রতি পদে ঝগড়া, কিচকিচি আরম্ভ হয় এবং সংসার শীঘ্রই অশাস্তিময় হইয়া উঠে।

ঝগড়া-বিবাদের মূলসূত্র 'লাগালাগি'। সংসারে মানুষ যাত্ৰেরই অভাব-অভিযোগ, ভুল-ভ্রান্তি আছে। কাহারও জ্ঞাত বা অজ্ঞাত অপ্রিয় আচরণে কাহারও মনে যদি আঘাত লাগে, তাহা হইলে ব্যথিত ব্যক্তি স্বভাবতঃ তাহার কষ্ট-লাঘবের জগ্ন কোন না কোন আত্মীয়ের নিকটে নিজের মনের দুঃখ প্রকাশ করেন। লোকে পরমাত্মীয়ের বিরুদ্ধেও একরূপ অভিযোগের কথা সময়ে সময়ে বলিতে বাধ্য হয়। যে তোমাকে একান্ত আপনার ভাবিয়া তাহার প্রাণের কথাটা তোমার নিকট বলিল,

## গৃহ-বিবাদ

কোন প্রাণে তুমি সেই কথাটা অভিব্যক্ত ব্যক্তির নিকট লাগাইয়া দাও ? লাগাইয়া দিয়াই বা কেমন করিয়া তাহার নিকট মুখ দেখাও ? এ যে ঘোর বিশ্বাসঘাতকতা— এ যে মহাপাপ। যদি সংসারের এর কথাটা ওকে, ওর কথাটা একে না লাগান হয়, তাহা হইলে সংসারের পনের আনা বিবাদ কমিয়া যায়।

তাহার পর উপার্জনের কথা। কাহারও স্বামী হয়ত অধিক উপার্জন করেন, কাহারও স্বামী হয়ত কম উপার্জন করেন। কাজেই সংসারের খরচ প্রথমার স্বামীকে অধিক দিতে হয়। তাহাতে যদি তিনি গর্ষিতা হইলেন এবং ঝগড়াঝাঁটির অছিলায় নির্মম শ্লেষ করেন, তবে কতদিন আর তাহা সহ্য হয় ? তাহার সে বিক্রমের হাত হইতে রক্ষা পাইবার জন্য সংসার ভাঙিতে হয়। পরিবারস্থ উপার্জনশীল ব্যক্তি যদি সমদর্শী না হন, তিনি যদি নিজের ও নিজের স্ত্রী-পুত্রের সুখ-স্বচ্ছন্দ্য ও অলঙ্কার-ঐশ্বৰ্য্যের স্বতন্ত্র ব্যবস্থা করিতে থাকেন, তবেই পরিবারস্থ অপর সকলের মনে আঘাত লাগে, এবং স্বভাবতঃ তাঁহার প্রতি ঘৃণা ও হিংসা জন্মিয়া থাকে ; এইরূপেই প্রতিনিয়ত ঝগড়া-বিবাদ আরম্ভ হয়।

আজ তোমরা একান্নবস্ত্রী পরিবারের ভিতর থাকিয়া পরস্পর পরস্পরের প্রতি যেরূপ আচরণ করিতেছ ও যে প্রকারে একজন অন্য জনকে পৃথক্ করিয়া দিতেছ তাহা ত তোমাদের সম্মানগণের অগোচর থাকিতেছে না। বয়ঃপ্রাপ্ত হইয়া তাহারাও সেইরূপ আচরণ না করিবে কেন ? এখন ভাবিয়া দেখ দেখি, তোমারই উপার্জনশীল পুত্রেরা যদি তোমারই উপার্জনহীন পুত্রকে পৃথক্ করিয়া দেয়, তখন তোমার মনে কিরূপ ব্যথা লাগে ? জননী হইয়া, গৃহিণী হইয়া, সম্মানের প্রাণে অবহেলায় এ বিষ কখনও ঢালিয়া দিও না। ইহাতে তোমরাও জলিয়া মরিবে, সম্মানেরাও জলিয়া মরিবে।

উক্ত প্রকার কলহ-বিবাদ নিবারণের উপায় কি ? আমাদের মনে হয় ইহার একমাত্র উপায় গৃহিণীদেরই হাতে। গৃহিণীগণ যদি আত্মসুখপরায়ণা না হন, তাঁহারা যদি স্বার্থ লইয়া ব্যতিব্যস্ত না হন, তাহা হইলে সংসার-জীবনে এ সর্বনাশ ঘটিতে পারে না। তাঁহারা যদি অগ্ন্যাগ্ন জ্বায়ের হাতের তাগাবালা গড়াইয়া দিয়া পরে নিজে তাগাবালা পড়েন, তাহা হইলে সে সংসারে ঝগড়া-বিবাদ ঘটিতে পারে না, সে সংসার

## ভারতের নারী

অমৃতময় হয়। জননীগণ! অর্ধ্যবংশে আপনাদের জন্ম, হিন্দুর উচ্চ আসন আপনাদের জন্ম; উর্ষিলাদেবী স্বীয় প্রাণ অপেক্ষা প্রিয়তম, স্ত্রীজাতির একমাত্র আশ্রয়, স্বামী লক্ষণকে, জ্যেষ্ঠ-ভ্রাতা ও জ্যেষ্ঠ-ভ্রাতৃবধুর সেবায় উৎসর্গ করিতে পারিয়াছেন, আর আপনারা সেই বংশে জন্মগ্রহণ করিয়া আপনাদের স্বামীর তুচ্ছ উপার্জনের অংশ দিতে পারিবেন না? যাহার স্বামী উপার্জনশীল, তাঁহার উপার্জনের অংশ পাঁচজনে উপভোগ করে, সে কি হুঃখের কথা? নারী-জীবনে ইহাই যে সর্বশ্রেষ্ঠ সৌভাগ্য।

জননীগণ! আপনারা স্নেহময়ী জগদম্বার অংশভূতা, কেমন করিয়া আপনারা অপরের শিশু-সন্তানের উপর 'হুই হুই' করেন? আপনাদের দুর্ব্যবহারে যখন স্কুমার শিশু কাতর নয়নে আপনাদের মুখের দিকে চায়, তখন কি আপনাদের মাতৃহৃদয়ে বিন্দুমাত্র আঘাত লাগে না? কেমন করিয়া অল্প শিশুকে বঞ্চিত করিয়া আপন সন্তানের মুখে স্মিষ্ট খাদ্য তুলিয়া দেন? তাহারা যখন ক্ষুধ হৃদয়ে নিঃশ্বাস ফেলিয়া অগ্নিত্র চলিয়া যায়, তখন কি আপনার স্নেহস্তরা বুকখানি ফাটিয়া যায় না? যদি না যায়, আপনাকে হিন্দুনারী কেমন করিয়া বলিব? কুন্তীদেবী যে অপরের সন্তানের প্রাণ রক্ষা করিবার জন্ম আপনার প্রাণপুত্রকে রাক্ষসের মুখে পাঠাইয়া-ছিলেন। আপনার জা, ননদিনী ও সংসারস্থ অগ্ন্যাগ্ন পরিজন যে আপনার ভগিনী-স্বরূপা, সঙ্গীস্বরূপা; কেমন করিয়া চক্ষুজ্জ্বা বিসর্জন দিয়া তাঁহাদের প্রতি রুঢ় বাক্য প্রয়োগ বা অসদাচরণ করিতে পারেন? আপনার স্বখ কি এতই বড়? সামান্য স্বখের জন্ম এই সকল আত্মীয়ের মনঃপীড়া দিতে কি আপনাদের একটুও বাধে না? এখন যে সামান্য কার্যের অছিলা করিয়া তাহাদের সহিত ঝগড়া করিতেছেন, পৃথক হইলে তদপেক্ষা অনেক অধিক কার্যের ভার নিজের ঘাড়েই ত লইতে হইবে। তবে অনর্থক সোনার সংসার ছারখারে দেন কেন? সংসার করিতে গেলে নানারূপ স্ববিধা-অস্ববিধা, নানাকার্যে মতের অমিল হইয়া থাকে সত্য, তাহা সহ না করিলে চলিবে কেন? আপনারা যদি একটু ধৈর্য ধারণ করেন, একটু কষ্ট সহ করেন, একটু যদি পরের প্রতি স্নেহশীলা হযেন, তাহা হইলে বোধ হয় সাংসারিক বিবাদ-বিসম্বাদ সেই মুহূর্ত্তেই দূর হইয়া যায়। পরস্পর হাসিয়া খেলিয়া পরস্পরকে ভালবাসিয়া সংসার করিলে, সংসার

## দানপ্রার্থীর প্রতি কর্তব্য

আনন্দে পূর্ণ হয়, সংসারই শান্তির স্থান হয়, তখন সর্বাধিক কল্যাণ আপনিই আসে; তাহাতে আপনাদের জীবন ধন্য হয় এবং পরিবারস্থ সকলে দরিদ্র হইলেও সুখে-শান্তিতে কালান্তিপাত করিতে পারেন।

## দানপ্রার্থীর প্রতি কর্তব্য

মানুষ যখন একান্ত দুর্দশায় পতিত হয়, আর উপায়ান্তর দেখিতে পায় না, তখনই সে সাহায্য-প্রত্যাশায় প্রার্থীরূপে গৃহস্থের নিকট উপস্থিত হয়। প্রত্যেক মানুষের একটা স্বাভাবিক লজ্জা আছে, যাহার জন্ম সে সহজে ভিক্ষা করিতে চায় না। কিন্তু যখন সে আত্মশক্তির উপর নির্ভর করিতে পারে না, তখন অঁঠরজ্বালার তাড়নে সমস্ত লজ্জা বিসর্জন দিয়া একান্ত কুণ্ঠিতভাবে প্রার্থীরূপে দণ্ডায়মান হয়। এই অবস্থায়ও যখন সে ভিক্ষালাভে অকৃতকার্য হয়, তখন গভীর নৈরাশ্রে তাহার হৃদয় পরিপূর্ণ হইয়া উঠে; দুঃখের আতিশয্যে অনেক সময় আত্মহত্যা পর্য্যন্ত করিয়া বসে। তাহাদের এই অসহায় অবস্থার কথা চিন্তা করিলে পাষণ্ড হৃদয়েও দয়ার উজ্জেক হয়। এই সব দুর্ভাগা বস্তুতঃই দয়ার পাত্র। কুলসম্মীগণ কদাচ ইহাদিগকে বিমুখ করিবেন না। ভিক্ষুকগণ অতি অল্পেই সন্তুষ্ট হয়। সামান্য কিছু পাইলেই ইহারা দুই হাত তুলিয়া যে আশীর্বাদ করে তাহা বার্থ হইবার নহে। অন্ধ, খঞ্জ, বৃদ্ধ, রোগী প্রভৃতিকে নারায়ণজ্ঞানে যথাসাধ্য সেবা করা প্রত্যেক গৃহস্থেরই কর্তব্য; অন্তথায় ধর্মলোপ হয়। আমাদের শাস্ত্রে গৃহস্থের জন্ম প্রত্যহ দানধর্মের অমুষ্ঠান করিতে উপদেশ দেওয়া আছে। অপরূপ দান শক্তিতে না কুলাইলেও মুষ্টিভিক্ষাদান প্রত্যেক গৃহস্থেরই অবশ্য প্রতিপাল্য কর্ম। পুরুষগণ ভিক্ষকের প্রতি কঠোর ব্যবহার করিলেও দয়াবতী পুরুষমহিলাগণের নিকট হইতে তাহারা প্রায়ই নিরাশ হয় না। অবশ্য দুই একস্থলে যে ইহার ব্যতিক্রম না দেখা যায়, তাহা নহে। দুঃখের বিষয় তাহারা তুলিয়া যান যে, রমণী দয়ার সাক্ষাৎ প্রতিমূর্তি; স্নেহ-করণীর

## ভারতের নারী

আধাররূপেই সৃষ্টবস্ত। করুণাময় ভগবান্ সৃষ্টিরক্ষার জন্তই পুরুষ অপেক্ষা তাঁহাদের হৃদয়ে দয়া-মমতার অধিক সমাবেশ করিয়াছেন। যিনি এই পবিত্র দয়াশূণ্যের অধিকারিণী হইতে পারিলেন না, তাঁহাকে রমণীকুলের আদর্শস্থানীয়া বলিতে পারা যায় না। অবস্থা চিরদিন কাহারও সমানভাবে যায় না। আজ আমার দান করিবার ক্ষমতা আছে, কাল হয়ত ভিক্ষুক হইতে পারি, তখন আমার অবস্থা কি হইবে? এইরূপ চিন্তা করিলে ভিক্ষুকের প্রতি সহানুভূতি স্বতঃই উদ্ভিত হয়। পুরুলনাগণ যদি তাঁহাদের বিলাসিতার উপকরণ দুই একটা কমাইয়াও অস্তুতঃপক্ষে কিছু কিছু দরিদ্রপোষণে মনোযোগ করেন, তবে অপব্যয় ঘটে না এবং গৃহস্থের ধর্মও রক্ষিত হয়। পাশ্চাত্য দেশে ভিক্ষুকগণের পোষণের ব্যবস্থা সরকারই করিয়া থাকেন, আমাদের দেশে তাদৃশ কোন প্রতিষ্ঠান বা ব্যাপক ব্যবস্থা নাই। সুতরাং আমাদের দেশেই এ বিষয়ে অবহিত হইতে হইবে। পাশ্চাত্যভাবের অন্ধ অনুকরণে আমরা এখন সনাতন আতিথ্যধর্মকে বিসর্জন দিয়া স্বার্থপরতার পক্ষে নিমগ্ন হইতেছি। আশা আছে—আর্য্য নরনারীগণ আর্য্যধর্মে নিজেদের বৈশিষ্ট্য রক্ষা করিয়া সনাতন আদর্শ বজায় রাখিবেন।

## অতিথিসেবা ও ধর্মকার্য্য

আমাদের শাস্ত্রে আছে :—

অতিথির্ষস্ত ভগ্নাশো গৃহাৎ প্রতিনিবর্ততে ।

স তস্মৈ দুষ্কৃতিং দত্ত্বা পুণ্যমাদায় গচ্ছতি ॥

“ভগ্নমনোরথ হইয়া অতিথি যদি গৃহস্থের বাটী হইতে ফিরিয়া যান, তাহা হইলে তিনি তাঁহার সমুদয় পাপ গৃহস্থকে দিয়া গৃহস্থের সমুদয় পুণ্য লইয়া চলিয়া যান।” অতিথিসেবা গৃহস্থমাত্রেয়ই অবশ্য-কর্তব্য। সংসার-পালন যেমন গৃহস্থের শ্রেষ্ঠ কর্তব্য, অতিথিসেবাও সেইরূপ সংসার-পালনের একটা প্রধান অঙ্গ। এই অতিথিসেবা যথাযথভাবে অনুষ্ঠিত হইলে ভগবান্ তাঁহার প্রিয় কার্য্যের অনুষ্ঠানে গৃহস্থের প্রতি একান্ত প্রীত হন এবং গৃহস্থের সর্ববিধ মঙ্গল করেন। এই সেবাধর্ম অক্ষুণ্ণ রাখিবার



## অতিথিসেবা ও ধর্মকার্য

অশ্রুই আখ্যায়িকা মহাত্মারত, পুরাণ প্রভৃতি ধর্মগ্রন্থে ভ্রূয়োভূয়ঃ ইহার মাহাত্ম্য বর্ণনা করিয়াছেন ।

শাস্ত্রে কথিত আছে—“স্বয়ং ভগবান্ দরিদ্ররূপে দ্বারে দ্বারে ভিক্ষা করিয়া বেড়ান ; যে গৃহস্থ দরিদ্রসেবা করে না, দরিদ্রকে আশ্রয় দেয় না, সে ভগবান্কে তুচ্ছ করে, ভগবান্কে গৃহ হইতে তাড়াইয়া দেয় । সে গৃহস্থের মঙ্গল হয় না, হইতেই পারে না ।” ইষ্টদেব বা ইষ্টদেবীর আরাধনা না করিয়া যেমন জলগ্রহণ করিতে নাই, সেইরূপ দরিদ্ররূপী ‘অতিথিনারায়ণের’ সেবা না করিয়া গৃহস্থের জলগ্রহণ করিতে নাই ।

দুঃখের বিষয়, আজকাল ক্রমশঃই আমাদের দেশ হইতে এই সংপ্রবৃত্তি লোপ পাইতে বসিয়াছে । ফলে—দেশে দিন দিন অনাহারক্লিষ্ট দরিদ্রের সংখ্যা বৃদ্ধি পাইতেছে । সকল গৃহস্থ যদি সমভাবে সাধ্যানুসারে দরিদ্রসেবার ভার গ্রহণ করিতেন, তাহা হইলে বোধ হয় দেশের এত অধিক দুর্দশা ঘটিত না । কিন্তু এই সংপ্রবৃত্তি লোপের অন্য প্রধানতঃ দায়ী কে ? আমরা বলি, আমাদের গৃহিণীগণ । কারণ, দেশ-কাল অনুসারে পুরুষেরা জীবিকার্জনে এত ব্যস্ত হইয়া পড়িয়াছেন যে, এসব সংকার্য-সম্পাদনের অবসর তাঁহারা খুব কম পান । অনেক ক্ষেত্রে আবার অবসর পাইলেও দরিদ্রতা-নিবন্ধন প্রতিনিবৃত্ত হইয়েন । কিন্তু সেবাপরায়ণা গৃহিণীর পক্ষে এসব সংকার্য-সাধনের যথেষ্ট সুযোগ ও অবসর আছে । যদি তাঁহাদের স্বামীর এ বিষয়ে আপত্তি করেন, তাঁহারা সহজেই মিষ্ট ব্যবহারে তাঁহাদিগের মতি পরিবর্তন করিতে পারেন । তাঁহাদের সহস্র আকার যদি স্বামীর বহন করিতে সমর্থ হন, তবে এ শুভ আকারও সহজেই তাঁহারা সহ করিবেন, ইহাই আমাদের বিশ্বাস । গৃহস্থ অবশ্য পাঁচজনের অশ্রুই রন্ধনের আয়োজন করেন । তাহা হইতে যদি একজনের খাণ্ড বণ্টন করিয়া দেওয়া হয়, তাহা হইলেও বোধ হয় পরিজনবর্গের বিশেষ কষ্ট বা অসুবিধা হয় না ।

স্বধিতের মুখে অন্নদান যে কি পুণ্য, কি তৃপ্তি যাহারা সে অন্ন দান করেন, তাঁহারা তাহা উপলব্ধি করিতে পারেন । আশ্রয়হীন, সহায়হীন, দরিদ্র উদরের জালায় কাতর হইয়া আপনার দ্বারে আসিল, আপনি তাহাকে তাড়াইয়া দিলেন ; সে সমস্ত দিন অনাহারে থাকিতে বাধ্য হইল । সে যে কি যন্ত্রণা, তাহা একবার

## ভারতের নারী

ভাবিয়া দেখিলে বা সে যন্ত্রণা একবার অনুভব করিলে কেহ কি তাহাকে বঞ্চিত করিতে পারে? আপনারা প্রকৃতি—সন্তানের জননী; দরিদ্র আপনার সন্তানস্বরূপ। পুরুষেরা যা করে করুক, আপনি কোন্ প্রাণে সন্তানের অনাহার-ক্লেশ দেখিবেন? অবশ্য এমন হইতেছে না যে, নিত্য দলে দলে আপনার দ্বারে অতিথি আসিতেছে। যে দিন আসিল, সেদিন সন্তানের জন্ম না হয় একটু কষ্টই করিলেন। সমস্ত জগতের ক্ষুধা নিবৃত্তি করিবার জন্ম আমরা বলিতেছি না। সাধ্যপক্ষে একজনের ক্ষুধা নিবৃত্তি করিতে ত পারেন। দাতা কর্ণের পুণ্যবতী স্ত্রী, তিনি ত আপনাদেরই মত একজন জননী। তিনি যে একদিন অতিথিসেবার জন্ম স্বহস্তে প্রিয়পুত্রের শিরশ্ছেদ করিয়াছিলেন। এ গৌরব, এ মহিমা কি আপনাদের প্রাণে জাগে না? আপনারা হিন্দু-নারী, ধর্মই আপনাদের সারসর্বস্ব, পুণ্যই আপনাদের চির সহচর। অতিথিসেবায় বিমুখ হওয়ায় শকুন্তলার যে দুর্দশা হইয়াছিল তাহা কি আপনাদের মনে নাই? অতিথিকে অবমাননা করায় তাঁহাকে যে স্বামী কর্তৃক পরিত্যক্তা হইতে হইয়াছিল। নারীজীবনে যে ইহা অপেক্ষা অধিক দুঃখ আর নাই। অতিথিসেবার জন্ম আপনাদের আদি জননী আর্ধ্যদেবীরা যথাসর্বস্ব উৎসর্গ করিয়াছেন, আর আপনারা তাঁহাদেরই বংশে জন্মিয়া একগ্রাস অন্নও দিতে পারিবেন না?

আপনারা সহধর্মিণী, আপনাদের সহযোগে ও সহায়তায় পুরুষের ধর্মজীবন পূর্ণ হয়। কঠোর কর্মশীল পুরুষের জীবনে আপনারাই শান্তিময়ী স্নেহধারা। আপনারা যদি ধর্মপরায়ণা না হন, স্বামীর জীবনে শান্তিরসের সুধাধারা কেমন করিয়া প্রবাহিত হইবে? আপনারাই ত ব্রতপরায়ণা হইয়া স্বামীকে সংযমী করিয়া তুলিবেন; আপনারাই ত ভক্তিমতী হইয়া স্বামীকে ভক্তিমান করিয়া তুলিবেন। সংসারের সমস্ত কঠোরতা আপনাদের স্বামীর স্বক্ষে শুষ্ট; আর পৃথিবীর পূর্ণ কোমলতা, স্নেহ-মমতা আপনাদিগকেই আশ্রয় করিয়া আছে। আপনারা যদি সেই সমস্ত সদৃশ্য পরিত্যাগ করেন, তাহা হইলে সংসার যে দানবের লীলাভূমি হইবে, ধর্মের সংসার পাপে ছারখার হইয়া যাইবে। একদিকে পুরুষ যেমন আপনাদিগকে জগতের সমুদয় বিপ্ল, সমুদয় বিপদ, সমুদয় বিপত্তি হইতে রক্ষা করিবেন, অন্যদিকে আপনারাও তাঁহাদিগকে সমুদয় নির্মমতা, সমুদয় কঠোরতা, সমুদয় নৃশংসতা হইতে প্রেমের বন্ধনে ফিরাইয়া

## ব্রত-নিয়ম-পালন

আনিবেন! এই ত স্ত্রী-পুরুষের পবিত্র সম্বন্ধ। একের অভাবে অন্যের সর্বনাশ অবশ্যস্বাবী। পুরুষ কৰ্ম, স্ত্রী ধৰ্ম। পুরুষের সমুদয় কৰ্মজীবনকে আপনাদের পবিত্র ধৰ্মালোকে চির উজ্জ্বল করিয়া তোলা আপনাদের কর্তব্য। ধৰ্মহীন কৰ্ম হইলে সে ত বিনাশের কারণ হয়। যাহা লইয়া আৰ্যনারীর মহত্ব, যাহা লইয়া আৰ্যনারীর গৌরব, যাহা লইয়া আৰ্যনারীর অস্তিত্ব, আৰ্যনারী হইয়া বিলাসশ্রোতে সেই চিরপবিত্র ধৰ্মব্রত ভাসাইয়া দিয়া পিশাচিনী সাজিবেন না।

## ব্রত-নিয়ম-পালন

আধুনিক স্ত্রী-শিক্ষার যুগে, আমাদের পিতৃপুরুষ-প্রবর্তিত ব্রত-নিয়ম 'অঘণ্ট কুসংস্কার' বলিয়াই নব্যশিক্ষিত ব্যক্তিগণের ধারণা হইয়াছে। হইবারও কথা; কারণ, যখন কোন জাতি পতনের মুখে অগ্রসর হয়, তখন আপাতমধুর এবং পরিণামবিরস জিনিসই তাহার কাম্য হইয়া দাঁড়ায়। প্রচলিত ব্রত-নিয়ম মানবসমাজের কত কল্যাণ বিধান করে, মানুষকে কতবড় সংযমী করে এবং মনুষ্যত্বলাভের কিরূপ সহায়ক, তাহা এখন কেহ চিন্তা করেন না। হিন্দুশাস্ত্রের প্রত্যেক কথা, প্রত্যেক কার্য সূনিয়ন্ত্রিত ও বিশ্ব-কল্যাণের নিমিত্তই লিপিবদ্ধ। ইহা তাঁহারা না জানিয়া বা জানিবার চেষ্টা না করিয়াই উপহাস করেন। ছন্দঃ প্রভৃতি সহকারে মন্ত্র উচ্চারণপূর্বক পূজা-উপাসনাদির দ্বারা যেমন সহজে উপাস্তদেবতার অমুগ্রহ লাভ করা যায়, তেমনি শ্রদ্ধার সহিত ব্রত-নিয়ম-পালনে গৃহলক্ষ্মীগণের উন্নতি সাধিত হয়—একথা আমরা জোর করিয়া বলিতে পারি। ব্রতকথায় যে সব ফললাভের কথা আছে আমাদের মনে হয়, ব্রত-নিয়ম ঠিক ঠিক পালন করিলে সেই সব ফললাভ এই জীবনেই অনেকে উপলব্ধি করিতে পারেন।

ব্রতের অর্থ নিয়ম। ব্রত-পালনের অর্থ আপনাকে নিয়মের ভিতর আনা; ব্রত-পালন করিতে উপবাস আবশ্যিক। কারণ, উপবাসাদি দ্বারা সংযমশিক্ষা এবং উপাস্ত্রের সাহায্য লাভ করা যায়। ইহা 'উপবাস' শব্দের অর্থ দ্বারা হই স্পষ্ট প্রতীয়মান হয়।

## ভারতের মারী

নিজেকে নিয়মে আবদ্ধ করিলে একাগ্রচিত্তে সর্বকার্যসাধনের ক্ষমতা বৃদ্ধি পায়। যদি উপবাসাদি দ্বারা দেহকে ক্লিষ্ট ও শুষ্ক করিয়া নিজের পাকস্থলীর ব্যাধিরও উপশম হয়, তাহাতেই বা ক্ষতি কি ?

যে ব্রত-পালন করিতে আরম্ভ করা হউক না কেন, তাহা শেষ না হওয়া পর্যন্ত জীবন-পণ করিয়া সেই ব্রত পালন করিলে ব্রত-পালনের ফল পাওয়া যায়। যদি কেহ একটা কাজ নানারূপ নিয়ম-কানুনে আবদ্ধ হইয়া করিতে পারেন তাহা হইলে তাঁহার মনের শক্তি বাড়িবে, তাহাতে তিনি ভবিষ্যতে অনেক দুঃসাধ্য কার্যও করিতে পারিবেন। ধৈর্যচ্যুতি ঘটিলে ব্রত পালন হয় না। একটা ব্রতে কাহারও ধৈর্যচ্যুতি ঘটিলে সংসারের প্রত্যেক কার্যেই তাঁহার ধৈর্যহীন হইবার সম্ভাবনা।

দুর্লভ মনুজাদেহ ধারণ করিয়া স্ত্রী-পুরুষ সকলেরই ঈশ্বরোপাসনা অবশ্যকর্তব্য কর্ম। ইহা প্রধানতঃ আরাধনা, ধ্যান ও প্রার্থনা এই তিন অংশে বিভক্ত। শাস্ত্রে স্ত্রী-পুরুষভেদে উপাসনার ভিন্ন ভিন্ন প্রণালী নির্দিষ্ট আছে। স্ত্রীলোকের উপযোগী ব্রতাদিরূপ উপাসনাও—এই প্রধান তিন অংশ হইতে বাদ পড়ে নাই। প্রত্যেক ব্রতেই আরাধনা, ধ্যান ও প্রার্থনাগুলি সুস্পষ্ট উপদিষ্ট হইয়াছে। যথাবিধি অনুষ্ঠিত হইলে ইহা দ্বারা ঈশ্বরের অনুগ্রহলাভ এবং কাম্য অভিনাষ সিদ্ধ হইয়া থাকে ; ইহা কবির কল্পনা নহে, পরম্পর অস্বাভাবিক সত্য। ব্রতের অঙ্গ—পূজা ও উপবাস দ্বারা ঈশ্বরে ভক্তি ও বিশ্বাস সুদৃঢ় হয়। ধ্যান অর্থাৎ চিন্তা দ্বারা চিন্তের মালিন্য দূর হইয়া পবিত্রতা আসে এবং প্রার্থনা দ্বারা অভিলষিত-সিদ্ধি হইয়া থাকে। এইজন্য আবহমানকাল হইতেই আমাদের দেশে ব্রতাদির অনুষ্ঠান হইয়া আসিতেছে। আমাদের কুললক্ষ্মীগণ দূষিত আবহাওয়ার মধ্যে থাকিয়া সেই ব্রতেও বিশ্বাস হারাইয়া ফেলিতেছেন, ইহা অত্যন্ত পরিতাপের বিষয়। ব্রত-নিয়ম-পালন প্রত্যহ করিতে হয় না, সুতরাং ইহাতে পরাধুখী হওয়া শ্রমশীলা হিন্দুললনাগণের কর্তব্য নহে। আমরা আশা করি তাঁহারা এ বিষয়ে যত্নবতী হইবেন।

## সতীত্ব ও সহমরণ

আর্স্তুর্থে মোদিতা হৃষ্টে প্রোষিতে মলিনা কুশা ।  
মৃতে চ ত্রিযতে পত্যৌ সা স্ত্রী জ্ঞেয়া পতিব্রতা ॥

যে রমণী স্বামীর দুঃখে দুঃখিতা, স্বামীর সুখে সুখিনী, স্বামী প্রবাসী হইলে মলিনা ও কুশালী হন এবং যিনি স্বামীর মরণে সহমৃত্যু হন, শাস্ত্রে তাঁহাকে পতিব্রতা রমণী কহে ।

উক্ত শাস্ত্রবচন আলোচনা করিলে বুঝা যায়, সুখে-দুঃখে, হর্ষে-বিবাদে পত্নী যখন পতির সহিত সম্পূর্ণরূপে এক হইয়া যান, তাঁহার সকল অস্তিত্ব যখন স্বামীতে বিলীন হইয়া যায়, তখন যথার্থ তাঁহার পতিব্রতা ধর্ম সাধিত হয় । পতির সহিত এই একত্ব অর্থাৎ তাঁহার সকল কার্যে পূর্ণভাবে মিলিয়া যাওয়া সহজসাধ্য ব্যাপার নহে, বিশিষ্ট সাধনসাপেক্ষ । সেইজন্য কুমারীকাল হইতে সে বিষয়ের শিক্ষা ও সাধনা আবশ্যিক ।

পরমারাধ্যা শঙ্করপত্নী 'সতী' সতীত্বের পূর্ণমূর্তি । তাঁহার সেই পুণ্যময় চরিত্র হইতে সতীত্বের উৎপত্তি । কুমারীগণ এই কারণেই জ্ঞানোদয়ের পর হইতে সতীর আদর্শ লক্ষ্য করিয়া শিবপূজানিরতা হন এবং এই কারণেই কুমারীকালে শিবপূজা শাস্ত্রের বিধান । আজকাল কুমারীগণের এই ব্রত লোকাচারে পরিণত হইয়াছে । ইহার মর্ম, ইহার উদ্দেশ্য, ইহার মহত্ব কয়জন অভিভাবক, বালিকাদিগকে সম্যক্রূপে বুঝাইবার চেষ্টা করেন ? উদ্দেশ্যহীন কার্যের ফল যেমন অকিঞ্চিৎকর, বর্তমান শিবপূজার ফলও সেইরূপ নামেমাত্র পর্য্যবসিত হইতে বসিয়াছে । শিবপূজার সঙ্গে সঙ্গে কুমারীগণ যাহাতে সতীচরিত্র আলোচনা ও উপলব্ধি করিতে পারেন, প্রত্যেক অভিভাবকেরই সে বিষয়ে সতর্ক দৃষ্টি রাখা একান্ত কর্তব্য । এই পুণ্যব্রত সতীত্বলাভের সোপানস্বরূপ । ইহাতে একাধারে পুণ্য, পবিত্রতা, দেবভক্তি ও চরিত্র লাভ হয় ।

বর্তমানকালে হিন্দুসমাজে যেরূপ বিবাহসমস্তা উপস্থিত হইয়াছে, তাহাতে কেন্দ্র-বিশেষে কুমারীচরিত্রে সতীত্ববিরোধী রেখাপাত হইয়া থাকে । প্রথমতঃ, বিবাহ এখন

## ভারতের নারী

কেনা-বেচার নামান্তর। যৌতুকের মূল্য-হিসাবে পাত্র নির্বাচিত হয় এবং সে নির্বাচন-প্রথাও একান্ত অভ্যুচিত হইয়া দাঁড়াইয়াছে। প্রধানতঃ গুণ, চরিত্র, বংশমর্যাদা সম্পূর্ণরূপে উপেক্ষিত হইতেছে। আশাহুরূপ অর্থ পাইলেই সকল ক্রটি সারিয়া যায়।

বিবাহক্ষেত্রে দ্বিতীয় বিচার্য বিষয় কন্যার রূপ। সত্ৰামধ্যে সঙ্কুচিতা, শক্তি কুমারীকে লইয়া গিয়া, পুঙ্খানুপুঙ্খরূপে তাহার অঙ্গসৌষ্ঠব, চলনভঙ্গী, বচনচাতুর্য; পরীক্ষা করা হয়। ভাগ্যক্রমে সে পরীক্ষায় উত্তীর্ণ হইলে তবে বিবাহ সিদ্ধ হইবে; নচেৎ সহস্রগুণের অধিকারিণী হইলেও সে কুমারীর বিবাহ সুসম্পন্ন হওয়া সুকঠিন। আবার পাত্র গিয়া স্বয়ং কন্যা দেখিয়া আসার প্রথাও বিরল নহে। কুমারী জানিল ইনি আমার ভাবী স্বামী; তাহার হয়ত মনে মনে পছন্দ হইল। কিন্তু অর্থের অভাবেই হউক বা পাত্রের অনভিমতেই হউক বিবাহ হইল না। ইহাতে কি কুমারীর পাতিব্রতের উপর আঘাত করা হইল না?

শিক্ষিত আমরা, ভদ্র আমরা, সত্য আমরা, ঘরের একটা কুমারী কন্যা লইয়া সাধারণ-সমক্ষে একরূপভাবে পরীক্ষা ও আলোচনা করা কি আমাদের লজ্জার বিষয় নয়? ইহাতে কি আমাদের লজ্জাবোধ হয় না? পিতা-মাতা, আত্মীয়-স্বজন, পরিচিত-অপরিচিতের সাক্ষাতে একরূপভাবে রূপ সম্বন্ধে পরীক্ষিত হওয়া বয়স্হা কুমারীর পক্ষে যে কি সঙ্কোচ তাহা কি আমরা একবার ভাবিয়া দেখিবারও অবসর পাই না? একরূপ ব্যবহার যে আমাদের: জঘন্য মনোবৃত্তির পরিচয় দেয়, ইহা কি আমরা তাহাদের চোখে:আঙ্গুল দিয়া বুঝাইয়া:দিই না?

তৃতীয়তঃ, হয়ত কন্যা পছন্দ হইল, পাকা দেখাওনাও হইয়া গেল, কন্যা আত্মীয়-স্বজনের নিকট পাত্রের গুণরূপাদির বিষয় ভূয়োভূয়ঃ শ্রবণ করিল; কুমারী মনে মনে তাঁহাকে পতিত্বে বরণ করিল; তাঁহার চিন্তায় ও তাঁহার ধ্যানে কিছু কাল অতিবাহিত হইল; হঠাৎ দেনাপাওনা লইয়া:কি বিসম্বাদ হইল, বিবাহ ভাঙ্গিয়া গেল। এমন কি বিবাহসভা হইতে পাত্র উঠিয়া:গেল। কুমারীর পবিত্র পাতিব্রত লইয়া একরূপ ধূলাখেলা করিতে আর্ধ্যসন্তানের কি লজ্জা করে না? কুমারী অবস্থায় যে-কোন পুরুষকে একবার মনে মনে চিন্তা করিয়া পুরুষাস্তর গ্রহণ করিলে কুমারী যে পতিতা হয়েন, হিন্দু হইয়া

একথা কি আমরা জানি না? সাবিজী, দময়ন্তীর দৃষ্টান্ত কি একেবারে লুপ্ত হইয়া গিয়াছে? আমাদের কর্তব্য বিবাহ স্থিরসিদ্ধান্ত হইবার পূর্বে পাত্রসম্বন্ধীয় কোন কথা কোনরূপে কুমারীর কর্ণগোচর হইতে না দেওয়া, এবং যাহাতে এই বাজার-বাচাই প্রথা উঠিয়া গিয়া কুমারীগণের সম্মান রক্ষা হয়, তাহার ব্যবস্থা করা।

এ ত গেল সমাজের কথা। এক্ষণে নারীগণের সতীত্ব-ধর্ম পালনের সম্বন্ধে দুই একটি কথা আলোচনা করিব। স্বয়ং ভগবান্ স্বামিরূপ ধারণ করিয়া সাধ্বী রমণীগণের সেবা গ্রহণ করেন, ইহাই শাস্ত্রের উক্তি। সুতরাং স্বামী ভগবানের স্বরূপ এ বিষয়ে সংশয় নাই। জ্ঞী-জীবনে স্বামিসেবাই একমাত্র মুক্তির পথ। জ্ঞীলোকের স্বামী ছাড়া ধর্ম নাই, স্বামিসেবা বই কর্ম নাই, স্বামিচিন্তা ব্যতীত ধ্যান নাই। সেইজন্যই আমাদের দেশের শাস্ত্রকারগণ স্বামীর সমক্ষে দেবতা এমন কি গুরুদেবকে প্রণামও জ্ঞীজাতির পক্ষে নিষিদ্ধ করিয়াছেন। জ্ঞীলোকের স্বামিসেবা শুধু কর্তব্য নহে, ইহা জীবনের সারসর্কস্ব। যে অভাগিনী সে স্থখে বঞ্চিতা, তাহার মত হতভাগিনী আর কে আছে? সাধ্বী রমণীরা কস্মিনকালে স্বামীর কোন কথার প্রতিবাদ করেন না। স্বামীর ব্যবহার সুখপ্রদ হউক, আর কষ্টকর হউক, সানন্দে তাহা সহ করেন। স্বামীর গুণাগুণ সম্বন্ধে কখনও আলোচনা করেন না। তাঁহার সর্বাঙ্গীণ সেবা না করিয়া জলগ্রহণ করা সাধ্বী রমণীর কর্তব্য নহে। দেবলমাত্র দৈহিক পবিত্রতা রক্ষা করিলেই সতী হওয়া যায় না। কায়মনোবাক্যে একান্তে স্বামিপরায়াণ হইতে হয়।

একজাতীয়া সাধ্বী রমণী আছেন, যাহারা জগতে স্বামী ভিন্ন আর কাহাকেও পুরুষ বলিয়া চিন্তা করেন না। আর একজাতীয়া রমণী আছেন, যাহারা স্বামী ভিন্ন অন্য সকলকেই সম্মানস্থানীয় দেখেন। সতীত্ব রক্ষা করিতে হইলে উপরের দুইটি মতই প্রকৃষ্ট পন্থা বলিয়া মনে হয়। অপর পুরুষকে ঐভাবে ভাবিলে এবং সে চিন্তা হৃদয়ে দৃঢ় হইলে পরপুরুষ-সম্বন্ধীয় কোন চিন্তাই আর মনে স্থান পায় না বা সামাজিক হিসাবে কোন হান্ডপরিহাসও চলিতে পারে না। সতীচরিত্রের উজ্জ্বল আদর্শ আমরা স্থানান্তরে বিশদরূপে বর্ণনা করিয়াছি। সেই সমুদয় পুণ্যময় কাহিনীপাঠে সাধ্বী পাঠিকারা সবিশেষ ফললাভ করিতে পারিবেন, ইহাই আমাদের বিশ্বাস।

## স্বামীগণের চরমগতি সহমরণ।

পূর্বকালে তাঁহারা সানন্দে মৃত স্বামীর সহিত চিতারোহণ করিতেন। সে কি মহিমময় দৃশ্য! স্বস্থ দেহে, প্রফুল্ল অন্তঃকরণে বধুবশে সজ্জিত হইয়া জলন্ত অগ্নিশিখাকে তুচ্ছ করিয়া হাসিমুখে স্বামীর পদযুগল বক্ষে ধারণ-পূর্বক অগ্নিকুণ্ডে স্বদেহ উৎসর্গ করা, আর্ধ্যনারীর কি অপূর্ব কীর্তিই ছিল। এ পুণ্যময় অমুঠান, এ পবিত্র দৃশ্য, এ চির-উজ্জ্বল সতীত্বের দৃষ্টান্ত স্মরণ করিলেই আত্মা পবিত্র হয়। কিন্তু কালে যখন সে অস্তিমব্রত মাত্র লৌকিক প্রথায় পরিণত হইল, অনিচ্ছা-সম্বন্ধেও অভিতাবকেরা যখন লোকনিন্দা ভয়ে বলপূর্বক নারীদেহ দগ্ধ করিতে লাগিল, তখন রাজশক্তি সে প্রথা উচ্ছেদ করিতে বাধ্য হইল। তদবধি মৃত স্বামীর সহিত চিতারোহণ বন্ধ হইয়াছে সত্য, কিন্তু সহমরণ উঠিয়া যায় নাই। বহু সতী এখনও স্বামীর মৃত্যুর পর অবলীলাক্রমে পার্থিব দেহ পরিত্যাগ করিয়া পরলোকে মিলিত হইবার জন্ম চলিয়া যাইতেছেন একরূপ দৃষ্টান্তও বিরল নহে। আবার বৈধব্যের পর সাধবী রমণীরা যেভাবে জীবন যাপন করেন, তাহা মৃত্যু ছাড়া আর কি? অশন-বসন, বিলাস-বিভ্রম, লালসা-কামনা, ভোগ-বাসনা, দৈহিক ও মানসিক সুখের পূর্ণ ত্যাগই কার্যতঃ মৃত্যু। জীবিতের যা কিছু শক্তি থাকে, সে শক্তিও তাঁহারা স্বামীর সন্তানের ও পরিজনবর্গের সেবায় নিতান্ত নিষ্কামভাবে নিয়োগ করিয়া থাকেন এবং ব্রত-উপবাসাদিতে দেহ শুষ্ক করিয়া স্বামীচিন্তায় অতিবাহিত করেন। আকাজক্ষাময় সংসারে বাস করিয়া এ পবিত্র সন্ন্যাসব্রত পালন করা, বোধ হয়, সহমরণ অপেক্ষা আরও কঠিন, আরও শ্লাঘ্য, আরও পূজ্য। সাধবী বিধবার পুণ্যময়ী সন্ন্যাসিনী মূর্তি দেখিয়া কোন মহদয় ব্যক্তির হৃদয় না ভক্তিবিগলিত হয়? হিন্দুজাতির এ অগৌরবের দিনে যদি কোন গৌরব থাকে, তবে তাহা তাহাদের সাধবী স্ত্রী ও ব্রতপরায়ণা আত্মত্যাগিনী বিধবা।







# ভারতের নারী

(২)

সত্য-কথা

“প্রাণ দিবার শক্তি তাঁহাদের ছিল, লজ্জায় হোক, ধর্মোৎসাহে হোক প্রাণ তাঁহারা দিয়াছিলেন। বাংলার সেই প্রাণবিসর্জন-পরায়ণা পিতামহীকে আজ আমরা প্রণাম করি। তুমি যেমন দিব্যবসানে সংসারের কাজ শেষ করিয়া নিঃশব্দে পতির পালকে আরোহণ করিতে, দাম্পত্যলীলার অবসান দিনে সংসারের কার্যক্ষেত্র হইতে বিদায় লইয়া তুমি তেমনই সহজে বধুবশে সীমন্তে মঙ্গল-সিন্দুর পরিয়া পতির চিতায় আরোহণ করিয়াছ। মৃত্যুকে তুমি সুন্দর করিয়াছ, শুভ করিয়াছ, পবিত্র করিয়াছ, চিতাকে তুমি বিবাহশয্যার স্থায় আনন্দময়, কল্যাণময় করিয়াছ।”

—রবীন্দ্রনাথ

## সতী

সতীত্বের পূর্ণ প্রতিদ্বন্দ্বি 'সতী' ব্রহ্মার মানসপুত্র প্রজাপতি দক্ষের কনিষ্ঠা কন্যা। শৈশব হইতে কঠোর সংযম সাধনা করিয়া তিনি দেবাদিদেব মহাদেবকে পতিরূপে লাভ করেন। পাগল ভোলা শ্মশানে-শ্মশানে পাগলবৎ ভ্রমণ করেন, ছাই-ভস্ম দেহে লেপন করিয়া আপনার ধ্যানে সদাই বিভোর থাকেন। রাজার নন্দিনী সতী তাঁহারই মত পাগলিনী সাজিয়া সেই পাগল ভোলার সেবা করিয়া ধন্ত হন। জগতের ঐশ্বর্য উভয়ের নিকট সমান তুচ্ছ।

এক সময়ে দেবতাদের এক যজ্ঞ হয়, তাহাতে সমস্ত দেবতাই উপস্থিত ছিলেন। বড় বড় দেবতার মধ্যে অনেকেই দক্ষের জামাতা। দক্ষ যজ্ঞস্থলে উপস্থিত হইবামাত্রই সকলে তাঁহাকে প্রণাম করিলেন। করিলেন না কেবল পিতা ব্রহ্মা, ভগবান্ বিষ্ণু এবং পরমযোগী মহাদেব। সম্মান পাইবার আশায় দক্ষ মহাদেবের নিকট উপস্থিত হইলে তিনি কেবলমাত্র দক্ষের দিকে চাহিয়া দেখিলেন। অন্য জামাতাদের মত—ঋগুরকে কোনরূপ সম্মান দেখাইলেন না। যিনি আত্মচিন্তায়—ভগবদ্ব্যানে বিভোর, তাঁহার কি কোন লৌকিক ব্যবহারের জ্ঞান থাকে? দক্ষ মহাদেবের মহত্ব না বুঝিয়া নিজেকে অপমানিত মনে করিয়া মহাদেবের উপর ক্রুদ্ধ হইলেন এবং এইরূপ ব্যবহারের জন্য তাঁহাকে অজস্র গালি দিলেন। আশুতোষের কোন দিকেই লক্ষ্যপ নাই। দক্ষের এই তিরস্কারে তিনি বিন্দুমাত্র বিচলিত হইলেন না।

দক্ষ এই অপমানের প্রতিশোধ দিতে কৃতসঙ্কল্প হইলেন। তিনি স্বয়ং এক যজ্ঞ আরম্ভ করিলেন। তাহাতে তিনি সমস্ত দেবতাদের নিমন্ত্রণ করিলেন। কেবলমাত্র করিলেন না তাঁহার অপমানকারী কনিষ্ঠ জামাতা দেবাদিদেব মহাদেবকে। মনে ভাবিলেন, ইহাতে মহাদেবকে বিলক্ষণ অপমান করা হইল। দক্ষ প্রকৃতই অন্ধ, তাই তিনি না বুঝিয়া নিজের বিপদ নিজেরই ডাকিয়া আনিলেন।

দক্ষযজ্ঞে একে একে সমস্ত দেবতাই আসিলেন, দক্ষের অশান্ত কন্যারা সকলেই

## ভারতের নারী

আসিলেন। বাকী রইলেন কেবল সতী। সতীর নিমন্ত্রণ হয় নাই, কেননা তিনি মহাদেবের পত্নী।

নিমন্ত্রণের ভার পড়িয়াছিল নারদের উপর। তিনি সকলকেই নিমন্ত্রণ করিয়া শেষে কৈলাসে উপস্থিত হইলেন। সতীর সহিত সাক্ষাৎ করিয়া বলিলেন, “তোমার পিতা যজ্ঞ আরম্ভ করিয়াছেন, সকলেই নিমন্ত্রণ হইয়াছে, কেবল তোমাদেরই হইবে না।” নারদ চলিয়া গেলেন।

সতী মহাসমস্তায় পড়িলেন। একদিকে জন্মদাতা পিতা, অন্যদিকে ঊর্তাহার একমাত্র আরাধ্য-দেবতা স্বামী। সতী স্বামীর আজ্ঞা ভিন্ন কোন কৰ্মই করেন না। তিনি স্থির জানেন ‘শিব’ ঊর্তাহার স্বামী, আশুতোষ কখনই ঊর্তাহার পিতৃকৃত এই অপমান গ্রহণ করিবেন না। কিন্তু ঊর্তাহার পিতা শিবনিন্দা করিয়া আপনার সর্বনাশ টানিয়া আনিতেছেন। এক্ষণে তিনি যদি ঊর্তাহাকে বুঝাইয়া শিবের প্রতি বিেষভাব ত্যাগ করাইতে পারেন, তাহা হইলে নিশ্চয়ই কণ্ঠ্য উপযুক্ত কার্য করা হইবে। এই ভাবিয়া তিনি এই অপমান সঙ্গেও পিতৃগৃহে ঘাইবার জন্ম স্বামীর আদেশের প্রতীক্ষা করিতে লাগিলেন। অন্যান্য ভগিনীরা আসিয়াছেন শুনিয়া তিনি একান্ত অস্থির হইয়া পড়িলেন ও করষোড়ে ভোলানাথের সম্মুখে গিয়া দাঁড়াইলেন। প্রেমের সাগর ভোলানাথ সতীর মনোবাসনা বুঝিতে পারিয়া ঊর্তাহাকে নিবারণ করিলেন না। নন্দী মাতাকে লইয়া দক্ষালয়ে চলিলেন। মহাদেব সতীর ভাবী অবস্থা বুঝিতে পারিয়া স্থির-ধীর-গন্তীর হইয়া রহিলেন।

সতীর মাতা সতীকে পাইয়া আনন্দসাগরে মগ্ন হইলেন। সতীও অনেক দিন পরে মাকে দেখিয়া আনন্দিত হইলেন। সতীর অন্যান্য ভগিনীদের বড় বড় দেবতাদের সহিত বিবাহ হইয়াছে, ঊর্তাহাদের বেশভূষার সীমা নাই। সতীকে নিরাতরণা দেখিয়া সকলে হুঃখ করিয়া বলিতে লাগিলেন—“সতীর মত হতভাগিনী আর কেহ নাই, এক ভিখারীর হাতে পড়িয়া সতীর কোন সাধই মিটিল না।” কিন্তু ঊর্তাহারা জানিতেন না যে, জগতের সমস্ত ঐশ্বর্য সেই সতীর ও ঊর্তাহার ভিখারী স্বামীরই হুঃ। যাহারা সকলকে ঐশ্বর্য দেন, ঊর্তাহাদের ঐশ্বর্যে স্পৃহা হইবে কেন ?

সতী যজ্ঞসভা দেখিতে চলিলেন। পিতাকে প্রণাম করিয়া তিনি ঊর্তাহার সম্মুখে

দাঁড়াইয়া রহিলেন। দক্ষ সতীকে দেখিবামাত্র ক্রোধে জলিয়া উঠিলেন ও মহাদেবের উদ্দেশ্যে যথেষ্ট কটুক্তি করিলেন। বিনা নিমন্ত্রণে আগার জন্ত সতীকেও বিলক্ষণ অপমানিত হইতে হইল। পিতার দুর্ভিক্ষ দেখিয়া সতী পিতাকে যথেষ্ট বুঝাইলেন। বলিলেন, “আমার স্বামী আপনার কোন অনিষ্টই করেন নাই। বিনা নিমন্ত্রণে আসিয়াছি আমি, আপনি আমাকে তিরস্কার করুন। স্বামী জ্ঞানলোকের একমাত্র দেবতা, আমার সম্মুখে আপনি তাঁহার নিন্দা করিবেন না।” সতীর কথায় দক্ষ আরও অধিক রাগান্বিত হইলেন এবং শিবকে আরও অধিক দুর্ভাক্য বলিতে লাগিলেন। সতী অস্থির হইলেন; তখনও দক্ষ অজস্র তিরস্কার করিতে লাগিলেন। সতী কল্পিতা হইলেন, স্বামিনিন্দা আর সহ্য করিতে পারিলেন না; ভোলানাথের অভয়পদ ভাবিতে ভাবিতে সতী নিজের সতীত্ব মহিমায় যোগাশ্রি সৃষ্টি করিয়া সমস্ত দেবতা, সমস্ত ঋষিগণের সাক্ষাতে সেই অগ্নিতে দেহত্যাগ করিলেন। দক্ষ স্তম্ভিত ও বিস্মিত হইয়া চাহিয়া রহিলেন। সতীত্বের বিজয়-ডঙ্কা বাজিয়া উঠিল। দেবতারা পুষ্পবৃষ্টি করিতে লাগিলেন।

নন্দী নিকটেই ছিলেন। মায়ের দেহত্যাগে আর স্থির থাকিতে না পারিয়া তিনি উন্নতের মত কৈলাসে ছুটিয়া গিয়া মহাদেবের নিকটে সব বলিলেন। সর্বজ্ঞ মহাদেবের কিছুই অগোচর ছিল না; সতী-শোকে তিনি অধীর হইলেন। উন্নতের মত ‘হা সতি! হা সতি!’ বলিয়া তাণ্ডব নৃত্য আরম্ভ করিলেন। সমস্ত পৃথিবী কাঁপিয়া উঠিল, দেবতারা প্রমাদ গণিলেন। মহাদেব মস্তকের একগাছি জটা ছিঁড়িয়া মাটিতে আঘাত করিলেন। সহসা সংহারমূর্ত্তি বীরভদ্রের সৃষ্টি হইল। বীরভদ্র তৎক্ষণাৎ যজ্ঞের দিকে ছুটিলেন, অস্থচরেরাও সঙ্গে সঙ্গে ছুটিল। মুহূর্ত্তে যজ্ঞসভা লণ্ডভণ্ড হইল; বীরভদ্র দক্ষের মুণ্ড ছিঁড়িয়া ফেলিয়া যজ্ঞকুণ্ডে আহুতি দিলেন; ভয়ে যে যেদিকে পারিল পলাইল। অনেকের দুর্দশার সীমা থাকিল না। শিবহীন যজ্ঞ এইরূপে শেষ হইল।

মহাদেব উন্নতের মত যজ্ঞস্থলে আসিয়া দেখিলেন—তাঁহারই অপমান সহ্য করিতে না পারিয়া সতী দেহত্যাগ করিয়া ছিন্ন লতার গায় ভূতলে পড়িয়া আছেন। তিনি সেই শবদেহ স্বল্পে তুলিয়া লইলেন এবং উন্মাদের মত শ্মশানে-শ্মশানে ঘুরিয়া বেড়াইতে লাগিলেন, জগতের কোন চিন্তাই আর তাঁহাতে স্থান পাইল না।

## পার্বতী

মহাদেব সতীর শব স্বর্গে লইয়া পৃথিবীতে ভ্রমণ করিতে লাগিলেন। সংহারকর্তা সংহারকার্য্য ভুলিয়া, জগতের চিন্তা ভুলিয়া, আজ সতী শোকে উন্মাদ। দেবতারা বড় চিন্তিত হইলেন; সকলে মিলিয়া ভগবান্ বিষ্ণুর নিকটে গিয়া সমস্ত নিবেদন করিলেন। বিষ্ণু দেখিলেন, সতীর শব মহাদেবের নিকট হইতে পৃথক করিতে না পারিলে, আর কোনও উপায় নাই। স্মৃতরাং অলক্ষ্যে স্মদর্শনচক্রের দ্বারা সতীর দেহ খণ্ড খণ্ড করিয়া ফেলিলেন। ৫২ অংশে বিভক্ত হইয়া দেহখানি ভারতের ৫২ স্থানে পড়িল। প্রত্যেক স্থান মহাপীঠস্থানে পরিণত হইল। সতী-মহিমার পবিত্র কীর্ত্তি সেই সকল পীঠস্থান আজও পর্য্যন্ত সকলের নিকট পূজিত হইয়া আসিতেছে।

মহাদেব যখন বুঝিতে পারিলেন যে, সতীর দেহ আর তাঁহার স্বর্গের উপর নাই, তখন তিনি আরও অধীর হইলেন, তাঁহার আরও অধিক বৈরাগ্যভাব আসিল। শ্মশানে-শ্মশানে আর ভ্রমণ না করিয়া তিনি হিমালয়ের এক নিভৃত প্রদেশে মহাতপস্শায় নিমগ্ন হইলেন। তিনি সর্বসিদ্ধিযুক্ত; কে জানে তাঁহার কিসের কামনা! বুঝি পুনরায় সতীলাভের জন্মই এই তপস্শা।

পর্বতরাজ হিমালয় ও তাঁহার সাধবী-স্ত্রী মেনকার অনেকগুলি সন্তান। মৈনাক তাঁহাদের জ্যেষ্ঠ সন্তান। তিনি ইন্দ্রের ভয়ে সমুদ্রগর্ভে আশ্রয় গ্রহণ করেন। রাজদম্পতী বহুকাল হইতে ভগবতীকে কন্যারূপে লাভ করিবার জন্ম তপস্শা করিতেছিলেন; স্মৃতরাং তাঁহাদের মনোবাসনা পূর্ণ করিবার জন্ম ও প্রেমের সাগর ভোলানাথের প্রেম অক্ষুণ্ণ রাখিবার জন্মই সতী মেনকার গর্ভে জন্মগ্রহণ করিলেন।

শুভদিনে শুভক্ষণে বহুদিনের আরাধ্যধন ও ভোলানাথের তপস্শার ফল 'সতী' সৃষ্টি হইলেন। আকাশ হইতে দেবতারা পুষ্পবৃষ্টি করিলেন। তিনি শশিকলার মত দিন দিন বাড়িতে লাগিলেন। সতীর সৌন্দর্য্য শরীরে আর ধরে না, তাঁহার মুখের তুলনা নাই, তাঁহার চরণের তুলনা নাই, তাঁহার গতির তুলনা নাই, পৃথিবীর শ্রেষ্ঠ সৌন্দর্য্যরাজি যেন একত্র সন্নিবিষ্ট হইয়াছে। সতীর চরণভঙ্গে স্থলপদ ছুটিয়া উঠিত,



## পার্বতী

নূপুরনিৰ্গমে কলহংস লজ্জা পাইত। আদর করিয়া কেহ তাঁহাকে ডাকিত পার্বতী, কেহ ডাকিত গৌরী, কেহ ডাকিত উমা। সখীদের সঙ্গে পুতুলখেলায় পার্বতীর কতই আনন্দ; মাটির শিবই তাঁহার পুতুল। কখনও সেই মাটির শিব লইয়া তিনি খেলা করিতেন, কখনও তাঁহার পূজা করিতেন, কখনও তাঁহার বিবাহ দিতেন। এই পুতুলখেলায়—তিনি সব ভুলিয়া যাইতেন।

ক্রমে ক্রমে পার্বতী যৌবনসামান্য পদার্পণ করিলেন। সৌন্দর্য্য যেন উচ্ছ্বসিত হইয়া উঠিল। পূর্বজন্মের বিজ্ঞা আপনিই আসিয়া উপস্থিত হইল। অধিক আগ্রহের সহিত পার্বতী মাটির শিবের পূজা করিতে লাগিলেন। কন্যার এইরূপ গুণ ও শিবপূজার এই আসক্তি দেখিয়া মহাদেবকে যোগ্যপাত্র মনে করিয়া হিমালয় তাঁহাকেই কন্যা সম্প্রদান করিতে মনস্থ করিলেন। কিন্তু তিনি পাছে অস্বীকার করেন, একান্ত মহাদেবের কোন অনুমতি চাহিতে তাঁহার সাহস হইল না।

একদিন নারদ আসিয়া বলিয়া গেলেন যে, মহাদেবের সহিতই তাঁহার পার্বতীর বিবাহ নিশ্চিত। হিমালয় কতকটা আশ্বস্ত হইলেন। সখীদের সহিত পার্বতী তপস্শা-নিরত মহাদেবের নিকট যাইয়া তাঁহার পূজা করিতেন। মেনকা প্রথম প্রথম বারণ করিতেন; কিন্তু নারদের মুখে এই কথা শুনিয়া অবধি তিনি ও হিমালয় স্বতঃপ্রবৃত্ত হইয়া পার্বতীকে শিবপূজার জ্ঞান পাঠাইয়া দিতেন; উদ্দেশ্য পার্বতীকে দেখিয়া যদি মহাদেব স্বয়ং বিবাহের প্রস্তাব করেন। যাহা হউক, পার্বতী এখন হইতে প্রত্যহ সখীদের সঙ্গে শিবপূজা করিতে যাইতেন। এখন আর মাটির পুতুল নহে, স্বয়ং শিবই তাঁহার উপাস্ত দেবতা।

এদিকে দেবতাগণ তারকাসুরের উৎপাতে বিভ্রত হইয়া পড়িলেন। সকলেই নিজের নিজের অধিকার হইতে বঞ্চিত হইয়া বিশিষ্টরূপে লাঞ্ছিত হইতে লাগিলেন। ব্রহ্মার বরে তারকাসুর অজেয়, কেহ তাহাকে বিনাশ করিতে পারিলেন না। একদিন দেবতাগণ ব্রহ্মার নিকট উপস্থিত হইয়া নিজেদের দুঃখের কাহিনী বর্ণনা করিলেন। ব্রহ্মা কহিলেন, “একমাত্র শিবের পুত্রই তাহাকে বিনাশ করিতে পারিবে, অন্তথা কোন উপায় নাই। কিন্তু শিব এখন মহাধ্যানে নিমগ্ন; যদি গিরিরাজ কন্যা পার্বতীর সহিত তাঁহার বিবাহ হয়, তাহা হইলে ইহার প্রতিকার সম্ভব।” দেবতারা সকলে মিলিয়া

## কার্ত্তিকের মারী

মদনকে হিমালয়ে পাঠাইলেন ; আশা—মদনই শিবের ধ্যানতত্ব করিয়া কার্য উদ্ধার করিবেন ।

একদিন পার্বতী যথারীতি শিবপূজায় আগমন করিয়াছেন । মদনও অবসর বুঝিয়া উপস্থিত হইয়াছে, সঙ্গে বসন্তও আসিয়াছে । বসন্তের আগমনে হিমালয় নূতন শ্রী ধারণ করিল ; মোহনবেশে মদন উপযুক্ত অবসরের প্রতীক্ষায় রহিলেন । পার্বতী মহাদেবের চরণে পুষ্পাঞ্জলি দিয়া পদ্মবীজের মালা তাঁহার হস্তে দিতেছেন, ভক্তবৎসল মহাদেবও তাহা গ্রহণ করিবার জন্ত হস্ত প্রসারণ করিয়াছেন, এমন সময়ে মদন ফুলধনুতে সম্মোহন নামক শর যোজনা করিলেন । মহামোগী ক্ষণিক বিচলিত হইয়া পার্বতীর মুখের দিকে একবার চাহিলেন, পরে আত্মদমনপূর্বক নিজের চিত্তবিকৃতির কারণ নির্দেশ করিতে গিয়া দেখেন—সম্মুখে মদন । অমনি তৃতীয় নেত্র ধক্ ধক্ করিয়া জলিয়া উঠিল, অগ্নিজ্বালা সবেগে ছুটিল, মুহূর্ত্তে মদন ভস্মীভূত হইল । দেবতারা আকাশে হাহাকার করিয়া উঠিলেন । মহাদেব অবিলম্বে সে স্থান ত্যাগ করিয়া চলিয়া গেলেন, পার্বতী ক্ষুণ্ণমণে গৃহে ফিরিলেন ।

পার্বতী এখন বুঝিলেন, রূপে শুদ্ধপ্রেমের সম্ভব হয় না । বিনা সংঘমে, বিনা সাধনায়, বিনা তপস্যায় প্রেম-লাভ হয় না । স্তুরাং পরা-প্রেম-লাভের নিমিত্ত তিনি মহাতপস্যায় আত্মনিয়োগ করিলেন । বসনভূষণ ত্যাগ করিয়া তিনি বকল ও চীরবাস ধারণ করিলেন । অনাহার, অনিদ্রা ও সর্ববিধ কঠোরতা সহ করিতে লাগিলেন । শীতকালে আকর্ষ শীতল জলে দাঁড়াইয়া, দারুণ গ্রীষ্মে চারিপার্শ্বে ভীষণ অগ্নি জ্বালাইয়া, যোগিনীবশে যোগ করিতে লাগিলেন । মুখে শুধু শিবনাম, হৃদয়ে শুধু অম্বীষ্টদেবতা, হৃদয়দেবতার অন্তর্যপদচিন্তা । এইরূপে বহুকাল গত হইল ; হিমালয় তাঁহার সোনার পার্বতীর এই অবস্থা দেখিয়া প্রমাদ গণিলেন ।

মহাদেব আর স্থির থাকিতে পারিলেন না । ভক্তবৎসল ভোলানাথ এইরূপ তপস্যায় ভক্তের নিকটে না আসিয়া থাকিতে পারিলেন না । একদিন তিনি ছদ্মবেশে পার্বতীর নিকট আসিয়া দেখা দিলেন । কথাপ্রসঙ্গে শিবকে পাইবার জন্ত পার্বতী তপস্যা করিতেছেন জানিতে পারিয়া তিনি পার্বতীর ভক্তি-পরীক্ষার জন্য কৃত্রিম বিক্রমের সহিত শিবের যথেষ্ট নিন্দা করিলেন এবং শিব সমস্ত দেবতার মধ্যে নিকৃষ্ট,

ঐহার সহিত বিবাহ হইলে যথেষ্ট দুঃখভোগ করিতে হইবে, অস্ত্র দেবতার সহিত বিবাহ হইলে বিলক্ষণ সুখভোগের সম্ভাবনা, ইত্যাদি বলিয়া পার্বতীকে পরীক্ষা করিতে লাগিলেন। পার্বতী এই শিবনিন্দা সহ্য করিতে না পারিয়া ক্রমশঃ উত্তেজিত হইয়া ঐহাকে শাপপ্রদানে উদ্বৃত্ত হইলেন। মুহূর্ত্তে ছদ্মবেশ অস্তর্হিত হইল। ঐহার উপাস্ত্রদেবতা, ঐহার হৃদয়দেবতা সম্মুখে বিরাজ করিতে লাগিলেন। শিব পার্বতীকে বিবাহ করিতে স্বীকার করিলেন। পার্বতীর তপস্শ্রা সিদ্ধ হইল।

হিমালয় ও মেনকা এই সংবাদে ষারপরনাই আহ্লাদিত হইলেন এবং সত্বরই বিবাহের আয়োজন করিলেন। হিমালয় স্বয়ং কন্যা সম্প্রদান করিলেন। দেবতার মহানন্দে বিবাহোৎসবে যোগদান করিলেন। ভোলানাথ ঐহার হারানো সতী ফিরিয়া পাইলেন। দেবতাদের প্রার্থনায় শিবের অমুগ্রহে মদনও পুনরায় জীবন পাইলেন।

## সাবিত্রী

অতি পূর্বকালে মঙ্গদেশে অশ্বপতি নামে এক রাজা ছিলেন। রাজার কোন সন্তানাদি হয় না; অবশেষে সাবিত্রীদেবীর উপাসনা করিয়া তিনি এক কন্যা লাভ করিলেন এবং ঐহার নাম রাখিলেন 'সাবিত্রী'। দেবতার বয়ে জন্মগ্রহণ করিয়া সাবিত্রী দেবতার শ্রায় রূপ প্রাপ্ত হইলেন। ক্রমে ক্রমে সাবিত্রী যৌবনসৌম্য পদার্পণ করিলেন। রূপের প্রভায় দিগন্ত আলোকিত হইল। কন্যাকে বিবাহযোগ্য দেখিয়া অশ্বপতি উপযুক্ত পাত্রের সন্ধান করিতে লাগিলেন, কিন্তু সাবিত্রীর উপযুক্ত পতি মিলিল না। অবশেষে নিরুপায় হইয়া অশ্বপতি কন্যাকে স্বয়ং পতির অমুসন্ধান করিতে অমুরোধ করিলেন। পিতার আদেশে সাবিত্রী পতির অন্বেষণে স্বয়ং বহির্গত হইলেন।

বহু দেশ ভ্রমণ করিয়া সাবিত্রী অবশেষে এক তপোবনে আসিয়া উপনীত হইলেন। শাস্ত্রদেশের রাজা দ্যুমৎসেন বৃদ্ধ বয়সে জরাগ্রস্ত ও দৃষ্টিশক্তিহীন হইলে,

## ভারতের নারী

তঁাহার শত্রুগণ কর্তৃক স্বরাজ্য হইতে বিতাড়িত হইয়া পত্নী সুবর্চা ও পুত্র সত্যবান্কে লইয়া ঐ তপোবনে বাস করিতেছিলেন। শুভ মুহূর্ত্তে সাবিত্রীর সহিত সত্যবানের সাক্ষাৎ হইল। সাবিত্রী সেই মুহূর্ত্তে তঁাহাকে মনে মনে স্বামিরূপে বরণ করিলেন। সিক্কমনোরথ হইয়া সাবিত্রী গৃহে ফিরিয়া আসিলেন।

একদিন দেবর্ষি নারদ অশ্বপতির সহিত কথোপকথনে নিযুক্ত আছেন, এমন সময়ে সাবিত্রী আসিয়া সেখানে উপস্থিত হইলেন ও “তপোবনবাসী সত্যবান তঁাহার স্বামী” এই কথা পিতাকে বলিলেন। নারদ এ বিবাহে অসম্মতি জানাইয়া কহিলেন— “সত্যবান্ অন্নায়ুঃ, অল্প হইতে এক বৎসর পূর্ণ হইলে তঁাহার মৃত্যু হইবে।” অশ্বপতি সাবিত্রীকে অল্প কোন পাত্র মনোনীত করিতে বলিলেন। সাবিত্রী কহিলেন—“আমি মনে মনে সত্যবান্কেই স্বামিরূপে বরণ করিয়াছি, পুনরায় অপরকে কিরূপে বিবাহ করিব? সত্যবান্ অন্নায়ুঃ হইলেও তিনি আমার স্বামী।” কন্টার হৃৎ প্রতিজ্ঞা জানিয়া অশ্বপতি বাধ্য হইয়া তপোবনে ছ্যামৎসেনের নিকট গমন করিলেন এবং শুভক্ষণে সাবিত্রীকে সত্যবানের হস্তে সম্প্রদান করিলেন। সাবিত্রী স্বশুর ও শক্রমাতার সহিত তপোবনেই রহিলেন।

নারদের বাক্য সাবিত্রীর মনে সর্বক্ষণ জাগরুক রহিল। তিনি সর্বক্ষণই সেই দিনের প্রতীক্ষা করিতে লাগিলেন। নির্দিষ্ট দিনের তিন দিন পূর্বে তিনি স্বামীর মঙ্গলকামনায় ত্রিরাত্রব্রত আরম্ভ করিলেন। অবশেষে সেই ভীষণ দিন উপস্থিত হইল।

সত্যবান্ যথারীতি কাষ্ঠ সংগ্রহ করিবার জন্ত বনে চলিলেন। সাবিত্রী সঙ্গে যাইতে চাহিলেন, সত্যবান্ অনেক নিষেধ করিলেন, কিন্তু সাবিত্রী কিছুতেই নিরস্ত হইলেন না। অগত্যা সত্যবান্ তঁাহাকে সঙ্গে লইলেন। সাধী স্বামীকে যেন গণ্ডীর মধ্যে বেঁটন করিয়া চলিলেন।

কাষ্ঠ কাটিতে কাটিতে সত্যবানের অত্যন্ত শিরঃপীড়া উপস্থিত হইল। তিনি অত্যন্ত অস্থির হইয়া সাবিত্রীর ক্রোড়ে মস্তক রক্ষা করিয়া শয়ন করিলেন। সত্যবানের চেতনা লোপ পাইল। ভীষণ রাত্রি উপস্থিত হইল। বনের অন্ধকার, রাত্রির অন্ধকারকে যেন আরও ভীষণ করিয়া তুলিল। সেই দুর্ভেদ্য অন্ধকারের মধ্যে এক দেবজ্যোতি বিকশিত হইয়া উঠিল; সাবিত্রী চাহিয়া দেখেন—হস্তে দণ্ড, মস্তকে কিরীট, অঙ্গে

জ্যোতি:পুত্র—এক বিরাট মূর্তি। সাবিত্রী প্রণাম করিলেন। দেবতা কহিলেন—  
 “মা সাবিত্রী, আমি ধর্মরাজ যম, তোমার স্বামীর পরমায়ু: শেষ হইয়াছে। আমার  
 অনুচরেরা তোমার সতীত্বভেঙ্গে অগ্রসর হইতে পারিল না, আমি স্বয়ং আসিয়াছি ;  
 তোমার স্বামীকে ত্যাগ করিয়া তুমি গৃহে গমন কর। মর্ত্যবাসী সকল জীবের অদৃষ্টে  
 মৃত্যু ঘটয়া থাকে, আমি আশা করি তুমি এক্ষণে দুঃখ করিবে না।” যমরাজের অনুরোধে  
 সাবিত্রী সত্যবানের শবদেহ ত্যাগ করিয়া কিছুদূর সরিয়া গেলেন। মৃত্যুরাজ সত্যবানের  
 দেহ হইতে অক্ষুণ্ণপ্রমাণ এক পুরুষমূর্তি বাহির করিয়া তাহা লইয়া চলিতে আরম্ভ করিলেন।  
 সাবিত্রীও তাঁহার অনুসরণ করিলেন। ধর্মরাজ সাবিত্রীকে তাঁহার অনুসরণ করিতে  
 নিষেধ করিলেন। সাবিত্রী যমের কথায় কর্ণপাত না করিয়া কেবলই তাঁহার পিছু পিছু  
 ছুটিতে লাগিলেন এবং কহিলেন—“পিতা:, আপনি বলিলেন ‘মৃত্যুই বিধির বিধান’,  
 আবার সেই বিধির বিধানেই সতীর আত্মা পতির আত্মার সহিত তির-অবিচ্ছিন্ন ;  
 স্মৃতরাং নারী স্বামীর অনুসরণ করিতে বাধ্য। অতএব আপনি আমাকে নিবারণ  
 করিতেছেন কেন ?” ধর্মরাজ সন্তুষ্ট হইয়া বলিলেন—“আমি তোমার ধর্মজ্ঞানে পরম  
 সন্তোষলাভ করিয়াছি। স্বামীর পুনর্জীবন ব্যতীত অন্য কোন বর প্রার্থনা কর।” সাবিত্রী  
 কহিলেন—“আমার অঙ্ক শবুর চক্ষুলাভ করুন।” যমরাজ কহিলেন—“তথাস্তু”। আবার  
 কিছুদূর গিয়া যম পশ্চাৎ ফিরিয়া সাবিত্রীকে উন্মাদিনীর স্তায় আসিতে দেখিয়া বলিলেন  
 —“বৎসে ! তোমার স্বামীর আয়ু: শেষ হইয়াছে, তুমি গৃহে গমন কর, তোমার উপর  
 আমি বড় সন্তুষ্ট হইয়াছি, পতি তির অন্য বর প্রার্থনা কর।” সাবিত্রী বর প্রার্থনা  
 করিলেন—“আমার শবুর স্বতরাজ্য পুন: প্রাপ্ত হউন।” যম উত্তর করিলেন “তথাস্তু”।  
 সাবিত্রী পুনরায় চলিতে লাগিলেন। যম কহিলেন—“অনর্থক কেন আসিতেছ ? গৃহে  
 যাও।” সাবিত্রী বলিলেন—“আমি গৃহে ফিরিতে অসমর্থ ; কি এক অলক্ষ্য শক্তি যেন  
 আমাকে স্বামীর পশ্চাতে টানিয়া লইয়া যাইতেছে। যেখানে স্বামী থাকিবে সেইখানেই  
 জী থাকিবে। আমার আত্মা ত পূর্বেই গিয়াছে, এখন দেহ যাইতেছে।” আবার  
 যমরাজ বলিলেন—“স্বামীর জীবন তির অন্য কোন বর প্রার্থনা কর।” সাবিত্রী  
 বলিলেন—“আমার পিতার পুত্র হউক।” যমরাজ “তথাস্তু” বলিয়া চলিতে লাগিলেন।  
 সাবিত্রীকে আবার পশ্চাতে আসিতে দেখিয়া যমরাজ বলিলেন—“মা, তুমি বড়

## কারভের নারী

অবোধের জার কাজ করিতেছে। স্বামী পাপাচরণ করিয়া নরকে যাইলে জ্বরও কি সেখানে যাইতে হইবে ?” সাবিজী বলিলেন—“ধর্মরাজ, স্বামী জীবিতই হউন আর মৃতই হউন, জ্বীলোক স্বামীর পূজা করিবেই। জ্বর সহিত স্বামীর ইহকাল-পরকালের সম্পর্ক। জ্বর স্বামীর ধর্মের সহায়, ধর্মের সঙ্গিনী। অতএব স্বামীর পাপে জ্বর নরকে যাইতেও প্রস্তুত, পৃথগ্ভাবে স্বর্গে যাইতেও প্রস্তুত নয়।” ধর্মরাজ বলিলেন—“তোমার ধর্মজ্ঞানে অতীব সন্তুষ্ট হইয়াছি; কিন্তু কি করিব, আয়ু শেষ হইলে কেহ তাহাকে বাঁচাইতে পারে না। অতএব তুমি স্বামীর জীবন ভিন্ন অন্য সব বর প্রার্থনা কর।” সাবিজী কহিলেন—“পিতঃ, যখন এত অমুগ্রহ করিলেন তখন সত্যবানের পুত্র রাজা হইবে এই বর দিন।” যমরাজ সাবিজীর কথায় এত তন্ময় হইয়াছিলেন যে, তিনি তৎক্ষণাৎ বলিলেন—“তথাস্তু”। সাবিজী আশ্বস্ত হইলেন; বুঝিলেন স্বামীর প্রাণ রক্ষা করিতে পারিবেন। তিনি পুনরায় যমরাজের পশ্চাৎ পশ্চাৎ চলিতে লাগিলেন। যম এইবার বিরক্ত হইয়া কহিলেন—“তোমার প্রার্থিত সকল বরই দান করিয়াছি, আর কি তোমার প্রার্থনা করিবার আছে? তোমার স্বামীর জীবনকাল শেষ হইয়াছে, এক্ষণে আর কোন উপায় নাই, তুমি গৃহে গমন কর।” সাবিজী কহিলেন—“ধর্মরাজ, এইমাত্র আপনি বলিলেন যে, সত্যবানের পুত্র রাজা হইবে; তিনি ত মৃত, তবে ইহা কিরূপে সম্ভব হইবে? আপনার বাক্য কি অন্তথা হইবে?” ধর্মরাজ চিন্তিত হইলেন, বুঝিলেন বালিকার নিকট তিনি পরাস্ত হইয়াছেন। সন্তুষ্টচিত্তে ধর্মরাজ সত্যবানকে পুনর্জীবিত করিলেন। অকপট অব্যভিচারিণী পতিভক্তির নিকট সাক্ষাৎ মৃত্যুদেবতাকে পরাজয় স্বীকার করিতে হইল। সাবিজী সত্যবানকে লইয়া হৃষ্টচিত্তে ফিরিয়া আসিলেন। সত্যবান যেন নিদ্রা হইতে উঠিলেন, তিনি এ পর্যন্ত কোন সংবাদও জানেন না। রাজি হইয়াছে, অথচ সাবিজী তাঁহার নিদ্রাভঙ্গ করেন নাই বলিয়া অসুযোগ করিতে লাগিলেন। পরে সাবিজীর মুখে তাঁহার মহানিদ্রার কথা ও তাঁহার চেতায় পুনর্জীবন লাভ করিয়াছেন শুনিয়া ধন্য হইলেন।

সত্যবান ও সাবিজীকে বহুক্ষণ দর্শন না করিয়া অন্ধ রাজা ও তাঁহার পত্নী বড়ই শোকাবুত হইলেন। সহসা অন্ধের নয়ন দর্শনক্ষম হইল; উভয়ে আশ্চর্য্যান্বিত হইলেন। সত্যবান ও সাবিজী হর্ষোৎফুল্লচিত্তে কুটীরে আগমন করিলেন। তাঁহাদের নিকট

সমস্ত শ্রবণ করিয়া অন্ধরাজা ও রাণী সাধ্বী-সতী সাবিত্রীকে সহস্র আশীর্বাদ করিলেন। অপুত্রক পিতার শতপুত্র হইল। সাবিত্রী পুত্রের জননী হইয়া রাজ্য ভোগ করিতে লাগিলেন। সাধ্বী স্ত্রী স্বামীর জন্ত যমের নিকটে ধাইতেও ভীত হন না।

## অনসূয়া

ভারত-রমণীর সতীত্বের অন্ততম উজ্জল আদর্শ—ঋষিপত্নী অনসূয়া। ইনি ব্রহ্মার মানসপুত্র মহর্ষি অত্রির সহধর্মিণী। তৎকালে ইহার সতীত্বমহিমা বিশ্ববিস্তৃত ছিল। কেবলমাত্র পাণ্ডিত্য দ্বারা ইনি অসাধারণ ক্ষমতা অর্জন করিয়াছিলেন।

একদিন ব্রহ্মা, বিষ্ণু ও মহেশ্বর ইহার সতীত্ব পরীক্ষার জন্ত ব্রাহ্মণবেশে মহর্ষি অত্রির আশ্রমে উপস্থিত হইয়াছিলেন। তৎকালে মহর্ষি আশ্রমে উপস্থিত ছিলেন না, কার্যবশতঃ স্থানান্তরে গিয়াছিলেন। অগত্যা অনসূয়াকেই অতিথি-সৎকারের ভার গ্রহণ করিতে হইল। তিনি যথাবিধি পাত্ত-অর্ঘ্যাদি প্রাথমিক আতিথ্য প্রদানপূর্বক ক্ষুধার্ত অতিথিগণের জন্ত যথাশক্তি অন্ন-ব্যঞ্জনাদি প্রস্তুত করিয়া অতিথি ব্রাহ্মণগণকে আহারার্থ আহ্বান করিলেন। ধাইতে বসিয়া ব্রাহ্মণগণ বলিলেন—“আমরা প্রত্যেকে এইরূপ প্রতিজ্ঞা করিয়াছি যে, বজ্রাচ্ছাদিত কোন ব্যক্তি পরিবেশন করিলে আমরা সে অন্ন স্পর্শ করিব না।” অতিথিগণের এই কথায় সাধ্বী অনসূয়া মহাসমস্তায় পড়িলেন। ক্ষুধার্ত অতিথি ভোজনের আসনে উপবিষ্ট—স্বামী কখন আসিবেন তাহার কোন ঠিক নাই; তিনিই বা কেমন করিয়া প্রাপ্তবয়স্ক পুরুষগণের সম্মুখে বজ্রাচ্ছাদিত না হইয়া পরিবেশন করিবেন? অতুচ্চ অতিথি বসিয়া থাকিলে বা উঠিয়া চলিয়া গেলে আশ্রমধর্মের হানি হয়; অথচ পরিবেশন করিতে গেলে সতীত্বধর্ম ব্যাহত হয়। এখন সতী উভয়সঙ্কটে পড়িয়া সঙ্কটহারী যশুসূদনকে স্মরণ করিয়া মন্ত্রপূত জল অতিথিগণের মস্তকে ছিটাইয়া দিলেন। সতীত্বমহিমায় স্তম্ভনাৎ

## ভারতের নারী

অতিথিগণ সন্তোজাত শিশুর আকার প্রাপ্ত হইলেন। তখন অনসূয়া শিশু তিনটিকে কোলে লইয়া তাহাদিগকে স্তন্যপান করাইতে লাগিলেন।

এদিকে সরস্বতী, লক্ষ্মী এবং পার্বতী- স্ব স্ব স্বামীর অদর্শনে খুঁজিতে খুঁজিতে সেই আশ্রমে উপস্থিত হইয়া ত্রিমূর্তির এই অদ্ভুত পরিবর্তন দেখিয়া অতিমাত্র বিস্মিতা হইলেন এবং তাঁহাদের উদ্ধার-মানসে তপস্বী করিতে লাগিলেন। তপস্যার ফলে তথায় দেবাদিদেবের আবির্ভাব হইল এবং ত্রিমূর্তি তাঁহাদের পূর্বাবস্থা ফিরিয়া পাইলেন। অনসূয়া যখন দেখিলেন যে, অতিথি ত্রয় ছদ্মবেশী ব্রহ্মা, বিষ্ণু ও মহেশ্বর, তখন তিনি তাঁহাদের পদতলে পড়িয়া মার্জনা ভিক্ষা করিতে লাগিলেন। ত্রিমূর্তি সন্তুষ্ট হইয়া তাঁহাকে বর প্রার্থনা করিতে বলিলেন। অনসূয়া বলিলেন যে, “যদি আপনারা আমার উপর সন্তুষ্ট হইয়া থাকেন তবে বর দিন যে, আমি যেন আপনাদের মত গুণসম্পন্ন পুত্র লাভ করি।” মূর্তি ত্রয় ‘তথাস্তু’ বলিয়া অস্তুর্হিত হইলেন। কালক্রমে ইহার গর্ভে ব্রহ্মা, বিষ্ণু এবং মহেশ্বরের অবতারস্বরূপ মহর্ষি দত্তাজ্যেয় জন্মগ্রহণ করেন। সতী অনসূয়া সতীক মর্যাদায় চিরদিনই পূজা পাইয়া আসিতেছেন।

## অরুন্ধতী

ভারতের নারীকুলশিরোমণি বশিষ্ঠ-পত্নী অরুন্ধতী। সতীত্বের এমন গরিমাময় আদর্শ, এমন বিদূষী ও ক্ষমতাপরায়ণা তাপসী নারী ভারতের চিরযুগের পূজা ও শ্রদ্ধার পাত্রী। যজ্ঞায়ি হইতে যাহার জন্ম, যিনি আজীবন পুত্চরিত্রা ও শুদ্ধচিত্তা, তিনি যে সকল নারীর আদর্শের পাত্রী হইবেন, তাহাতে আর বিচিত্রতা কি ?

শাস্ত্রে লিখিত আছে—ব্রহ্মার মানসকন্যা সত্যাই অরুন্ধতীরূপে মর্ত্যে জন্মগ্রহণ করেন। লোহিত সাগরের তীরে চন্দ্রভাগা নামে এক পর্বতে ইনি আরাধ্য দেবতা



বিষ্ণুর সাক্ষাৎলাভের আশায় বহুকাল তপস্বী করিলেন; কিন্তু অতি কঠোর তপস্বীভেঁও বিষ্ণুর সাক্ষাৎলাভ হইল না। তপস্বীর ক্রটি কিছুই হয় নাই, তথাপি আরাধ্যদেব সাক্ষাৎ দিলেন না কেন, এই চিন্তায় সঙ্ঘার শরীর শীর্ণ হইতে লাগিল। শাস্ত্রে বলে, কোন ইষ্টেশ্বর নিকট দীক্ষা না লইলে তপস্বী সফল হয় না। তপস্বী আরম্ভের পূর্বে অরুন্ধতী কোন দীক্ষা গ্রহণ করেন নাই বলিয়াই তাঁহাকে এরূপ বিপদে পড়িতে হইয়াছিল। অবশেষে প্রজ্ঞাপতি ব্রহ্মার দয়া হইল। সঙ্ঘাকে দীক্ষা দিবার জন্য স্বয়ং ব্রহ্মা ব্রাহ্মণশ্রেষ্ঠ বশিষ্ঠদেবকে পাঠাইলেন। সঙ্ঘা বশিষ্ঠের নিকট হইতে দীক্ষা লইয়া পুনরায় তপস্বী আরম্ভ করিলেন। এবার সঙ্ঘার কঠোর তপস্বায় আরাধ্যদেব স্বয়ং আসিয়া সঙ্ঘাকে তাঁহার অভিলষিত বর প্রার্থনা করিতে বলিলেন। সঙ্ঘা সুখশান্তি, ধন-ঐশ্বর্য, রাজবৈভব প্রভৃতি কিছুই না চাহিয়া শুধু পাতিব্রতা বর প্রার্থনা করিলেন। বিষ্ণু বলিলেন—“এ জন্মে তোমার এই তপস্বীর জন্য তুমি মেধাতিথি ঋষির যজ্ঞে পুনরায় জন্মগ্রহণ করিবে। ঐ জন্মে তোমার কামনা পূর্ণ হইবে। তুমি এ জগতে সতীত্বের চরম আদর্শ রাখিয়া অবশেষে স্বামীর সহিত নক্ষত্রমণ্ডলে চিরদিন বাস করিবে।”

কিছুকাল পরে চন্দ্রভাগা নদীতীরস্থ এক তপোবনে মেধাতিথি ঋষি জগতের মঙ্গলের জন্য জ্যোতিষ্টোম যজ্ঞ আরম্ভ করিলেন। স্বর্গের সকল দেবতাই সেই যজ্ঞে উপস্থিত হইয়াছিলেন। স্বয়ং ভগবান্ হইতে সকল দেবতাই মেধাতিথির যজ্ঞে সন্তুষ্ট হইয়া আপন আপন স্থানে চলিয়া গেলেন। যজ্ঞশেষে ভাস্করাশি সরাইবার সময় তিনি সেই ভাস্করমধ্যে এক পরমানন্দরী শিশু-কন্যা দেখিতে পাইয়া খুবই আশ্চর্য হইলেন। এমন সময় দৈববাণী হইল—“ইনি ব্রহ্মার মানসকন্যা; পুণ্যকর্ম সম্পাদন করিয়া জগতে উজ্জ্বল আদর্শ রাখিবার জন্য আবার জন্মগ্রহণ করিলেন।”

মেধাতিথি তৎক্ষণাৎ শিশু-কন্যাটিকে কোলে লইয়া খুব আদর-বন্দ করিতে লাগিলেন। তখন ইহার নাম রাখিলেন ‘অরুন্ধতী’, অর্থাৎ যিনি কোন কারণে ধর্মের বিরুদ্ধাচরণ করেন না।

খুব কম ঋষিই বিবাহ করেন এবং ইহাদের সন্তানাদি কমই হয়, কিন্তু প্রত্যেক ঋষির শিশু থাকে অনেক। মেধাতিথির আশ্রমেও বহুসংখ্যক শিশু ছিল।

## ভারতের নারী

মেধাতিথি, তাঁহার পত্নী ও বহু শিষ্যের অপার স্নেহে ও পরম যত্নে অরুদ্ধতী দিন দিন শশিকলার স্তায় বর্দ্ধিত হইতে লাগিলেন। যখন অরুদ্ধতী সকল রকম স্ত্রীশিক্ষায় সুশিক্ষিতা হইলেন, যখন তাঁহার হৃদয় জ্ঞানে, করুণায়, শুচিতায় পূর্ণ হইল, যখন যৌবনের পরিপূর্ণ রূপলাবণ্য সারা দেহে ফুটিয়া উঠিল, তখন সকলে দেখিলেন একটা সাক্ষাৎ দেবীপ্রতিমা।

অরুদ্ধতী যৌবনে পদার্পণ করিবার কিছুকাল পরেই দৈবক্রমে মেধাতিথির আশ্রমে বশিষ্ঠদেব আসিয়া উপস্থিত হইলেন। বশিষ্ঠদেব অরুদ্ধতীর প্রথম দর্শনেই মুগ্ধ হইলেন। অরুদ্ধতীও বশিষ্ঠদেবকে দেখিয়া বিচলিতা হইলেন। মনে হইল, ইনিই যেন তাঁহার ইহকালের ও পরকালের দেবতা। অরুদ্ধতী এই ভাবান্তরের কথা ঋষিপত্নীর নিকটে গিয়া কহিলেন। ঋষিপত্নী কহিলেন, “মহর্ষি বশিষ্ঠদেবই এ জগতে জ্ঞানে ও ধর্মে শ্রেষ্ঠ। গত জন্মে ইনিই তোমাকে দীক্ষা দিয়াছিলেন বলিয়াই তুমি বিষ্ণুর সাক্ষাৎ-দর্শনলাভ করিয়াছিলে। ব্রহ্মার ইচ্ছায় ইনিই এ জন্মে তোমার স্বামী হইবেন। এই মহর্ষির সেবা করিয়াই তুমি জগতে সতীত্বের আদর্শ রাখিয়া যাইবে।”

ঐ আশ্রমে বশিষ্ঠদেবের হঠাৎ আগমনে মেধাতিথি বড়ই স্তম্ভিত হইলেন। সর্বজ্ঞ ঋষি বুঝিলেন অরুদ্ধতীর বিবাহকাল উপস্থিত বলিয়া দৈবক্রমে বশিষ্ঠদেব তাঁহার আশ্রমে আগমন করিয়াছেন। তিনি বশিষ্ঠদেবের নিকট অরুদ্ধতীর বিবাহের প্রস্তাব করিলেন। বশিষ্ঠদেব কোনরূপ আপত্তি না করিয়া বিবাহ করিতে সম্মত হইলেন।

শুভদিনে শুভক্ষণে স্বর্গের সকল দেবতাকে নিমন্ত্রণ করিয়া মেধাতিথি ব্রহ্মর্ষি বশিষ্ঠের হস্তে তাঁহার বড় আদরের, বড় স্নেহের কণ্ঠ্যকে সমর্পণ করিলেন। দেবতারা ধন্য ধন্য করিতে লাগিলেন। বিবাহের পর স্বামীর সেবাই অরুদ্ধতীর একমাত্র ধ্যান জ্ঞান হইয়া উঠিল। স্বামীর চরণে আত্মসমর্পণ করিয়া তিনি ধন্যা হইলেন।

কালে সতী অরুদ্ধতী শতপুত্র প্রসব করেন। পুত্রগণও বশিষ্ঠদেবের স্তায় সুশিক্ষিত ও জ্ঞানী হইয়াছিলেন। পুত্রপালনকালেও অরুদ্ধতী কোনদিন স্বামিসেবা তুলিয়া ধান নাই। অরুদ্ধতীও স্বামীর স্তায় কমাশীলা ছিলেন। বিখ্যামিত্রের সহিত বিবাহে





শত পুত্রের নিধনে যেদিন বশিষ্ঠ ক্রমা ও ধৈর্যের সীমা অতিক্রম করিয়া বিশ্বামিত্রকে ব্রহ্মশাপ দিতে উত্তত হইয়াছিলেন, সেদিন অরুন্ধতী স্বামীর ক্রোধ নিবৃত্ত করিয়া তাঁহাকে ঐ মহাপাপে লিপ্ত হইতে দেন নাই। তখনকার ব্রাহ্মণ বা ঋষি তাঁহাদের ভগবদ্-তুল্য শক্তির প্রভাবে কোন কোন স্থলে ব্রহ্মশাপ দিয়া নিজেদের শক্তিক্ষয় করিতে বাধ্য হইতেন এবং সেই পাপের প্রায়শ্চিত্তের জন্ত আবার বহুকাল কঠোর সাধনা করিয়া পাপক্ষালন করিতেন। কিন্তু বশিষ্ঠদেব অরুন্ধতীকে অর্দ্ধাঙ্গিনীরূপে পাইয়া ঐরূপ পাপে কোন দিন লিপ্ত হন নাই।

এ জগতে বহুকাল সংসার করার পর অরুন্ধতী স্বামীর সহিত স্বর্গে যাইয়া তাঁহার সহিত এখনও বসবাস করিতেছেন। আজ পর্যন্তও ইঁহারা সপ্তর্ষিমণ্ডলে থাকিয়া আমাদের পুণ্যকর্মের জন্ত আশীর্বাদ করিয়া থাকেন। উত্তর আকাশে ধ্রুবনক্ষত্রের নীচেই এই সপ্তর্ষিমণ্ডল। এই সাতটা নক্ষত্রের মধ্যে যে উজ্জল ক্ষুদ্র নক্ষত্র দেখিতে পাওয়া যায়, সেইটা বশিষ্ঠের সহধর্মিণী সতীশিরোমণি অরুন্ধতী।

কত হাজার বৎসর আগে অরুন্ধতী স্বর্গে গিয়াছেন, কিন্তু তাঁহার সতীত্ব-মহিমা আজও বিলীন হয় নাই। আজও সেই পুণ্যমহিমা চির-উজ্জল। হিন্দুনারীর বিবাহের সময়ে এই সতীর নাম ভক্তিভরে উচ্চারণ করিতে হয়, এবং বর কন্যাকে আকাশে অরুন্ধতীকে দেখাইয়া দেন। কন্যাও অরুন্ধতীকে লক্ষ্য করিয়া এই মন্ত্র পাঠ করেন—

“হে অরুন্ধতি! আমি যেন তোমারই মত আমার পতিতে কায়মনোবাক্যে লগ্ন হইয়া থাকিতে পারি।”

---

## সীতা

যাহা কিছু শুভ, যাহা কিছু পবিত্র তাহা সীতা অর্থে ব্যবহৃত হইয়া থাকে। সর্বসহা সীতার মত হওয়া সকল জ্বীলোকেই উদ্দেশ্য। এই সীতা মিথিলার রাজা রাজর্ষি জনকের কন্যা। প্রবাদ আছে, যজ্ঞের জন্ত ক্ষেত্র কর্ষণ করিতে গিয়া জনক রাজা এক রূপলাবণ্যবতী কন্যা প্রাপ্ত হন এবং সেই কন্যাকে তিনি নিজের কন্যার স্থায় লালনপালন করেন। লঙ্কলের সীতা অর্থাৎ ফলা হইতে উঠিয়াছিলেন বলিয়া সেই কন্যা 'সীতা' নামে অভিহিতা হন।

বয়সের সঙ্গে সঙ্গে সীতার রূপ দশ দিক্ আলোকিত করিতে লাগিল। তাঁহার গুণের সীমা ছিল না। পিতার নিকট হইতে যখন সর্বশাস্ত্র ও সর্বধর্ম শিক্ষা করিলেন, তখন তাঁহার বয়স মাত্র ছয় বৎসর।

রাজর্ষি জনক কন্যার বিবাহকাল উপস্থিত হইয়াছে মনে করিয়া তাঁহাকে উপযুক্ত পাত্রের হস্তে দান করিতে মনস্থ করিলেন। বহু সাধনায় প্রাপ্ত হরধনু তাঁহার গৃহে ছিল। তিনি প্রতিজ্ঞা করিলেন—যে-কেহ সেই ধনু ভঙ্গ করিতে পারিবেন, তাঁহাকেই তিনি কন্যা সম্প্রদান করিবেন। একে একে সকল দেশের রাজকুমারগণ আসিলেন, কিন্তু ধনু ভঙ্গ করা দূরে থাকুক, অনেকেই তাহা তুলিতেও পারিলেন না। লঙ্কার রাক্ষসরাজ রাবণও ছদ্মবেশে আসিয়াছিলেন, তিনিও অসমর্থ হইয়া লজ্জা, ক্ষোভ, অপমান লইয়া ফিরিয়া গেলেন। জনক মহাচিন্তিত হইলেন।

বিশ্বামিত্র ঋষি তাড়কা রাক্ষসীর উৎপাত নিবারণ করিবার নিমিত্ত অযোধ্যার রাজা দশরথের নিকট হইতে রাম ও লক্ষ্মণকে তাড়কাবধের জন্ত লইয়া গিয়াছিলেন। তাড়কাবধের পরে বিশ্বামিত্র রামকে সীতার উপযুক্ত পাত্র মনে করিলেন এবং দুই ভাইকে লইয়া জনকের সভায় উপস্থিত হইলেন। বিশ্বামিত্রের আদেশে রাম অবলীলাক্রমে সেই ধনু ভঙ্গ করিলেন। দশরথ সুবাদ পাইয়া মিথিলায় আসিলেন। রামের সহিত সীতার বিবাহ হইল। জনকের তিন ভ্রাতৃপুত্রের সহিত রামের অপর

তিন ভ্রাতারও বিবাহ হইল। সীতা ও অন্যান্য বধূদের লইয়া দশরথ অযোধ্যায় ফিরিলেন।

অযোধ্যায় গিয়া সকলেরই কয়েক বৎসর বেশ সুখে কাটিল। দশরথ অত্যন্ত বৃদ্ধ হওয়ায় ষোড়শপুত্র রামকে যৌবরাজ্যে অভিষিক্ত করিতে মনস্থ করিলেন। কিন্তু রাণী কৈকেয়ী দাসী মম্বরার প্ররোচনায় নিজপুত্র ভরতকে রাজা করিবার উদ্দেশ্যে কৌশলে রামের চৌদ্দ বৎসর বনবাস ঘটাইলেন। রামের বনগমনই স্থির হইল।

রাম একে একে সকলের নিকট হইতে বিদায় লইয়া শেষে জানকীর নিকটে উপস্থিত হইলেন। কহিলেন—“জানকি! মনে করিয়াছিলাম, বুঝি আমাদের চিরদিনই সুখে কাটিবে। কিন্তু বিধাতার ইচ্ছা অন্তরূপ। পিতৃসত্য পালন করিবার জন্ত আমি বনবাসী হইতে চলিয়াছি। তুমি এই চতুর্দশ বৎসর গুরুজন সেবায় নিযুক্ত থাকিও। আমায় বিদায় দাও।” এই কথায় সীতা কহিলেন—“তুমি যদি বনে গমন কর, তাহা হইলে আমি কি সুখে রাজপ্রাসাদে থাকিব? তুমি আমার একমাত্র গুরু; তুমি যখন যেভাবে থাকিবে, আমিও সেইভাবে থাকিব। তোমারই নিকট হইতে শুনিয়াছি, স্বামী তিন্ন জীলোকের জন্ত গতি নাই। তুমিই ত বলিতে, স্বামীর জীবনই জীবন; স্বামীর সুখেই জীবন সুখ। তুমি যদি বনে যাও, আমি দাসী হইয়া সঙ্গে যাইব। দাসীর সেবায় তোমার কষ্টের অনেক লাঘব হইবে।” রাম এই দুঃখের মধ্যেও সুখা হইলেন, কিন্তু অশেষ প্রকারে সীতাকে বনবাসের ক্লেশের কথা বুঝাইলেন। সীতা উত্তর করিলেন—“তোমার সঙ্গে তরুতলে বাস করিলেও আমি তাহা স্বর্গ বলিয়া মনে করিব; তোমার সঙ্গে থাকিয়া ধূলি-ধূসরিত হইলেও তাহা চন্দন-শোভিত বলিয়া মনে করিব। কুশকণ্টকে শরীর বিদ্ধ হইলে আমি তাহা তোমার স্নেহ-চুষন বলিয়া মনে করিব। তুমি আমাকে সঙ্গে না লইয়া গেলে আমি নিশ্চয়ই প্রাণত্যাগ করিব।” সীতার এইরূপ দৃঢ়প্রতিজ্ঞা শুনিয়া রাম তাঁহাকে সঙ্গে লইতে বাধ্য হইলেন। রাম, সীতা ও লক্ষ্মণ অযোধ্যা ত্যক্তকার করিয়া বনে চলিলেন। এদিকে পুত্রশোকে রাজা দশরথ দেহত্যাগ করিলেন।

রামকে ফিরাইয়া আনিবার জন্ত ভরত চিত্রকূটে আসিয়া উপস্থিত হইলেন। রাম অনেক বুঝাইয়া ভরতকে আশ্বস্ত করিলেন। ভরত তখন নিরুপায় হইয়া রামের

## ভারতের মারী

পাড়কা লইয়া অযোধ্যায় ফিরিলেন। এই পাদুকার নীচে থাকিয়া ভরত রাজ্যাশাসন করিতে লাগিলেন।

এদিকে রাম অনেক বনে ভ্রমণ করিয়া অবশেষে পৃথ্বী বনে আসিয়া উপস্থিত হইলেন। সেখানে কুটীর নির্মাণ করিয়া তিনজনে বাস করিতে লাগিলেন। সেখানে রাক্ষসের বড়ই উৎপাত। সেখানে লঙ্কার রাজা রাবণের ভগিনী শূৰ্পণখা একদিন রাম-লক্ষ্মণকে দেখিতে পাইয়া রামকে বিবাহার্থ অনুরোধ করেন। ইহাতে তিনি রাম-লক্ষ্মণের নিকট যথেষ্ট অপমানিত হইয়া ভ্রাতার নিকট গিয়া নিজের দুঃখের কথা বলিলেন। রাবণ শূৰ্পণখার মুখে সীতার সংবাদ পাইয়া তাঁহাকে হরণ করিবার জন্য মারীচ নামে এক রাক্ষসকে পাঠাইয়া দেন এবং নিজেও সঙ্গে আসেন। মারীচ স্বর্ণমৃগরূপে রামকে কুটীর হইতে অনেক দূরে লইয়া যায়। মারীচের কৌশলে লক্ষ্মণকেও কুটীর ত্যাগ করিতে হইল। সেই স্থযোগে দুই দশানন সম্মাসিবেশে সীতার কুটীর দ্বারে আসিয়া উপস্থিত হইল। সরলহৃদয়া সীতা তাহাকে ভিক্ষা দিতে অগ্রসর হইবামাত্র ভণ্ড নিভ্রমূর্তি ধারণ করিয়া সীতাকে সবলে রথে তুলিয়া লইয়া পলায়ন করিল। তারপর সীতা এইরূপে রাম হইতে পৃথক হইলেন এবং লঙ্কায় রাবণের বন্দিনীরূপে থাকিতে বাধ্য হইলেন। রামের বিরহে সীতা মৃতপ্রায় হইলেন।

রাম ও লক্ষ্মণ বহুকষ্টে সীতার সন্ধান পাইলেন। সুগ্রীব ও হনুমান্ প্রভৃতি বানরগণের সহিত তাঁহাদের বন্ধু হইল। বায়ুনন্দন হনুমান্ এক লাফে সাগর পার হইয়া লঙ্কায় উপনীত হইলেন এবং সন্ধান করিয়া জানিলেন, সীতা অশোকবনে চেড়ীগণে বেষ্টিতা হইয়া আছেন। সেই চেড়ীগণ অস্ত্র কাজে যাইলে হনুমান্ সীতার কাছে গিয়া বলিলেন—‘দেবি, আপনার স্বামী বহুকষ্টে আপনার সন্ধান পাইয়া আমাকে এখানে পাঠাইয়াছেন এবং আপনি এখানে আছেন নিশ্চয় জানিলে তিনি সর্বসম্মে লঙ্কা আক্রমণ করিয়া আপনার উদ্ধার করিবেন।’ সীতার মলিন বেশ ও ম্লান মুখ দেখিয়া হনুমান্ ভাবিলেন, যাকে আর বেশীদিন এখানে রাখা উচিত নয়। তাই তিনি বলিলেন—‘মা, যদি কষ্ট একেবারে অসহ্য হইয়া থাকে, তাহা হইলে আমার পৃষ্ঠে আরোহণ করুন, আমি এক লাফে সাগর পার হইয়া



আপনাকে শ্রীরামের নিকট লইয়া যাইব।” সীতা যদিও হনুমানের নিকট নিদর্শন পাইয়াছিলেন যে, হনুমান্ শ্রীরামেরই ভক্ত ও চর, তথাপি পরপুরুষের স্বন্ধে উঠিয়া বক্ষা পাওয়া এবং বীরশ্রেষ্ঠ হরধনুভঙ্গকারী রামের ভাষ্যার পক্ষে চোরের মত পলায়ন করা তাঁহার স্বামীর অগৌরবের হইবে ভাবিয়া যাইতে অস্বীকার করিলেন। বাধ্য হইয়া হনুমান্ ফিরিয়া আসিয়া শ্রীরামকে সমস্ত নিবেদন করিলেন; শ্রীরামচন্দ্র বানরগণের সাহায্যে সাগরের উপর ভারতের উপকূল হইতে লঙ্কাদ্বীপ পর্যন্ত এক স্তম্ভসেতু বাধিয়া লঙ্কা আক্রমণ করিলেন এবং রাবণ ও তাঁহার সৈন্তগণকে বধ করিয়া সীতার উদ্ধার করিলেন।

এতকাল পরগৃহে বাস করিয়াছিলেন বলিয়া প্রজারা যদি সীতার উপর কোন কলঙ্ক আরোপ করে এবং তাহাতে যদি বংশমর্যাদা ক্ষুণ্ণ হয়, এই ভয়ে রাম সীতার অগ্নিপরীক্ষা করাইলেন। সাধ্বী সীতা ইহা নীরবে অনুমোদন করিলেন। সীতা অগ্নিপরীক্ষায় উত্তীর্ণ হইলে সকলে অযোধ্যায় ফিরিয়া আসিলেন।

এদিকে কৈকেয়ীর পুত্র ভরত, জ্যেষ্ঠ ভ্রাতার অনুপস্থিতি কালে তাঁহার পাছুকা সিংহাসনে রাখিয়া নিজে তদীয় ভৃত্যের শ্রায় প্রজাপালন করিতেছিলেন। এখন শ্রীরামকে পাইয়া তাঁহাকে সিংহাসনে বসাইলেন। অযোধ্যাপুরী আনন্দ সাগরে যত্ন হইল, কিন্তু তখনও সীতার দুঃখের অবসান হইল না। অগ্নিপরীক্ষা প্রজারা কেহ চক্ষে দেখে নাই, স্তত্রাং তাহা বিশ্বাস না করিয়া অনেক সীতার উপর মিথ্যা কলঙ্ক আরোপ করিতে লাগিল। চরমুখে এই সংবাদ পাইয়া প্রজারাজক রাম পুনরায় সীতার বনবাসের ব্যবস্থা করিলেন। লক্ষ্মণ সীতাকে লইয়া কৌশলে বাল্মীকির তপোবনে রাখিয়া আসিলেন।

সীতার দুঃখের সীমা রহিল না। সীতা তখন পূর্ণগর্ভা। রাজরাণী মূনির কুটীরে যমজপুত্র প্রসব করিলেন। রাজকুমারদিগের জন্মের কথা রাম, লক্ষ্মণ প্রভৃতি জানিলেন না। বাল্মীকি যথাকালে তাহাদের জাতকর্মাদি সমস্ত সংস্কার করাইয়া সর্বশাস্ত্র ও অস্ত্রবিদ্যা শিক্ষা করাইলেন। পূর্বেই বাল্মীকি রামায়ণ রচনা করিয়াছিলেন; এই সময়ে লব-কুশকে রামায়ণ-গান শিখাইলেন। লব-কুশের মুখে বাল্মীকি-রচিত রামায়ণ-গান শুনিয়া সীতা স্বামিবিরহ ভুলিয়া যাইতেন।

## ভারতের নারী

অতঃপর মহাসমারোহে শ্রীরামচন্দ্র অশ্বমেধ-যজ্ঞ আরম্ভ করিলেন। হিন্দুশাস্ত্রে আছে—কোন ধর্মকার্য্য জ্ঞী-বর্তমানতায় স্বামী একাকী করিতে পারেন না। সেই যজ্ঞের জন্ত সীতার স্বর্ণমূর্তি গড়াইতে হইল। সমস্ত রাজা ও মুনিদের নিয়ন্ত্রণ হইল। বান্দ্রীকি লব-কুশকে সঙ্গে লইয়া সেই যজ্ঞে আসিয়া লব-কুশকে দিয়া রামায়ণ-গান করাইলেন। সকলেই লব-কুশের রাম-চরিত গান শুনিয়া মুগ্ধ হইলেন। রামের সীতা-স্মৃতি জাগরুক হওয়ায় তিনি অস্থির হইলেন। বান্দ্রীকি সীতাকে অযোধ্যায় আনিলেন। সীতার মনে স্বামীর প্রতি কোন বিদ্বেষভাব ছিল না। কেবলমাত্র প্রজাদের মনোরঞ্জনের জন্তই যে তাঁহার স্বামী একরূপ কার্য্য করিয়াছেন, তাহা তিনি বিশিষ্ট-রূপে জানিতেন। তাই স্বামীর প্রতি তাঁহার ভক্তি বিন্দুমাত্রও বিচলিত হয় নাই। সীতাকে গ্রহণ করিবার জন্ত বান্দ্রীকি রামকে অমুরোধ করিলেন। কিন্তু পুনরায় পরীক্ষার কথা উঠিল। পরীক্ষার কথা শুনিয়া সীতার নিজের প্রতি অত্যন্ত ঘৃণা জন্মিল। বারবার এই মর্মান্তিক অপমান সীতা সহ করিতে পারিলেন না। তিনি কাঁদিতে কাঁদিতে কহিলেন—“ভগবতি বসুন্ধরে! দ্বিধা হও, আমি তোমার বক্ষে প্রবেশ করি”; এই বলিয়া সীতা মূর্ছিতা হইলেন। সহসা সভাস্থল দ্বিধণ্ড হইল। পাতাল হইতে এক দেবীমূর্তি উঠিয়া সীতাকে লইয়া অস্তহিতা হইলেন। সকলে হাহাকার করিয়া উঠিল। সীতা পৃথিবী হইতে উঠিয়াছিলেন, আবার পৃথিবীতেই লীন হইলেন।

## শৈব্যা

ত্রৈতাযুগে সূর্য্যবংশে হরিশ্চন্দ্র নামে এক রাজা ছিলেন। শৈব্যা তাঁহার মহিষী। রাজপুরীতে কোন অভাবই ছিল না। বহুদিন প্রার্থনার পর রাজদম্পতি এক পুত্র লাভ করিলেন। তাহার নাম রাখিলেন রোহিতাশ্ব। শৈব্যার স্নেহের সীমা রহিল না।

কিন্তু স্নেহের দিন কাহারও চিরকাল থাকে না, শৈব্যারও থাকিল না। হরিশ্চন্দ্র একদিন যুগয়া করিতে করিতে বনমধ্যে ভ্রমণ করিতেছিলেন, এমন সময়ে একস্থানে রমণীর আর্তনাদ শ্রবণ করিলেন। সেখানে উপস্থিত হইয়া দেখেন—এক ঋষি ত্রিবিদ্যা সাধন করিতেছেন। ত্রিবিদ্যা ঐরূপ আর্তনাদ করিতেছিলেন। হরিশ্চন্দ্র উহাতে ব্যাধিত হইয়া ঋষিকে ঐ জঘন্য পৈশাচিক কার্যের জন্ত বিলক্ষণ তিরস্কার করিলেন। সেই ঋষি অপর কেহ নহেন, তিনি রাজর্ষি বিশ্বামিত্র। বিশ্বামিত্র ক্রোধে জ্ঞানহারা হইয়া রাজাকে শাপ প্রদান করিতে উদ্যত হইলেন। কিন্তু রাজা অনেক অহুন্নয় করায় তিনি শাস্ত হইলেন। হরিশ্চন্দ্র আত্মপরিচয় দিলে, তিনি কহিলেন—“তোমার কর্তব্য কি?” রাজা উত্তর করিলেন—“দান”। বিশ্বামিত্র কহিলেন—“আমাকে কি দান করিবে?” রাজা তৎক্ষণাৎ তাঁহাকে সমাগরা সঙ্গীপা পৃথিবী দান করিলেন এবং দানের উপযুক্ত দক্ষিণা সহস্র স্বর্ণমুদ্রাও দিতে স্বীকৃত হইলেন। কিন্তু যখন সমাগরা সঙ্গীপা পৃথিবী দান করিয়াছেন, তখন রাজকোষ পর্য্যন্ত দান করা হইয়াছে; স্তত্রাং অর্থ কোথায় পাইবেন? অধিকন্তু বিশ্বামিত্র তাঁহাকে তাঁহার প্রদত্ত পৃথিবীর মধ্যেও বাস করিতে দিলেন না। হরিশ্চন্দ্র তিন দিনের ভিতর দক্ষিণা দিবেন বলিয়া প্রতিশ্রুত হইলেন। হিন্দুশাস্ত্রে আছে—বারাণসী বিশ্বনাথের ত্রিশূলের উপর অবস্থিত অতএব পৃথিবীর বাহিরে; স্তত্রাং তাঁহার বারাণসী গমনই স্থির হইল।

রাজমহিষী শৈব্যা, যিনি সমাগরা সঙ্গীপা পৃথিবীখরের পত্নী, তখন তিনি ভিখারিণীর বেশে প্রকাশ্য রাজপথে বাহির হইলেন। রাজকুমার রোহিতাশ্ব তখন পথের ভিখারী।

## ভারতের নারী

বসন-ভূষণে পর্যাপ্ত তাঁহাদের অধিকার নাই ; কেন-না, হরিশ্চন্দ্র সমস্তই বিশ্বামিত্রকে দান করিয়াছিলেন ।

দক্ষিণাদানের শেষদিন উপস্থিত হইল । সহস্র স্বর্ণমুদ্রা দান করিতে হইবে, অথচ ভিখারী হরিশ্চন্দ্রের হস্তে এক কপর্দকও নাই । হরিশ্চন্দ্র একমনা হইয়া ধর্মকে ও ভগবান্কে ডাকিতে লাগিলেন এবং কাতরভাবে বলিতে লাগিলেন—“হে ধর্মরাজ ! যেন অধর্ম পণ্ডিত না হই ।”

ধর্মরাজ সদয় হইলেন । সে সময়ে দাসদাসী-বিক্রয়ের প্রথা প্রচলিত ছিল । বারাণসীর এক ব্রাহ্মণ আসিয়া শৈব্যাকে দাসীরূপে পাঁচ শত স্বর্ণ মুদ্রায় ক্রয় করিলেন । হরিশ্চন্দ্র স্বয়ং এক চণ্ডালের নিকট পাঁচ শত স্বর্ণ মুদ্রায় বিক্রীত হইলেন । বিশ্বামিত্র নির্দিষ্ট সময়ের মধ্যে দক্ষিণা পাইলেন ; হরিশ্চন্দ্রের ধর্ম রক্ষা হইল । রোহিতাশ্ব মাতার সহিত রহিলেন ।

রাজনন্দিনী শৈব্যা এখন ক্রীতদাসী । যে দেহ পূর্বে নিত্য নূতন বসন-ভূষণে আচ্ছাদিত হইত, রাজভোগে পরিপুষ্ট হইত, তাহা এক্ষণে ছিন্ন-মলিন বস্ত্রে অর্দ্ধ-আবৃত হইতে লাগিল, অনাহারে-অর্দ্ধাহারে সে দেহ শুষ্ক হইতে লাগিল । ব্রাহ্মণ শৈব্যাকে ক্রয় করিয়াছিলেন, রোহিতাশ্বকে ক্রয় করেন নাই, সুতরাং তিনি রোহিতাশ্বকে খাইতে দিতেন না । শৈব্যা প্রভুর প্রদত্ত মুষ্টিমেয় অন্নের অধিকাংশই রোহিতাশ্বকে দিয়া নিজে কোন প্রকারে জীবন ধারণ করিতে লাগিলেন । রাজার সম্ভান, কাকালের ধন রোহিতাকে লইয়া তিনি স্বামিশোক সহ করিতে লাগিলেন । স্বামীর এই অসখা দান ও দক্ষিণায় তাঁহার বিরক্তির ভাব আসিত না বরং স্বামীর যে ধর্মরক্ষা হইয়াছে, এই চিন্তাতে তিনি সকল কষ্ট ভুলিয়া যাইতেন ।

কিন্তু তাহাতেও দুঃখের শেষ হইল না । রোহিতাশ্ব একদিন ঐ ব্রাহ্মণের পূজার জন্ত বাগানে ফুল তুলিতে গিয়াছিল, এমন সময় একটা সর্প তাহাকে দংশন করিল । দেখিতে দেখিতে শৈব্যার নয়নমণি, শৈব্যার শেষ অবলম্বন, রোহিতাশ্ব, শৈব্যার কোড়েই মহাঘুমে ঘুমাইয়া পড়িল । অনাধিনী শৈব্যাকে একাই নিজপুত্রের সঙ্গকারের জন্ত শ্মশানে যাইতে হইল ।

এদিকে চণ্ডাল হরিশ্চন্দ্রকে ক্রয় করিয়া তাঁহাকে শ্মশানে শবসংকারের কার্যে নিযুক্ত করিল। মহারাজ হরিশ্চন্দ্র রাজধর্ম ত্যাগ করিয়া, প্রজাপালন ত্যাগ করিয়া শবদাহ-কার্যে নিয়োজিত হইলেন। শবদাহকারীদের নিকট হইতে উপযুক্ত পারিতোষিক গ্রহণ, তাহাদের শবদাহকার্যে সহায়তা ইহাই এক্ষণে তাঁহার নিত্যব্রত।

অন্ধকারময়ী ভীষণ রাত্রি! আকাশ ঘনঘটাচ্ছন্ন, মধ্যে মধ্যে বিদ্যুৎ চমকিত হইয়া রাত্রির ভীষণতাকে যেন আরও বাড়াইয়া তুলিয়াছে; প্রকৃতির সেই ভীষণতার মধ্যে চণ্ডাল হরিশ্চন্দ্র তাঁহার প্রভুর কার্য করিবার জন্ত শ্মশানে গমন করিলেন। অদূরে বামাকণ্ঠের করুণ ক্রন্দনধ্বনি শুনিয়া অগ্রসর হইয়া দেখিলেন, এক নারী একটা মৃত বালককে কোড়ে লইয়া রোদন করিতেছেন। নারী আর কেহই নহেন—হরিশ্চন্দ্র-পত্নী শৈব্যা, পুত্র রোহিতকে কোড়ে লইয়া ক্রন্দন করিতেছিলেন! হরিশ্চন্দ্র কহিলেন—“আমার প্রাপ্য রাখিয়া তুমি চলিয়া যাও, আমি তোমার পুত্রের সংকার করিব।” শৈব্যা কহিলেন—“আমার এক কপর্দকও দিবার ক্ষমতা নাই, আমার স্বামী জীবিত, আমি এক ব্রাহ্মণের ক্রীতদাসী।” স্বামী জীবিত! স্ত্রী ব্রাহ্মণের ক্রীতদাসী! শুনিয়া হরিশ্চন্দ্র বিচলিত হইয়া কহিলেন—“ইহার পিতা কি নিষ্ঠুর! পুত্র মৃত, স্ত্রী উন্মাদিনী, সে এখানে এখনও উন্মাদ হ’য়ে ছুটে এসে পড়েনি?” চণ্ডালের মুখে পতিনিন্দা শুনিয়া শৈব্যা বিচলিত হইয়া বলিলেন—“চণ্ডালরাজ, আপনি এ স্থানে আমার একমাত্র বন্ধু। আপনি বন্ধু হইয়া আমার স্বামীর নিন্দা করিতেছেন কেন? জানেন কি—স্ত্রীলোকের নিকট স্বামী কত বড়? স্ত্রীলোকের ইহকাল-পরকাল যে স্বামী! তাঁহার নিন্দা স্ত্রীলোকের কাছে করা উচিত নয়। স্বামীর নিন্দা শুনিয়া সতী দেহত্যাগ করিয়াছিলেন, এ সব আপনারা বোধ হয় জানেন না। স্ত্রীলোকেরা সেই সতীর অংশ হইতে জন্মিয়াছে, অতএব তাঁহারা স্বামিনিন্দা শুনিয়া স্থির থাকিবেন কিরূপে? আর আমার স্বামী একমাত্র ধর্মের জগুই এরূপ অবস্থায় আমাদিগকে রাখিয়াছেন। পরে তাঁহার ক্রন্দনে প্রকাশ পাইল যে, পুত্রের নাম রোহিতাশ্ব, স্বামীর নাম হরিশ্চন্দ্র। হরিশ্চন্দ্র স্তম্ভিত হইলেন। জগতে আরও হরিশ্চন্দ্র আছে! আরও রোহিতাশ্ব আছে!—হরিশ্চন্দ্র বড়ই অস্থির হইলেন; মুহূর্ত্তে বিদ্যুৎ চমকিত হইল।

## ভারতের নারী

সকল সন্দেহের ভঞ্জন হইল ; সেই আলোকে হরিশ্চন্দ্র দেখিলেন যে, তাঁহারই পত্নী শৈব্যা তাঁহারই একমাত্র বন্ধের ধন রোহিতাশ্বকে লইয়া ক্রন্দন করিতেছেন। সেই মৃত্যুবিবর্ণ দেহের উপর হরিশ্চন্দ্র মূচ্ছিত হইয়া পড়িলেন। মূচ্ছান্ত্রে সেই আকুল বিলাপের মধ্যে তিনি সমস্ত অবগত হইয়া শোকে জ্ঞানহারা হইয়া ভাগীরথীগর্ভে কাঁপ দিতে উদ্যত হইলেন ; কিন্তু মরিবার জন্ত প্রভু চণ্ডালের আদেশ গ্রহণ করেন নাই বলিয়া ক্ষান্ত হইলেন। এই ভীষণ স্থানে ভীষণ সময়ে বিশ্বামিত্র সহসা উপস্থিত হইলেন এবং তপঃপ্রভাবে রোহিতাশ্বকে পুনর্জীবিত করিলেন। রাজর্ষির আশীর্বাদ লইয়া হরিশ্চন্দ্র স্ত্রীপুত্র-সমভিব্যাহারে স্বরাজ্যে ফিরিয়া আসিলেন, বিশ্বামিত্র তাঁহাকে সমস্ত পৃথিবী প্রত্যর্পণ করিলেন। শৈব্যার দুঃখের রজনী শেষ হইল।

## দময়ন্তী

বিদর্ভ দেশের রাজা ভীম অতুল ঐশ্বর্যের অধিপতি ছিলেন। কিন্তু কোন সন্তান না হওয়ায় তাঁহার মনে শাস্তি ছিল না। অবশেষে তিনি দমন মূনির বরে দময়ন্তী নামী এক কন্যা এবং দমন নামে এক পুত্র লাভ করেন। দময়ন্তীর রূপে ও গুণে সকলেই মুগ্ধ ছিলেন। শশিকলার স্নায় বাড়িতে বাড়িতে দময়ন্তী ক্রমে যৌবনসীমায় পদার্পণ করিলেন। চতুর্দিকে তাঁহার রূপের ও গুণের কথা বিস্তৃতি লাভ করিল। রাজা কন্যার স্বয়ংবর ঘোষণা করিলেন।

ইতোমধ্যে একদিন দময়ন্তী অস্তঃপুরমধ্যে এক উপবনে ভ্রমণ করিতেছিলেন, এমন সময়ে এক সুন্দর রাজহংস তাঁহার সম্মুখে উপস্থিত হইল। কৌতূহলপরবশ হইয়া দময়ন্তী হংসটিকে ধরিলেন। হংস দময়ন্তীকে বলিল—“রাজকুমারী, আমায় ছাড়িয়া দাও, আমি তোমাকে নলের সংবাদ বলিব।” ইতঃপূর্বে দময়ন্তী অনেকবার নলের কথা শুনিয়াছিলেন, এক্ষণে রাজহংসের মুখে নলের প্রকৃত পরিচয় পাইবার জন্ত

ব্যাকুল হইলেন। হংস দময়ন্তীর নিকট নলের রূপ-গুণ এবং তাঁহার প্রতি নলের আসক্তি প্রভৃতির কথা, সবই বলিল। দময়ন্তী মনে মনে নলকে আত্মসমর্পণ করিলেন। হংস স্বস্থানে চলিয়া গেল।

দেখিতে দেখিতে স্বয়ংবরের দিন নিকটবর্তী হইয়া আসিল। এক এক করিয়া রাজারা উপস্থিত হইতে লাগিলেন। নলও সংবাদ পাইয়া যাত্রা করিলেন। পথিমধ্যে ইন্দ্র, চন্দ্র, বায়ু, বরুণ ও কলির সহিত নলের সাক্ষাৎ হইল। শুনিলেন তাঁহারাও দময়ন্তীকে লাভ করিবার জন্ম বিদর্ভে ঘাইতেছেন। নলকে দেখিয়া দেবতারা তাঁহাকে দময়ন্তীর নিকট দূতস্বরূপ পাঠাইতে ইচ্ছা করিলেন। নল স্বীকৃত হইলেন। নলরাজা বিবাহার্থী দেবতাদের দূত হইয়া দময়ন্তীর নিকট চলিলেন। নল ভিন্ন এ কার্য আর কাহারও দ্বারা কি সম্ভব? দেবতাদের অনুগ্রহে নল অলক্ষ্যে চলিলেন।

আজ স্বয়ংবরের দিন। দময়ন্তী উপযুক্ত বেশ-ভূষায় সজ্জিত হইয়া স্বয়ংবর-সভায় যাইবার জন্ম নিম্ন শয়নকক্ষে অপেক্ষা করিতেছিলেন, এমন সময় এক দিব্য পুরুষ-মূর্তি তাঁহার সম্মুখে উপস্থিত হইলেন। তাঁহার শয়নকক্ষে অকস্মাৎ একরূপ পুরুষের আগমনে দময়ন্তী আশ্চর্য্যান্বিতা হইলেন। পুরুষমূর্তি কহিতে লাগিলেন—“রাজকুমারী! আমি দেবতাদের দূত। ইন্দ্র, চন্দ্র প্রভৃতি দেবতারা আপনার পাণিগ্রহণমানসে আমাকে দূত করিয়া পাঠাইয়াছেন।” দময়ন্তী প্রণাম করিয়া নিঃস্পন্দভাবে উত্তর করিলেন—“দূত। দেবতারা আমার পূজনীয়, তাঁহাদিগকে আমার প্রণাম জানাইয়া বলিবেন, আমি পূর্বেই একজনকে মনে মনে পতিরূপে বরণ করিয়াছি। এক্ষণে দেবতাই হউন বা যে কেহই হউন, অপর কাহাকেও বরণ করিলে আমি নিশ্চয়ই সতীধর্ম হইতে বিচ্যুত হইব; দেবতারা ধর্মের রক্ষক, তাঁহারা অশীর্বাদ করুন, আমি ষাঁহাকে মনে মনে বরণ করিয়াছি তাঁহাকেই যেন লাভ করিতে পারি।” দেবদূত জিজ্ঞাসা করিলেন—“কে আপনার অভীষ্ট স্বামী?” দময়ন্তী উত্তর করিলেন—“নিষধরাজ নলই আমার স্বামী।” দেবদূত সোম্বাসে বলিলেন—“আমিই নিষধরাজ নল।” মুহূর্ত্তে দেবদূত অদৃশ হইলেন। দময়ন্তী স্তম্ভিতা হইলেন।

স্বয়ংবর-সভায় একে একে সকল রাজাকে অতিক্রম করিয়া দময়ন্তী অবশেষে

## ভারতের নারী

নিষধরাজ নলের নিকটে উপস্থিত হইলেন, দেখিলেন—সেখানে নলের স্তায় আরও চারিজন নলের পার্শ্বে বসিয়া আছেন। কে প্রকৃত নল, তিনি বুঝিতে পারিলেন না। সতী কাহাকে মালাদান করিবেন? দময়ন্তী স্থির করিলেন, নিশ্চয়ই এ দেবতাদের ছলনা। মনে মনে দেবতাগণের উদ্দেশে প্রার্থনা করিতে লাগিলেন—“দেবগণ! আপনারা ধর্মরক্ষক; আমাকে এ বিপদ হইতে রক্ষা করুন। সতীধর্মের অপেক্ষা নারীর নিকট আর কোন ধর্ম শ্রেষ্ঠ নহে। আজ আমার সেই সতীধর্ম অক্ষুণ্ণ রাখুন।” মুহূর্ত্তে দেখিলেন যে, নানাবিধ লক্ষণে চারিজন অপর একজন হইতে কিঞ্চিৎ ভিন্ন। চারিজনের চক্ষে নিমেষ নাই, শরীরে ঘর্ম নাই, তাঁহারা ভূমিস্পর্শ করেন নাই, আর একজনের মধ্যে এ সকল লক্ষণ নাই। অবিলম্বে সতী প্রকৃত নলকে চিনিতে পারিলেন। শব্দরোলের মধ্যে পুষ্পমাল্যের সহিত দময়ন্তী নলকে হৃদয় দান করিয়া কৃতার্থ হইলেন।

নিষধে দময়ন্তীর দিন সুখে কাটিতে লাগিল; কিন্তু সে সুখ বহুকাল স্থায়ী হইল না। নলের এক কনিষ্ঠ সহোদর ছিল, তাহার নাম পুঙ্কর। নলের এ সুখ তাহার অসহ হইয়া উঠিল। ছুরাত্মা অক্ষক্রীড়ায় নলের অপেক্ষা পারদর্শী ছিল। সে এক্ষণে নলকে অক্ষক্রীড়ায় আহ্বান করিল। এ ক্রীড়ায় নলেরও যথেষ্ট আসক্তি ছিল। কলির প্রভাবে হিতাহিতজ্ঞানশূন্য হইয়া নল পুঙ্করের সহিত পণ রাখিয়া পাশাক্রীড়ায় প্রবৃত্ত হইলেন।

কলির প্রভাবেই নল প্রত্যেকবারই হারিতে লাগিলেন। ক্রমে ক্রমে রাজ্য, ধন, যাহা কিছু ছিল সবই হারিলেন; রাজ্যে আর তাঁহার স্থান নাই। নিষধরাজ আজ পথের ভিখারী; বনবাস ভিন্ন আর উপায় নাই। সতী দময়ন্তী স্বামীর অনুবর্ত্তিনী হইলেন।

রাজদম্পতি রাজ্য ছাড়িয়া বনবাসী হইলেন। নল দময়ন্তীকে কহিতে লাগিলেন—“প্রিয়ে! আমিই তোমার সকল কষ্টের কারণ, আর কেনই বা তুমি স্বেচ্ছায় এ ক্লেশ স্বীকার করিলে?” সতী উত্তর করিলেন—“নাথ! স্ত্রী কি কেবল সুখের অংশভাগিনী, দুঃখের অংশভাগিনী নয়? আপনার সুখের অংশ আমি তুল্যরূপেই ভোগ করিয়াছি, দুঃখের অংশ কেন ভোগ করিব না? আপনি যেখানে থাকিবেন,



সেইখানেই আমার স্বর্গ। এ আমার স্বর্গবাস, আমি নিজের জন্ম বিন্দুমাত্র চিন্তিত নই ; আমার চিন্তা—আপনার কত ক্লেশ হইতেছে !”

এক বসনে রাজদম্পতি গৃহত্যাগ করিয়াছিলেন। কলির মায়ায় একদিন একটা সুবর্ণপক্ষ বিহঙ্গম ধরিতে গিয়া নল নিজের বসনখানি হারাইলেন। তখন দময়ন্তী নিজের বস্ত্রের অর্ধেক স্বামীকে দান করিলেন।

অযোধ্যারাজ ঋতুপর্ণ পাশাক্রীড়ায় অধিতীয় ছিলেন। নল মনে করিলেন যে, তাঁহার নিকট হইতে পাশাক্রীড়া শিক্ষা করিয়া পুঙ্করকে পরাজিত করিয়া স্বরাজ্য উদ্ধার করিবেন। কিন্তু এ হীনবেশে ছিন্নবসনে দময়ন্তীকে সঙ্গে লইয়া সেখানে গমন করা কিরূপে সম্ভব ? অগত্যা নল দময়ন্তীকে কহিলেন—“প্রিয়ে ! তুমি বনবাসে বড় কষ্ট পাইতেছ, কিছুদিনের জন্ম পিতৃগৃহে গমন কর, দেখি—যদি আমি কোনরূপে এ বিপদ হইতে উদ্ধার পাইতে পারি।” সতী উত্তর করিলেন—“নাথ ! তুমি বনবাসে ক্লেশ ভোগ করিবে, আর আমি তোমার পত্নী হইয়া পিতৃগৃহে সুখস্বাচ্ছন্দ্যে দিন কাটাইব ? প্রাণ থাকিতে আমি তোমাকে ছাড়িয়া যাইব না।” নল যখন দেখিলেন, দময়ন্তী তাঁহাকে কিছুতেই ত্যাগ করিবেন না, তখন একদিন রাত্তিকালে নিদ্রিত দময়ন্তীর ভার একমাত্র ভগবানের উপর দিয়া, অশ্রদ্ধলে ভাসিতে ভাসিতে তিনি সেই বন ত্যাগ করিলেন। সতী দময়ন্তী কিছুই জানিতে পারিলেন না।

নিদ্রাভঙ্গে সতী দেখিলেন, স্বামী তাঁহার পাশে নাই। তিনি উন্মাদিনীর মত নানা স্থানে সন্ধান করিতে লাগিলেন, কিন্তু নলের সহিত সাক্ষাৎ হইল না। পতির এই ব্যবহারে সতীর বিন্দুমাত্র বিরক্তির ভাব আসিল না। ভাবিলেন, “আমারই দোষ, কেন আমি নিদ্রা গিয়াছিলাম ?” পতির অদর্শনে সতী উন্মাদিনী হইলেন।

এইরূপ অবস্থায় দময়ন্তী একদিন এক অজগর সর্পের মুখে পতিত হইলেন। প্রাণভয়ে দময়ন্তী দৌড়াইতে লাগিলেন। সর্প তাঁহাকে ধরিবার উপক্রম করিয়াছিল, এমন সময়ে মুহূর্তমধ্যে একটা তীর আসিয়া সর্পকে বিদ্ধ করিল। সর্প গতাস্থ হইয়া ভূতলে লুটাইয়া পড়িল। দময়ন্তী দেখিলেন, এক ব্যাধ তাঁহার প্রাণদাতা। তিনি

## ভারতের নারী

জীবনদাতার প্রতি যথেষ্ট কৃতজ্ঞতা প্রকাশ করিলেন। কিন্তু শীঘ্রই বুঝিলেন যে, জীবনদান করাই ব্যাধের উদ্দেশ্য নয়, পাপাভিলাষ পূর্ণ করাই তাহার উদ্দেশ্য। সতী তাহাকে ধিক্কার দিয়া স্থান ত্যাগ করিলেন।

উন্মাদিনীর গায় ছিন্নবসনে কর্দমাক্তশরীরে ভ্রমণ করিতে করিতে দময়ন্তী ক্রমে চেদীরাজ্যের ভিতর আসিয়া পড়িলেন। একদিন চেদীনগরের রাজপথে ভ্রমণ করিতে করিতে রাজপ্রাসাদের নিকটবর্তী হইলে রাজমাতা তাঁহাকে দেখিতে পাইয়া দাসীদ্বারা তাঁহাকে ডাকাইয়া পাঠাইলেন ও তাঁহার পরিচয় পাইয়া সন্নেহে তাঁহাকে আশ্রয় দিলেন। পরে রাজমাতা নলের সন্ধান করিতে লাগিলেন।

এদিকে নল দময়ন্তীকে পরিত্যাগ করিয়া কিয়দূরে আসিয়া দেখেন, দাবানলে এক প্রকাণ্ড সর্প দগ্ধপ্রায় হইয়াছে। স্বভাবকরণ নল নিজের বিপদ তুচ্ছ করিয়া অগ্নিমধ্যে প্রবেশপূর্বক সর্পকে উদ্ধার করিলেন। কিন্তু হিংস্র সর্প তাহার নিজের স্বভাব ত্যাগ করিতে পারিল না; সে নলকে দংশন করিল। তাহার বিষে নলের সর্বশরীর বিবর্ণ ও মুখমণ্ডল ব্রণদ্বারা বিকৃত হইয়া গেল। এরূপ বিকৃতি ছদ্মবেশের উপযুক্ত হইল।

নল অশ্ববিজ্ঞায় স্থপণ্ডিত ছিলেন। অযোধ্যায় উপস্থিত হইয়া ঋতুপর্ণের নিকটে সারথ্য স্বীকার করিলেন। তখন তাঁহার নাম হইল বাহুক। ঋতুপর্ণ নলের প্রতি পরম পরিতুষ্ট হইলেন।

এদিকে কন্যা ও জামাতার বনগমন-সংবাদে বিদর্ভরাজ নিতান্ত ব্যাকুল হইয়া তাঁহাদিগকে গৃহে আনিবার জন্ত সকল দিকে দূত প্রেরণ করিলেন। নানা বনে নানা দেশে অন্বেষণ করিয়া দূতগণ চেদীরাজ্যে উপস্থিত হইল। সেখানে দময়ন্তীর সন্ধান পাইয়া তাঁহাকে সম্মানে বিদর্ভরাজ্যে লইয়া গেল।

পিতৃগৃহে স্থৈশ্বৰ্য্যের মধ্যে দময়ন্তী আরও অস্বস্তি বোধ করিতে লাগিলেন। সর্বকণ্ঠই পতির চিন্তায় মগ্না; সর্বকণ্ঠই পতির জন্ত তাঁহার অশ্রুবিসর্জন। বিদর্ভরাজ তখন জামাতার অন্বেষণে পুনরায় চারিদিকে দূত প্রেরণ করিলেন।

এক দূত আসিয়া দময়ন্তীকে ঋতুপর্ণের সারথির কথা বলিল। তাঁহার গুণের পরিচয়, দময়ন্তীর প্রতি তাঁহার অনুরাগ, ইত্যাদিতে দময়ন্তী তাঁহাকে নল বলিয়া মনে

করিলেন, কিন্তু তাঁহার রূপের বর্ণনায় তিনি একটু সঙ্কিহান হইলেন। যাহা হউক তাঁহাকে দেখিবার জন্যই দময়ন্তী এক কৌশল অবলম্বন করিলেন।

ঋতুপর্ণের নিকট এক দূত প্রেরণ করিয়া দময়ন্তী জানাইলেন যে, নল নিকৃদিষ্ট, দময়ন্তীর দ্বিতীয় স্বয়ংবর উপস্থিত। ঋতুপর্ণ দময়ন্তীর রূপ-গুণের কথা ইতঃপূর্বে শুনিয়াছিলেন। এক্ষণে অতি সত্বর বিদর্ভে যাত্রা করিবার আয়োজন করিতে লাগিলেন। নল এই কথায় বিন্দুমাত্র আশ্বা স্থাপন করিতে পারিলেন না। তিনি ভাবিলেন ইহার মধ্যে নিশ্চয়ই কোন কৌশল আছে। যাহা হউক, নল ঋতুপর্ণের সারথি হইয়া বিদর্ভে আসিলেন।

দময়ন্তী গোপনে বাহককে ডাকাইয়া তাঁহার আচার-ব্যবহারে তাঁহাকে নল বলিয়া চিনিতে পারিলেন। পুনরায় উষ্ণ অশ্রুপূত দুইটি হৃদয় মিলিত হইল। এইরূপে নলের পরিচয় হইল; অতঃপর নল ও দময়ন্তী নিজেদের রাজ্যে গমন করিলেন।

নিষেধে পৌছিয়া নল পুঙ্করকে পাশাক্রীড়ায় আহ্বান করিলেন। নল ঋতুপর্ণের নিকটে পাশাক্রীড়ার সমস্ত কৌশল শিক্ষা করিয়াছিলেন। এক্ষণে পুঙ্করকে অনায়াসে পরাজিত করিয়া স্বরাজ্য উদ্ধার করিলেন অশেষ ক্লেশভোগের পরে পুনরায় তাঁহাদের সৌভাগ্যের উদয় হইল। সতীত্বজ্যোতিঃ কলি-মল ধ্বংস করিয়া পুণ্যপ্রভা বিকিরণ করিতে লাগিল।

## শকুন্তলা

কোন সময়ে বিশ্বামিত্র ঋষি মহাতপে নিমগ্ন হন। দেবতারা সেই তপস্তা-দর্শনে ভীত হইয়া মেনকা নামী অম্বরাকে তাঁহার তপস্তার বিষয় ঘটাইবার জন্য প্রেরণ করেন। মেনকা রূপমোহে বিশ্বামিত্রকে মুগ্ধ করেন। ফলে মেনকার গর্ভে তাঁহার ঔরসে এক কন্যা জন্মগ্রহণ করেন। মেনকা সন্তঃপ্রসূতা সেই কন্যাকে ত্যাগ করিয়া স্বর্গে চলিয়া গেলেন। দেবতারা নিশ্চিন্ত হইলেন।

## ভারতের মারী

বিশ্বামিত্রও কন্যাটিকে গ্রহণ করিলেন না। অসহায় কন্যাটিকে একটি শকুন্ত ( অর্থাৎ পক্ষী ) তাহার পক্ষদ্বারা আচ্ছাদিত করিয়া রক্ষা করিতে লাগিল। দৈবযোগে মহর্ষি কথ সেইস্থানে উপস্থিত হইয়া কন্যাটিকে সেই অবস্থায় দেখিতে পান। স্বভাব-করণ ঋষি শিশুটিকে নিজের আশ্রমে লইয়া আসিয়া নিজের কন্যার স্থায় লালন-পালন করিতে লাগিলেন এবং শকুন্ত ( পক্ষী ) পালন করিয়াছিল বলিয়া মেয়েটির নাম রাখিলেন শকুন্তলা।

মুনির আশ্রমে শকুন্তলা দিন দিন শশিকলার মত বাড়িতে লাগিলেন এবং সেখানে অনশূয়া ও প্রিয়ংবদা নামে দুইটি সহচরীর সহিত মনের আনন্দে দিন কাটাইতে লাগিলেন। তিনি আশ্রমের বৃক্ষমূলে জলসেচন করেন, তরুলতার বিবাহ দেন, আদর করিয়া তরুলতার কত নাম রাখেন। সখীরা তাঁহার সকল কাজে সহায়তা করে। ক্রমে ক্রমে শকুন্তলা যৌবনদশায় উপস্থিত হইলেন।

এই সময়ে একদিন মহারাজ দুঃস্বপ্ন মৃগয়া করিতে আসিয়া মহর্ষি কথের আশ্রমে উপনীত হন। কথ সে সময়ে প্রতিকূলদৈব-প্রশমনের নিমিত্ত তীর্থপর্যটনে বহির্গত হইয়াছিলেন। আশ্রমের ভার শকুন্তলার উপর ছিল। শকুন্তলাকে দেখিয়া রাজা মুগ্ধ হন এবং শকুন্তলাও দুঃস্বপ্ন-দর্শনে মুগ্ধা হইলেন। সখীদের মুখে রাজা শকুন্তলার জন্মবৃত্তান্ত অবগত হইয়া তাঁহাকে বিবাহযোগ্য মনে করিয়া গাঙ্ঘর্ষমতে বিবাহ করিলেন। বিবাহের সাক্ষ্যস্বরূপ একটি অঙ্গুরীয় শকুন্তলাকে দিয়া রাজা রাজধানীতে ফিরিয়া গেলেন। বলিয়া গেলেন যে, তিনি সত্বরই তাঁহাকে রাজধানীতে লইয়া যাইবেন।

একদিন শকুন্তলা কুটীরদ্বারে বসিয়া দুঃস্বপ্ন-চিন্তায় মগ্ন ছিলেন, এমন সময়ে দুর্ভাসা ঋষি আসিয়া আতিথ্য প্রার্থনা করিলেন। শকুন্তলা পতিচিন্তায় বাহুজ্ঞানশূন্যা, তিনি দুর্ভাসার কোন কথা শুনিতো পাইলেন না। দুর্ভাসা ক্রোধে তাঁহাকে অভিশাপ দিলেন—“তুই যাহার চিন্তায় মগ্না হইয়া অতিথির অবমাননা করিলি, আমি অভিশাপ দিতেছি যে, তুই স্মরণ করাইয়া দিলেও সে তোকে স্মরণ করিবে না।” শকুন্তলা কিছুই জানিতে পারিলেন না; সখী অনশূয়া নিকটে ছিল, সে কাঁদিতে কাঁদিতে ঋষির নিকটে ক্রমা ভিক্ষা করিতে লাগিল। বহু আরাধনায় ঋষির ক্রোধ একটু প্রশমিত





হইল। তিনি কহিলেন—“যদি কোন চিহ্ন দর্শাইতে পারে, তবে সে ইহাকে স্বরণ করিবে, অন্যথা নয়।” অননুয়া প্রিয়ম্বদাকে এ সংবাদ জানাইল। শকুন্তলাকে কেহ কিছু বলিল না।

কথ তীর্থে থাকিয়া দৈববাণী হইতে জানিলেন যে, দুয়ন্তের সহিত শকুন্তলার বিবাহ হইয়া গিয়াছে এবং শকুন্তলা গর্ভবতী। তিনি পূর্ব হইতেই শকুন্তলার উপযুক্ত পাত্রের সন্ধান করিতেছিলেন। এক্ষণে দুয়ন্তের সহিত শকুন্তলার বিবাহের সংবাদ শ্রবণ করিয়া তিনি অত্যন্ত আনন্দিত হইলেন। কেননা দুয়ন্ত অপেক্ষা অধিকতর উপযুক্ত পাত্র কেহ ছিলেন না। তিনি সত্বর আশ্রমে ফিরিয়া আসিলেন এবং শকুন্তলাকে পতিগৃহে পাঠাইবার জন্ত বন্দোবস্ত করিতে লাগিলেন।

স্তম্ভদিনে কথ দুই শিশু ও ভাগিনী গৌতমীকে সঙ্গে দিয়া শকুন্তলাকে রাজধানীতে পাঠাইলেন। শকুন্তলা কাঁদিতে কাঁদিতে পিতা ও অন্যান্য গুরুজন, সখীগণ ও আশ্রমের বৃক্ষ-লতা সকলের নিকট হইতে বিদায় গ্রহণ করিলেন। সখীগণ কাঁদিতে কাঁদিতে নিভূতে বলিয়া দিলেন, “রাজা অবিশ্বাস করিলে এই অনুরীয় তাঁহাকে দেখাইও।” তাঁহারা আশ্রম ত্যাগ করিলেন।

পথে শচীতীর্থে স্নান করিবার সময়ে শকুন্তলার সেই অনুরীয় স্থলিত হইয়া জলমগ্ন হইল। শকুন্তলা তাহা বুঝিতে পারিলেন না। অবশেষে সকলে রাজপ্রাসাদে উপস্থিত হইলেন।

দুর্ভাগ্যের শাপে শকুন্তলার সম্বন্ধে কোন কথাই দুয়ন্তের মনে ছিল না। সুতরাং তিনি কোনক্রমেই শকুন্তলাকে পত্নীরূপে স্বীকার করিয়া গ্রহণ করিতে সম্মত হইলেন না। শকুন্তলা লজ্জায় মৃতপ্রায় হইলেন।

শিশুদিগের সহিত রাজ্যের অনেক তর্কের পর শকুন্তলা নিজেই তাঁহার পত্নীত্ব প্রমাণ করিতে লাগিলেন, কিন্তু সকলই বিফল হইল। পরে অনুরীয়ের কথা তাঁহার মনে পড়িল; কিন্তু দেখাইতে গিয়া দেখিলেন অনুরীয় তাঁহার নিকটে নাই। শকুন্তলা নিরুপায় হইলেন। শিশুরা শকুন্তলাকে সেখানে রাখিয়া আশ্রমে ফিরিয়া গেলেন। শকুন্তলা একাকিনী কাঁদিতে লাগিলেন। মাতা মেনকা আকাশপথে আসিয়া তাঁহাকে লইয়া স্ন্যেক পর্বতে ভগবান্ কল্পপের নিকটে রাখিলেন। কল্পপ

## ভারতের নারী

ঠাহার রক্ষণাবেক্ষণ করিতে লাগিলেন । যথাকালে শকুন্তলা সেখানে একটি পুত্রসন্তান প্রসব করিলেন । পুত্রের নাম হইল ভরত ।

ইতোমধ্যে এক ধীবর শচীতীর্থে একটি রোহিত মৎস্য ধরিয়া বিক্রয়ার্থ ধণ্ড ধণ্ড করিয়া তাহার উদরমধ্যে একটি অঙ্গুরীয় পাইল । সে উহা বিক্রয় করিবার নিমিত্ত এক স্বর্ণকারের নিকট উপস্থিত হইলে, স্বর্ণকার উহা রাজনামাঙ্কিত দেখিয়া তাহাকে চোর বলিয়া সন্দেহ করিয়া নগরপালের হস্তে সমর্পণ করিল । নগরপাল চোরকে অঙ্গুরীয় সহিত রাজার নিকট উপস্থিত করিলে সেই অঙ্গুরীয় দর্শনমাত্রেই শকুন্তলার সম্বন্ধ সমস্ত কথা রাজার মনে পড়িল । তিনি শকুন্তলার প্রতি স্বকৃত দুর্ভাবহারের জন্য অত্যন্ত অনুতপ্ত হইলেন এবং কিরূপে শকুন্তলাকে পুনরায় লাভ করিবেন, সেই চিন্তায় দিবানিশি অস্থিরচিত্তে কাল কাটাইতে লাগিলেন ।

একদিন ইন্দ্র-সারণি মাতলি আসিয়া 'দানব-বিজয়ের জন্য ইন্দ্র আপনাকে আহ্বান করিয়াছেন' বলিয়া দুঃস্বপ্নকে স্বর্গে লইয়া গেলেন । স্বর্গ হইতে প্রত্যাবর্তনকালে মাতলি স্মরক পর্বতের নিকট উপস্থিত হইলে রাজা দুঃস্বপ্ন মহর্ষি কশ্যপের সহিত সাক্ষাৎ করিবার অভিপ্রায় জ্ঞাপন করিলেন । দুঃস্বপ্ন রথ হইতে অবতরণ করিয়া পদব্রজে মহর্ষির কুটীরের দিকে যাইতে লাগিলেন । পথিমধ্যে দেখিলেন, একটি বালক এক ভীষণ সিংহকে নির্যাতন করিতেছে । তিনি স্তম্ভিত হইলেন । বালক কাহারও কথা শুনিতেছে না । অবশেষে 'খেলনা দিব' এই কথায় সে শান্ত হইল ।

বালককে দর্শনাবধি দুঃস্বপ্নের মনে এক অনির্করণীয় বাৎসল্যভাবের সঞ্চার হইল । ঠাহার মনে হইতে লাগিল যে, শিশুটি ঠাহার পুত্র, তাহাকে কোড়ে লইবার জন্য তিনি ব্যগ্র হইলেন ; একটি মাটির ময়ূর আনিয়া বালককে দেওয়া হইল । "দেখ, কেমন শকুন্ত-লাবণ্য দেখ"—এই কথা শুনিয়া বালকটি বলিয়া উঠিল—"কৈ মা কৈ ?" রাজা বিস্ময়াঙ্কিত হইলেন । এ কি শকুন্তলার পুত্র ! ঘৃণিতা, অপমানিতা, বিতাড়িতা, নিজেই পরিণীতা পত্নী শকুন্তলার পুত্র ! রাজা অস্থির হইলেন । কিছু পরেই শকুন্তলা সেখানে আসিয়া উপস্থিত হইলেন—দীনা, হানা, মলিনা, ব্রহ্মচারিণী । উভয়েই



## দ্রৌপদী

উভয়কে চিন্তিত্তে পারিলেন । উভয়ের চক্ষুজলেই যেন সমস্ত অপরাধ ধৌত হইয়া গেল । রাজা ক্ষমা প্রার্থনা করিলেন ।

মহর্ষির আশীর্বাদ পাঠিয়া, পত্নী-পুত্র সঙ্গে লইয়া দুয়ন্ত রাজধানীতে ফিরিয়া আসিলেন । যথাকালে ভরতকে যৌবরাজ্যে অভিষেক্ত করিয়া দুয়ন্ত সস্ত্রীক বানপ্রস্থ অবলম্বন কবিলেন । সম্ভবতঃ শকুন্তলার পুত্র ভরত হইতেই আমাদের দেশের নাম হইয়াছে 'ভারতবর্ষ' ।

## দ্রৌপদী

[ দ্রৌপদী—ক্রপদ রাজার কন্যা । এই নাম তিন ভাঁহার আরও কয়েকটি নাম আছে—কৃষ্ণা, ষাজসেনা, পাঞ্চালী ইত্যাদি । ষাপরযুগে আবির্ভাবের পূর্বেও দ্রৌপদীর আর তিন জন্ম অতিবাহিত হইয়াছিল । কিন্তু যে যুগে ভারতের ধর্ম, সাহিত্য, রাজনীতি প্রভৃতির সর্বোচ্চ উন্নতির কথা লিপিবদ্ধ আছে, সেট যুগেই লোকশিক্ষা, সমাজশিক্ষা, ধর্মপালন প্রভৃতির সম্যক পরিষ্করণের নিমিত্তই পাণ্ডবকুলে দ্রৌপদীর আগমন হইয়াছিল । বীরত্ব, তেজস্বিতা, অহঙ্কারশূন্যতা, দয়াদাক্ষিণ্য, সেবাশুশ্রূষা প্রভৃতি সকল গুণই একাধারে দ্রৌপদীতে বর্তমান ছিল । অর্জুন যেমন আদর্শ পুরুষ, দ্রৌপদীও সেইরূপ আদর্শ রমণী । রাজকার্যা-পরিচালনায়, যুদ্ধে মন্ত্রণাদানে এবং গৃহকর্মে দ্রৌপদীর সমকক্ষ কেহ ছিল না । সংসারের কর্তব্য, রাজমহিষীর কর্তব্য, অতিথি অভ্যাগত প্রভৃতির পালনত্রত দ্রৌপদীর আধ্যাত্মিক হইতে শিক্ষণীয় । দ্রৌপদীর জীবন আলোচনা করা এই পুস্তকে অসম্ভব । তাঁহার চরিত্র ভারতের ইতিহাসের এক প্রধান চরিত্র । শ্রীকৃষ্ণ বেক্রপ ষাপরযুগের যুগনায়ক কৃষ্ণাদ্রৌপদীও সেইরূপ সেই যুগের প্রধান যুগনায়িকা । পাণ্ডাসক্ত কত্রিয়কুল নির্মূল করিবার নিমিত্তই যজ্ঞ হইতে তাঁহার আবির্ভাব হইয়াছিল । নিরপেক্ষ আলোচনা হইতে সম্যক বুঝিতে পারা যাইবে যে, ষাপরযুগের পূর্ণত্ব সংঘটন করিবার নিমিত্তই দ্রৌপদীর আবির্ভাব হইয়াছিল ।

কেহ কেহ তাঁহার পঞ্চাশতী প্রভৃতির সম্বন্ধে কটাক্ষপাত করিয়া থাকেন । দ্রৌপদীর জন্মবৃত্তান্ত ও চরিত্র-মাহাত্ম্য হৃদয়ঙ্গম করিলে সহজেই এই ভ্রম দূর হইতে পারে । দৈবকৃত বলিয়া যাহা উপহাস করা হয়, তাহা প্রকৃতপ্রস্তাবে জগৎসংরক্ষণের হেতু মাত্র । বিকৃতমস্তিষ্ক, শিম্বোদরপরায়ণ বলিয়াই অনেকে জগৎ-পালয়িত্রীর সমগ্র-রূপ পরিপূর্ণরূপে ধারণা করিতে পারে না । ]

তিন জন্ম পূর্বে দ্রৌপদী দক্ষের এক কন্যারূপে স্বামিলাভের জন্য হিমালয়ে

## ভারতের নারী

উপশ্রুত করিবার সময় গো-মাতার বিরক্তিসূচক কাজ করিয়াছিলেন। সেইজন্য গো-মাতা ইহাকে তিন জনে কুমারীত্ব ঘৃণিতবে না এবং চতুর্থ জনে পাঁচজন স্বামী হইবে বলিয়া অভিসম্পাত করেন। কিছুদিন পরে ধর্ম, বায়ু, ইন্দ্র ও অশ্বিনীকুমারদ্বয় আসিয়া ইহার পাণিপ্রার্থনা করেন। দেবগণের এই ব্যবহারে ইনি শিব ও বিষ্ণুর নিকট ইহার প্রতিকার প্রার্থনা করায় বিষ্ণু দেবগণকে এই বলিয়া শাপ দিলেন—“তোমরা দেবতা হইয়াও যেমন নরকন্তা আকাজক্ষা করিয়াছ, তেমনি তোমরা নররূপে জন্মগ্রহণ করিয়া ঐ কন্তাকে একদিন লাভ করিবে। আমিও নরলোকে ধর্ম-সংস্থাপনের জন্য ও অধর্মের বিনাশের জন্য সেই সময় ধরাধামে অবতীর্ণ হইব।”

প্রথম জনে পাছে বহুপতি-লাভ ঘটে, এজন্য ঐ কন্তা গঙ্গার জলে অকালে দেহত্যাগ করেন। দ্বিতীয় জনে ইনি এক ব্রাহ্মণের ঘরে জন্মগ্রহণ করিয়া সংস্বামি-লাভের জন্য প্রত্যহ শিবপূজা করিয়া পাঁচ বার ‘পতিং দেহৌ’ বলিয়া বর চাহিতেন। পূজায় সন্তুষ্ট হইয়া শিব একদিন বলিলেন—“তথাস্তু” অর্থাৎ তোমার পঞ্চস্বামী হইবে। এবারও তাঁহার পঞ্চপতি হইবে এই আশঙ্কায় গঙ্গার শরণ লইলেন।

তৃতীয় বার তিনি কাশীর রাজকুমারী হইয়া হিমালয়ে সংস্বামি-লাভের জন্য শিবপূজায় নিরতা হন এবং ইন্দ্র, ধর্ম, বায়ু ও অশ্বিনীকুমারদ্বয়ের নয়নপথে পতিত হন। এবার দেবতারা ইহাকে বলিলেন—“আমাদের কাহাকেও তুমি পতিরূপে বরণ কর।” কিন্তু সকলের আকার-প্রকার একই রকম হওয়ায় কাহাকে অপমান করিয়া কাহাকে সম্মানিত করিবেন, যখন ভাবিয়া পাইতেছেন না, তখন সকলেই বলিয়া উঠিলেন—“আমরা সকলেই তোমার স্বামী হইব।” এবারেও তিনি গঙ্গার আশ্রয় লইলেন।

বাহা হউক চতুর্থ জনে প্রাক্তন ফল এড়াইতে না পারিয়া পাঞ্চাল দেশের রাজা ক্ষপদের যজ্ঞ হইতে পূর্ণযৌবনা কৃষ্ণার উদয় হইল। পরে হস্তিনার রাজপরিবারের পঞ্চপাত্তব ইহার স্বামী হইলেন।

দ্বাপরযুগে হস্তিনাপুরে বিচিত্রবীর্ষ্য নামে চন্দ্রবংশীয় এক রাজা ছিলেন। তাঁহার দুই পুত্র—ধৃতরাষ্ট্র ও পাণ্ডু। ধৃতরাষ্ট্র অন্ধ ছিলেন বলিয়া কনিষ্ঠ পাণ্ডু রাজ্য শাসন করিতেন। কালে অন্ধরাজের ঔরসে, গান্ধারীর গর্ভে দুর্যোধন,

## দ্রৌপদী

দুঃশাসন প্রভৃতি শতপুত্রের জন্ম হয়। ইহারা কোরব নামে খ্যাত। পাণ্ডুমহিষী কুন্তীর গর্ভে যুধিষ্ঠির, ভীম, অর্জুন এবং মাদ্রীর গর্ভে নকুল ও সহদেবের জন্ম হয়, ইহাদের নাম হইল পাণ্ডব। কিছুদিন পরে পাণ্ডুর মৃত্যু হইল। যুধিষ্ঠির স্নায়ধর্ম্মানুযায়ী রাজা হইবেন—স্থির হইলে, কোরবেরা ছলে ও কৌশলে ইহাদের পাচ ভাই ও মাতা কুন্তীকে বারণাবত নামক স্থানে পাঠাইয়া দেন এবং সেখানে যে গৃহে ইহারা বাস করিতেন তাহা দগ্ধ করিয়া ইহাদিগকে পোড়াইয়া মরিবার ব্যবস্থা করেন। ইহারা কৌশলে সেই গৃহদাহ হইতে রক্ষা পাইয়া ব্রাহ্মণ ভিক্ষকের বেশ ধারণ করিয়া বনে বনে ভ্রমণ করিতে থাকেন। এই সময়ে ইহারা সংবাদ পান ক্রপদকন্য়ার বিবাহে সমস্ত ক্ষত্রিয় রাজাকে নিমন্ত্রণ করা হইয়াছে। ইহারাও ক্রপদরাজার সভায় ব্রাহ্মণের বেশে উপস্থিত হন।

এদিকে ক্রপদরাজ সর্বগুণসম্পন্ন কন্য়ার উপযুক্ত পাত্র মনোনীত করিতে না পারিয়া এক স্বয়ংবর-সভা আহ্বান করিলেন। তখন তিনি রাধাচক্র নামে একটি চক্রযন্ত্র নির্মাণ করিয়া খুব উচ্চ স্থাপন করিলেন এবং ঐ যন্ত্রটির ঠিক মধ্যস্থলে এক ক্ষুদ্র ছিদ্র করিয়া উহার উপরে একটি স্বর্ণমৎস্য স্থাপন করিলেন। উপর দিকে দৃষ্টিপাত করিলে কেহই ঐ ঘূর্ণায়মান রাধাচক্রের ছিদ্র দিয়া ঐ মৎস্যের সন্ধান পায় না। তাই উহার প্রতিবিম্ব প্রতিফলিত করিবার জন্য নিম্নে একটি স্বচ্ছ জলের চৌবাচ্চা করাইলেন, এবং ঘোষণা করিলেন যে, জলের ভিতর প্রতিবিম্ব দেখিয়া যে ক্ষত্রিয়-কুমার ঐ রাধাচক্রের উপরিস্থিত মৎস্যের চক্ষু বাণ-বিদ্ধ করিতে পারিবেন, তিনিই দ্রৌপদীকে পত্নীরূপে লাভ করিবেন।

বিভিন্ন দেশ হইতে ক্ষত্রিয় রাজন্তবর্গ দ্রৌপদীকে পত্নীরূপে পাইবার নিমিত্ত ক্রপদরাজার সভায় আগমন করিলেন; কিন্তু লক্ষ্য বিদ্ধ করিতে চেষ্টা করিয়া একে একে সকলেই ব্যর্থকাম হইয়া লজ্জায় ও অপমানে অধোবদনে অবস্থান করিতে লাগিলেন। তখন ঘোষণা করা হইল—“ক্ষত্রিয় রাজাই হউক কিংবা ব্রাহ্মণাদি অন্য কোন জাতীয়ই হউক, যে-কেহ ঐ লক্ষ্য বিদ্ধ করিবেন, তিনিই দ্রৌপদীকে লাভ করিবেন।” অর্জুন এই ঘোষণা শ্রবণ করিয়া সেই বৃহৎ ধনুতে শর যোজনা করিয়া

## ভারতের মারী

লক্ষ্য বিদ্ধ করিলেন এবং দ্রৌপদীকে লাভ করিলেন। ইহাতে সমস্ত ক্ষত্রিয় রাজা ক্রুদ্ধ হইয়া অর্জুনের সহিত যুদ্ধে ব্রতী হইলেন; কিন্তু সকলেই তাঁহার নিকট পরাজয় স্বীকার করিতে বাধ্য হইলেন।

শ্বয়ংবর-সভা হইতে গৃহে ফিরিয়া আসিয়া যখন অর্জুন মাতাকে জানাইলেন— ‘আজ ভিক্ষায় একটা নূতন রত্ন পাইয়াছি,’ তখন কুন্তীদেবী গৃহকাৰ্য্যে ব্যস্ত থাকায় সে রত্ন না দেখিয়াই বলিলেন—“যাহা পাইয়াছ তাহা তোমরা পাঁচ জনে ভাগ করিয়া লও।” তখন সমস্তা গুরুতর হইল। দ্রৌপদী ভাবিয়া অকুল হইলেন। মাতা কুন্তী যখন জানিলেন, অর্জুন দ্রৌপদীর প্রকৃত স্বামী এবং সতীত্বধর্ম-বিরোধী আত্মা তিনিই দিয়া বসিয়াছেন, তখন তিনি অমৃত্যুতাপ করিতে লাগিলেন এবং যাহাতে সত্য রক্ষা হয় সে বিচারের ভার জ্যেষ্ঠপুত্র যুধিষ্ঠিরকে দিলেন সমস্ত ঋষি ও গুরুজনদের সহিত শাস্ত্রালোচনা করিয়া পঞ্চভ্রাতা দ্রৌপদীকে বিবাহ করিবেন স্থির করিলেন। অগত্যা দ্রৌপদীও ভগবান্কে স্মরণ করিয়া পঞ্চ ভ্রাতাকে পরিত্যে বরণ করিলেন।

সেইদিন যুধিষ্ঠির ব্যতীত অপর চারি ভ্রাতা ভিক্ষায় বাহির হইয়া যাহা পাইলেন, যুধিষ্ঠির তাহা কুন্তীদেবীর আদেশে দেবতা, ব্রাহ্মণ, মাতা, স্ত্রী ও পাঁচ ভাইয়ের মধ্যে ভাগ করিয়া দিলেন। বিবাহের প্রথম দিনই রাজকন্যা ভিক্ষায় ভোজন করিতে কুণ্ঠিত হইলেন না এবং রাত্রিকালে কুশলঘায় শয়নেও ক্লেশ বোধ করিলেন না।

ক্রপদরাজ এ সংবাদ শুনিলেন এবং জানিতে পারিলেন যে, অর্জুন লক্ষ্যভেদ করিয়াছেন। তখন তিনি দেশের রাজগণকে নিমন্ত্রণ করিয়া পঞ্চ পাণ্ডবের হস্তে মহাসমারোহে দ্রৌপদীকে সমর্পণ করিলেন। এই সময়ে দ্বারকাধিপতি ভগবান্ শ্রীকৃষ্ণ ও তদীয় অগ্রজ বলদেব সেখানে উপস্থিত থাকিয়া এ বিবাহ সমর্থন করিলেন।

দুর্যোধন হস্তিনাপুরে ফিরিয়া শ্বয়ংবর-সভার সংবাদ পিতা ধৃতরাষ্ট্রকে জানাইলেন। অন্ধরাজ ধৃতরাষ্ট্র, ভীষ্ম, দ্রোণ, বিদুর প্রভৃতি বিচক্ষণ ও ধার্মিক উপদেষ্টা ও আত্মীয়-স্বজন এবং সভাসদগণের কথামত পাণ্ডবগণকে হস্তিনাপুরে আনাইয়া অর্ধ রাজ্য প্রদান করিলেন। অতঃপর ইহাদের রাজধানী হইল ইন্দ্রপ্রস্থ। যুধিষ্ঠিরের মত ধর্মরাজকে পাইয়া ইন্দ্রপ্রস্থে ধনী, দরভ্র, ব্রাহ্মণ, ক্ষত্রিয়, সকল শ্রেণীর লোকের একত্র সমাবেশ

## জৌপদী

হইল। গৌরবে, শ্রীম্পদে, সুরমা হর্ষে, ইন্দ্রগ্রহ সকল রাজধানীকে পরাজিত করিল। পাণ্ডবগণ আনন্দে রাজ্যশাসন ও প্রজাপালন করিতে লাগিলেন।

কিছুদিন অতিবাহিত হইলে একদিন দেবর্ষি নারদ আসিয়া পাণ্ডবদিগকে বলিলেন—“পাঁচ ভাইয়ের যখন একই স্ত্রী, তখন পাছে এই স্ত্রী লইয়া ভ্রাতৃবিরোধ হয়, এইজন্য তোমরা এক এক জন এক বৎসর করিয়া জৌপদীকে গৃহে রাখিবে। যদি কোন ভাই অপর ভাইয়ের আশ্রয়কালীন জৌপদীর নিকট উপস্থিত হয় তাহা হইলে তাহাকে দ্বাদশবর্ষ বনবাস যাইতে হইবে।”

একদিন যখন যুধিষ্ঠির ও জৌপদী অস্ত্রাগারে ছিলেন, সেই সময় এক ব্রাহ্মণকে শক্রহস্ত হইতে রক্ষা করিবার জন্য অস্ত্র আনিতে অর্জুনকে বাধ্য হইয়া অস্ত্রাগারে প্রবেশ করিতে হয় এবং দ্বাদশবর্ষ বনবাসে যাইতে হয়। সেই বনবাস সময়ে অর্জুন দেবকার্যে স্বর্গ-মর্ত্য-পাতাল সর্বত্র ভ্রমণ করিতে বাধ্য হন। সেই সময়ে তিনি নাগকন্যা উলুপী, মণিপুরের রাজকন্যা চিত্রাঙ্গদা ও শ্রীকৃষ্ণের ভগিনী সুভদ্রার পাণিগ্রহণ করেন। পরে তাঁহার বনবাস-সময় উত্তীর্ণ হইলে তিনি সুভদ্রাকে গৃহে আনিলেন।

নববিবাহিতা স্ত্রী সুভদ্রাকে লইয়া গৃহে আসিয়া প্রথমে তিনি মাতৃদেবীর চরণ বন্দনা করিলেন এবং একে একে সকলের আশীর্বাদ গ্রহণ করিলেন। পরে জৌপদীর নিকট গিয়া সুভদ্রাকে উপহার দিলেন। জৌপদী স্বামীর পর পর কয়েকটি বিবাহবার্তা শুনিয়া একটু অভিমান করিয়াছিলেন বটে, কিন্তু স্বামী আসিয়া যখন কৃষ্ণভগিনী সুভদ্রাকে উপহার দিলেন এবং সুভদ্রা যখন বলিলেন—“দিদি, আমি তোমার দাসী” তখন জৌপদীর সপত্নী-হঃখ, কোথায় উড়িয়া গেল। স্বয়ংবর-জয়ী বীরশ্রেষ্ঠ স্বামীর নূতন বিজয়গৌরব সুভদ্রা, এই কথা যখন তাঁহার মনে হইল, তখন তিনি সুভদ্রাকে বুকের ভিতর জড়াইয়া ধরিয়া বলিলেন—“বোন, আমি আশীর্বাদ করি তুমি চির স্বামী-সোহাগিনী হও।”

কিছুকাল পরে সুভদ্রার এক পুত্র হইল, তাহার নাম রাখা হইল অভিমন্যু। পঞ্চপাণ্ডবের ঔরসে জৌপদীরও পর পর পাঁচটি পুত্র হইল। যুধিষ্ঠির ইন্দ্রগ্রহে রাজস্বয় যজ্ঞ আরম্ভ করিলেন। যজ্ঞসভা অসাধারণ কারুকার্যময় হইল। যজ্ঞের শ্রীকৃষ্ণ স্বয়ং যজ্ঞে উপস্থিত হইলেন, সঙ্গে বলদেবও আসিলেন। অগ্ন্যস্ত রাজারাও আসিয়াছিলেন এবং

## ভারতের নারী

হস্তিনাপুরের বর্তমান রাজা কৌরবদের ষোষ্ঠ ভ্রাতা দুৰ্য্যোধন এবং তাঁহাদের মাতুল শকুনি আসিয়া পাণ্ডবদের ঐশ্বর্য দেখিয়া বিমোহিত হইয়া হিংসায় জ্বলিতে লাগিলেন ।

ক্রমতি দুৰ্য্যোধন প্রভৃতি হস্তিনার ফিরিয়া পাণ্ডবদের ধ্বংসের ষড়যন্ত্র করিতে লাগিলেন । সঙ্গে সঙ্গে পথও আবিষ্কৃত হইল । মাতুল শকুনি পাশাখেলায় অদ্বিতীয় ছিলেন । তিনি পরামর্শ দিলেন—কপট পাশাখেলায় পাণ্ডবদিগকে হারাইয়া উহাদের রাজ্য হরণ ও অপমান না করিতে পারিলে, যুদ্ধে উহাদিগকে পরাজিত করা যাইবে না । সেকালে ক্ষত্রিয় রাজাদের নিয়ম ছিল—যুদ্ধ বা পাশাখেলায় আহ্বান করিলে ইচ্ছা না থাকিলেও তাহাতে যোগদান করিতে হইবে । কৌরবগণ যুধিষ্ঠিরকে পাশাখেলায় আহ্বান করিলেন এবং বার বার হারাইয়া দিতে লাগিলেন । যুধিষ্ঠির রাজ্য ও নিজের সহিত পাঁচ ভাইকে পণ রাখিয়া হারিয়া গেলেন । শেষে শক্রপক্ষের প্ররোচনায় দ্রৌপদীকে পণ রাখিলেন এবং এবারেও হারিয়া গেলেন ।

কৌরবেরা দ্রৌপদীকে কৌরবসভায় আনিবার জন্ত লোক পাঠাইলে তিনি সভায় আসিতে অস্বীকার করিলেন এবং দূতকে বলিয়া পাঠাইলেন “জানিয়া আইস, ধর্ম্মরাজ আগে আমায় পণ রাখিয়া হারিয়াছেন, না নিজে হারিয়া আমায় পণ রাখিয়াছেন ?” এ কথা জবাবে বিদূর, ভীষ্ম প্রভৃতি সভাস্থ বিজ্ঞ ব্যক্তিগণ দ্রৌপদীর বুদ্ধিমত্তার প্রশংসা করিয়া দুৰ্য্যোধনকে জানাইলেন যে, দ্রৌপদীকে পণ রাখিবার অধিকার ধর্ম্মরাজের নাই, কারণ ধর্ম্মরাজ আগেই পরাজিত হইরাছিলেন । কিন্তু “চোরা না শুনে ধর্ম্মের কাহিনী ।” দুৰ্য্যোধন দ্রৌপদীকে আনিবার জন্ত দুঃশাসনকে পাঠাইলেন । দ্রৌপদী এবারও আপত্তি করায় দুঃশাসন দ্রৌপদীর কেশ আকর্ষণ করিতে করিতে সভায় লইয়া আসিলেন । দ্রৌপদী ইহাতে ধৈর্য্যচ্যুতা না হইয়া সভাস্থ সকলকেই বিনয়ে জানাইলেন—“ধর্ম্মরাজ পূর্বে হারিয়া পরে আমাকে পণ রাখিয়াছেন, অতএব আমাকে অপমান করিবার অধিকার কৌরবদের নাই । পরন্তু, তাহারা আমাকে এইরূপভাবে অপমান করিতে যখন বদ্ধপরিকর, তখন কি বুঝিতে হইবে ধর্ম্ম একেবারেই ভারতবর্ষ হইতে লুপ্ত হইয়াছে ? কৌরবগণই ত ধর্ম্ম-রাজকে পাশাখেলায় জোর করিয়া আবদ্ধ করিয়াছে এবং শকুনি চাতুরী অবলম্বন করিয়া তাঁহাকে হারাইয়াছে ; বুঝিলাম না—ধর্ম্মরাজ কি হিসাবে হারিলেন ?” ইহাতেও

## দ্রৌপদী

যখন তাঁহার কথায় কেহ সহজতর দিল না, অধিকন্তু কৌরবেরা ‘দাসী’ বলিয়া কেবলই তাঁহাকে সম্বোধন করিতে লাগিলেন, তখন তিনি স্বামিগণের তেজ উদ্দীপিত করিবার চেষ্টা করিলেন। কিন্তু তাঁহারা কেহই স্বাধীন নহেন—সকলকেই যুধিষ্ঠির পণে হারাইয়াছেন।

দ্রৌপদীর লাঞ্ছনায় ভীম আর স্থির থাকিতে পারিলেন না। তিনি ভীমগর্জনে ধর্মরাজকে সম্বোধন করিয়া বলিলেন—“জুয়াড়ীরা দাসদাসীকে কখনও পণ রাখিতে পারে না। আপনি সমস্ত রাজ্য, দাসদাসী ও আমাদিগকে হারাইয়াছেন। আপনি নিজেকে হারাইয়া পরে দ্রৌপদীকে পণ রাখিয়াছেন, অতএব দ্রৌপদীকে অপমান করিতে আমি দিব না।”

পাছে ভীম ক্রোধের বশে ধর্মরাজকে আরও রুঢ় কথা বলেন, এজন্য অর্জুন তাড়াতাড়ি ভীমের পায়ে ধরিয়া তাঁহাকে নানারূপ যুক্তি দেখাইয়া নিরস্ত করিলেন। ইহাতে কৌরবদের আর প্রতিবন্ধক রহিল না দেখিয়া, দুঃশাসন দ্রৌপদীকে বিবস্ত্রা করিবার জন্য সকলের সমক্ষে কাপড় ধরিয়া টানিতে লাগিলেন।

তখন দ্রৌপদী নিরুপায় হইয়া সভাস্থ গুরুজন ও স্বামীদিগকে সম্বোধন করিয়া বলিতে লাগিলেন—“আজ গুরুজন ও সভ্যদের সমক্ষে পিশাচেরা স্ত্রীজাতির সর্বস্ব লঙ্ঘন নষ্ট করিতে উচ্চত! সভাস্থ ব্রাহ্মণ, ক্ষত্রিয় কেহই ইহার প্রতিবাদ করিতেছেন না। বুঝিলাম, এতদিনে ভারতের সর্বধর্ম বিনষ্ট হইতে চলিল। স্বামিগণ অতুলনীয় বীর হইয়াও ধর্মবন্ধনে আবদ্ধ বলিয়া আজ তাঁহারা স্ত্রীর অপমানের প্রতিশোধ লইতে পারিতেছেন না। কিন্তু জানিও যতদিন চন্দ্র-সূর্য থাকিবে, ততদিন ভগবান্ নিজে আসিয়া সভ্যদের রক্ষা করিবেন এবং দুষ্কৃতেরা তাঁহার হাত হইতে পরিষ্কার পাইবে না।”

দুঃশাসন ছাড়িবার পাত্র নহেন। দ্রৌপদীর ধর্মকথায় কর্ণপাত না করিয়া কাপড় ধরিয়া টানিতে লাগিলেন। দ্রৌপদী বস্ত্রধারণে অপারগ হইয়া করবোধে কায়মনো-বাক্যে ভগবান্কে ডাকিতে লাগিলেন, দুঃশাসন আর কোন বাধা না পাইয়া সঙ্গেসঙ্গে কাপড় টানিতে লাগিলেন। কিন্তু কি আশ্চর্য! যতই কাপড় টানেন, ততই নানাবর্ণের রাশি রাশি কাপড় দ্রৌপদীর গাত্র হইতে বাহির হয়। রাজসভাস্থল

## ভারতের নারী

কাপড়ে ভরিয়া গেল, কিন্তু জ্যোপদী বিবজ্জা হইলেন না। ভীম বৈধ, হারাইয়া আবার উঠিয়া ছুশাসনকে বলিলেন—“পাষণ্ড ! তোর ইহাতেও জ্ঞান হইতেছে না ? তোদের সকলকে যেষপালের মত মনে করিয়া এষাবৎ ক্ষমা করিয়া আসিতেছি, কিন্তু আর ক্ষমা করিব না ; তোর বক্ষ নখের আঘাতে বিদৌর্গ করিয়া জীবন্ত হৃৎপিণ্ড বাহির করিয়া রক্তপান যদি না করি, এবং সেই রক্তে কৃষ্ণার বেণী বন্ধন না করিয়া দিই, তাহা হইলে ঘেন আমার সদগতি না হয়।”

সত্যাহ সকলেই ভয়বিহ্বল হতভম্ব ! দুর্ঘোষন এই সময়ে জ্যোপদীকে ইঙ্গিত করিয়া উরুতে বসিতে বলিলেন। তখন ভীম ভ্রাতাদের অমুরোধ উপেক্ষা করিয়া বলিলেন—“যে উরুতে ঐ পাপিষ্ঠ জ্যোপদীকে বসাইবার বাসনা করিতেছে, অচিরেই সেই উরু ভঙ্গ করিব তবেই আমার ভীম নাম সার্থক হইবে। উহাদের মারিবার জন্যই আমি ইহাদের প্রদত্ত বিষ খাইয়া বা জতুগৃহে দগ্ধ হইয়া মরি নাই।”

যখন ব্যাপার ক্রমেই জটিল হইতেছে ও চারিদিকে অমঙ্গলধ্বনি উঠিতেছে, তখন সকলের জ্ঞান হইতে লাগিল। গান্ধারী এসব সংবাদে ব্যথিত হইয়া অন্তঃপুর হইতে ছুটিয়া আসিয়া জ্যোপদীকে কোলে লইয়া গর্ভের কলঙ্ক নিজ পুত্রদের শত দিক্কার দিতে লাগিলেন এবং জ্যোপদীকে সকল রকম বর দিতে চাহিলেন। জ্যোপদীও খসুর-শাস্ত্রীকে প্রণাম করিয়া বলিলেন—“যদি আমার প্রতি সন্তুষ্ট হইয়া বর দেন, তাহা হইলে ধর্মরাজকে কোরবগণের দাসত্ব হইতে মুক্ত করুন।” ধৃতরাষ্ট্র ধর্মরাজকে মুক্ত করিবার হুকুম দিয়া বলিলেন—“মা, আর কোন বর প্রার্থনা কর।” জ্যোপদী বলিলেন—“নিজগুণে যদি আমায় আর কোন বর দিতে অভিলাষী হন, তাহা হইলে আমার আর চারি স্বামীকে মুক্তি দিন।” অন্ধরাজ পাণ্ডবদের সকলকেই মুক্ত করিবার আদেশ দিয়া তৃতীয় বর প্রার্থনার জন্য জ্যোপদীকে অমুরোধ করিলে জ্যোপদী বলিলেন—“হে ভরতকুলতিলক ! আপনার ত জানাই আছে যে, ব্রাহ্মণ ব্যতীত তিন বর প্রার্থনা করিবার অধিকার কাহারও নাই। তাহার উপর অন্য সুখসম্পদ যাহা কিছু প্রার্থনীয় তাহা আমি স্বামীদের নিকট হইতে না লইয়া কাহারও বরে সুখসম্পদ ভোগ করিবার অভিলাষ করি না।” ধৃতরাষ্ট্র বলিলেন—“মা আমার, সতী-সাবিজীর শ্রায় তোমার গৌরব অক্ষুণ্ণ থাকুক এবং চিরদিন তুমি স্বামিসেবা করিয়া অক্ষয় কীর্তি লাভ কর।”



যুদ্ধ হইয়া পঞ্চপাণ্ডব দ্রৌপদীসহ ইন্দ্রপ্রস্থ অভিমুখে যাত্রা করিলেন। দুর্ভোজন প্রভৃতি পিতার এই ব্যবহারে দুঃখিত হইয়া তাঁহাকে নানা যুক্তি দেখাইয়া বলিতে লাগিলেন—“আপনার হুকুম বহাল থাকুক, কিন্তু উহাদিগকে আবার ফিরাইয়া আনুন। এবার আমরা যুদ্ধটির সহিত পাশা খেলিয়া দ্বাদশবর্ষ বনবাসের ব্যবস্থা করিব।” পুত্রবৎসল অন্ধ রাজা পুত্রদের অনুরোধে পাণ্ডবদের ফিরাইয়া আনিতে হুকুম দিলেন। পাণ্ডবেরা গুরুজনদের আজ্ঞা অবহেলা করিতে না পারিয়া পাশাখেলায় পুনরায় প্রবৃত্ত হইয়া দ্বাদশবর্ষ বনবাস ও এক বৎসর অজ্ঞাতবাস বরণ করিয়া লইলেন।

পাণ্ডবেরা গুরুজনদের প্রণাম করিয়া মাতৃদেবী কুন্তীকে ধার্মিকশ্রেষ্ঠ বিদুরের ঘরে এবং সূভদ্রাকে দ্বারকায় কৃষ্ণের আশ্রয়ে রাখিয়া দ্রৌপদীকে লইয়া বনবাসে যাত্রা করিলেন। বনগমনকালে দ্রৌপদী কুরুকুলনারীগণের নিকট হইতে বিদায় লইয়া বলিলেন—“তোমাদের স্বামীরা যেমন আমাকে বিবস্ত্রা করিয়াছেন এবং খোলা চুলে আমাকে এই পথে যাত্রা করাইতেছেন, তেমনি আমরাও ফিরিয়া আসিয়া তোমাদের ঐ দশা দেখিব,—আর দেখিব কি!—দেখিব তোমরা পতিপুত্রকন্ডাহীনা হইয়া এই বেশে মৃতগণের তর্পণ করিয়া হস্তিনাপুরে প্রবেশ করিতেছ।”

বনে গিয়া পাণ্ডবেরা স্থখে বসবাস করিতে লাগিলেন। সেখানে ধর্মরাজ আসিয়াছেন শুনিয়া নানাদিগ্দেশ হইতে শ্রেষ্ঠ মুনি-ঋষি তাঁহার নিকট ধর্মোপদেশ গ্রহণ করিতে আসিতেন। পাণ্ডবগণ ইহাদের যথোচিত সমাদর করিতেন এবং দ্রৌপদী স্বহস্তে গৃহকর্ম ও রন্ধন করিয়া অতিথি-অভ্যাগত সকলকে পরিতোষপূর্বক আহার করাইতেন এবং সর্বশেষে নিজে অবশিষ্টাংশ গ্রহণ করিতেন।

যখন কোরবেরা শুনিলেন পাণ্ডবেরা বনে গিয়াও অশেষ প্রকার সুখ ভোগ করিতেছেন এবং দ্রৌপদীর গুণে অজস্র অতিথি পরিতোষপূর্বক ভোজন করিয়া যাইতেছে, তখন ইহারা দ্রৌপদীর সতীত্বের গৌরব ক্ষুণ্ণ করিবার জন্য এবং পাণ্ডবদের অতিথিসংকারে পরাঙ্মুখ করিবার জন্য দুর্কাসার শরণাপন্ন হন। যখন দুর্কাসা মুনি বহুসংখ্য শিষ্য লইয়া পাণ্ডবদের অতিথি হইবার জন্য সেখানে উপস্থিত হইলেন তখন দ্রৌপদী ভোজ্যাবশিষ্ট গ্রহণ করিয়া গৃহকর্ম করিতেছেন। উপায় কি? দ্রৌপদী ভগবানের শরণাপন্ন হইলেন। ভক্তবৎসল আসিয়া দেখা দিলেন এবং দ্রৌপদীর

## ভারতের নারী

হাঁড়িতে কিছু আছে কিনা সন্ধান লইয়া দেখিলেন—দ্রৌপদীর ভূজাবশিষ্ট একটা শাক আছে, তাহাই ভগবান্ গ্রহণ করিয়া বলিলেন—“ভৃগোহ্মি”। “তস্মিন্ ভৃষ্টে জগৎ ভৃষ্টম্” সন্ধে সন্ধে জগৎ ভৃষ্ট হইল। দুর্কাসা শিষ্যগণসহ ভোক্তার চৃষ্টলাভ করিয়া উদ্গার করিতে করিতে সে স্থান পরিত্যাগ করিলেন।

সেই সময়ে ভগবান্কে নিকটে পাইয়া দ্রৌপদী কাদিয়া ভিক্ষাসা করিলেন—“হে মধুসূদন। আমি পরম বীর্যবান্ পাণ্ডবগণের পত্নী, আমার পুত্রগণ সকলেই বীর, আমি ক্রপদরাজ-কন্যা, বীরবর ধৃষ্টদ্যায়ের ভগিনী, তোমার প্রিয়সখী, তথাপি আমাকে কোঁরবেয়া কি করিয়া অপমান করিল?” প্রত্যুত্তরে ভগবান্ বলিলেন—“অধর্ম্মনাশের জগ্গই আমি যুগে যুগে অবতীর্ণ হই। তুমি কাদিও না, অধর্ম্মের বিনাশ তোমার স্বামিগণ দ্বারাই করাইব। অর্জুনের শরজালে বা ভীমের গদাঘাতে কেহই রক্ষা পাইবে না।”

একদা পাণ্ডবগণ দ্রৌপদীকে বনে একাকী রাখিয়া যুগয়ায় যান। সিদ্ধুরাজ জয়দ্রথ সেই সময় ঐ বনে উপস্থিত হইয়া দ্রৌপদীকে একাকী দেখিয়া তাঁহার সতীত্ব হরণ করিবার জন্য বন্ধপরিষ্কার হন। দ্রৌপদী ধর্ম্মকথায় জয়দ্রথকে পাপবাসনা পরিত্যাগ করিতে বলেন, কিন্তু জয়দ্রথ ধর্ম্মকথা না শুনিয়া তাঁহাকে বলপূর্ব্বক রথে উঠাইলেন। দ্রৌপদী শত্রু বিনাশের উপায় উদ্ভাবন করিতে না পারিয়া ভগবান্কে স্মরণ করিতেছেন, এমন সময়ে ভীমসেন আসিয়া রথসমেত জয়দ্রথকে ধরিয়া ধর্ম্মরাজের নিকটে আনিলেন। ধর্ম্মরাজ জয়দ্রথকে ছাড়িয়া দিতে বলিলেন, কিন্তু দ্রৌপদী ভীমকে বলিলেন,—“উহাকে আমাদের দাসত্ব স্বীকার করাইয়া, মাথা মুড়াইয়া ছাড়িয়া দাও।” দ্রৌপদীর কথায় জয়দ্রথ সন্মত হইলে ভীম তাঁহার বন্ধন মুক্ত করিয়া দিলেন।

দ্বাদশবর্ষ এইরূপে কাটিয়া গেল। এবার অজ্ঞাতবাসের পালা। এই সময়ে সকলে ছদ্মবেশ পরিধান করিয়া বিরাটরাজার আশ্রয়ে চাকুরীর অশেষণে গেলেন। বিরাট-রাজ সকলকেই কাজে নিযুক্ত করিলেন। ভীম পাচকরূপে, দ্রৌপদী রাজপরিবারের বেশ-বিভাস-কার্য্যে ‘সৈরিঙ্গী’ নামে এবং আর সব ভাই অস্ত্রাস্ত্র কার্য্যে নিযুক্ত রহিলেন। বিরাট-রাজগৃহে সৈরিঙ্গীর রূপলাবণ্য দেখিয়া ছুষ্ঠের দল কুমন্ত্রণা করিতে

## দ্রৌপদী

লাগিল। রাজশালক কৌচক নিজ বীরত্বে বিরাটের প্রধান সেনাপতি হইয়াছিলেন। তিনি একদিন সৈরিক্তীকে তাঁহার গৃহে বাইতে বলায় রাণী সৈরিক্তীকে কৌচকের গৃহে পাঠাইলেন। কৌচক সৈরিক্তীকে একাকিনী পাইয়া নিজ কু-অভিপ্রায় জ্ঞাপন করিলেন। সৈরিক্তী এই অজ্ঞাতবাসে নিজ পরিচয়দানে অক্ষম হইয়া বলিলেন—“আমার পঞ্চ গন্ধর্ব্ব স্বামী আছেন। তাঁহারা সর্বদাই আমাকে রক্ষা করিতেছেন। কোনরূপে আমাকে লাভ করিতে চাহিলেই তাঁহারা তোমাকে সংহার করিবেন।” কৌচক তবুও পাপাভিপ্রায় ব্যক্ত করিতে কুণ্ঠিত হইলেন না। একাকিনী রমণী কি করিবেন ভাবিয়া স্থির করিতে না পারিয়া ভগবানের শরণ লইলেন। কৌচক তাঁহার বজ্রাঙ্কল ধরিয়া টানিলেন। ইহাতে সৈরিক্তী ক্রোধ স্বেবরণ করিতে না পারিয়া নিজ বস্ত্র ছিনাইয়া লইবার জন্য এমন জ্বরে টান দিলেন যে, কৌচকের মত বীর, বিরাট-রাজের প্রধান সেনাপতি, ভূমিতে গড়াগড়ি দিতে লাগিলেন। ইত্যবসরে দ্রৌপদী রাজসভায় আসিয়া যুধিষ্ঠিরের নিকট সকল কথা বলিতে আরম্ভ করিলেন। কৌচকও ক্রোধে এবং অপমানে অস্থির হইয়া সভামাঝে আসিয়া দ্রৌপদীকে পদাঘাত করিলেন। ইহাতে দ্রৌপদী ভীমকে শরণ করিয়া মনে মনে বলিতে লাগিলেন—“হে মধ্যম পাণ্ডব, তুমি ভিন্ন এ অপমানের প্রতিশোধ দিবার কেহই নাই,”—পরে বিরাটরাজকে বলিলেন—“মনে করিয়াছিলাম আপনি ধার্মিক, কিন্তু দেখিতেছি কৌচক নির্দোষ নারীর উপর এতাদৃশ অত্যাচার করিলেও আপনি কোন বিচার করিতেছেন না। আরও দেখিতেছি, আপনার সভাসদগণের মধ্যে কেহই ধার্মিক নহেন।” সেই সময়ে ধর্ম্মরাজ ইন্দ্রিত করিলে দ্রৌপদী অস্তঃপুরে চলিয়া গেলেন।

ইহাতে দ্রৌপদীর ক্রোধের নিবৃত্তি হইল না; তিনি ভীমের সহিত সাক্ষাৎ করিয়া আত্মপূর্ব্বিক সমস্ত ঘটনা জানাইলেন। ভীম বলিলেন—“যদি কৌচক পুনরায় পাপ-প্রস্তাব করে, তাহা হইলে তুমি তাহাকে অস্তঃপুরে নৃত্যশালায় লইয়া আসিও; সেখানে আমি তাহার প্রাণবধ করিব।” কৌচকের লালসা দিন দিন বৃদ্ধি পাইতে লাগিল। দ্রৌপদী প্রাপ্তির আশা ত্যাগ করিতে না পারিয়া তিনি পুনরায় পাপ-বাসনা ব্যক্ত করিলেন। এবার দ্রৌপদী তাঁহাকে নৃত্যশালায় সাক্ষাৎ করিবার জন্য নিমন্ত্রণ করিলেন। সৈরিক্তীবেশী ভীম এক লাথিতে কৌচককে বধ করিলেন।

## ভারতের মারী

কীচকের অন্যান্য ভ্রাতা দ্রৌপদীকেই কীচকের মৃত্যুর হেতু জানিয়া কীচকের সংকারের সঙ্গে সঙ্গে সৈবিকীরও সংকার করিবেন বলিয়া দ্রৌপদীকে শ্মশানে ধরিয়া লইয়া গেলেন। ভীম ঐ সংবাদ পাঠিয়া শ্মশানে গিয়া কীচকের একশত পাঁচ ভাইকে বধ করিলেন। চারিদিকে রাষ্ট্র হইয়া গেল—দ্রৌপদীর গঙ্কর স্বামীরাই সর্বনাশ করিতেছে। বিরাটরাজও ভয় পাইয়া দ্রৌপদীকে তাঁহার বাড়ী ছাড়িয়া ঘাইবার আদেশ দিলেন। দ্রৌপদী ১৩ দিন সময় চাহিলেন। ইতোমধ্যে বিরাটরাজের বিরুদ্ধে কৌরব ও ত্রিগর্ভরাজ যুদ্ধ ঘোষণা করিলেন। শক্রপক্ষ ভীম ও অর্জুনের বিক্রমে পরাস্ত হইতে বাধ্য হইলেন। এইরূপে এক বৎসর অজ্ঞাতবাস শেষ হইল। বিরাটরাজ ইহাদের প্রকৃত পরিচয় পাইয়া অর্জুন-পুত্র অভিমুখ্যর সহিত নিজ কন্যা উত্তরার বিবাহ দিলেন।

পাণ্ডবগণ অজ্ঞাতবাস হইতে মুক্ত হইয়া নিজ রাজ্য চাহিয়া কৌরবদের নিকট দূত পাঠাইলেন। যুধিষ্ঠির ঐ ভীম বলিয়া দিলেন, “যদি রাজ্য দিতে কৌরবদের অসম্মতি থাকে, তাহা হইলে অন্ততঃ পাঁচ ভাইয়ের বাস করিবার জন্ত পাঁচগানি গ্রাম দিলেই আমরা শান্তিতে বাস করিতে পারিব।” তুষ্ট দুর্ঘ্যোধন দূতমুখে বলিয়া পাঠাইলেন—“বিনাযুদ্ধে নাহি দিব সূচাগ্র মেদিনী।”

নিরুপায় হইয়া পাণ্ডবেরা যুদ্ধের আয়োজন করিতে লাগিলেন। কিন্তু কৌরব পক্ষে পূর্বে হইতেই সমস্ত বড় বড় বীর ও রাজগণ যোগদান করিয়াছিলেন। কেবল-মাত্র ক্রপদরাজ, তাঁহার পুত্র ধৃষ্টদ্যুম্ন, বিরাটরাজ প্রভৃতি ঘনিষ্ঠ আত্মীয়গণ পাণ্ডবপক্ষে রহিলেন। ষড়বার রাজা শ্রীকৃষ্ণ তখনও কোন পক্ষ গ্রহণ করেন নাই। পাণ্ডবেরা তাঁহাকেই দূতরূপে যুদ্ধ হইতে নিবৃত্ত হইবার জন্ত কৌরবদিগকে অনুরোধ করিয়া পাঠাইলেন, কিন্তু দ্রৌপদী ছাড়িবার পাত্রী নহেন, তিনি শ্রীকৃষ্ণকে বলিলেন—“হে মধুসূদন। ধর্মরাজ জ্ঞাতিবধভয়ে সঙ্কট করিতে চাহিতেছেন, আমারও ইচ্ছা নহে জ্ঞাতিবধ হয়, কিন্তু বধ্যকে বধ না করিলে যে পাপ হয়, তাহা তুমি ত জান! অতএব আমি বিশেষ কিছু বলিব না, কেবল এই কথা বলি—যদি আমাদের হস্তরাজ্য কৌরবেরা প্রত্যর্পণ না করেন, তাহা হইলে সঙ্কট করিও না।”

বাসুদেব কৌরবসভায় সঙ্কট প্রস্তাব লইয়া গেলে উহার তাঁহার প্রস্তাবে কর্ণপাত

## জৌপদী

করিলেন না বরং শ্রীকৃষ্ণকে নিজেদের পক্ষে যোগ দিতে অমুরোধ করিলেন। শ্রীকৃষ্ণ বলিলেন—“পরে বলিব।” কিছুদিন পরে কৌরবদের যাতায়াতে শ্রীকৃষ্ণ অতিষ্ঠ হইয়া বলিলেন—“আমার নিজাভঙ্গে যাহার মুখ আগে দেখিব, সেই দিকে যাইব।” ধনমদে গর্ষিত দুৰ্যোধন সর্বাগ্রে গিয়া শ্রীকৃষ্ণের শিরোদেশে আসন গ্রহণ করিলেন। অর্জুন পায়ে নীচে আসন লইলেন। শ্রীকৃষ্ণ উঠিবার সময় অর্জুনকেই প্রথমে দেখিলেন। তিনি দুৰ্যোধনকে জানাইলেন, ‘পাণ্ডবপক্ষে আমাকে যাইতে হইবে, তবে আমার সমস্ত সেনা কৌরবপক্ষে থাকিবে।’ অতঃপর দুৰ্যোধনের অমুরোধে শ্রীকৃষ্ণ পাণ্ডবপক্ষে অস্ত্রধারণ করিবেন না জানাইলেন।

যুদ্ধ আরম্ভ হইল। ১৮ দিন ঘোরতর সংগ্রাম চলিল। অর্জুন জ্ঞাতিবধভয়ে যুদ্ধ হইতে নিবৃত্ত হইবার জন্য সারথি শ্রীকৃষ্ণকে রথ ফিরাইতে অমুরোধ করিলেন। শ্রীকৃষ্ণ ঐ ১৮ দিন যুদ্ধের সময় নানারূপ ধর্মকথা বলিয়া ও যৌগক পদ দেখাইয়া অর্জুনকে যুদ্ধে নিয়োগ করিলেন। ঐ উপদেশবানী গীতা নামে অভিহিত। ভীষ্ম কৌরববংশ ধ্বংস করিলেন, এবং কৃষ্ণের অপমানকারী দুঃশাসনকে যুদ্ধে পরাস্ত ও তাহার বক্ষ বিদারণ করিয়া হৃৎপিণ্ডের তপ্ত রক্ত পান করিলেন। পরের প্রতিশ্রুতি রক্ষা হইল। পরে তিনি দুইমতি দুৰ্যোধনের উক্ত ভঙ্গ করিয়া জৌপদীর অপমানের প্রতিশোধ লইলেন। জৌপদী তাঁহার পুত্রহস্তা অশ্বখামাকে বধ করিবার জন্য ভীষ্মকে অমুরোধ করিলেন। ভীষ্ম অশ্বখামাকে পরাস্ত করিয়া তাঁহার মস্তকমণি আনিয়া জৌপদীকে উপহার দিলেন। এইরূপে ভারতের কত্রিয়বংশ একরূপ নির্মূল হইল। কৌরবপক্ষের পরাজয় হইল এবং তাঁহাদের পাপকাঁধের ফল ফলিল। পাণ্ডবগণ বহু জ্ঞাতিবধ দেখিয়া মহাপ্রস্থানের উদ্যোগ করিলেন। উত্তরার শিশুপুত্র পরীক্ষিতের উপর রাজ্যভার অর্পণ করিয়া জৌপদীসহ পাণ্ডবগণ হিমালয় অভিমুখে যাত্রা করিলেন।

## জৌপদী ও সত্যভামা-সংবাদ

পাণ্ডবদিগের বনবাসকালে একদিন কৃষ্ণপ্রিয়া সত্যভামা স্বামীর সহিত জৌপদী দর্শনে যাত্রা করেন। সত্যভামা জৌপদীকে কুশলাদি ভিজ্ঞাসা করার পর বলিলেন—  
“সখি! তোমার স্বামিগণ অধিতীয় বীর, উহারা তোমাতে সর্বদাই অমুরক্ত। তুমি

## ভারতের নারী

কি মন্ত্রবলে, ব্রত উপবাসে বা তীর্থ-অপবস্কের দ্বারা উহাদিগকে এতাদৃশ বশীভূত করিয়াছ ?” জ্যোপদী সত্যভামার কথায় হাসিয়া বলিলেন—“সখি ! এরূপ অদ্ভুত কথার জবাব দিবার শক্তি আমার নাই। ঐ সব উপায়ের কথা আমি কল্পনাও করিতে পারি না। মন্ত্র, যাদু বা ঔষধাদি অশিক্ষিতা নারীগণেরই স্বামি-বশীকরণের ঔষধ। ইহাতে স্বামী অধিকাংশ ক্ষেত্রেই বশীভূত হন না, পরন্তু ঔষধাদি প্রয়োগে নানাবিধ ব্যাধিগ্রস্ত হন। অতএব এইরূপ আচরণ নারীগণের কর্তব্য নহে। সাধ্বী নারী কখনও ওসব পথ অবলম্বন করেন না, বরং ঘৃণা করেন। স্বামী ঐ সব আচরণের কথা জানিতে পারিলে জ্বীতে অস্থুরক্ত না হইয়া বরং তাহাকে ঘৃণাই করেন এবং জীবন সংশয় বোধ করিয়া সর্বদাই তাহার নিকট হইতে দূরে থাকেন ; সাপ লইয়া গৃহ-বাসের স্তায় সশঙ্কচিত্তে কালযাপন করেন। অতএব সখি ! ওসব উপায়ে স্বামীকে বশীভূত করা যায় না।

“আমি পঞ্চপাণ্ডবকে বশীভূত করিতে পারিয়াছি, এ কথা যদি সত্য হয় স্বামীরা আমাতেই একান্ত অস্থুরক্ত, যদি মনে করিয়া থাক, তাহা হইলে বলিতে হইল আমি কি করিয়া স্বামীদের মনোরঞ্জন করিয়াছি।

“ভগিনি ! আমি ক্রোধাদি ত্যাগ করিয়া সর্বদা পাণ্ডবগণের ও তাঁহাদের অগ্ৰাণ্ণ জ্ঞীদের সেবা-শুশ্রূষা করি। অভিমানিনী না হইয়া, কোনরূপ দুর্ভাক্য প্রয়োগ না করিয়া বা কোনরূপ অবাধ্য না হইয়া তাঁহাদের সকলের ইজিতমাত্র সব আদেশ পালন করি। তাঁহাদের না দেখিলে প্রতিমুহূর্ত্ত আমার কাছে অঙ্ককার বোধ হয়। তাঁহারা কোথাও গেলে আমি ভোগবিলাস পরিত্যাগ করি এবং তাঁহাদের মঙ্গল-কামনার তপস্বী প্রভৃতিতে আত্মনিয়োগ করি। আমি প্রত্যহ অতি যত্নে গৃহ-মার্জনাদি করি, ষথাসময়ে রন্ধন করিয়া স্বামীদের পরিতোষপূর্ব্বক ভোজন করাই।

“কখনও কোন দুষ্টস্বভাব জ্ঞীলোকের সঙ্গে মিশি না, একাকিনী যেখানে সেখানে যাই না, বা গৃহদ্বারে ও গবাক্ষপথে দাঁড়াই না। স্বামিগণের সহিত পরিহাসচ্ছল ভিন্ন অন্য কোন সময়ে উচ্চহাস্য করি না, এবং সর্বদা সত্যপথে থাকিয়া স্বামীদের সেবা করি।

“আমার স্বামিগণ যে দ্রব্য আহার করেন না, তাহা আমি কদাচ আহার করি

## শ্রৌপদী

না বা স্পর্শ করি না। তাঁহাদের আদেশে আমি বজ্রাঙ্গকারে ভূষিত হই। শান্তুড়ী ও গুরুজনেরা আমাকে যে আদেশ দিয়াছেন, তাহাই আমি পালন করি। আমার স্বামিগণ ধার্মিক, সত্যবাদী, জিতেন্দ্রিয় ও শান্তস্বভাব, তথাপি আমি শ্রদ্ধা ও ভয়ের সহিত তাঁহাদের সেবা করিয়া থাকি।

“হে ভদ্রে! আমার মতে পতিকে আশ্রয় করিয়া থাকাই স্ত্রীলোকের একমাত্র ধর্ম; পতিই নারীর দেবতা ও একমাত্র গতি। স্বামীর আশ্রয় কার্য করা স্ত্রীলোকের পক্ষে বড়ই গর্হিত। পতির মত দেবতা নারীর আর কেহই নাই। পতি আমাদের ধর্ম-অর্থ-কাম-মোক্শের মূল। তাঁহাদিগকে অতিক্রম করিয়া আমি কখনও শয়ন, আহার বা অলঙ্কার পরিধান করি না। আমি প্রাণান্তেও শান্তুড়ীর নিন্দা করি না, শান্তুড়ীর সেবা না করিয়া জলগ্রহণ করি না, কখনও তাঁহাকে বাদ দিয়া উত্তম দ্রব্য গ্রহণ করি না।

“আমি ধর্মরাজের সমস্ত আয়-ব্যয়ের হিসাব রাখি এবং পোষ্যগণের ভরণপোষণে ক্রটি করি না। আমি নিজে বিলাস-ব্যসন ত্যাগ করিয়া সংসারের সমস্ত গুরুভার বহন করিয়া থাকি। সমুদ্রে যেমন জগতের সব জলরাশির হিসাব রাখে, আমিও সেইরূপ মহারাজ যুধিষ্ঠিরের বিপুল রাজ্য ও সংসারের হিসাব রাখি।

“সকলে নিদ্রিত হইলে আমি শয্যা গ্রহণ করি ও সকলে জাগ্রত হইবার পূর্বেই শয্যা ত্যাগ করি এবং সর্বদা সত্যে রত থাকি। সখি! আমি যে-প্রকারে স্বামীদের বশীভূত করিয়াছি, তাহা সমস্তই তোমাকে বলিলাম। তুমি যদি আমার স্বামিস্থে হিংসা কর এবং আমার মত হইয়া শ্রীকৃষ্ণকে বশীভূত করিতে চাও তাহা হইলে আমার মত হইয়া দৈনন্দিন কার্য ও ধর্ম পালন কর।

“ভগিনি! তোমাকে উপদেশ দিবার কোন প্রয়োজন বোধ করি না। তথাপি তুমি যখন সখীভাবে আমায় বিক্রম করিয়াছ, তখন প্রত্যুত্তরে সখীভাবেই তোমাকে উপদেশ দিতেছি—“স্বামীই স্ত্রীলোকের একমাত্র গতি ও আশ্রয়স্থল। স্ত্রী—স্বামীর ধর্মের সহায়, কর্মের সঙ্গিনী।”

শ্রৌপদীর কথায় সত্যভামার চমক ভাঙিল। মনে মনে ভাবিলেন—প্রিয়সখীকে না ঝাঁটাইলে ভাল হইত। বলিলেন—“ভগিনি! না বুঝিয়া তোমাকে ঠাট্টা করিয়াছি

## ভারতের নারী

বলিয়া জট লইও না। দুই সখী এইবার দৃঢ় আলিঙ্গনে বন্ধ হইলেন। পরে সত্যভামা বিদায় গ্রহণ করিলেন।

## গান্ধারী

মহাভারতের যুগে আমরা যে-কয়টা উন্নতচরিত্রা ভারত-রমণীর পরিচয় পাই, তাঁহাদের মধ্যে গান্ধার-রাজকন্যা ধৃতরাষ্ট্র-পত্নী গান্ধারীর চরিত্র শ্রেষ্ঠ ও আদর্শ বলিয়া মনে করি। স্বভাব-দুর্বল ভোগবিলাসময় নারীজীবনে গান্ধারী যে অপূর্ব তেজস্বিতা, ধর্ম্মানুরাগ ও আত্মত্যাগের পূর্ণজ্যোতিঃ উদ্ভাসিত করিয়া তুলিয়াছিলেন, তাহা খুব কম নারীচরিত্রে দৃষ্ট হয়। শত বীরের জননী রাজরাজেশ্বরীর এমন সর্বত্যাগিনী সন্ন্যাসিনী মূর্তি সত্যই দুর্লভ।

গান্ধারের অধিপতি রাজা সুবল স্বীয় কন্যা গান্ধারীর বিবাহ দিতে ব্যস্ত হইলে হস্তিনাপুর হইতে এক দূত আসিয়া সংবাদ দিল যে, ভীষ্মদেব গান্ধারীর সহিত জন্মান্বক ধৃতরাষ্ট্রের বিবাহ দিবার ইচ্ছা প্রকাশ করিয়াছেন। ধনে, মানে, কুলে, শীলে, বীরত্বে ধৃতরাষ্ট্র অপেক্ষা ভাল পাত্র আর কেহ না থাকিলেও, গান্ধারীর পিতামাতা জন্মান্বকে কন্যা সম্প্রদান করিতে অনিচ্ছা প্রকাশ করিলেন। বুদ্ধিমতী গান্ধারী বুঝিতে পারিলেন—ভীষ্মদেবের ইচ্ছা অপূর্ণ থাকিতে পারে না। যদি তাঁহার পিতা ভীষ্মদেবের প্রস্তাব প্রত্যাখ্যান করেন তাহা হইলে সবংশে নিহত হইবেন। গান্ধারী পিতাকে বলিলেন—“বিধির বিধান খণ্ডাইবার শক্তি কাহারও নাই। পতি ধন বা অন্ধ হইলেও তিনিই পরম গুরু, তিনিই আমার দেবতা। আমি যেন অন্ধ রাজাকে বিবাহ করিয়া তাঁহাকে মনে প্রাণে ভালবাসিয়া নারীজীবন সার্থক করিতে পারি।”

গান্ধার-রাজ ও তাঁহার পত্নী কন্যার মুখে এই কথা শুনিয়া গান্ধারীকে সাধারণ নারী বলিয়া ভাবিতে পারিলেন না; ভাবিলেন ইনি সাক্ষাৎ দেবী; মর্ত্যলোকে নারীচরিত্রের উজ্জল আদর্শ রাখিবার জন্যই ইহার জন্ম।



## গাঙ্গারী

শুভদিনে শুভক্ৰমে মহাসমারোহে অঙ্করাজা ধৃতরাষ্ট্রের সহিত গাঙ্গারীর বিবাহ হইয়া গেল। স্বামীর দৃষ্টিশক্তি নাই বলিয়া নিজেও দৃষ্টিসুখ হইতে বঞ্চিত থাকিবেন, এজন্য বিবাহের পূর্বেই গাঙ্গারী চক্ষু বদ্ধ বাধিয়া নিজেও অন্ধ সাজিয়াছিলেন। চারি চক্ষুর শুভদৃষ্টি না হইলেও মনে প্রাণে শুভমিলন হইয়া গেল। গাঙ্গারী খণ্ডরঘর করিতে হস্তিনাপুরে চলিলেন।

হস্তিনাপুরে গাঙ্গারী পদার্পণ করিবার সঙ্গে সঙ্গে কুরুবংশের শ্রীবৃদ্ধি আরম্ভ হইল। গাঙ্গারী ও তাঁহার দেবরপত্নী কুম্ভীদেবী সম্ভানাদি প্রসব করিয়া বংশের গৌরব বৃদ্ধি করিতে লাগিলেন। গাঙ্গারীদেবী শত পুত্রের জননী হইলেন। তাঁহার সকল রকম সৌভাগ্য লাভ হইল। স্বামী অন্ধ বা নিজে অন্ধ সাজিয়াছেন বলিয়া কোন দুঃখ রহিল না।

সুখ চিরদিন স্থায়ী হয় না। গাঙ্গারীর সুখও স্থায়ী হইল না। ষোষ্ঠ পুত্র দুর্ঘ্যোধনের মদোন্মত্ততা ও ক্রুর স্বভাব দেখিয়া গাঙ্গারী ভীতা হইলেন। দুর্ঘ্যোধনের সঙ্গে সঙ্গে শত-পুত্র উচ্ছৃঙ্খল হইয়া উঠিল। অঙ্করাজা যত্নতাবে দুর্ঘ্যোধনকে অসংপথ হইতে ফিরাইবার চেষ্টা করিয়াছিলেন। দুর্ঘ্যোধন তাঁহার কথায় কর্ণপাত করিতেন না; কিন্তু গাঙ্গারীর স্নায়ুবিচার ও শাসনে দুর্ঘ্যোধন কম্পিত হইলেও, অন্ধ পিতাকে আয়ত্ত করিতে পারিবেন বুঝিয়া গাঙ্গারীর নিকট হইতে সর্বদা দূরে দূরে থাকিতেন। ধার্মিক পাণ্ডুপুত্রগণের সহিত সামান্য সামান্য বিরোধ দেখিলে গাঙ্গারী বিচারের জন্য অঙ্করাজাকে বলিতেন; কিন্তু পুত্রবৎসল দুর্বলহৃদয় ধৃতরাষ্ট্র কঠোর শাসন করিতে না পারিয়া দুর্ঘ্যোধনকে ধর্মতত্ত্ব বুঝাইয়া পাণ্ডুপুত্রগণের সহিত বিরোধ করিতে নিষেধ করিতেন।

গাঙ্গারী বলিতেন—“মূর্খশ্চ লাঠৌষধি”। কঠোর শাসন ভিন্ন দুর্ঘ্যোধন প্রভৃতিকে স্ববশে আনা অঙ্করাজার পক্ষে সম্ভব নয় বলিয়াই গাঙ্গারী পুত্রদিগকে কঠোর শাসন করিবার জন্য রাজাকে বলিতেন। রাজা বলিতেন—“আমি অন্ধ বলিয়া রাজা হইতে পারি নাই; আমার পুত্রেরা আমার অপরাধে রাজ্য পাইবে না। এইজন্য বুদ্ধিমান পুত্রগণ ক্ষুণ্ণ হইয়া মাঝে মাঝে পাণ্ডুপুত্রগণের সহিত বিরোধ বাধাইলেও স্নায়ুধর্মের বিচারে তাহারা বয়ঃপ্রাপ্তির সঙ্গে সঙ্গে অসংপথ পরিত্যাগ করিবে।”

## ভারতের নারী

বয়ঃপ্রাপ্তির সঙ্গে সঙ্গে পাণ্ডুপুত্রগণের যশঃসৌরভ চারিদিকে ছড়াইয়া পড়িল। ক্রমতি দুর্ষ্যোধন উহা সহ করিতে পারিলেন না। মাতুল শকুনির সহিত পরামর্শ করিয়া নানা ছলে, নানা কৌশলে পাণ্ডুপুত্রগণকে হত্যার চেষ্টা করিতে লাগিলেন। একদিন বারণাবতের জতুগৃহে পাণ্ডুবগণকে পাঠাইয়া উহাতে অগ্নিসংযোগ করাইলেন। মহামতি বিদুর দিব্যদৃষ্টির বলে এ সব জানিতে পারিয়া পাণ্ডবদিগকে জতুগৃহ হইতে পলাইয়া গিয়া ছদ্মবেশে থাকিতে পূর্বেই উপদেশ দেন। জতুগৃহে অগ্নিসংযোগের ফলে পাণ্ডবদের মৃত্যু হইয়াছে স্থির হইল এবং দুর্ষ্যোধন ইহার জ্ঞাত চারিদিকে আনন্দোৎসবের ব্যবস্থা করিলেন। এই সংবাদ গাঙ্গারীর নিকট পৌঁছিলে গাঙ্গারী শোকে অধীর হইলেন। পুত্রগণের এইরূপ নীচতা ও ক্রুরতা দেখিয়া গাঙ্গারী নিজেই উহাদের মৃত্যুকামনা করিতে লাগিলেন। হুঃখে, ক্রোধে, ক্রোধে অগ্নির হইয়া তিনি রাজা ধৃতরাষ্ট্রের নিকট গিয়া পুত্রদের মৃত্যুদণ্ডা কামনা করিলেন। ধৃতরাষ্ট্র পুত্রদের এইরূপ নীচতায় অধীর হইলেন এবং পুত্রদের যথোচিত তিরস্কার করিলেন ; কিন্তু অন্ধশ্বেহের বশে তিনি অন্য কোন দণ্ডা দিলেন না।

ইহার কিছুদিন পরে জানা গেল যে পাণ্ডবেরা ছদ্মবেশে থাকিয়া দ্রৌপদীকে বিবাহ করিয়াছে। তখন গাঙ্গারীর আনন্দের সীমা রহিল না। গাঙ্গারী তখনই মহাসমারোহে পাণ্ডুপুত্রগণকে হস্তিনাপুরে আনয়ন করিলেন। নববধু দ্রৌপদীকে তিনি সানন্দে বরণ করিয়া গৃহে তুলিলেন এবং আশীর্ব্বাদ করিয়া বলিলেন—“তোমার স্বামীর চিরদিন জয়ী হইয়া রাজ্য ও সুখ ভোগ করিবে, তুমিও রাণী হইয়া চিরসুখে এ রাজ্য ভোগ করিবে।”

কিছুদিনের জ্ঞাত সুখে-স্বাচ্ছন্দ্য গাঙ্গারী নববধু দ্রৌপদীকে লইয়া সংসার করিতে লাগিলেন। দুর্ষ্যোধন হিংসানলে জলিয়া-পুড়িয়া মরিতে লাগিলেন। সব দিক্ বিবেচনা করিয়া রাজা ধৃতরাষ্ট্র ও গাঙ্গারী হস্তিনার রাজ্য দুর্ষ্যোধনকে দিয়া ইন্দ্রপ্রস্থের রাজ্য পাণ্ডুপুত্রদের দিলেন। ইন্দ্রপ্রস্থে গিয়া যুধিষ্ঠির প্রভৃতি অতুল ঐশ্বর্যের অধিকারী হইয়া সুখে রাজত্ব করিতে লাগিলেন।

ইন্দ্রপ্রস্থে রাজা যুধিষ্ঠির রাজসূয় যজ্ঞ আরম্ভ করিলেন ; সমস্ত রাজাই যুধিষ্ঠিরকে সর্ব্বশ্রেষ্ঠ রাজা বলিয়া স্বীকার করিয়া লইলেন। সকলেই রাজসূয় যজ্ঞে এক একটা

কাজের ভার লইলেন। দুর্ঘোষনকে যুধিষ্ঠির নানাভাবে সম্মানিত করিলেও পাণ্ডবেরা যে সর্বশ্রেষ্ঠ—এ ধারণা জন্মিতে তাঁহার বাকী রহিল না। তিনি উহাদের শ্রেষ্ঠত্ব খর্ব করিবার জন্য বন্ধপরিকর হইয়া মাতুল শকুনির আশ্রয় লইলেন। মাতুল শকুনির সহিত পরামর্শে যুধিষ্ঠিরকে হস্তিনায় আনাইয়া পাশাখেলাই স্থির হইল। পাশাখেলায় একে একে যুধিষ্ঠির ধন-দৌলত, স্বয়ং এবং চারি ভাই ও দ্রৌপদীকে হারাইলেন; দুর্ঘোষনের আদেশে তদীয় সহোদর দুঃশাসন দ্রৌপদীকে প্রকাশ্য রাজসভায় টানিয়া আনিয়া নানাভাবে লাঞ্ছিত করিতে লাগিলেন।

এই সংবাদ অস্তঃপুরে গাঙ্গারীর নিকট পৌছিলামাত্র তিনি অধর্মাচারী পুত্রগণের পাপাচরণে ক্ষুব্ধ হইয়া অব্যক্ত মর্ষজালায় অস্থির হইয়া রাজসভায় ছুটিয়া আসিলেন। তিনি রাজপদে নিবেদন করিলেন দুর্ঘোষনকে ত্যাগ করিতে; বলিলেন—“বহু আগে দুর্ঘোষনকে ত্যাগ করা উচিত ছিল, পুত্রের মুখ দেখিয়া তিনি এতদিন তাহাকে ক্ষমা করিয়াছেন, কিন্তু আর নয়, অত্যাচারের মাত্রা তাহার দিন দিন বাড়িয়া চলিয়াছে, রাজলক্ষ্মী চঞ্চলা হইয়া উঠিয়াছেন, প্রাচীন কুরুবংশের মর্যাদার হানি হইতেছে, স্বর্গত পিতৃপুরুষগণ লাঞ্ছিত হইয়াছেন—দুর্ঘোষনকে আর ক্ষমা করিবেন না।” ধৃতরাষ্ট্র গাঙ্গারীর প্রার্থনা শুনিয়া স্তম্ভিত হইলেন, পিতৃশ্রোহের দোহাই দিয়া গাঙ্গারীকে বুঝাইলেন। প্রত্যুত্তরে গাঙ্গারী বলিলেন—“সন্তানের প্রতি স্নেহ মাতারও আছে, কিন্তু পুত্রের কল্যাণের জন্যই তাহাকে বর্জন করিতে বলিতেছি।”

গাঙ্গারী পতিব্রতা পুত্রস্নেহময়ী; কিন্তু সকলকে ছাপাইয়া উঠিয়াছে তাঁহার জ্ঞানপরায়ণতা ও উদার ধর্মবোধ। সমস্ত নারীর প্রতিনিধি হইয়া নয়নের জলে তিনি রাজপদতলে বিচার প্রার্থনা করিলেন। ইহাতে রাজা নির্বাক হইয়া রহিলেন দেখিয়া তিনি বুঝিলেন স্বামীও জ্ঞানবিমুখ। তখন তাঁহার বেদনা আরও বাড়িয়া গেল। ধার্মিক ধৃতরাষ্ট্রের পত্নী হইয়া ও শত-পুত্রের জননী হইয়া তিনি বড় আশা পোষণ করিতেন; কিন্তু আজ তাঁহার সব আশা নির্মূল হইল; ধৃতরাষ্ট্রমহিষী হইয়াও তাঁহার পত্নীত্বের মর্যাদার হানি হইল, তাই তিনি গর্ভের কলঙ্ক দূর করিবার

## ভারতের নারী

জন্ম আকুল হইয়া উঠিলেন। স্বামীর কাছে বিচারের আশা নাই দেখিয়া তিনি স্বয়ং বিধাতার কাছে জ্ঞান-বিচারের আবেদন করিলেন এবং যতদিন সেই বিচারের ফল দারুণ দুর্দিনরূপে আসিয়া উপস্থিত না হয়, ততদিন মৌনভাবে প্রতীক্ষা করিয়া রহিলেন।

গাঙ্গারীর মৌনভাব দেখিয়া দুর্ঘোষন তলে তলে পাণ্ডবগণকে বিনাশ করিতে কৃতসঙ্কল্প হইলেন। আবার পাশাখেলায় পণ রাখিবার জন্ম পাণ্ডবদিগকে আহ্বান করিলেন। এবারেও যুধিষ্ঠির পণে হারিলেন এবং রাজ্য ত্যাগ করিয়া চারি ভ্রাতা ও দ্রৌপদীকে লইয়া বনবাসী হইলেন।

বার বৎসর বনবাস ও এক বৎসর অজ্ঞাতবাসের পর ফিরিয়া আসিয়া যুধিষ্ঠির ইন্দ্রপ্রস্থের রাজ্য দাবী করিলেন। ভীষ্ম, দ্রোণ, বিদুর ও ধৃতরাষ্ট্র সকলেই দুর্ঘোষনকে যুধিষ্ঠিরের রাজ্য ফিরাইয়া দিতে বলিলেন। দুর্ঘোষন কিছুতেই সম্মত হইলেন না। তারপর স্বয়ং শ্রীকৃষ্ণ দূতরূপে আসিয়া পঞ্চপাণ্ডবের জন্ম মাত্র পাঁচখানি গ্রাম চাহিলেন, কিন্তু দস্তা দুর্ঘোষন বলিলেন—“বিনা যুদ্ধে নাহি দিব সূচ্যগ্র মেদিনী।”

অগত্যা পাণ্ডবেরা একমাত্র শ্রীকৃষ্ণকে প্রার্থনা করিয়া কৌরবদের বিপুল শক্তির বিরুদ্ধে ধর্মযুদ্ধ করিতে প্ররু্ত হইলেন। শ্রীকৃষ্ণ দুর্ঘোষনদের অনেক বুঝাইলেন, কিন্তু উহারা শ্রীকৃষ্ণের কথা শুনিলেন না। গাঙ্গারী সকল সংবাদ জানিয়া পাণ্ডবদের জয় কামনা করিতে লাগিলেন। ধৃতরাষ্ট্র পুত্রদের অনেক বুঝাইয়া বলিলেন—“তোমাদের পরাজয় অবশ্যস্বাবী, ধর্মশত্বের জয় অনিবার্য—‘যত্র যোগেশ্বরঃ কৃষ্ণে যত্র পার্থো ধর্মর্করঃ। তত্র শ্রীবিজয়ো ভূতিক্ষুর্বা নীতির্মতির্মম’ ॥” উভয় পক্ষে তুমুল যুদ্ধ বাধিল, সে যুদ্ধে সকলেই ধ্বংস হইল, কেবল পঞ্চপাণ্ডব বাঁচিয়া রহিলেন।

যুদ্ধে জয়ী হইয়া যুধিষ্ঠিরাদি ভগ্নহৃদয়ে শ্রীকৃষ্ণকে সঙ্গে লইয়া হস্তিনাপুরের রাজপ্রাসাদে আসিয়া গাঙ্গারী ও ধৃতরাষ্ট্রের পদধূলি লইলেন। শতপুত্র-শোকাভুরা গাঙ্গারী জ্ঞাননৌতিতে গরীয়সী হইলেও, মাতৃহৃদয়ের স্বাভাবিক স্নেহে তাঁহার খৈর্যের বাঁধ ভাঙিয়া গেল। শোকসাগরে ভাসিয়া গাঙ্গারী শ্রীকৃষ্ণকে অভিসম্পাত করিলেন।

তিনি শ্রীকৃষ্ণকে বলিলেন—“হে নিয়ন্তা! তুমি যখন আমার পুত্রগণকে অধাৰ্মিকরূপে সৃষ্টি করিয়া তাহাদের বিনাশ সাধনপূর্বক ধর্মের জয়ের উদাহরণ দেখাইলে, তেমনি আমিও পতিসেবার ফলে যদি কোন পুণ্য সঞ্চয় করিয়া থাকি, তাহা হইলে সেই পুণ্যফলে তোমাকে অভিসম্পাত দিতেছি যে, জানিয়া শুনিয়া তুমি যেমন কুরুকুলের ধ্বংস ঘটাইয়া এত দুঃখ দিয়াছ, সেইরূপ তোমার বংশ তোমার দ্বারাই ধ্বংস হইবে এবং তুমিও আত্মায়স্বজনহীন হইয়া বনমধ্যে ব্যাধের হস্তে নিহত হইবে।”

তখন হইতে পাণ্ডবেরা গান্ধারী ও ধৃতরাষ্ট্রের সেবা করিয়া কিছুদিনের মধ্যে তাঁহাদের পুত্রশোক ভুলাইয়া দিলেন। পরে রাজা ধৃতরাষ্ট্রের সহিত গান্ধারী জপোবনে গিয়া শেষ কয়দিন শ্রীভগবানের চিন্তায় অভিবাহিত করিলেন। তপস্যায় কিছুদিনের জন্ম স্বথশান্তি-লাভের পরে ধৃতরাষ্ট্র দেহত্যাগ করিলেন। গান্ধারীও সঙ্গে সঙ্গে দেহত্যাগ করিয়া স্বামীর সহিত স্বর্গে বাস করিতে চলিয়া গেলেন।

গান্ধারীর চরিত্র ধূলিমলিন পৃথিবীর নহে—উহা অপার্থিব—উহা স্বর্গীয়।

## চিন্তা

গন্ধর্বরাজ চিত্রবর্ধের পুত্র মহারাজ শ্রীবৎসের গুণের তুলনা নাই। বুদ্ধি, বিচারশক্তি ও পাণ্ডিত্যে তাঁহার তুলনা হয় না। যথাকালে চিত্রসেনের কন্যা চিন্তার সহিত তাঁহার বিবাহ হইল। যোগ্যের সহিত যোগ্যের মিলন হইল। রূপে, গুণে কেহই চিন্তার সমকক্ষ ছিল না। বহুকাল এই রাজসম্পত্তি পরম সুখে কাল কাটাইলেন।

কিন্তু সুখ চিরদিন সমান থাকে না। ‘কে বড়’ এই লইয়া স্বর্গে লক্ষ্মী ও শনির মধ্যে বিবাদ উপস্থিত হইল। যীমাংসার তার অবশেষে মর্ত্যের রাজা শ্রীবৎসের উপর পড়িল। লক্ষ্মী ও শনি উভয়েই শ্রীবৎসের নিকট আসিলেন। শ্রীবৎস লক্ষ্মীকেই খেঁচ আসন প্রদান করিলেন। শনি বিষয় জুড় হইয়া প্রতিহিংসা গ্রহণ করিতে প্রস্তুত

## ভারতের নারী

হইলেন। লক্ষ্মী শ্রীবৎসকে আশীর্বাদ করিয়া কহিলেন—“সর্বদাই আমি ছায়ার ছায় তোমার পশ্চাতে থাকিব।”

শনির প্রতিহিংসা সত্ত্বরই আরম্ভ হইল। তাঁহার কোপে শ্রীবৎসের রাজ্যে হাহাকার উঠিল। দুর্ভিক্ষ, মহামারীতে রাজ্য প্রায় অনশূন্য হইয়া উঠিল, অগ্নিদাহে সহস্র সহস্র গৃহ ভস্মীভূত হইতে লাগিল। প্রজারা ব্যাকুল ক্রন্দনে রাজার নিকট তাহাদের অবস্থা জানাইতে লাগিল। শ্রীবৎস সব শুনিলেন, সব দেখিলেন, এবং নিজেরই বিচারশক্তির ফলে যে আজ সর্বনাশ হইতেছে, তাহাও বুঝিলেন। কিন্তু কোন উপায় আবিষ্কার করা সম্ভব হইল না। অবশেষে শ্রীবৎস বনগমনই শেষ উপায় স্থির করিলেন।

তিনি চিন্তাকে পিতৃগৃহে যাইতে অমুরোধ করিলেন; বলিলেন—“আমারই দোষে আজ এই সর্বনাশ উপস্থিত, ফল আমি স্বয়ংই ভোগ করিব। তুমি আমার সহিত অনর্থক কষ্ট পাইবে কেন?” কিন্তু চিন্তা কিছুতেই স্বীকৃত হইলেন না; বলিলেন—“তোমার বিপদে আমার বিপদ, তুমি বনে কত কষ্ট পাইবে আর আমি কি স্থখে পিতৃগৃহে রাজভোগে থাকিব? সহস্র কষ্টের মধ্যে আমি তোমার সঙ্গে থাকিলেই পরম স্থখে থাকিব।” শেষে একত্র বনগমনই স্থির হইল। মণিমুক্তার একটা পুঁটলী বাধিয়া রাজদম্পতি গভীর রাত্রে বহির্গত হইলেন।

শ্রীবৎস ও চিন্তা এক বনমধ্যে আসিয়া উপস্থিত হইলেন। যাইতে যাইতে দেখিলেন—সন্মুখে এক ভীষণ নদীতে তরঙ্গ উঠিয়াছে। একখানি জীর্ণ নৌকা অদূরে ভাসিতেছে; তাহাতে একজন মাঝি বসিয়া আছে। নদী পার করিয়া দিবার জন্য শ্রীবৎস তাহাকে আহ্বান করিলেন। মাঝি কহিল—“পুঁটলী ও তোমাদের দুই-জনকে একেবারে পার করিতে পারিব না। একসঙ্গে দুইটা করিয়া পার করিতে পারি। যদি তোমরা দুই জনে একসঙ্গে যাইতে ইচ্ছা কর, তাহা হইলে পুঁটলী আগে পার কর, অথবা পুঁটলী পনে পার করিব।” শনির প্রভাবে বিকৃতবুদ্ধি রাজা পুঁটলী আগে পার করিবার জন্য নৌকায় তুলিয়া দিলেন। নৌকা ছাড়িল। মুহূর্ত্তে মাঝানদী অদৃশ্য হইল এবং দৈববাণী হইল—“এ তোমারই বিচারশক্তির পুরস্কার।” এইরূপে রাজদম্পতি কপর্দকশূন্য হইলেন।

## চিন্তা

রাত্রি প্রভাত হইল। ইত্যন্তঃ ভ্রমণ করিতে করিতে কতকগুলি ধীবরের সহিত ইহাদের সাক্ষাৎ হইল। তাহারা কোন মতেই মৎস্য ধরিতে পারিতেছিল না। শ্রীবৎস তালবেতালসিদ্ধ ছিলেন। তিনি তালবেতালকে স্মরণ করিলেন। তাহারা প্রচুর মৎস্য পাইল। সন্তুষ্ট হইয়া তাহারা একটি মৎস্য ইহাদিগকে দিয়া গেল। সেই মৎস্য ইহাদের সেইদিনের একমাত্র আহাৰ্য্য হইল।

সেই মৎস্য দত্ত করিয়া চিন্তা তাহা খোঁজ করিবার জন্য জলাশয়ে গেলেন। 'রাজভোগে অভ্যস্ত রাজা কিরূপে তাহা ভোজন করিবেন' এই চিন্তা করিতে করিতে চিন্তা জলে নামিয়াছেন, এমন সময়ে সেই দত্ত মৎস্য লাফ দিয়া জলে পলায়ন করিল। সাধ্বী হাহাকার করিতে করিতে শ্রীবৎসের নিকট আসিয়া সব বলিলেন। শ্রীবৎস সব বুঝিলেন; সেদিন বস্ত্র ফলমূলে কোনরূপে ক্ষুধা নিবৃত্তি করিলেন।

এইরূপে বনে কতকাল কাটিল। অবশেষে কোন নগরে যাওয়াই স্থির হইল। একদিন দুই জনে এক কাঠুরিয়াপল্লীতে উপস্থিত হইলেন। দীনবেশ দেখিয়া কাঠুরিয়াগণ ইহাদের চিন্তিতে পারিল না। তাহারা সাগ্রহে ইহাদিগকে আশ্রয় দিল।

মহারাজা শ্রীবৎস তখন কাঠুরিয়া। তিনি তাহাদের সহিত বনে কাঠ আনিতে যান এবং বাজারে সেই কাঠ বিক্রয় করেন। চিন্তার গুণে কাঠুরিয়াদের জীর্ণ মোহিত হইল। তাঁহার রত্ন তাহাদের নিকট অমৃত বলিয়া বোধ হইতে লাগিল।

ঘটনাক্রমে একদিন এক সওদাগর নৌকায় করিয়া বাণিজ্য করিতে যাইতে ছিলেন। শনির মায়ায় নৌকা সেই কাঠুরিয়াপল্লীর নিকট আসিয়া চড়ায় আটকাইয়া গেল। নৌকা কিছুতেই চলিল না। সওদাগর বিশেষ চিন্তিত হইলেন। শনি এক গণকের বেশ ধরিয়া সওদাগরের নিকট উপস্থিত হইয়া কহিলেন—“যদি কোন সতী আসিয়া তোমার নৌকা স্পর্শ করে, তাহা হইলে নৌকা চলিবে।” সওদাগর উপযুক্ত পুরস্কার দিয়া কাঠুরিয়াপল্লীর সমস্ত স্ত্রীলোককে আনাইয়া নৌকা স্পর্শ করাইলেন। তথাপি নৌকা চলিল না, অবশেষে শনির কৌশলে চিন্তাকে আহ্বান করা হইল। সতী মহাবিপদে পড়িলেন। ‘স্বামী গৃহে নাই, তাঁহার কোন স্থানেই যাওয়া উচিত নয়, অথচ একজন বিপন্ন, তিনি একবারমাত্র গেলেই সে বিপদ হইতে উদ্ধার পাইবে।’ তাই অনেক আলোচনার পরে অবশেষে তিনি নদীতীরে যাওয়াই স্থির করিলেন।

## ভারতের নারী

তিনি স্পর্শ করিবারাত্রই নৌকা চলিল। সওদাগর মহা আনন্দিত হইলেন। কিন্তু ভবিষ্যতে এরূপ বিপদ পাছে ঘটে, এই আশঙ্কা করিয়া সওদাগর বলপূর্বক চিন্তাকে নিষ্কর নৌকায় তুলিয়া লইলেন। নৌকা ভাসিয়া চলিল।

নৌকায় উঠিয়া চিন্তা 'পরিজ্বাহি' চীৎকার করিতে লাগিলেন; কিন্তু কোন ফল হইল না। পাপাত্মা সওদাগর হস্ত রূপমোহে মুগ্ধ হইয়াছে, এই আশঙ্কায় সতী সূর্যোর স্তব করিতে লাগিলেন, যেন তাঁহার রূপবিকৃতি ঘটে। দেখিতে দেখিতে চিন্তার অঙ্গে গলিতকৃষ্ণ দেখা দিল। চিন্তা অনাহারে নৌকার একপার্শ্বে পড়িয়া রহিলেন।

শ্রীবৎস বনে কাষ্ঠসংগ্রহার্থে গিয়াছিলেন; আসিয়া দেখেন চিন্তা কুটিরে নাই। লোকমুখে চিন্তার অবস্থার কথা শুনিয়া তিনি উন্মাদের মত চীৎকার করিতে করিতে নদীতীরে ছুটিলেন। নদীর ধার দিয়া বরাবর চলিতে লাগিলেন। যাহাকে দেখেন, তাহাকেই চিন্তার কথা জিজ্ঞাসা করেন।

এইরূপে ঘুরিতে ঘুরিতে শ্রীবৎস সুরভির আশ্রমে উপস্থিত হইলেন। সুরভির মুখে চিন্তার সকল অবস্থা শুনিলেন। সুরভি তাঁহাকে সেই আশ্রমে থাকিতে বলিলেন। সুরভির দুগ্ধধারে মাটি ভিজিয়া যাইত। শ্রীবৎস তালবেতালকে স্মরণ করিয়া সেই মাটি দুই হস্তে ধরিতেন, আর উহা অমনি স্বর্ণপাট হইয়া উঠিত। এইরূপে তিনি বহু স্বর্ণপাট প্রস্তুত করিলেন।

অবশেষে শ্রীবৎসের লোভ উপস্থিত হইল; তিনি সেই সকল পাট বিক্রয় করিয়া অর্থ সংগ্রহ করিতে ইচ্ছা করিলেন। নদীতীরে একদিন দাঁড়াইয়া আছেন, এমন সময়ে দেখেন এক সওদাগর বাণিজ্য করিতে যাইতেছে। তিনি তাহাকে আহ্বান করিয়া সেই সকল স্বর্ণপাট লইয়া যাইতে বলিলেন। সওদাগর স্বর্ণপাটগুলি নৌকায় তুলিয়া লইল। শ্রীবৎসও সঙ্গে চলিলেন।

এত স্বর্ণের লোভ সওদাগর সংবরণ করিতে পারিল না। সে শ্রীবৎসকে হত্যা করিয়া স্বর্ণরাশি আত্মসাৎ করিতে উচ্চত হইল। হস্তপদ বন্ধন করিয়া সওদাগর শ্রীবৎসকে জলে ফেলিয়া দিল। শ্রীবৎস তালবেতালকে স্মরণ করিয়া জলে ভাসমান রহিলেন। নৈবযোগে সেই নৌকাতেই চিন্তা ছিলেন, তিনি স্বামীর এই দুর্দশা দেখিয়া



একটা বাগিচা জলে ফেলিয়া দিলেন। শ্রীবৎস ভাসিতে ভাসিতে চলিলেন। নৌকা চলিয়া গেল।

ভাসিতে ভাসিতে শ্রীবৎস সুবাহু রাজার দেশে মালিনীর ঘাটে আসিয়া উপস্থিত হইলেন। কোনরূপে ভীয়ে উঠিয়া তিনি মালিনীর গৃহে আশ্রয় লাভ করিলেন।

সুবাহু রাজার কন্যা ভদ্রা শ্রীবৎসকে দেখিয়া মোহিত হন। রাজা কন্যার স্বয়ংবর ঘোষণা করিলেন। অনেক দেশ হইতে রাজপুত্রেরা আসিয়া উপস্থিত হইলেন। ভদ্রা শ্রীবৎসকে ভিন্ন কাহাকেও মাল্যদান করিলেন না। শ্রীবৎস এক্ষণে রাজ-জামাতা হইলেন এবং রাজগৃহে স্থান পাইলেন।

ঘটনাচক্রে সওদাগর সেই সকল স্বর্ণপাট বিক্রয় করিবার জন্য সুবাহু রাজার রাজ্যে উপস্থিত হইল। শ্রীবৎস সেই সকল স্বর্ণপাট দেখিয়া চিন্তিতে পারিলেন। সওদাগরকে চোর বলিয়া রাজার নিকট অভিযুক্ত করিলেন। সওদাগর ঐ সকল স্বর্ণপাট নিজের বলিয়া প্রমাণ করিতে পারিল না; রাজা তাহাকে কারারুদ্ধ করিলেন। শ্রীবৎস সমস্ত স্বর্ণপাট নৌকা হইতে আনিতে গিয়া দেখেন সেই নৌকাতে চিন্তা রহিয়াছেন। পুনরায় উভয়ের মিলন হইল। সূর্যের স্তবে চিন্তার রূপলাবণ্য আবার ফিরিয়া আসিল। সুবাহু শ্রীবৎসের পরিচয় পাইয়া ধন্য হইলেন। শনির প্রভাবেই এই দুর্দশা হইয়াছে বুঝিয়া তিনি শনির স্তব করিতে লাগিলেন। শ্রীবৎসের দুঃখের দিন কাটিল। শুভদিনে চিন্তা ও ভদ্রাকে লইয়া শ্রীবৎস নিজের রাজ্যে ফিরিয়া আসিলেন। সতীর প্রভায় রাজ্য আবার সুশৈশ্বর্ষ্যে হাসিয়া উঠিল।

## বেহলা

বেহলা, নিছনি নগরের সায়-সওদাগরের কন্যা। রূপে, গুণে, বেহলার সমকক্ষ কেহ ছিল না। তিনি সমস্ত গুণের আধার। তাঁহার নৃত্য দেখিয়া কেহ মুগ্ধ না হইয়া থাকিতে পারিত না, সেইজন্য সকলে তাঁহাকে 'বেহলা নাচুনী' বলিয়া ডাকিত।

## ভারতের নারী

তাঁহাকে দেখিলে মনে হইত, বুঝি স্বর্গের কোন অঙ্গরা মানুষের দেহ ধারণ করিয়া পৃথিবীতে আসিয়াছেন। দেখিতে দেখিতে বেহলা বিবাহের উপযুক্ত হইয়া উঠিলেন।

শৈব চাঁদ সওদাগর চম্পক নগরের অধিপতি। মনসাদেবীর প্রতি তাঁহার অত্যন্ত বিদ্বেষভাব ছিল। 'চাঁদ সওদাগর পূজা না করিলে পৃথিবীতে মনসার পূজা প্রচলিত হইবে না'—শিবের এইরূপ আদেশ ছিল বলিয়া, মনসাদেবী তাঁদের পূজা পাইবার জন্য বিশেষ চেষ্টা করিতে লাগিলেন। কিন্তু চাঁদ কিছুতেই তাঁহাকে পূজা করিতে সম্মত হইলেন না। মনসাদেবী অবশেষে তাহার প্রতিফল দিবার জন্য বিবিধরূপে তাঁদের অনিষ্ট করিতে লাগিলেন। একে একে তাঁদের ছয় পুত্রকে সর্পাঘাতে মৃত্যুমুখে পাতিত করিলেন; তপাপি চাঁদ অবিচলিত, কিছুতেই মনসার পূজা করিলেন না। লোকের সহস্র উপদেশে, পত্নীর অবিরাম অশ্রুপাতে, কিছুতেই ভ্রক্ষেপ করিলেন না। মনসার কোপে শেষে ধনরত্নসহ তাঁদের চৌদ্দখানি ডিঙা জলমগ্ন হইল। চাঁদ অতিকষ্টে রক্ষা পাইলেন।

কিছুদিন এইভাবে কাটিল। অবশেষে তাঁদের আর এক পুত্র জন্মিল, নাম হইল লক্ষ্মীন্দর। ভাবী অমঙ্গল আশঙ্কায় পত্নী কত বুঝাইলেন, চাঁদ কিছুতেই পূজা করিতে স্বীকৃত হইলেন না। ক্রমে ক্রমে লক্ষ্মীন্দরের বিবাহের বয়স উপস্থিত হইল।

নানা দেশে ভ্রমণ করিয়া ঘটক সায়-সওদাগরের বাড়ীতে আসিয়া উপস্থিত হইল। বেহলার সহিত লক্ষ্মীন্দরের বিবাহ-সম্বন্ধ স্থির হইয়া গেল। কিন্তু দৈবজ্ঞ চাঁদকে গোপনে বলিয়া গেলেন—“বাসরঘরে সর্পাঘাতে লক্ষ্মীন্দরের মৃত্যু হইবে।”

এই বিপদ হইতে রক্ষা পাইবার জন্য চাঁদ সঁাতালি পর্কতে এক লোহার বাসর নির্মাণ করাইলেন; যাহাতে কোন সর্প সেখানে না আসিতে পারে, তাহার বিশিষ্ট-রূপ বন্দোবস্ত করিলেন। কিন্তু মনসার আদেশে বাসর-নির্মাতা এক স্তম্ভ ছিদ্র রাখিয়া গেল, চাঁদ তাহা জানিতে পারিলেন না।

মহাসমারোহে লক্ষ্মীন্দরের বিবাহ হইয়া গেল। চাঁদ পুত্র ও পুত্রবধূকে লইয়া সেই বাসরে রাখিলেন। ক্রীড়াকৌতুকের পরে লক্ষ্মীন্দর ঘুমাইয়া পড়িলেন। বেহলা জাগিয়া থাকিয়া তাঁহার পদসেবা করিতে লাগিলেন। কিছুক্ষণ পরে লক্ষ্মীন্দর জাগিয়া উঠিয়া ভাত খাইতে চাহিলেন। বেহলা কোনরূপে সেইখানেই রন্ধন করিয়া স্বামীকে

ধাওয়াইলেন। কিছুক্ষণ পরে উভয়ে নিদ্রিত হইয়া পড়িলেন। ইত্যবসরে সেই ছিদ্ৰ-পথে কালনাগিনী সেই গৃহে প্রবেশ করিল এবং লক্ষ্মীন্দরকে দংশন করিল। লক্ষ্মীন্দর চীৎকার করিয়া উঠিলেন, বেহলা জাগিয়া দেখেন—তাঁহার সর্বনাশ হইয়াছে।

প্রত্যুষে চাঁদ দ্বারের সম্মুখে আসিয়া বেহলার রোদনধ্বনি শুনিতে পাইয়া বুঝিলেন, লক্ষ্মীন্দর আর নাই। দ্বার উন্মুক্ত হইল, দেখিলেন স্বামীর বিবর্ণ-শব ক্রোড়ে লইয়া পূর্বরাত্রের পরিণীতা বালিকা বেহলা হাহাকার করিতেছে। শোকে, ক্ষোভে চাঁদ সংসার ত্যাগ করিলেন।

সর্পাঘাতে মৃত ব্যক্তিকে ভেলায় করিয়া জলে ভাসাইয়া দেওয়াই প্রথা; সুতরাং লক্ষ্মীন্দরকে ভেলায় করিয়া ভাসাইয়া দিবার উদ্যোগ হইতে লাগিল। কিন্তু বেহলা লক্ষ্মীন্দরকে ছাড়িয়া থাকিতে কিছুতেই স্বীকৃত হইলেন না। তিনি মূর্ত্তিমতী দেবী-প্রতিমার ন্যায় সেই ভেলায় গিয়া বসিলেন ও স্বামীর শব ক্রোড়ে তুলিয়া লইলেন। ভেলা গাঙ্গুড়ের জলে ভাসিয়া চলিল—যেন সহস্র সহস্র লোকের অশ্রুপাতেই ভাসিয়া চলিল।

ভেলা ভাসিয়া চলিল। কত প্রলোভন, কত বিভীষিকা, কিছুতেই বেহলার ক্রক্ষেপ নাই। স্বামীর শব বক্ষে দৃঢ়ভাবে ধরিয়া বালিকা চলিল। কোথায় যাইতেছে জানে না, তবুও তার দৃঢ় বিশ্বাস—স্বামীকে আবার ফিরিয়া পাইবে। ভেলা ক্রমে পচিতে আরম্ভ করিল; স্বামীর শব গলিত হইতে লাগিল। একদিন এক বোয়াল মাছ লক্ষ্মীন্দরের এক অঙ্গ কাটিয়া লইয়া গেল। বেহলার পরিধেয় বস্ত্র ছিন্ন ও গলিত হইল। এখন নিরুপায়, সেই পুত্তিগন্ধময় শব বক্ষে ধারণ করিয়া একমনে তিনি মনসাদেবীর স্মরণ করিতে লাগিলেন। সহসা ভেলা নূতন হইল, স্বামীর শব অবিকৃত হইতে লাগিল, পরিধেয় বস্ত্রও নূতন হইল।

ভেলা ক্রমে নেতা ধোপানীর ঘাটে আসিয়া উপস্থিত হইল। নেতার একটা ছুট ছেলে তাহাকে বড় জ্বালাতন করিত; ধোপানী এজন্ম তাহাকে মারিয়া সমস্ত দিন ফেলিয়া রাখিত। অবশেষে কাপড় কাচা শেষ হইলে তাহার মৃতদেহের উপর কয়েক ফোটা জল ছড়াইয়া তাহাকে পুনরুজ্জীবিত করিয়া স্বর্গে চলিয়া যাইত। বেহলা কয়েক দিন ধরিয়া ইহা লক্ষ্য করিলেন; একদিন গিয়া সহসা তাহার পদদ্বয় ধরিয়া কাঁদিতে

## ভারতের নারী

লাগিলেন। নেতা বেহলার মুখে সব কথা শুনিয়া তাঁহাকে আশ্বাস দিল। নেতা স্বর্গের খোপানী। দেবতাদের নিকটে বলিয়া একদিন নেতা বেহলাকে স্বর্গে লইয়া গেল। স্বামীর শবদেহ কোলে লইয়া বেহলা স্বর্গে উপস্থিত হইলেন।

দেবতারী সকলে বেহলাকে নৃত্য করিতে অমুরোধ করিলেন। স্বাধী স্ত্রী স্বামীর জন্ত সবই করিতে পারেন। স্বামীর প্রাণলাভের আশায় বেহলা সেই অবস্থায় নৃত্য করিতে লাগিলেন। সকলে সন্তুষ্ট হইলেন। মনসাদেবীর বরে লক্ষ্মীন্দর প্রাণ পাইলেন। বেহলার প্রার্থনায় লক্ষ্মীন্দরের মৃত ছয় ভ্রাতাও বাঁচিয়া উঠিল। বেহলা স্বামী ও ভাসুরদিগকে লইয়া মর্ত্যে ফিরিয়া আসিলেন। এইরূপে সতীত্ব-প্রভাবে মৃত পতিকে বাঁচাইয়া সতী গৃহে ফিরিলেন।

বেহলা ছদ্মবেশে প্রথমে তাঁহার পিতৃগৃহে আসিলেন, পরে আত্মপ্রকাশ করিলেন। মৃত পুত্রসকল জীবিত হইয়া ফিরিয়া আসিয়াছে শুনিয়া বনবাসী চাঁদ গৃহে ফিরিলেন এবং মনসার পূজা না করিলে কেহ গৃহে আসিবেন না শুনিয়া মনসার পূজা আরম্ভ করিতে বাধ্য হইলেন। সকলেই বাড়ীতে আসিলেন। মহাসমারোহে মনসাদেবীর পূজা হইল, মনসাদেবী আবিভূত হইয়া চাঁদকে আশীর্বাদ করিলেন। মনসার বরে চাঁদের জলমগ্ন ধনরত্নের উদ্ধার হইল। কিন্তু এই আনন্দের মাঝখানে শীঘ্রই এক বিষাদের ছায়া পড়িল। সহসা বেহলা ও লক্ষ্মীন্দর দেহত্যাগ করিয়া, দিব্য-রথে স্বর্গারোহণ করিলেন।

ভারতের নারী

(৩)

ভারতের নারী-পরিচয়

“...মায়ের কোলে ছেলে, সে ত  
ছেলে নয়, সে যে দেশ...”

—বারীন্দ্রকুমার ঘোষ

## ভারতের নারী-পরিচয়

[ আৰ্য্য-সভ্যতার প্রথম যুগ হইতে আজ পর্যন্ত সমাজ, সংসার, রাষ্ট্র এবং ধর্মে ভারতের বহু নারী এমন এক উজ্জ্বল আদর্শের সৃষ্টি করিয়া গিয়াছেন যে, তাহার প্রভাবে ভারতের সর্বস্থল পুণ্য ও পবিত্র হইয়াছে, তাহাদের চরিত্র-গাথা যুগে যুগে গীত হইয়া ভারতবর্ষকে মহিমামণ্ডিত করিয়াছে। এই জ্ঞেয় পুণ্যলোকা করেকজন নারীর পরিচয় আমরা সংক্ষেপে দিলাম ; উদ্দেশ্য ইহাদের কথা ও কাহিনী পাঠ করিয়া বর্তমান যুগের রমণীকুলও সেই আদর্শে অনুপ্রাণিত হইয়া নারীদের গৌরব পুনরায় প্রতিষ্ঠিত করিবেন।

**অদিতি—দক্ষরাজ-কন্যা** এবং মহর্ষি কশ্যপের পত্নী। ইহার সতীত্ব-মহিমায় পরিতুষ্ট হইয়া ইন্দ্র, বরুণ, বিষ্ণু প্রভৃতি ষাটশ দেবতা ইহার ষাটশ পুত্ররূপে জন্মগ্রহণ করেন। পারিজাত পুষ্প লইয়া ইন্দ্র ও শ্রীকৃষ্ণে যে যুদ্ধ হইয়াছিল, অদিতি তথায় মধ্যস্থ হইয়া সেই বিবাদ ভঙ্গন করেন।

**অনসূয়া—**( ১০২ পৃষ্ঠা দেখ )।

অম্বা, } ইহারা তিনজনেই কানীরাঙ্গের কন্যা। সে কালের ক্ষত্রনীতি  
অম্বিকা, } অনুসারে শাস্ত্রমুতনয় ভীষ্মদেব স্বয়ংবর-সভা হইতে এই তিন  
অম্বালিকা } রাজকন্যাকেই বীৰ্য্যশুদ্ধে জয় করিয়া আনেন। অম্বা মনে মনে  
শাৰদাজকে পতিত্বে বরণ করিয়াছিলেন জানিয়া ভীষ্মদেব তাঁহাকে ফিরাইয়া  
দেন, কিন্তু ভাগ্যবিপর্য্যয়ে শাৰদাজ অম্বাকে গ্রহণে অস্বীকৃত হইলে পরে  
তিনি পরশুরামের আশ্রয় গ্রহণ করেন। পরশুরামের অনেক অসুরোধসঙ্গেও  
ভীষ্মদেব স্বীয় সত্যব্রত ভক্ত হইবার আশঙ্কায় অম্বাকে যখন গ্রহণ করিলেন  
না, তখন প্রতিহিংসাবশতঃ সেই ক্ষত্রকুমারী মহাদেবের তপস্বী করেন।  
দেবাদিদেব আশুতোষ তপস্বীর তুষ্ট হইয়া এই বর দেন যে, পরজন্মে অম্বা  
ক্ষপদগৃহে শিখণ্ডী নামে জন্মগ্রহণ করিয়া ভীষ্মবধের কারণ হইবেন। পরে  
অম্বা অগ্নিতে প্রবেশ করিয়া দেহত্যাগ করেন।

অম্বিকা ও অম্বালিকার সহিত ভীষ্মদেবের বৈশ্যাজ্ঞের ভ্রাতা বিচিত্রবীৰ্য্যের  
বিবাহ হয়। বিচিত্রবীৰ্য্য অকালে কালগ্রাসে পতিত হইলে রাজবংশ লোপ

## ভারতের নারী

পাইবার আশঙ্কায় শাস্ত্রপত্নী, রাজমাতা সত্যবতীর আদেশে ব্যাসদেবের ঔরসে অধিকা ও অছালিকার গর্ভে যথাক্রমে ধৃতরাষ্ট্র ও পাণ্ডুর জন্ম হয় ; পরে দুই ভগিনী বনে গমন করিয়া তপস্শায় জীবন অতিবাহিত করেন ।

**অকলঙ্কতী**—( ১১০ পৃঃ দেখ ) ।

**অহল্যা**—প্রাতঃস্মরণীয়া পুণ্যলোকা নারীপঞ্চকের অন্ততমা, ঋষি গোতমের পত্নী এই অহল্যা দেবী । ইহার জ্যেষ্ঠপুত্র শতানন্দ রাজর্ষি জনকের পুরোহিত ছিলেন । একদা ঋষি গোতম স্নানার্থে গমন করিলে, দেবরাজ ইন্দ্র সেই অবসরে গোতমের রূপ ধারণ করিয়া আসিয়া অহল্যার ভ্রম উৎপাদন করিয়া তাঁহার সতীত্ব হরণ করেন । গোতম ফিরিয়া আসিয়া, সমস্ত ব্যাপার জানিয়া, পত্নীকে অভিশাপ দিয়া তাঁহাকে পাষণময়ী প্রতিমায় পরিণত করেন । অহল্যা নিষ্পাপা ছিলেন, তথাপি তাঁহার স্বামী বুদ্ধিতে না পারিয়া সাধীকে অভিশাপ দেন । বহুকাল পরে শ্রীরামচন্দ্র সেই পাষণস্তুপ স্বীয় পাদস্পর্শদ্বারা প্রাণময়ী করিয়া তুলেন । পাপমোচনের পর অহল্যা জগতে প্রাতঃস্মরণীয়া বলিয়া সর্বত্র পূজিতা হন ।

**অহল্যাবাদী**—১৭৩৫ খৃঃ অব্দে মালবদেশে কৃষিজীবী আনন্দ-রাও সিন্ধের ঔরসে অহল্যাবাদী জন্মগ্রহণ করেন । অসামান্য রূপবতী এই বালিকা পিতার শিক্ষার গুণে অল্পবয়সেই শাস্ত্র এবং অস্ত্রবিদ্যায় বিশেষ পারদর্শিনী হইয়া উঠেন । ইন্দোর রাজবংশের প্রতিষ্ঠাতা মলহর-রাও হোলকারের পুত্র কুন্দ-রাওর সহিত ইহার বিবাহ হয় । মাত্র ১৩ বৎসর বয়সে এক শিশুপুত্র এবং এক শিশুবক্সা লইয়া অহল্যাবাদী বিধবা হন । স্বামী লোকান্তরিত হইলে তাঁহার বিশাল রাজ্য তিনি দক্ষতার সহিত শাসন করিয়াছিলেন । রাণী অহল্যাবাদী হিন্দুধর্মের মূর্তিমতী প্রতিষ্ঠাত্রী ছিলেন । তাঁহার হৃদয় দয়ানাক্ষিণ্য প্রভৃতি উচ্চ গুণদ্বারা মণ্ডিত ছিল । সর্বসাধারণের মধ্যে ধর্মতাব অক্ষুণ্ণ রাখিবার উদ্দেশ্যে ধর্মপ্রচারকল্পে তিনি ভারতের বহু তীর্থস্থানে লুপ্ত এবং ভগ্ন মন্দিরের সংস্কার সাধন করেন । পুণ্যধাম বারাণসীতেই ইহার যথেষ্ট কীর্তি আজও তাহার সাক্ষ্য প্রদান করিতেছে ।



## ভারতের নারী-পরিচয়

**উত্তরা**—বিরাটরাজ-দুহিতা উত্তরা, অর্জুন-পুত্র অভিমন্যুর পত্নী। কুরুক্ষেত্রের যুদ্ধে সপ্তদশী কর্তৃক অভিমন্যু যখন অন্তায়ভাবে নিহত হটলেন, তখন ইহার গর্ভে রাজা পরীক্ষিত ছিলেন বলিয়া, ইনি স্বামীর সহিত সহযরণে যাইতে পারেন নাই। রাজা পরীক্ষিতের জন্ম হইলে তিনি তপশ্চর্য্যায় দেহত্যাগ করেন। উত্তরার বীরত্ব ও সতীত্ব অমুকরণীয়।

**উত্তমভারতী**—শাপলষ্টা সরস্বতী। মগুনমিশ্রের পত্নীরূপে মর্ত্যধামে ইনি উত্তমভারতী নামে পরিচিতা। শঙ্করাচার্য্য ও মগুনমিশ্রের মধ্যে তর্কযুদ্ধে উত্তমভারতী বিচারকের আসন গ্রহণ করেন। স্বামী পরাজিত হইলে, ইনি নিজের আচার্য্যের সহিত বিচারে প্রবৃত্ত হন। পরে স্বামী-স্ত্রী উভয়েই তাঁহার শিষ্যত্ব গ্রহণ করেন।

**উমাসুন্দরী**—শতাধিক বৎসর পূর্বে নবদ্বীপে 'বুনো' রামনাথ নামে এক প্রসিদ্ধ নৈয়ায়িক পণ্ডিত ছিলেন। তাঁহার ব্রাহ্মণীর নাম উমাসুন্দরী। পণ্ডিত-গৃহিণীর সারল্য ও অনাড়ম্বর জীবন তখনকার দিনে অনেক রমণীর আদর্শ ছিল; দৈন্ত্যহেতু শাখার পরিবর্তে হাতে একগাছি লালসূতা ও পরিধানে জীর্ণবসন। এই ভূষণেই অলঙ্কৃত হইয়া তিনি যেরূপ উচ্চহৃদয়ের পরিচয় দিয়াছিলেন, তাহাতে কৃষ্ণনগরের মহারানী পর্য্যন্ত মুগ্ধ হইয়াছিলেন। তাঁহার সতীত্বপ্রভা ও জ্ঞানের জ্যোতিঃ দারিদ্র্য্যদুঃখকে পরাভূত করিয়াছিল। এইরূপ আদর্শ জীবন বিরল।

**উর্মিলা**—কবিগুরু বাম্বীকির চির-অনাদৃত এবং মিথিলাধিপতি রাজর্ষি জনকের অন্ততমা সুন্দরী ও সুশিক্ষিতা কন্যা লক্ষ্মণপত্নী উর্মিলা। সমগ্র রামায়ণ-কাব্যে বিরহের বরণ ও মর্ম্মস্পর্শী ছবি এই নিঃশব্দচারিণী কোমলহৃদয়া রাজকন্য। শ্রীরামচন্দ্রের জন্ম লক্ষ্মণের আত্মবিলোপসাধন যেরূপ প্রশংসনীয়, সীতাদেবীর জন্ম উর্মিলার আত্মবিলোপসাধনও ততোধিক প্রশংসা পাইবার যোগ্য। ভ্রাতার সহিত বনগমনে তিনি স্বামীকে উৎসাহ প্রদান করেন। চতুর্দশ বৎসর পরে স্বামী বনবাস হইতে ফিরিয়া আসিলে কিছুকাল পরে তাঁহার গর্ভে অঙ্গদ ও চন্দ্র কতু নামে দুই পুত্র জন্মিয়াছিল।

## ভারতের নারী

**কর্মেদেবী**—চিতোরের সুপ্রসিদ্ধ রাণা সমরসিংহের অন্ততমা মহিষী। তিরোঁরী সমরে ১১২৪ খৃঃ অব্দে স্বামী সম্মুখ-সমরে দেহত্যাগ করিলে, ইনি চিতোর ও মেবার রক্ষার জন্য পাঠান সেনাপতি কুতুবউদ্দীনের সহিত যুদ্ধ করিয়া তাঁহাকে পরাস্ত করেন এবং অসীম ধৈর্য ও বীর্যসহকারে স্বামীর রাজ্য রক্ষা করেন। সতীত্বে, শৌর্ধ্যে, দানে কর্মেদেবীর নাম ভারতের নারীদিগের মধ্যে চিরস্মরণীয়।

**কৈকেয়ী**—কেকয় দেশের রাজকন্যা, রঘুবংশের মহারাজা দশরথের মধ্যমা মহিষী। যদিও ইনি চিরদিনই অন্তরে শ্রীরামচন্দ্রকে নিজ পুত্র ভরত অপেক্ষা অধিক স্নেহ করিতেন, তথাপি দৈবনিবন্ধন ইনি শ্রীরামচন্দ্রের বনবাসের কারণ হইয়া বিশিষ্টরূপে অমৃতপ্তা হইয়াছিলেন। শ্রীরামচন্দ্রের অশ্বমেধ-যজ্ঞশেষে কৌশল্যার মৃত্যুর পর ইহার মৃত্যু হয়।

**কৌশল্যা**—ইনি দশরথের প্রধানা মহিষী, শ্রীরামচন্দ্রের জননী। রামের বনবাস ও তজ্জন্ম স্বামীর মৃত্যুতে তাঁহার জীবন অসহনীয় হইয়াছিল। কর্তব্য-অমুরোধে জীবন ধারণ করিলেও কৌশল্যা চিরছুঃখিনী ও ব্রহ্মচারিণী থাকিয়া জীবনযাপন করেন। শ্রীরামচন্দ্র বনবাস হইতে ফিরিয়া আসিয়া পুনরায় অযোধ্যায় রাজসিংহাসনে বসিলে, কৌশল্যা কিছু শাস্তি লাভ করেন।

**কুম্ভী**—প্রাতঃস্মরণীয় পুণ্যশ্লোক নারীপঞ্চকের অন্ততমা এই কুম্ভী দেবী। ইনি যজু-বংশীয় শূরসেনের কন্যা, বসুদেবের ভগিনী ও পঞ্চপাণ্ডবের জননী; ইহার প্রকৃত নাম পৃথা। ইনি কুম্ভীভোজ রাজার আশ্রয়ে প্রতিপালিতা হইয়াছিলেন বলিয়া ইহার নাম কুম্ভী হইয়াছিল। কুমারী অবস্থায় মহর্ষি দুর্বাসা-প্রাপ্ত মন্ত্রের পরীক্ষার্থ সূর্যদেবের কাছে পুত্র কামনা করিয়া ইনি কর্ণ নামে মহাবীর পুত্র লাভ করেন এবং লোকলজ্জার ভয়ে সেই পুত্রকে জলে ভাসাইয়া দেন। পরে পাণ্ডুরাজের সহিত তাঁহার বিবাহ হয়, কিন্তু শাপবশতঃ স্বামীর অসামর্থ্যের জন্য তিনি ধর্ম, ইন্দ্র ও পবন দেবতার বরে মহাপরাক্রমশালী যে তিনটি পুত্র লাভ করেন, মহাত্ম্যেতে তাঁহারাই প্রধান পাণ্ডব নামে খ্যাত।

## ভারতের নারী-পরিচয়

শিশুপুত্রদিগকে লইয়া বিধবা হইয়া ইনি অতি কষ্টে তাঁহাদিগকে মাতুষ করেন ও তাঁহাদের বনবাসকালে নিজেও পুত্রদিগের সঙ্গে বনবাসে যান। কুরুক্ষেত্রের মহাযুদ্ধের পরে ইনি ধৃতরাষ্ট্র ও অগ্ন্যস্ত কুরুমণীদিগের সহিত বনে গমন করিয়া তপশ্চর্য্য দেহত্যাগ করেন।

**গার্গী**—জ্যেষ্ঠায়ুগে চিরকুমারী ব্রহ্মবাদিনী যে নারী রাজর্ষি জনকেব রাজসভায় নিঃশব্দচিত্তে যাজ্ঞবল্ক্য প্রভৃতি তৎকালীন শ্রেষ্ঠ পণ্ডিতগণের সহিত শাস্ত্র-আলোচনায় প্রবৃত্ত হইয়া আপনার অবিদ্যার কীৰ্ত্তি রাখিয়া গিয়াছেন, তিনি আর কেহই নহেন, ভারতের নারীপ্রতিভার উজ্জ্বল আদর্শ গার্গী। ইহার তেজস্বিতা ও পাণ্ডিত্য অসাধারণ ছিল।

**গান্ধারী**—( ১৪৬ পৃ: দেখ )।

**গোপা**—ভগবান্ বৃদ্ধদেবের পত্নী গোপাদেবী কলিঙ্গদেশের নরপতি দণ্ডপাণির কন্যা। গোপা অতি বুদ্ধিমতী, বিজ্ঞাবতী ও ধর্ম্মশীলা রমণী ছিলেন। পুত্র রাহুলের জন্মের সপ্তদিবস পরে পতি ধর্ম্মার্থে গৃহত্যাগ করিলে পরে গোপা সাত বৎসর ধরিয়া স্বামীর চিন্তায় কালাতিপাত করেন। সাত বৎসর পরে ভিক্ষুবেশে স্বামী গৃহে ফিরিলে, গোপা ভিক্ষুণী হইয়া স্বামীর ধর্ম্মজীবনকে সর্ব্বতোভাবে সার্থক করিয়া তুলেন।

**চন্দ্রমণি দেবী**—যুগাবতার শ্রীরামকৃষ্ণদেবের সৌভাগ্যবতী জননী। কামারপুকুর গ্রামে ইনি লক্ষ্মীস্বরূপা ছিলেন; আদর্শ ব্রাহ্মণ স্বামী স্কৃদিরাম চট্টোপাধ্যায়ের অর্চনায় ও অতিথি অভ্যাগতের সেবায় চন্দ্রমণি অক্লান্তকর্ম্মিণী আদর্শ রমণী ছিলেন। অকাতরশ্রমশালিনী এই মহিলা সংসারাত্রয়ের পরমধর্ম্ম পালনে কখনও অণুমাত্র ক্রটি বা তাচ্ছিল্য করিতেন না। পঁয়তাল্লিশ বৎসর বয়সে চন্দ্রমণির গর্ভে শ্রীরামকৃষ্ণদেবের আবির্ভাব হয়। পতিব্রতার ও সরলতার মূর্ত্তিমতী প্রতিমা, পতিপ্রাণা চন্দ্রমণি দেবীর সন্তান-বাৎসল্য অনন্তসাধারণ ছিল।

**চিন্তা**—( ১৫১ পৃ: দেখ )।

## ভারতের নারী

**জনা**—মাহীশূর রাজা নীলধ্বজের বীর্ষ্যবতী মহিষী, বীর প্রবীরের জননী—  
রমণীকুলমণি এই জনা। স্বাহা নামী ইহার এক সুন্দরী কন্যা ছিলেন।  
মায়ের আদেশে প্রবীর পাণ্ডবদিগের অশ্বমেধযজ্ঞের অশ্ব ধরেন এবং  
ঠাহাদের সহিত যুদ্ধে প্রবৃত্ত হইয়া নিহত হন। একমাত্র পুত্রের নিধন-  
সংবাদে জনা কাতর না হইয়া যুদ্ধক্ষেত্রে স্বয়ং অবতীর্ণা হন এবং শ্রীকৃষ্ণ ও  
অর্জুনের সহিত যুদ্ধ করেন।

**ভারা**—নিতা-প্রাতঃস্মরণীয়া পঞ্চনারীর অন্যতমা কপিরাজ বালি-পত্নী ভারা।  
শ্রীরামচন্দ্র স্বীয় মিত্র সুগ্রীবকে হতরাজ্যে পুনঃপ্রতিষ্ঠিত করিবার জন্য তদীয়  
অগ্রজ বালীকে বধ করিলে, এই সতী-নারী শ্রীরামচন্দ্রকে অভিশাপ প্রদান  
করেন। তারা অনাধ্যায়মণী হইলেও চিরদিন সতীধর্ম অক্ষুণ্ণ রাখেন।

**ভারাবাঈ**—রাজপুত্রনার অন্যতম বীরাজনা এই ভারাবাঈ। শৈশব হইতে পিতার  
যত্নে ইনি শস্ত্রবিদ্যা ও অশ্বারোহণে পারদর্শিনী হন। তৎকালীন বীরশ্রেষ্ঠ  
পৃথ্বীরাজের সহিত প্রণয়সূত্রে আবদ্ধ হইয়া ভারাবাঈ স্বামীর সহিত একত্র  
অশ্বপৃষ্ঠে যুদ্ধস্থলে গমন করিতেন। ইতিহাসের পৃষ্ঠায় এই বীরাজনার  
কীর্তিগাথা স্বর্ণাক্ষরে লিখিত আছে।

**দাময়ন্তী**—( ১২২ পৃ: দেখ )।

**দেবকী**—শ্রীকৃষ্ণের মাতা। ইনি উগ্রসেনের ভ্রাতা দেবকের তনয়া ছিলেন; ইহার  
সহিত বসুদেবের পরিণয় হয়। মহারাজ কংসের আদরিণী ভগিনী হইলেও  
ইনি স্বীয় ভ্রাতা কর্তৃক পতির সহিত কারারুদ্ধ হইয়াছিলেন। কংস কর্তৃক  
ইহার সাতটি পুত্র বিনষ্ট হয়। ইহারই অষ্টম পুত্র শ্রীকৃষ্ণ কংস-কারাগারে  
জন্মগ্রহণ করেন। বহুকাল পরে যদুবংশ ধ্বংসের পরে বসুদেব ষোণাবলম্বন-  
পূর্বক দেহত্যাগ করিলে, দেবকী ঠাহার সহগামিনী হইয়াছিলেন।

**জৌপদী**—( ১৩১ পৃ: দেখ )।

## ভারতের মারী-পরিচয়

**পদ্মাবতী**—বঙ্গনাহিত্যের কলকণ্ঠ-কোকিল বৈষ্ণব কবি জয়দেবের মাধ্বী পত্নী পদ্মাবতী। দিবা বিগ্রহর পর্যন্ত জয়দেব, কৃষ্ণনাম-কীর্তনে ও তখনে অভিবাহিত করিতেন। পদ্মাবতীও ততক্ষণ পর্যন্ত অলবিন্দু স্পর্শ না করিয়া স্বামীর ধর্মকর্মে সহায়তা করিতেন। পদ্মাবতীর ধর্ম ও কর্তব্যনিষ্ঠার মুক্ত হইয়া জয়দেবের আরাধ্য-দেবতা প্রথমে পদ্মাবতীকে দর্শন দেন। সতীর মাহাত্ম্যেই জয়দেব অতীষ্ট দেবতার অমুগ্রহ লাভ করেন।

**পদ্মিনী**—চিতোরের রাণা ভীমসিংহের পত্নী, অলোকসামান্ণা সুন্দরী বীরাজনা পদ্মিনী। ইহার রূপে মুক্ত হইয়া আলাউদ্দীন তাঁহাকে পাইবার জন্য উন্মত্ত হইয়া চিতোর আক্রমণ করেন। রাণা পাঠানের হস্তে বন্দী হইলে পদ্মিনী বহু রাজপুত্র বীরের সাহায্যে আলাউদ্দীনকে আক্রমণ করিয়া রাণাকে উদ্ধার করেন। চরিত্রহীন দুর্দাস্ত পাঠানের লোলুপদৃষ্টিতে চিতোর পুনরায় আক্রান্ত হইয়া অসহায় হইয়া পড়ে। সেই সময়ে অন্য কোন উপায় না দেখিয়া পদ্মিনী তাঁহার সহচরীদের লইয়া 'অহর'-ব্রতের অমুষ্ঠান করেন। এ ব্রত—জলস্ত অগ্নিকুণ্ডে জীবন্ত প্রবেশ করা। সতীত্বরক্ষার জন্য জীবন ত্যাগ করা রাজপুত্র রমণীর পক্ষে অত্যন্ত গৌরবের বিষয় ছিল।

**পার্বতী**—( ১০২ পৃ: দেখ )।

**প্রমীলা**—লঙ্কার অধিপতি জিতুবনবিজয়ী দশাননের কনিষ্ঠা পুত্রবধু—প্রমীলা। ইন্দ্রবিজয়ী মেঘনাদের ইনি উপযুক্তা বীরপত্নী ছিলেন। অসামান্ণা সুন্দরী এই রাক্ষসকুলবধুর সতীত্বে ও তেজস্বিতায় স্বয়ং ভগবতী পরিতুষ্টা ছিলেন। নিকুণ্ডিলা যজ্ঞাগারে লক্ষণ-হস্তে স্বামী নিহত হইলে প্রমীলা সহমরণে দেহত্যাগ করেন।

**প্রসূতি**—সতীর মাতা। ইনি শতরূপার গর্ভে স্বামীর মমুর ঔরসে জন্মগ্রহণ করেন। ইহার সহিত দক্ষ প্রজাপতির পরিণয় হয়। তাঁহার ঔরসে সতী প্রসূতি যষ্টিসংখ্যক কন্তার জন্ম হয়। দক্ষযজ্ঞে শিবনিন্দার যজ্ঞধ্বংস ও দক্ষের বিনাশ

## ভারতের নারী

হইলে, প্রকৃতি স্বীয় সতীত্বমহিমায় মহাদেবের প্রসাদে যুত স্বামীকে পুনর্জীবিত করেন।

বিশ্ববারা—

ঘোষা—

সূর্য্য—

যমি—

য়োমশা—

ইহারা সকলেই বৈদিকযুগের ব্রহ্মবাদিনী নারী। ইহাদের মধ্যে কেহ কেহ বিবাহিত জীবনেও ব্রহ্মচর্যের আদর্শ অটুট রাখেন এবং পাণ্ডিত্য ও প্রতিভার যথেষ্ট পরিচয় দেন; ইহাদের সকলেই ঋগ্বেদের কয়েকটি সূক্ত সংলগ্ন করেন। স্বর্গের দেবতা-মণ্ডলী পর্যন্ত ইহাদের তপস্বী ও সতীত্বপ্রভাবে মুগ্ধ হইয়া বর প্রদান করিতে বাধ্য হন।

বিষ্ণুপ্রিয়া—নাম ও প্রেমের দেবতা ত্রীশ্রীচৈতন্যদেবের দ্বিতীয়া পত্নী শ্রীশ্রীবিষ্ণুপ্রিয়া দেবী। চৈতন্যদেব চব্বিশ বৎসর বয়সে সন্ন্যাসধর্ম অবলম্বনপূর্বক গৃহত্যাগ করেন। চৈতন্যদেব গৃহত্যাগ কারলে পরে শ্রীশ্রীবিষ্ণুপ্রিয়া দেবী যে তীব্র বৈরাগ্যব্রত অবলম্বনপূর্বক পতির আদর্শকে ঐকান্তিক নিষ্ঠায় স্বীয় জীবনে সার্থক করিয়া তুলেন, তাহা অতুলনীয় বলিয়াই বৈষ্ণব কবিগণ বর্ণনা করিয়াছেন। পাতপ্রেম ও পতিনিষ্ঠার এমন উজ্জ্বল দৃষ্টান্ত তিনি দেখাইয়া গিয়াছেন, যাহার জন্ম ভারতের সাধ্বীগণের মধ্যে বিষ্ণুপ্রিয়া অন্ততমা বলিয়া কীর্তিতা হইয়াছেন।

বেহলা—( ১৫৫ পৃ: দেখ )।

ভগবতী দেবী—বীরসিংহের সিংহশিশু প্রাতঃস্বরগীয় ঈশ্বরচন্দ্র বিদ্যাসাগরের পুণ্যপ্নোকা জননী ভগবতী দেবী। কেমন করিয়া স্বীয় পুত্রকে সধর্মনিষ্ঠ করিয়া গড়িতে হয়, তাহা এই হিন্দুনারীর ভাল করিয়াই জানা ছিল। তাই শৈশবে এবং যৌবনকালে বিদ্যাসাগর মাতার নিকট হইতে যতভাবে যত শিক্ষালাভ করেন, পরবর্তী জীবনে তাহাই তাঁহাকে সকল কর্মে ও সকল প্রচেষ্টায় সার্থকতা আনিয়া দিয়াছিল। বিদ্যাসাগরের জীবনের পশ্চাতে যে সাধনা ছিল, তাহার অনেকখানি প্রেরণাই তিনি নিজের মায়ের নিকট হইতে পাইয়াছিলেন। এইজন্যই তাঁহার চরিত্রে যাতৃত্যব অনবস্ত-ভাবে ফুটিয়া উঠিয়াছিল।

**মন্দোদরী**—লঙ্কেশ্বর রাবণের প্রধান মহিষী মন্দোদরী। ইনিই বিখ্যাত মেঘনাদের বীরজননী। শ্রীরামচন্দ্রের হস্তে স্বীয় পতি নিহত হইলে পরে তাঁহার অমুরোধে ইনি বিত্তীর্ণের মহিষীরূপে তৎপার্শ্বে বসিয়া রাজকাৰ্য্য পরিচালনা করেন। মন্দোদরীর সত্যত্বগুণে স্বর্গের দেবতামণ্ডলীও বিমুগ্ধ ছিলেন।

**মহারানী স্বর্ণময়ী**—শম্ভুশ্রামলা বঙ্গভূমির এক নিভৃত পল্লীর বুকে শতাব্দিক বৎসর পূর্বে ১৮২৭ খৃঃ অব্দে যে মহীয়সী মহিলা জন্মগ্রহণ করিয়া চরিত্রের ঔদার্য্য ও দানশীলতায় অক্ষয় যশোরাশি অর্জন করেন, তিনিই চিরস্মরণীয় স্বর্ণময়ী। স্বর্ণময়ী প্রকৃতই যেন সোনার প্রতিমা—এমনই অনিন্দ্য তাঁহার রূপ ও সৌন্দর্য্য। অপেক্ষাকৃত দরিদ্র-বংশে জন্মগ্রহণ করিলেও স্বর্ণময়ী সর্বশুলক্ষণা ছিলেন বলিয়া কাশিমবাজারের সুপ্রসিদ্ধ ভূমাদিকারী ‘কাস্তাবাবু’ তাঁহার প্রপৌত্র কৃষ্ণনাথের সহিত ইহার বিবাহ দিয়া রাজলক্ষ্মীরূপে ইহাকে বরণ করিয়া আনেন। স্বামীর তত্ত্বাবধানে ইনি জমিদারী-সংক্রান্ত শিক্ষা লাভ করেন এবং তাঁহার পরলোকগমনের পরে স্বামীর সুবিস্তৃত জমিদারী বিশেষ দক্ষতার সহিত পরিচালনা করেন এবং জনহিতকর বহু কার্য্যে অক্লান্ত অর্থ অকাতরে দান করিয়া সরকারের নিকট হইতে ১৮৭১ খৃঃ অব্দে ‘মহারানী’ উপাধি লাভ করেন। তদবধি তাঁহার বংশধরগণ ‘মহারাজা’ উপাধিতে ভূষিত হন। হিন্দুবিধবার আচার ও নিয়ম-নিষ্ঠা সম্বন্ধে পালনপূর্ব্বক অপত্যনির্ব্বিশেষে প্রজাপালন করিয়া ভারতীয় নারীর মধ্যাদা অক্ষুণ্ণ রাখিয়া এই পুণ্যশ্লোকা বঙ্গললনা ১৮৯৭ খৃঃ অব্দে পরলোক গমন করেন।

**মহারানী শরৎসুন্দরী**—চিরকরণ বৈধব্যব্রতের চিরশুচিতাময়ী মূর্ত্তি মহারানী শরৎ-সুন্দরী। ১২৫৬ সালের ২৩শে আশ্বিন, রাজসাহী জেলার অন্তর্গত বিখ্যাত পুঁটিয়া গ্রামে ইহার জন্ম হয়। পিতা ভৈরবনাথ সাম্ভাল উপযুক্ত শিক্ষাদানে সৌন্দর্য্যের ললামভূতা কন্যাকে যথোপযুক্তভাবে গড়িয়া তোলেন। ছয় বৎসর বয়ঃক্রমকালে ১২৬২ সালে পুঁটিয়ার জমিদার কুমার যোগেন্দ্রনাথের সহিত শরৎসুন্দরীর বিবাহ হয়। পাশ্চাত্য শিক্ষার মোহ হইতে শরৎ-সুন্দরী যেভাবে তাঁহার স্বামীকে স্বর্ধর্ষে ফিরাইয়া আনেন, তাহাতে তাঁহার

## ভারতের নারী

যথো ভারতীয় নারীর আদর্শ যে সম্পূর্ণরূপে বিকশিত হইয়াছিল, তাহাই একতরূপে প্রমাণিত হয়। মাত্র ১৩ বৎসর বয়সে শরৎসুন্দরী বিধবা হন এবং মৃত্যু পর্য্যন্ত ষে রূপ পবিত্রভাবে এবং নিষ্ঠার সহিত তিনি বৈধব্যের কঠোর নিয়ম পালন করিয়াছিলেন এবং সেই সঙ্গে ত্যাগ, সেবা ও পরহিত-সাধনে ষে রূপ অনন্তমনা ছিলেন, তাহাতে তিনি সর্বযুগের আদর্শ-স্থানীয় নারী হইয়া থাকিবেন—ইহাতে সন্দেহ নাই। হিন্দুবিধবার সেবায়, দেব-মন্দির-প্রতিষ্ঠায় এবং পূজাপার্বণে অর্থব্যয়ে তিনি এমনই অকুণ্ঠা ছিলেন যে, তাঁহার গুণগ্রামে মুগ্ধ হইয়া সরকার তাঁহাকে 'মহারানী' উপাধি প্রদান করেন। ১২২০ সালে ২৫শে ফাল্গুন, এই মহীয়সী বঙ্গললনার মৃত্যু হয়।

**মাতাজী তপস্বিনী** উনবিংশ শতাব্দীর প্রথমভাগে (১৮০৫ খৃঃ) দক্ষিণ-ভারতে ভেলোর নামে এক ক্ষুদ্র করদ রাজ্য ছিল। ভেলোর রাজার কন্যার সহিত এক রাজপুত্রের বিবাহ হয়। এই ভেলোর-রাজকুমারীর গর্ভে মাতাজী তপস্বিনী জন্মগ্রহণ করেন। বাল্যে ইহার নাম ছিল সুনন্দা দেবী। চির-কুমারী থাকিবার সঙ্কল্প করিয়া সুনন্দা পঞ্চাগ্নি-ব্রত গ্রহণ করেন। এই কঠোর ব্রত উদ্‌ঘাপনের পরেও তিনি মাদ্রাজের তাম্রলিপ্তা নদীর তীরে বহুকাল তপস্বী করিয়া নানাগুণে ও আত্মসম্পদে ভূষিত হইয়া মাতাজী নাম গ্রহণ করেন। অতঃপর মাতাজী ভারতবর্ষের বহুস্থানে হিন্দু আদর্শে বালিকাদের জন্ম অনেক বিদ্যালয় স্থাপন করেন। কলিকাতার 'মহাকালী পাঠশালা' এই পুণ্যবতী দেবীরই অক্ষয়কীর্তি।

**মীরাবাই**—রাজপুত নারী মীরাবাই ভগবন্তকীর আদর্শ। অতি শিশুকাল হইতেই ইনি ভগবন্তাবে অল্পপ্রাণিতা ছিলেন এবং হৃদয়ের ভক্তিকে বাহিরের স্থললিত সঙ্গীতের ভিতর দিয়া অভিব্যক্ত করিতেন। চিতোরের মহারাণা কুন্ডের পরিণীতা পত্নী হইলেও রাজপ্রাসাদের বিলাস ও ঐশ্বর্য ভক্তিমতী মীরাকে বিন্দুমাত্র বিচলিত করিতে পারে নাই। রাজাস্তঃপুরের ভোগসুখ বর্জন করিয়া নিভূতে তিনি রণছোড়ীর (ত্রীকুঞ্চ-বিগ্রহের) আরাধনা করিতেন ও স্মিষ্ট সঙ্গীতদ্বারা ইষ্টদেবকে তুষ্ট করিতেন। কৃষ্ণপ্রণয়ে উদ্যাদিনী মীরা



## ভারতের নারী-পরিচয়

আজীবন এইভাবে কাটাইয়াছিলেন। আজও ভারতের সকল প্রদেশে মীরার গান গীত হইয়া প্রতি মানবহৃদয়ে ভক্তির অমিয় নিবন্ধরূপে বর্ষণ করে।

**মৈত্রেয়ী**—মহর্ষি যাজ্ঞবল্ক্যের দ্বিতীয়া পত্নী—মৈত্রেয়ী; প্রথমা কাত্যায়নী। মহর্ষি সন্ন্যাসগ্রহণকালে উভয় পত্নীর নিকট যখন অমুমতি গ্রহণ করেন, সেই সময়ে মৈত্রেয়ী ইহলোকের সর্বস্ব বর্জন করিয়া স্বামীর অমুগামিনী হন এবং তাঁহার অধ্যাত্মজীবনকে নিজের ত্যাগ ও সেবায় উজ্জ্বল ও সার্থক করিয়া তুলেন।

**যশোদা**—ব্রজরাজ নন্দ ঘোষের পুণ্যবতী সহধর্মিণী, ভগবান্ শ্রীকৃষ্ণের পালিকা মাতা যশোদাই যশোমতী নামে পরিকীর্তিতা। সতীসাধ্বী যশোমতা স্ত্রীহলভ বহু সদৃশ্যে বিভূষিতা ছিলেন। বাৎসল্য-রসের এমন করুণাময়ী মূর্তি জগতে আর দ্বিতীয় নাই বলিলেই চলে। তাঁহার মাতৃস্নেহে পরিতৃপ্ত শ্রীকৃষ্ণ স্বীয় মুখগহ্বরে মাতাকে বিশ্ব ব্রহ্মাণ্ড দেখাইয়া কৃতার্থ করেন।

**রাণী দুর্গাবতী**—মোগলকুলতিলক সম্রাট আকবর শাহের সময়ে যে কয়জন রাজপুত মহিলা বীরত্বে প্রসিদ্ধি লাভ করেন, তন্মধ্যে রোটা ও মোহরার অধিপতি শালিবাহনকন্তা রাণী দুর্গাবতী সর্বপ্রধান। গড়মণ্ডলের বীররাজা দলপতি সিংহের সহিত ইহার বিবাহ হইলেও, অল্পবয়সে বিধবা হইয়া ইনি ষেরূপ দক্ষতা-সহকারে স্বামীর সুবিস্তৃত রাজ্য শাসন করিয়াছিলেন, তাহার কাহিনী ইতিহাসে স্বর্ণাকরে লিখিত আছে। মোগল সেনাপতি আসফ খাঁ-ই রাণীর সহিত যুদ্ধে পরাজিত হইয়া সম্রাট আকবরকে সংবাদ দেন যেন সম্রাট স্বয়ং আসিয়া দুর্গাবতীর সহিত যুদ্ধে প্রবৃত্ত হন। অশ্বপৃষ্ঠে আলুলায়িতকুস্তলা ভারত-নারীর সে রণচণ্ডীমূর্তি দেখিয়া দিল্লীধর পর্য্যন্ত সেদিন মুগ্ধ হইয়াছিলেন। যুদ্ধক্ষেত্রেই শত্রুর বাণে রাণী দেহত্যাগ করেন।

**রাণী ভবানী**—মোগলশাসনের আমলে বাঙ্গালার রাষ্ট্রজীবনের ঘোর দুর্খযোগের দিনে ১৭২৪ খৃঃ অব্দে রাজসাহী জেলার অন্তর্গত ছাতিম গ্রামে পুণ্যান্নোকা রাণী ভবানী জন্মগ্রহণ করেন। পিতা আত্মারাম চৌধুরী ছিলেন উক্ত

## ভারতের নারী

গ্রামের প্রতাপশালী জমিদার। পিতৃগৃহে সামান্ত লেখাপড়া শিখিবার পরে নাটোরের মহারাজা রামজীবনের একমাত্র পোষ্যপুত্র মহারাজা রামকান্তের সহিত তাঁহার বিবাহ হয় এবং অল্পদিনের মধ্যেই ইনি বিধবা হন। স্বামি-গৃহে আসিয়া বালিকাবধু খত্তরের তত্ত্বাবধানে অন্যান্য বিষয় শিক্ষার সঙ্গে কুটরাজনীতিবিদ্যাও আয়ত্ত করেন এবং পরবর্তী কালে সুবিস্তৃত জমিদারী-পরিচালনায় ইনি যেরূপ দূরদর্শিতার ও সূক্ষ্মবুদ্ধিমত্তার পরিচয় প্রদান করেন, তাহাতে অনেকেই বিস্মিত হন। কিন্তু রাণী ভবানীর চরিত্রের ইহাই একমাত্র পরিচয় নহে। দানশীলতা ও অপত্যনির্বিশেষে প্রজাপালনই তাঁহার চরিত্রের একমাত্র গৌরব। দেশে-দেশে জলাশয়-খনন, তীর্থে-তীর্থে মন্দির-নির্মাণ, অতিথিশালা-নির্মাণ এই সকল মহৎ কর্মে রাণী ভবানী অকাতরে অজস্র অর্থ ব্যয় করিয়াছিলেন। ১১৭৬ সালের ভীষণ দুর্ভিক্ষের সময় বাঙ্গালা দেশকে রক্ষা করিতে ইনি স্বীয় ভাণ্ডার উন্মুক্ত করিয়া দিয়াছিলেন। শুধু নাটোরের কেন, সমগ্র বাঙ্গালার তিনি ছিলেন রাজলক্ষ্মী; এই সমস্ত প্রজার ছিলেন তিনি করুণারূপিণী জননী। অল্পবয়সে বিধবা হইলেও তিনি ত্যাগে, দানে ও সেবায় সত্যত্বের অক্ষয় আদর্শ রাখিয়া পরিণত বয়সে দেহত্যাগ করেন।

**রাণী রাসমণি**—দক্ষিণেশ্বরে যে পুণ্যসাধনপীঠে কঠোর সাধনা করিয়া ভগবান্ শ্রীশ্রীরামকৃষ্ণ 'মায়ের' কৃপালাভ করেন, সেই সিদ্ধপীঠের প্রতিষ্ঠাত্রী এই রাণী রাসমণি। অখ্যাত দরিদ্রবংশে এই রূপবতী রমণী জন্মগ্রহণ করেন এবং পূর্বজন্মের অশেষ স্মৃতিবলে এই জন্মে ইনি কমলার অঘাচিত অজস্র কৃপা লাভ করেন। নানাবিধ ধর্মকর্মে অর্থবায়ে ইনি মুক্তহস্তা ছিলেন, এবং নারায়ণজ্ঞানে আত্মীবন দীনদরিদ্রের সেবায় অকুণ্ঠা ছিলেন। ইহজীবনে তাই ভগবানের সর্বশ্রেষ্ঠ আশীর্বাদরূপে ইহার বংশধরগণ শ্রীশ্রীরামকৃষ্ণ-দেবের যথেষ্ট কৃপা লাভ করেন। রাণী রাসমণি একদিকে যেমন কোমলচিত্ত ও দানশীল রমণী ছিলেন, অন্য দিকে তেমনই নির্ভীকা ছিলেন; তাঁহার চরিত্রে কঠোরতা ও কোমলতা উভয়েরই সংমিশ্রণ ঘটিয়াছিল।

## ভারতের নারী-পরিচয়

**লক্ষ্মীবর্জি**—ভারতীয় নারীদের মধ্যে সাহসিকতা ও নির্ভীকতা এবং শাস্ত্র ও শাস্ত্র বিচার্য ঝাঁসৌর রাণী লক্ষ্মীবর্জি-এর স্থান সর্বোচ্চ বলিলে অত্যাঙ্কি হয় না । ইনি ঝাঁসৌর মহারাজা গজাধর রাও-এর পত্নী । অপুত্রক অহস্য বিধবা হইয়া ইনি আনন্দরাম নামে একটি বালককে দত্তক গ্রহণ করেন । তখন ডালহৌসির শাসনকাল এবং তাঁহারই সহিত রাজ্য-সম্পর্কে রাণীর সংঘর্ষ উপস্থিত হয় । ১৮৫৭ খৃঃ অব্দে ইংরাজেরা ঝাঁসৌ অধিকার করেন, সেই সময়ে রাণী লক্ষ্মীবর্জি তেজঃপূর্ণ বাক্যে বলিয়াছিলেন—‘মেরৌ ঝাঁসৌ নেহি দিউকী’ এবং আলুলায়িতকেশে অশ্বপৃষ্ঠে উন্মুক্ত তরবারিহস্তে ইংরাজ সৈন্যবাহিনীর প্রতিদ্বন্দ্বিতা করিয়াছিলেন । যুদ্ধক্ষেত্রেই সিংহবীর্ষ্যা এই রমণী যুত্মুখে পতিত হন । ইতিহাসে ইহার নাম চিরদিন কীৰ্ত্তিত হইবে ।

**লীলাবতী**—ভারতের অধিতীয় জ্যোতির্বিদ্ ভাস্করাচার্যের কন্যা লীলাবতী । বিবাহের অল্পকাল পরেই লীলাবতী বিধবা হন । বৃদ্ধ পণ্ডিত স্বীয় বিধবা কন্যাকে এমন সযত্নে জ্যোতিষশাস্ত্র শিক্ষা দিয়া একান্ত পারদর্শিনী করিয়া তুলিয়াছিলেন যে, পরবর্তী কালে বীজগণিতশাস্ত্রে পর্য্যন্ত লীলাবতী অসামান্য প্রতিভা প্রদর্শন করিয়াছিলেন । জ্যোতিষ প্রভৃতি জটিল শাস্ত্রে ভারতের নারী-প্রতিভা কতদূর উজ্জ্বলভাবে বিকশিত হইতে পারে, লীলাবতী তাহার একমাত্র নিদর্শন ।

**শকুন্তলা**—( ১২৭ পৃঃ দেখ ) ।

**শচীদেবী**—শ্রীশ্রীচৈতন্যমহাপ্রভুর জননী এষ্ট শচীদেবী । বালক নিমাইকে ইনি এমন-ভাবে লালনপালন করিতেন ও শিক্ষা দিতেন যে, তাঁহার সম্মান-বাৎসল্যে মহাপ্রভু অত্যন্ত মুগ্ধ থাকিতেন । স্বামী জগন্নাথ মিশ্রের মৃত্যুর পরে অতিকষ্টে সংসারযাত্রা নির্বাহ করিলেও সদাসর্বদা অতিথি-অত্যাগতের সেবা, নারায়ণ পূজা প্রভৃতি শচীদেবীর বাদ ঘাইত না ।

**শাণ্ডিল্যা তপস্বিনী**—বৈদিকযুগে পূর্ণব্রহ্মজ্ঞানবিভূষিতা যে কয়টি ভারতের নারীর সাক্ষাৎ পাই তাঁহাদের মধ্যে শাণ্ডিল্যা অন্যতম । রাজর্ষি জনকের সত্যর তিনি সম্পূর্ণ বিবজ্জা হইয়া ব্রহ্মবিদ্যাসম্পর্কে আলোচনা করিতেন । ইহার

## ভারতের নারী

তপস্কার প্রভাব এমনিই ছিল যে, একদা গরুড়-পক্ষী তাঁহাকে বৈকুণ্ঠে লইয়া যাইতে সক্ষম করেন। শান্তিলা তপোবলে গরুড়ের মনোভাব জানিতে পারেন। অমনি গরুড়ের পক্ষ দুইটা ধসিয়া পড়ে। তৎকালীন নারী-সমাজে শান্তিলা সমধিক সম্মান লাভ করিয়াছিলেন।

শৈব্যা—( ১১২ পৃ: দেখ )।

সতী—( ২২ পৃ: দেখ )।

সত্যবতী—বাসদেবের মাতা। ইনি বসুরাজের ঔরসে এবং মৎশুরূপা অত্রিকা অম্বরার গর্ভে জন্মগ্রহণ করেন। মৎশুজীবীগের দ্বারা প্রতিপালিতা বলিয়া ইনি মৎশুগন্ধা ও দাসরাজকণ্ঠা নামে বিখ্যাত। মহারাজ শাস্তনুর সহিত ইহার বিবাহ হয়। কুমারী অবস্থায় পরাশরের ঔরসে ইহার গর্ভে বাসদেব নামক পুত্রর এবং বিবাহের পরে শাস্তনুর ঔরসে চিত্রাঙ্গদ ও বিচিত্রবীর্ষের জন্ম হয়। পরিণত জীবনে সত্যবতী বনগমনপূর্বক তপশ্চরণে দেহত্যাগ করেন।

সরমা—ধার্মিকশ্রেষ্ঠ বিভীষণ-পক্ষী সরমা স্বামীর গায় ধর্মপরায়ণা ছিলেন। একমাত্র পুত্র তরণীসেন শ্রীরামচন্দ্রের বিরুদ্ধে যুদ্ধ করিয়া প্রাণত্যাগ করিলে পরে সতী সরমা বিস্মৃত্যে শোকপ্রকাশ করেন নাই। সতীত্বে ও বীর্ষ্যে সরমা রমণীকুলের আদর্শ।

সাবিত্রী—( ১০৫ পৃ: দেখ )।

সারদামণি—যুগাবতার শ্রীশ্রীরামকৃষ্ণদেবের নিষ্ঠাবতী পত্নী সারদা দেবী। ত্যাগ ও সেবায়, ধর্ম ও পতিনিষ্ঠায় এই পুণ্যশ্লোকের জীবন হোমশিখার মতনই চির-উজ্জ্বল, চিরস্বিচ্ছ এবং চিরশান্ত। সেবাধর্মপরায়ণা এমন মহিমময়ী অথচ করুণাময়ী নারীমূর্তি খুব অল্পই দেখা গিয়াছে। স্বামীর তপস্শ্রাকে সকল দিক্ দিয়া সার্থক করিয়া তুলিবার জন্য ইনি নিজের সমস্ত ঐহিক সুখভোগ চিরজীবনের মত ত্যাগ করেন। জাগ্রত দেবতাজ্ঞানে ইনি স্বামীর পূজা করিতেন এবং শ্রীশ্রীরামকৃষ্ণদেবের তিরোত্তাবের পরেও তাঁহারই স্মৃতির অক্ষুধাবনে ইনি জীবনের শেষ কয়েক বৎসর অতিবাহিত করেন।

নীতা—( ১১৪ পৃ: দেখ )।

সুভদ্রা—শ্রীকৃষ্ণের বৈমাত্রেয় ভগিনী সুভদ্রা দেবী। বসুদেবের ঔরসে রোহিণীর গর্ভে ইহার জন্ম। সুভদ্রা শুধু বীরভগিনী নহেন, পরন্তু বীরপত্নী ও বীরমাতা। রোহিণীনন্দন বলরামকে পরাস্ত করিয়া অর্জুন সুভদ্রাকে বিবাহ করেন ও পরে ইহার গর্ভে বীর অভিমুখ্য জন্ম হয়। বীর্ষ্য ও আত্মসংযমাদি-গুণে ইনি এমনই বিভূষিতা ছিলেন যে, কুরুক্ষেত্রের মহাসমরে স্বীয় পুত্রের নিধন-সংবাদ শুনিয়াও অবিচলিতচিত্তে অর্জুনকে প্রবোধ দিচ্ছিলেন।

সুমিত্রা—মহারাজা দশরথের সর্বকনিষ্ঠা পত্নী সুমিত্রা। ইনি মহাবীর লক্ষ্মণের জননী। জীবনাবধি স্বামিগতপ্রাণা সুমিত্রা পরম নিষ্ঠাসহকারে স্বামীর সেবা করিয়া-ছিলেন। শ্রীরামচন্দ্রের বনগমনকালে ইনি স্বীয় পুত্র লক্ষ্মণকে তাঁহার সঙ্গে অঙ্গুগমন করিতে আদেশ করেন এবং পুত্রকে উপদেশ দিয়া বলেন—“জ্যেষ্ঠ ভ্রাতা রামকে তুমি পিতা দশরথের তুল্য জ্ঞান করিবে ও ভ্রাতৃভাষা সীতাকে আমার মতন মা বলিয়া ভক্তি করিবে।” মহারাজা দশরথের মৃত্যুর পর সুমিত্রা জীবনের অবশিষ্টকাল তপশ্চর্যায় অতিবাহিত করেন।

সুলভা—পৌরাণিক যুগের চির-ব্রহ্মচারিণী রমণী সুলভার পাণ্ডিত্য তৎকালে সমধিক প্রসিদ্ধি লাভ করে। শিক্ষা পাইলে নারীও যে ব্রহ্মবিদ্যায় পুরুষের সমকক্ষ হইতে পারে, তাহা সুলভা বর্জক রাজর্ষি জনকের শিক্ষা প্রদান হইতে প্রমাণিত হইয়াছে। শাস্ত্রবিচারে সুলভা রাজর্ষি জনকের সভায় সুপণ্ডিত-গণের সহিত প্রতিদ্বন্দ্বিতা করিতেন। সুলভার মত নারী আজ এই দেশে বিরল হইয়া উঠিয়াছে বলিয়াই ভারতনারী আজ তেমন পূজা ও শ্রদ্ধা পাইতেছেন না।

সংযুক্তা—জয়চন্দ্রসুতা সংযুক্তা দেবী মাত্র বীর্ষ্যশালিনী ছিলেন না—তাঁহার পতিপ্রেম ও পতিনিষ্ঠা ভারতনারীর আদর্শের বিষয়। সতীত্বের গৌরব অম্লান রাখিতে সংযুক্তা স্নেহময় পিতাকে পরিত্যাগ করিয়া স্বয়ংবর-সভায় চৌহানপতি পৃথ্বীরাজের যুগ্মমুক্তির গলে বরমাল্য অর্পণ করেন ও পতির সাহিত অশ্বপৃষ্ঠে চলিয়া যান। ধানেশ্বরের যুদ্ধে পতি নিহত হইলে সতী সংযুক্তা স্বামীর চিতায় দেহত্যাগ করেন।

“মরিতে চাহি না আমি সুন্দর ভুবনে  
মানবের মাঝে আমি বাঁচিবারে চাই—  
এই সূর্যকরে এই পুষ্পিত কাননে  
জীবন্ত হৃদয় মাঝে যদি স্থান পাই ।  
ধরায় প্রাণের খেলা চির তরাজত,  
বিরহ মিলন কত হাসি অশ্রুসয়—  
মানবের স্নেহে দুঃখে গাঁথিয়া সংগীত  
যদি গো রচিত পাবি অমর আলয় ।”

—রবীন্দ্রনাথ

ভারতের নারী

( ৪ )

পরিশিষ্ট

( নারী-প্রগতি সম্বন্ধে বিজ্ঞ-মত )

“... মেয়েদের বাহিরের কাজে থাকিলে চলবে না। আমাদের দেশের প্রত্যেক মেয়েকে গৃহিণী ও জননী হইতে হইবে।”

—হের হিটলার



## ১। বিবাহ ও পাতিব্রত্য

ইলিয়-পরিভূষ্টি বা পুত্রমুখ নিরীক্ষণের জন্ত বিবাহ নহে। যদি বিবাহ-বন্ধনে মনুষ্য-চরিত্রের উৎকর্ষ সাধন না হইল, তবে বিবাহের প্রয়োজন নাই। ইলিয়াদি অভ্যাসেরই বশ, অভ্যাসে এ সকল একেবারে শাস্ত থাকিতে পারে। বরং মনুষ্যজাতি ইলিয়কে বশীভূত করিয়া পৃথিবী হইতে লুপ্ত হউক, তথাপি যে বিবাহে ঐতি-লিঙ্গা না হয়, সে বিবাহে প্রয়োজন নাই।

\* \* \* \* \*

বিবাহ স্ত্রীলোকের একমাত্র ধর্মের সোপান ; এইজন্ত গ্রীকে সহধর্মিণী বলে ; জগন্মাতাও শিবের বিবাহিতা।

\* \* \* \* \*

স্ত্রীজাতিই সংসারের রত্ন।

\* \* \* \* \*

আমাদের শুভাশুভের মূল আমাদের কর্ম, কর্মের মূল প্রবৃত্তি এবং অনেক স্থলেই আমাদের প্রবৃত্তিসকলের মূল আমাদের গৃহিণীগণ। অতএব স্ত্রীজাতি আমাদের শুভাশুভের মূল।

\* \* \* \* \*

স্ত্রী-পুরুষের পরস্পর ভালবাসাই দাম্পত্য-সুখ নহে ; একাভিসন্ধি, সহদগতা, উহাই দাম্পত্য-সুখ।

\* \* \* \* \*

স্ত্রীলোকের প্রথম ধর্ম পাতিব্রত্য।

\* \* \* \* \*

হিন্দুর মেয়ের পতিই দেবতা। অল্প সব সমাজ হিন্দুসমাজের কাছে এ অংশে নিকৃষ্ট।

\* \* \* \* \*

রমণী কামারী, দয়াময়ী, স্নেহময়ী ;—রমণী ঈশ্বরের কীর্তির চরমোৎকর্ষ, দেবতার ছায়া ; পুরুষ দেবতার সৃষ্টিমাত্র। স্ত্রী আলোক, পুরুষ ছায়া।

\* \* \* \* \*

গৃহিণী বাজন-হস্তে ভোজন-পাত্রের নিকট শোভমানা—জাতে মাছি নাই—তবু মারীধর্ম-পালনার্থ মাছি তাড়াইতে হইবে। হায় ! কোন্ পাণ্ডিত্য নরাধমেরা এ পরম রমণীয় ধর্ম লোপ করিতেছে ?

## ভারতের মারী

গৃহীণীর পাঁচজন দাসী আছে, কিন্তু স্বামিসেবা আর কাহার সাধ্য করিতে আসে ? যে পাপিষ্ঠেরা এ ধর্ম লোপ করিতেছে, হে আকাশ, তাহাদের মাথার স্তম্ভ কি তোমার বজ্র নাই ?

\* \* \* \* \*

যে সংসারের গিরী গিরীপণা জানে, সে সংসারে কাহারও মনঃপীড়া থাকে না। মাঝিতে হাল ধরিতে জানিলে নৌকার ভয় কি ?

\* \* \* \* \*

## ২। শ্রীঅরবিন্দের পত্র\*

প্রিয়তমা মৃগালিনী,

.....সংসারে সুখের অন্বেষণে গেলেই সেই সুখের মধ্যেই দুঃখ দেখা যায়, দুঃখ সর্বদা সুখকে জড়াইয়া থাকে, এই নিয়ম যে পুত্রকামনার সম্বন্ধেই ঘটে তাহা নহে, সব সাংসারিক কামনার ফল এই, ধীরচিত্তে সব দুঃখ-সুখ ভগবানের চরণে অর্পণ করাই মানুষের একমাত্র উপায়।

এখন সেই কথাটি বলি। তুমি বোধ হয় এর মধ্যে টের পেয়েছ, যাহার ভাগ্যের সঙ্গে তোমার ভাগা জড়িত, সে বড় বিচিত্র ধরণের লোক। এই দেশে আজকালকার লোকের যেমন মনের ভাব, জীবনের উদ্দেশ্য, কর্ত্ত্বের ক্ষেত্র, আমার কিন্তু তেমন নয়, সব বিষয়েই ভিন্ন, অসাধারণ। সামান্ত লোক, অসাধারণ

\* স্বদেশী যুগের অন্ততম নেতা, ভারত-জাতীয়তার ঋষি, স্বদেশ-প্রেমের কবি, ভারত-স্বাধীনতার পুণ্যপ্রাণ নবযুগের শ্রেষ্ঠ সাধক, জগদগুরু শ্রীঅরবিন্দ ঘোষ, ইং ১৯০৬ খ্রীষ্টাব্দের প্রথমে এই পত্র ও অন্যান্য পত্র গোপনে তাঁহার স্ত্রী শ্রীমতী মৃগালিনী ঘোষকে লেখেন। দৈবযোগে সেই গোপনীয় পত্রগুলি ১৯০৮ খ্রীষ্টাব্দে আলীপুর বোমার মামলার সময় পুলিশ আদালতে উপস্থিত করে। একখানি পত্রের সারাংশ এখানে উদ্ধৃত হইল। শ্রীঅরবিন্দ ব্রাহ্ম-বংশে জন্মগ্রহণ করিয়া, শিশুকাল হইতে বিলাতে শিক্ষিত হইয়াও হিন্দুধর্মের উপর আস্থা হারান নাই। অধিকন্তু হিন্দুধর্মের প্রকৃত অর্থ উপলব্ধি করিতে পারিয়াছিলেন। আজ তিনি শুধু ভারতের নহে, সমগ্র জগতের সত্যতা-সাধনার পথ দেখাইয়া দিতেছেন। শ্রীঅরবিন্দের স্তায় চিন্তাশীল মনীষী জগতে খুব কমই জন্মিয়াছেন এবং বর্তমান জগতে নাই বলিলেও চলে। তাই হিন্দু স্বামী-স্ত্রীর সম্বন্ধ-নির্ণয় পত্রখানি তাঁহার প্রথম যৌবনে লিখিত মতামত হইলেও আমাদের সকলেরই উহা পবিত্র রামায়ণ, গীতা ও মহাভারতের স্তায় পাঠ করা উচিত। সর্বসাধারণের পক্ষে বিশেষ দুঃখের সংবাদ যে, দেবী মৃগালিনী স্বামিসেবায় বঞ্চিত হইয়া পরজীবনে স্বামীর সেবা করিবার জন্য স্বামি-প্রদর্শিত পথ ধরিয়া সাধন-ভজন করিতে করিতে ১৩২৫ সালের ২রা পৌষ ইহধাম ত্যাগ করেন।

## শ্রীঅরবিন্দের পত্র

মত, অসাধারণ চেষ্টা, অসাধারণ উচ্চ আশাকে যাহা বলে তাহা বোধ হয় তুমি জান। এই সকল ভাবকে পাগলামি বলে ; পাগলের কৰ্মক্ষেত্রে সফলতা হইলে ওকে পাগল না বলিয়া প্রতিভাবান্ মহাপুরুষ বলে। কিন্তু ক'জনের চেষ্টা সফল হয়? মহত্ব লোকের মধ্যে দশজন অসাধারণ, সেই দশজনের মধ্যে একজন কৃতকার্য্য হয়। আমার কৰ্মক্ষেত্রে সফলতা দূরের কথা, সম্পূর্ণভাবে কৰ্মক্ষেত্রে অবতরণও করিতে পারি নাই, অতএব আমাকে পাগলই বুঝিবে। পাগলের হাতে পড়া শ্রীলোকের পক্ষে বড় অমঙ্গল, কারণ শ্রীজাতির সব আশা সাংসারিক সুখ-দুঃখই আবদ্ধ। পাগল তাহার শ্রীকে সুখ দিবে না, দুঃখই দেয়।

হিন্দুধর্মের প্রণেতৃগণ ইহা বুঝিতে পারিয়াছিলেন, তাহার অসামান্য চরিত্র, চেষ্টা ও আশাকে বড় ভালবাসিতেন, পাগল হোক বা মহাপুরুষই হোক, অসাধারণ লোককে বড় মানিতেন, কিন্তু এ সকলে শ্রীর যে ভয়ঙ্কর দুর্দশা হয়, তাহার কি উপায় হইবে? ঋষিগণ এই উপায় ঠিক করিলেন, তাহার শ্রীজাতিকে বলিলেন, তোমরা অজ হইতে পতিঃ পরমো গুরুঃ, এই মন্ত্রই শ্রীজাতির একমাত্র মন্ত্র বুঝিবে। শ্রী স্বামীর সহধর্মিণী, তিনি যে কার্য্যই স্বধর্ম বলিয়া গ্রহণ করিবেন, তাহাকে সাহায্য দিবে, মন্ত্রণা দিবে, উৎসাহ দিবে, তাহাকে দেবতা বলিয়া মানিবে, তাহারই সুখে সুখ, তাহারই দুঃখে দুঃখ বোধ করিবে। কান্য নির্বাচন করা পুরুষের অধিকার, সাহায্য ও উৎসাহ দেওয়া শ্রীর অধিকার।

এখন কথাটা এই, তুমি হিন্দুধর্মের পথ ধরিবে, না নূতন সভ্যধর্মের পথ ধরিবে? পাগলকে বিবাহ করিয়াছ, সে তোমার পূর্বজন্মান্বিত কৰ্মদোষের ফল। নিজের ভাগ্যের সঙ্গে একটা বন্দোবস্ত করা ভাল। সে কি রকম বন্দোবস্ত হইবে? পাঁচজনের মতের আশ্রয় লইয়া তুমিও কি ওকে পাগল বলিয়া উড়াইয়া দিবে? পাগল ত পাগলামির পথে ছুটিবেই ছুটিবে, তুমি ওকে ধরিয়া রাখিতে পারিবে না, তোমার চেয়ে ওর স্বভাবই বলবান। তবে তুমি কি কোণে বসিয়া কাঁদিবে মাত্র, না তার সঙ্গেই ছুটিবে, পাগলের উপযুক্ত পাগলী হইবার চেষ্টা করিবে, যেমন অন্ধরাজার মহিষী চক্ষুধ্বংসে বস্ত্র বাঁধিয়া নিজেই অন্ধ সাজিলেন। রাজার ব্রাহ্ম-স্কুলে পড়িয়া থাক তবু তুমি হিন্দু ধর্মের মেয়ে, হিন্দু পূর্বপুরুষের রক্ত তোমার শরীরে, আমার সম্মেহ নাই তুমি শেষোক্ত পথই ধরিবে।

আমার তিনটি পাগলামি আছে। প্রথম পাগলামি এই, আমার দৃঢ় বিশ্বাস ভগবান্ যে গুণ, যে প্রতিভা, যে উচ্চ শিক্ষা ও বিদ্যা, যে ধন দিয়াছেন সবই ভগবানের, যাহা পরিবারের ভরণ-পোষণে লাগে আর যাহা নিতান্ত আবশ্যকীয়, তাহাই নিজের জন্ত খরচ করিবার অধিকার, যাহা বাকী রহিল, ভগবান্কে ফেরত দেওয়া উচিত। আমি যদি সবই নিজের জন্ত, সুখের জন্ত, বিলাসের জন্ত খরচ করি, তাহা হইলে আমি চোর। হিন্দুশাস্ত্রে বলে, যে ভগবানের নিকট হইতে ধন লইয়া ভগবান্কে দেয় না, সে চোর। এ পর্য্যন্ত ভগবান্কে দুই আনা দিয়া চৌদ্দ আনা নিজের সুখে খরচ করিয়া হিসাবটা চুকাইয়া সাংসারিক সুখে মত্ত রহিয়াছি, জীবনের অর্দ্ধাংশটা বৃথা গেল, পশুও নিজের পরিবারের উদর পুরিয়া কৃতার্থ হয়।

আমি এতদিন পশুবৃত্তি ও চৌর্য্যবৃত্তি করিয়া আসিতেছি ইহা বুঝিতে পারিলাম। বুঝিয়া বড় অনুতাপ ও নিজের উপর ঘৃণা হইয়াছে, আর নয়, সে পাপ জন্মের মত ছাড়িয়া দিলাম।.....এই দুর্দিনে সমস্ত দেশ আমার দ্বারে আশ্রিত, আমার ত্রিশ কোটি শাই-বোন এই দেশে আছে, তাহাদের মধ্যে অনেকে অনাহারে মরিতেছে, অধিকাংশই কষ্টে ও দুঃখে জর্জরিত হইয়া কোন মতে বাঁচিয়া থাকে, তাহাদের হিত করিতে হয়।

## ভারতের মারী

কি বল, এই বিষয়ে আমার সহধর্মিণী হইবে? কেবল সামান্য লোকের মত খাইয়া পরিয়া সত্যি সত্যি যাহা দরকার তাহাই কিনিয়া আর সব ভগবান্কে দিব, এই আমার ইচ্ছা। তুমি মত দিলেই, তাগ স্বীকার করিতে পারিলেই আমার অভিসন্ধি পূর্ণ হইতে পারে। তুমি বলেছিলে 'আমার কোন উন্নতি হল না' এই একটা উন্নতির পথ দেখাইয়া দিলাম, সে পথে যাইবে কি?

দ্বিতীয় পাগলামি সম্প্রতিই ঘাড়ে চেপেছে। পাগলামিটা এই যে, কোন মতে ভগবানের সাক্ষাৎ দর্শন লাভ করিতে হইবে। আজকালকার ধর্ম ভগবানের নাম কথায় কথায় মুখে নেওয়া, সকলের সমক্ষে প্রার্থনা করা, লোককে দেখান আমি কি ধার্মিক, তাহা আমি চাহি না। ঈশ্বর যদি থাকেন, তাহা হইলে তাঁহার অস্তিত্ব অনুভব করিবার, তাঁহার সঙ্গে সাক্ষাৎ করিবার কোন না কোন পথ থাকিবে, সে পথ যতই দুর্গম হোক আমি সেই পথে যাইবার দৃঢ়সঙ্কল্প করিয়া বসিয়াছি। হিন্দুধর্মে বলে নিজের শরীরে, নিজের মনের মধ্যে সেই পথ আছে। যাইবার নিয়ম দেখাইয়া দিয়াছে, সেই সকল পালন করিতে আরম্ভ করিয়াছি। এক মাসের মধ্যে অনুভব করিতে পারিলাম, হিন্দুধর্মের কথা মিথ্যা নয়। যে যে চিত্তের কথা বলিয়াছে সেই সব উপলব্ধি করিতেছি। এখন আমার ইচ্ছা তোমাকেও সেই পথে নিয়া যাই। ঠিক সঙ্গে সঙ্গে যাইতে পারিবে না, কারণ তোমার অত জ্ঞান হয় নাই, কিন্তু আমার পিছনে পিছনে আসিতে কোন বাধা নাই। সে পথে সিদ্ধি সকলের হইতে পারে; কিন্তু প্রবেশ করা ইচ্ছার উপর নির্ভর করে। কেহ তোমাকে ধরিয়া নিয়া যাইতে পারিবে না। যদি মত থাকে তবে ইহার সম্বন্ধে আরও লিখিব।

তৃতীয় পাগলামি এই যে, লোকে স্বদেশকে একটা জড় পদার্থ, কতকগুলো মাঠ, ক্ষেত্র, বন, পর্বত, নদী বলিয়া জানে, আমি স্বদেশকে মা বলিয়া জানি, ভক্তি করি, পূজা করি। মা'র বুকের উপর বসিয়া যদি একটা রান্ধস রন্ধপানে উদাত হয়, তাহা হইলে ছেলে কি করে? নিশ্চিন্তভাবে আহার করিতে বসে, স্ত্রীপুত্রের সঙ্গে আনন্দ করিতে বসে, না মাকে উদ্ধার করিতে দৌড়াইয়া যায়? আমি জানি এই পতিত জাতিকে উদ্ধার করিবার বল আমার গায়ে আছে, শারীরিক বল নয়, তরবারি বা বন্দুক লইয়া যুদ্ধ করিতে যাইতেছি না, জ্ঞানের বল। ক্ষত্রভেদ একমাত্র ভেদ নহে—ব্রহ্মভেদও আছে, সেই ভেদ জ্ঞানের উপর প্রতিষ্ঠিত। এই ভাব নূতন নহে, আজকালকার নহে, এই ভাব নিয়া আমি জন্মিয়াছিলাম, এই ভাব আমার মজ্জাগত, ভগবান্ এই মহাব্রত সাধন করিতে আমাকে পৃথিবীতে পাঠাইয়াছিলেন। চৌদ্দ বৎসর বয়সে বীজটা অঙ্কুরিত হইতে লাগিল, আঠার বৎসর বয়সে প্রতিষ্ঠা দৃঢ় ও অটল হইয়াছিল। তুমি ন-মাসির কথা শুনিয়া ভাবিয়াছিলে কোথাকার বদলোক তোমার সরল, ভালমানুষ স্বামীকে কুপথে টানিয়া লইয়াছে। তোমার ভালমানুষ স্বামীই কিন্তু সেই লোককে ও আরও শত শত লোককে সেই পথে, কুপথ বা সুপথ হোক, প্রবেশ করাইয়াছিল, আরও সহস্র সহস্র লোককে প্রবেশ করাইবে। কার্যসিদ্ধি আমি থাকিতেই হইবে তাহা আমি বলিতেছি না, কিন্তু হইবে নিশ্চয়ই।

এখন বলি তুমি এ বিষয়ে কি করিতে চাও? স্ত্রী স্বামীর শক্তি; তুমি উষার শিষ্টা হইয়া সাহেব-পূজা-মন্ত্র জপ করিবে? উদাসীন হইয়া স্বামীর শক্তি খর্ব করিবে? না, মহানুভূতি ও উৎসাহ দ্বিগুণিত করিবে? তুমি বলিবে এই সব মহৎ কর্মে আমার মত সামান্য মেয়ে কি করিতে পারে, আমার মনের বল নাই, বুদ্ধি নাই, ওই সব কথা ভাবিতে ভয় করে। তাহার সহজ উপায় আছে, ভগবানের আশ্রয় নাও, ঈশ্বর-প্রাপ্তির পথে একবার প্রবেশ কর, তোমার যে যে অভাব আছে তিনি শীঘ্র পূরণ করিবেন; যে ভগবানের নিকট

## শ্রীঅন্নবিশেষ পত্র

আশ্রয় লইয়াছে, ভয় তাহাকে ক্রমে ক্রমে ছাড়িয়া দেয়। আর আমার উপর যদি বিশ্বাস করিতে পার, দশজনের কথা না শুনিয়া আমারই কথা যদি শোন, আমি তোমাকে আমারই বল দিতে পারি, তাহাতে আমার বলের হানি না হইয়া বৃদ্ধিই হইবে। আমরা বলি শ্রী স্বামীর শক্তি ; মানে স্বামী শ্রীর মধ্যে নিজের প্রতিমূর্ত্তি দেখিয়া তাহার কাছে নিজের মহৎ আকাঙ্ক্ষার প্রতিধ্বনি পাইয়া বিগুণ শক্তি লাভ করে।

চিরদিনই কি এইভাবে থাকিবে? আমি ভাল কাপড় পরিব, ভাল আহার করিব, হাসিব, নাচিব, যত রকম সুখ ভোগ করিব, এই মনের অবস্থাকে উন্নতি বলে না। আজকাল আমাদের মেয়েদের জীবন এই সঙ্কীর্ণ ও অতি হেয় আকার ধারণ করিয়াছে। তুমি এই সব ছেড়ে দাও, আমার সঙ্গে এস।

তোমার স্বভাবের একটা দোষ আছে, তুমি অতিমাত্র সরল। যে যাহা বলে তাহাই শোন ; ইহাতে মন চিরকাল অস্থির থাকে, বুদ্ধি বিকাশ পায় না, কোন কর্ণে একাগ্রতা হয় না। এটা শোধরাতে হ'বে, একজনেরই কথা শুনিয়া জ্ঞান সঞ্চয় করিতে হইবে, এক লক্ষ্য ধরিয়া অবিচলিতচিত্তে কার্য সাধন করিতে হইবে, লোকের নিন্দা ও বিক্রপকে তুচ্ছ করিয়া স্থির ভক্তি রাখিতে হইবে।

আর একটা দোষ আছে—তোমার স্বভাবের নয়, কালের দোষ। বঙ্গদেশে কাল অমনতর হইয়াছে ; লোকে গম্ভীর কথাও গম্ভীরভাবে শুনিতো পারে না, ধর্ম, পরোপকার, মহৎ আকাঙ্ক্ষা, মহৎ চেষ্টা, দেশোদ্ধার, যাহা গম্ভীর, যাহা উচ্চ ও মহৎ, সব নিয়ে হাসি ও বিক্রপ, সবই হাসিয়া উড়াইতে চায় ; ব্রাহ্ম-স্কুলে থেকে থেকে তোমার এই দোষ একটু একটু হয়েছে, বারিও ছিল, অল্প পরিমাণে আমরা সকলেই এই দোষে দূষিত ; দেওঘরের লোকের মধ্যে ত আশ্চর্য্য বৃদ্ধি পাইয়াছে। এই মনের ভাব দৃঢ়মনে তাড়াইতে হয় ; তুমি তাহা সহজে পারিবে, আর একবার চিন্তা করিবার অভ্যাস করিলে তোমার আসল স্বভাব ফুটিবে ; পরোপকার ও স্বার্থত্যাগের দিকে তোমার টান আছে, কেবলি এক মনের জোরের অভাব ; ঈশ্বর-উপাসনার সেই জোর পাইবে।

এটাই ছিল আমার সেই গুপ্ত কথা। কারুর কাছে প্রকাশ না করিয়া নিজের মনে ধীর চিত্তে এই সব চিন্তা কর, এতে ভয় করিবার কিছুই নাই, তবে চিন্তা করিবার অনেক জিনিষ আছে। প্রথমে আর কিছু করিতে হইবে না, কেবল রোজ আধ ঘণ্টা ভগবানকে ধ্যান করিতে হয়, তাঁর কাছে প্রার্থনারূপে বলবতী ইচ্ছা প্রকাশ করিতে হয়। মনে ক্রমে ক্রমে তৈয়ারী হইবে। তাঁর কাছে সর্বদা এই প্রার্থনা করিতে হয়, আমি যেন স্বামীর জীবন, উদ্দেশ্য ও ঈশ্বর প্রাপ্তির পথে ব্যাঘাত না করিয়া সর্বদা সহায় হই, সাধনতুত হই। এটা করিবে।

গোমার—

## ৩। নারী জীবনের প্রকৃত আদর্শ “জননী ও জায়া”

“নারী-প্রগতি সম্বন্ধে এযুগে অনেকে অনেক কথাই বলিয়াছেন, কিন্তু আমাদের একথা ভুলিলে চলবে না যে, নারীর চিরন্তন আদর্শ হইল জননী ও জায়া। সংসারকে শ্রীমণ্ডিত করিয়া তোলা এবং গৃহস্থালীকে জ্ঞান ও সভ্যতার কেন্দ্ররূপে গঠন করিয়া তোলা নারীর কর্তব্য। বাঁধাধরা নিয়মানুসারে বিশ্ব-বিদ্যালয় হইতে বর্তমানে যে শিক্ষা দেওয়া হয় তাহা নিতান্তই প্রাণহীন ; এই শিক্ষা মানুষকে একমাত্র জীবিকা-অর্জনেরই উপযুক্ত করিয়া তোলে। নারীরা সৌন্দর্য্য ও মলিতকলার চিরন্তন অধিকারিণী, সুতরাং সর্বপ্রকার নীচতা ও সঙ্কীর্ণতা পরিহার করিয়া তাঁহারা যাহাতে তাঁহাদের অস্তুনিহিত সৌন্দর্য্যের বিকাশ করিতে পারেন এমন শিক্ষাই তাঁহাদিগকে দেওয়া উচিত। সৌন্দর্য্যই জীবনের প্রকৃত ভিত্তি এবং একমাত্র নারীই মানুষের ভিতর সৌন্দর্য্য ফুটাইয়া তুলিয়া তাহার জীবনযাত্রাকে সুখময় করিতে পারে।

“মানুষের জীবনযাত্রার আদর্শকে নারীই তাহার অস্তরের মাধুর্য্য দ্বারা উন্নত করিতে পারে। পারিবারিক জীবনের সমষ্টি হইল সামাজিক জীবন, সুতরাং এই পারিবারিক জীবনের মধ্যে নিখিল মানব-জাতির জন্ত কল্যাণ কামনা করা নারীর অশ্রুতম কর্তব্য। শিক্ষা এমন হওয়া উচিত, যাহার ফলে নারীশক্তি সমগ্র মানব-পরিবারকে আপনায় জন্ম মনে করিবে এবং যাহাতে জীবনের প্রাচুর্য্য ক্ষুণ্ণ হয় সে বিধি-নিষেধও তাহাকে লঙ্ঘন করিতে হইবে।

“যদি পরার্থে জীবন উৎসর্গীকৃত না হয় তাহা হইলে সেস্থলে নারীর প্রেমের সার্থকতা নাই ; মানুষের ভিতর যে প্রেম, সর্বজনীনতার অভাব পরিদৃষ্ট হয়, শিক্ষিতা নারী-সমাজও সংসারে সে অভাব পরিপূরণ করিতে পারে। যে সঙ্কীর্ণতার মধ্যে থাকিয়া আমাদের দৈনন্দিন জীবন বিযাক্ত হইয়া উঠে, নারীই আপনায় অস্তরের মাধুর্য্যবলে সে সঙ্কীর্ণতা হইতে আমাদের দৈনন্দিন জীবন বিযাক্ত হইয়া উঠে, নারীই আপনায় অস্তরের মাধুর্য্যবলে সে সঙ্কীর্ণতা হইতে আমাদের দৈনন্দিন জীবন বিযাক্ত হইয়া উঠে, নারীই আপনায় অস্তরের মাধুর্য্যবলে সে সঙ্কীর্ণতা হইতে আমাদের দৈনন্দিন জীবন বিযাক্ত হইয়া উঠে, নারীই আপনায় অস্তরের মাধুর্য্যবলে সে সঙ্কীর্ণতা হইতে আমাদের দৈনন্দিন জীবন বিযাক্ত হইয়া উঠে।

“নারী-মহিমার দ্বারাই সভ্যতার পরিমাপ হইয়া থাকে ; তাহার গৃহই জ্ঞানের কেন্দ্রভূমি। জীবনের মাধুর্য্য হইল সভ্যতা, এবং সভ্যতার পরিমাপ হইল সৌন্দর্য্য। একমাত্র নারীই তাহার জীবনে এই সৌন্দর্য্যকে উপলব্ধি করিয়া পুরুষদিগকে সর্বপ্রকারে সুসভা করিয়া তুলিতে পারে।”

## ৪। মাতৈঃ

চারিদিকে সাড়া পড়ে গেছে “নারী জেগেছে”, ভারত উদ্ধারের আর বেশী দেরী নেই ; আমি দেখছি “নারী রেগেছে”, তার সঙ্গে ভারত-উদ্ধারের কোন সম্বন্ধই নেই। কেউ কেউ বলবেন—রেগেই যদি থাকেন—ঘুমিয়ে ঘুমিয়ে মানুষ ত রাগতে পারে না, অতএব আদৌ জেগেছেন, পশ্চাৎ রেগেছেন, এমন ত হতে পারে ? হাঁ, তা পারে ; কিন্তু অনুগ্রহ করে যদি নিজাই ভঙ্গ হ’য়ে থাকে ত রেগে কি লাভ ?

সতী একবার রেগেছিলেন—আশুতোষের অমুনয় উপেক্ষা ক’রে, দশমহাবিদ্যার বিভীষিকা দেখিয়ে তাঁকে উদ্ভ্রান্ত করে, পিতৃগৃহে অনাহৃত হ’য়ে ছুটে গিয়েছিলেন—ফল হয়েছিল পিতার অজ্ঞমুগ্ধ, যজ্ঞপণ্ড, পরে আপনার দেহপাত। তারপর প্রেমময় পাগল স্বামীর স্বন্ধে ঘূর্ণায়মান শবদেহ দিগদিগন্তে ছড়িয়ে চতুঃষষ্টি পীঠস্থানের সৃষ্টি ; কিন্তু ধ্বংসলীলার সেখানেই অবসান হয়নি—প্রত্যাখ্যাত স্বামীর সহিত পুনর্মিলনের আকাঙ্ক্ষায় গিরিরাজগৃহে পুনরায় জন্ম-পরিগ্রহ এবং পরিত্যাগের পর পুনর্মিলন হ’য়ে তবে সে নাটকের পরিসমাপ্তি হ’য়েছিল। তবে তফাৎ এই, সব স্বামী ভাঙ্গড় ভোলা নয়, এমন কি আফিম-ধোর কগলাকাস্ত পৰ্য্যন্ত নয়। অতএব এ রাগের ফল কি হবে তাই লোকে ভেবে আকুল হচ্ছে।

\* \* \* \* \*

মা-সকল যে-সব প্রশ্ন নিয়ে রেগেছেন বা জেগেছেন যাঁই বলুন, তার মধ্যে মূল হচ্ছে—স্ত্রী ও পুরুষের সমানাধিকার equality of the sexes, এই equality বা সাম্য আপাততঃ এমনই স্মায়সঙ্গত এবং বুদ্ধিসঙ্গত বলে মনে হচ্ছে যে, সে সম্বন্ধে যে কোন তর্ক চলতে পারে তা মনে আসে না। কিন্তু প্রকৃতপক্ষে তা নয়। স্ত্রী ও পুরুষের মধ্যে সাম্য মাত্র এক হিসাবে—স্ত্রী ও পুরুষ উভয়েই genus homo এই পর্যায়ভুক্ত ; তা ছাড়া স্ত্রী-পুরুষের মধ্যে সমতা নেই বললেই হয়—সামাজিক বা পারিবারিক unit হিসাবে স্ত্রী ও পুরুষ দুটি ভিন্ন জীব।

ভিন্ন হ’লেও ছোট বড় হ’তে হবে তার কিছু মানে নেই ; বোম্বাই আম আর মর্ত্তমান কলা, দু’টা ভিন্ন ফল—কিন্তু কে ছোট কে বড় প্রশ্নের কোন মানেই হয় না ; ১০ টাকার এক মণ চাউল—১০ টাকা আর ১ মণ চাউল, দুই তুল্য হ’তে পারে, কিন্তু তুল্য মূল্য বলে এক বা সমধর্ম্মী নাও হ’তে পারে, কিন্তু দু’টা এক বস্তু নয়। অতএব দেখা যায় ভিন্ন হ’লেও তুল্য মূল্য হ’তে পারে, কিন্তু তুল্য মূল্য বলে এক বা সমধর্ম্মী নাও হ’তে পারে। স্ত্রী ও পুরুষ সম্বন্ধে সেই কথা—ভিন্ন ধর্ম্ম বলে কেউ কারও চেয়ে ছোট বা বড় নয়, তুল্য মূল্যই যদি হয় তাহ’লেও এক নয়।

স্ত্রী ও পুরুষ তথাপি সমান, যদি মা-সকল একথা বলেন তা হলেই আমাকে বলতেই হবে, মা-সকল “রেগেছেন”, জেগেছেন একথা বলতে পারব না।

তারপর স্বাধীনতার কথা ; মা সকলের আবেদন এই,—কেন স্ত্রী, পুরুষের অধীন হ’য়ে আজাবাহী

## ভারতের নারী

পুতুল নাচের পুতুল হয়ে থাকবে? এখানেও আমি “রাগারই” লক্ষণ দেখতে পাই—“জাগার” লক্ষণ দেখতে পাই না। প্রথম কথা গৃহস্থালীটা প্রাচীন Sparta রাজ্যের মত যুগ্ম রাজ্য হবে, না এক রাজার রাজ্য হবে? ছুই-এ এক না হ’লে গিয়ে ছুইজন (স্ত্রী ও পুরুষ) স্বতন্ত্র উন্নত হ’লে গৃহস্থালীকে যদি Democratic নীতি অনুসারে শাসন করতে চান, তাহ’লে রাজ্য ছেড়ে বনে গিয়েই বেশী সুখশান্তি লাভের আশা করা যায়। কার্যক্ষেত্রে কিন্তু দেখা যায় যে, অধিকাংশ স্থলেই একের প্রাধান্যই বলবান হ’লে উঠে—তা সেটা স্ত্রীরই হ’ক, বা পুরুষেরই হ’ক, অথবা স্ত্রী-পুরুষ ছুই-এ মিশে এক হ’লেই হ’ক, কিন্তু যেখানে Dual Sovereignty সেইখানে বিরোধ ও পরে বিচ্ছেদ। মা-সকলের এটাও বুঝা উচিত যে, ঘরের বাইরে এই পরাধীন দেশে, পুরুষ বেচারী যে স্বাধীনতা উপভোগ করে, তার চেয়ে কম স্বাধীনতা স্ত্রীগণ অস্ত্রপুর মধ্যে উপভোগ করেন না।

তবে, মা-সকলের পুরুষের উপর বড় বেশী আক্রোশ এইজন্য যে, পুরুষ ব্যভিচারী হ’লে তার সাতখুন মাপ, কিন্তু রমণীর ক্ষণিক দুর্বলতার জন্য একটু পদস্থলন হ’লেই সে বেচারী চিরদিনের জন্য দাগী হ’লে গেল, তার এতটুকু অপরাধের মার্জনা নেই। মা-সকলের একথাটা একটু খোলসা করে বুঝতে চাই। পুরুষের পক্ষে আইনটাকে খুব কড়া করে দেওয়া যদি তাঁদের অভিপ্রায় হয়, তাতে আপত্তি নেই বরং আমি তার খুব পরিপোষণ করি। কিন্তু পুরুষের বেলা আইনটা যেমন আলগা, নারীর বেলাও সমানাধিকারের নিয়মে তেমনি আলগা কেন হবে না। মা-সকলের যদি অভিপ্রায় হয়, তা হ’লে নারী রেগেছে বলব না ত কি? আর রাগের সঙ্গেই ত বুদ্ধিনাশ, আর তারপর বিনাশ।

সাম্যবাদী বা কাদিনীরা যাই বলুন আর যাই করুন, ব্যভিচারের যদি পারিবারিক পরিণাম কল্পনা করে দেখা যায়, তাহ’লে সে পরিণামকে কিছুতেই সমান বলা যায় না।

\* \* \* \* \*

স্ত্রীগণের স্বাধীনতা-লাভের উপায় হিসাবে বলা হয়েছে যে, তারা নিজের নিজের পায়ের উপর ভর দিয়ে দাঁড়াতে শিখুন, অর্থাৎ নিজে উপায়কম হন, এবং তদনুযায়ী বিদ্যা বা শিল্প শিক্ষা করুন। কমলাকান্তের গৃহ শব্দ—সে হাত পুড়িয়ে রেঁধে খেয়ে থাকে, তবুও আমার পুরুষ ভ্রাতাগণের পক্ষ হ’তে এইমাত্র বলবার আছে যে, এই দারুণ আক্রমণের দিনেও, পুরুষ একক কষ্ট ক’রেও কোন দিন এ পর্য্যন্ত তার গৃহিণীকে বলেনি—“আর পারি না, তুমি তোমার পেটের অন্ন গতর খাটিয়ে সংস্থান করে নাও।” পুরুষের দুঃখে দুঃখিত হয়ে যদি নারী গতর খাটাতে চায় ত সেটা ভালই বলতে হবে, কিন্তু যদি এটে অছিলে মাত্র ক’রে নিজের স্বাতন্ত্র্যলাভের পথ পরিষ্কার ক’রে নিতে থাকে, তাহ’লে পুরুষ বেচারার কাটা খায়ে স্তনের ছিটে দেওয়া হবে।

তারপর মা-সকল একবার ভেবে নেবেন যে, একবার গতর খাটাতে বেড়িয়ে পড়লে, আর স্ত্রী-শিল্প আর পুরুষ-শিল্প বলে কোন পার্থক্য থাকবে না। ব্যাঙ্কের দারোয়ানী থেকে আরম্ভ ক’রে কোদাল পাড়া পর্য্যন্ত সবই করতে হবে। যে দেশ থেকে স্ত্রী-স্বাধীনতার চেউ এদেশে উপস্থিত এসে লেগেছে—সে দেশে Factory girl থেকে আরম্ভ ক’রে ছুতার, রাজমিস্ত্রী, Chauffeur, গাড়োয়ান—সব কাজই মেয়েরা করছে, আবার Member of Parliamentও হয়েছে। স্ত্রী-পুরুষ ভেদাভেদে কার্যের ভেদাভেদ হয় নি, এবং স্ত্রী স্বাধীন বলে পুরুষের স্বাধীনতা পাশ থেকে একেবারে মুক্ত হ’তেও পারেনি।



## 'বাবা মেয়ে'

কেন পারেনি তার কারণ বলছি। স্বাধীনতা ও সাম্য ছাড়া আর একটা জিনিষ আছে, সেটার নাম—মৈত্রী। এই মৈত্রীর ক্ষুধা কি পুরুষ কি স্ত্রী উভয়েরই হৃদয়ে চিরদিন আছে ও থাকবে। স্ত্রী-পুরুষের মধ্যে স্বাধীনতার ও সাম্যের দাবী অপ্রাকৃত, অলোক—কিন্তু মৈত্রীর আহ্বান তাদের প্রকৃতির নিভৃত কন্দর থেকে চিরদিনই প্রতিমূহূর্ত্তে ধ্বনিত হচ্ছে, সে আহ্বানকে কানে তুলো দিলেও শুনতে হ'বে, কেননা সেটা বাহিরের আহ্বান নয়—সেটা ভিতরের ডাক।

## ৫। 'বাবা মেয়ে'

.....সোজা কথায় - মেয়েমুখো পুরুষ আর মদা মেয়েমানুষ এ দুটো কথাই গালাগাল।

মানুষ অর্থাৎ পুরুষ মানুষ নারীকে অবলা, দুর্বলা, weaker vessel ইত্যাদি উপাধি দিয়ে তুটু করতে চেষ্টা করেছে, কিন্তু নারী, নারী হিসাবে কোনদিন অবলাও নয়, weaker vesselও নয়। আমি প্রবলা তরবোলা হিড়িম্বা বহুত দেখেছি। তবে ও সকল খেতাব নারীকে যে দেওয়া হয়েছে, তার ভিতর দৃঢ় অভিসন্ধি আছে। পুরুষ নারীকে ধা করতে চায় তদনুরূপ উপাধিই দিয়ে থাকে। নাই বললে শুনেনি সাপের বিষও থাকে না। তোমার বল নাই, বুদ্ধি নাই, ভেজ নাই ইত্যাদি শুনতে শুনতে নারী বাস্তবিকই অবলা হ'য়ে যাবে এই দুষ্ট অভিপ্রায়েই পুরুষ নারীকে ঐ সকল মূশোভন অভিধা দিয়ে থাকে। নারী প্রকৃতপক্ষে কোনদিনই অবলা নয়।

তা'বলে নারী পুরুষও নয়, পুরুষের অসম্পূর্ণ সংস্করণও নয়।.....মমু, রাজবন্দা হ'তে আরম্ভ ক'রে মেকলে পর্যন্ত সংহিতাকার অপরাধ সম্বন্ধে স্ত্রী-পুরুষ বিভাগ করেন নি।.....

কিন্তু জীবন্ত পুরুষ ও জীবন্ত নারী দুইটা স্বতন্ত্র জীব, দুইটার স্বতন্ত্র ধর্ম; সে ধর্ম গিনি স্ত্রীকে স্ত্রী করেছেন, পুরুষকে পুরুষ করেছেন তিনিই নির্ণয় করেছেন। তাঁদের শরীর-মন সেই ভিন্ন ভিন্ন ধর্মের অনুগামী ক'রে গড়েছেন। নারী যদি পুরুষশুলভ গুণের কার্যের অধিকার চায়, সেটা নারী স্বভাবের বিকার বা অস্বাভাবিক পরিণতি বলতেই হবে।

এদেশে পুরুষ চিরদিন রমণীকে মাতৃ আখ্যা দিয়ে এসেছে, সেটা ঠিক নিছক courtesy নয়, কেননা স্ত্রীর স্ত্রীত্ব আর মাতৃত্ব একই কথা, আমাদের দেশের এই সনাতন ধর্ম। ইউরোপের অল্প কথা।..... সিগারেট মুখে বা হুকো হাতে ক'রে বসলে ( পরমহংসদেব যাই বলুন ) মা না ব'লে বাবা বলাই ঠিক মনে হয় না কি?

শুধু ফুটবল, ক্রিকেট ইত্যাদিতেই যে মাতৃত্ব অর্থাৎ স্ত্রীত্ব ক্ষুধা হয়ে যাচ্ছে তা নয়। আত্মরিক্ত মস্তিষ্ক চালনায় মাতৃগদয় শুক হ'য়ে গিয়ে, সম্ভানধারণ-ক্ষমতা লোপ পেয়ে, গৃহস্থালী পরিচালনোপযোগী বৃত্তিসকল শুকিয়ে গিয়ে, ইউরোপে একটা তৃতীয় box সৃজন হচ্ছে.....আমি বেশ দেখছি, নারীর মাতৃত্বের বিকাশ

## ভারতের নারী

না হ'লে বা তার অবকাশ না পেলেই সে পুরুষের কোটে এসে জুড়ে বসতে চায়.....ঘর ও বাহিরের মধ্যে যে প্রাচীর তা ভেঙ্গে ফেলবার জন্ত হাতিরার সংগ্রহ করতে থাকে। কিন্তু যে মুহূর্তে তাহার বন্ধে শিশু 'মা' ব'লে তার মাতৃহৃৎ জাগিয়ে তোলে, তখন পুরুষের দাবী ( যাকে মানুষের দাবী ব'লে মনে করে ) কোথায় ভেসে যায়। লগনের পথে পথে যখন suffragetteরা হৈ হৈ ক'রে অতি অশোভনভাবে তাদের মনুষ্যত্বের দাবী ঘোষণা ক'রে গগন কাটাচ্ছিল, আমি বলেছিলাম—হে ইংরাজ, মা সকলকে ঘরবাসী কর, স্বামীর সোহাগ আর সন্তানের মুখচুষনের ব্যবস্থা করে দাও, মা-সকলের মাতৃত্বের অমিয় উৎস খুলে দাও, মা-সকল আপনার পথ খুঁজে পাচ্ছে না, পথ দেখিয়ে দাও। কিন্তু ইংরাজ-সমাজ সেদিকে গেল না; তার উপর লোকবিধ্বংসী সমরবাহী তাহাদের যৌন-সংহতি লেহন করে নিয়ে গেল : সে ব্যবস্থা আরও হৃদয়পরাহত হ'য়ে গেল। তাই আজ নারীর নারীত্বের নামে পুরুষের স্বাধিকার মধ্যে হানা পড়ে গেছে। তার চেউ এখানেও এসে পৌঁচেছে। আমি দেখেছি বিলাতে গেমস স্বামী মিলে না ব'লে স্ত্রীগণ পুংখন্ডা হয়ে উঠে, আমাদের দেশে স্বামী মিললেও যেখানে স্বামিস্থ মিলল না, বা সন্তানের কাকলীতে গৃহঘার মুখরিত হ'য়ে উঠল না, প্রায় সেইখানেই মনটা হঠাৎ বহিস্থ হ'য়ে উঠে; হালফ্যাসান মত কথায় দেশসেবা, সগাজসংস্কার ইত্যাদির দিকে মনটা ছুটে বেরিয়ে পড়ে। প্রসন্নর একটা বিড়াল আছে, সে কখনও কখনও আমার ছুখে ভাগ বসায়, সেটাকে প্রসন্ন বড় ভালবাসে; প্রসন্নর সে মার্জ্জার-প্রীতি, আমি বুঝতে পারি, তার বৃত্তিকৃত মাতৃহৃৎয়ের সন্তান-প্রীতিরই রূপান্তর, আর কিছু নয়। অনেক প্রীতুলভ বাতিক ( Hobby ) তাঁদের হৃদয়ের কোন না কোন স্তাত বা অস্তাত শূন্য কন্দর পূর্ণ করার ব্যর্থ চেষ্টা মাত্র।

রমণীর এই মাতৃহৃৎ অর্থাৎ স্ত্রী বজায় রাখবার জন্ত, স্ত্রীদর্শী হিন্দুশাস্ত্রকার কন্ডামাত্রেরই বিবাহ অর্থাৎ, স্বামী সম্পর্কের ব্যবস্থা ক'রেছিলেন। Courtship বা flirtation-এর অনিশ্চিত জুরাখেলার উপর যৌনসম্মিলনের ইমারত তোলার ব্যবস্থা করেন নি। ইউরোপীয় কুমারীগণ অনেক সময় সেই flirtation অর্থাৎ বন্ধু-সম্মিলন বা বধু-সম্মিলনের "বিষম ঘুরণ পাকে" হাবুডুবু খেয়ে ঠাঁগিয়ে উঠে, মাতৃহৃৎ তথা মনুষ্যত্ব জলাঞ্জলি দিয়ে বিদ্রোহী হ'য়ে উঠেছেন।

আমি তাই বলছি—মা-সকল মা হও। Council বা court বল, সভা বল, সমিতি বল, বক্তৃতা বল, বৈচিত্র্য হিসাবে খুব অভিনব হ'লেও ওসব পড়া মা হওয়ার আগে নয়। 'বাবা মেয়ে'র পুষ্টি করে সংসারের সর্কনাশ করো না। দেশের সর্কনাশ করো না। আমি বলে রাখলুম পুরুষ পুরুষ, স্ত্রী স্ত্রী — the twain shall never meet.

## ৬। নারী-মঞ্জল

কুমারীত্ব, নারীত্ব এবং মাতৃত্ব—এই তিন শক্তির অভিব্যক্তির ধারা—শক্তিসঞ্চয়, শক্তিবিকাশ এবং শক্তিপ্রকাশের যুগ।

প্রথম অবস্থাটিকে শক্তিসঞ্চয়ের যুগ ( Potential accumulation ) বলা যেতে পারে। কুমারী-শক্তিকে আমরা হৃদয়ের অর্ঘ্য দিয়ে পূজা করি, কেননা শক্তি-প্রস্রবণের অনন্ত গোমুখীধারা কুমারীত্বের ভিতর লুকায়িত—সে যে বর্তমানের ভিতর ভবিষ্যতের উজ্জ্বল মোহন ছবি। এই সময় সীমাবদ্ধ গণ্ডীর মধ্যে সামান্য ক'জনকে নিয়েই তাঁর কারবার। তবে এই সময় থেকেই শক্তি সঞ্চিত ও সংঘত হ'তে থাকে। আমাদের দেশে গৌরীদানের ফল এই দাঁড়াত যে, ভিত্তি ঠিক না ক'রেই আমরা তার উপর প্রাসাদ গড়বার কল্পনা করতুম্। সুখের বিষয় সেদিন চলে যাচ্ছে। আশা করি এখন থেকে শক্তি সঞ্চিত ও সংঘত হ'লে তবেই কুমারী নারীত্বের তথা দেবীত্বের পথে যাত্রা করবেন—নতুবা নয়। এই হচ্ছে Training period ; এই সময় আদর্শটিকে বেশ সুস্পষ্ট ক'রে কুমারীর প্রাণে ফুটিয়ে তুলতে না পারলে, আমরা হয়ত লক্ষ্যভ্রষ্ট হ'য়ে পড়ব।

দ্বিতীয় স্তরটিকে শক্তিবিকাশের যুগ ( Development ) বলা যায়। এই স্তরে কুমারী নারীত্বের ভিতর দিয়ে মাতৃত্বের তথা বিশ্বের পথে যাত্রা করেন। বিশাল বিশ্বের একখানি সম্পূর্ণ অপরিচিত গৃহ ততোধিক অপরিচিত পরিজনের ভিতরে কুমারী সামান্য একটুখানি স্থান দখল করবার জন্ত উপস্থিত হন। অপরিচিতাটিকে সকলেই “দেবী” হিসাবে বরণ করে তোলেন। এই সব থেকেই শক্তি-লীলার পরিষ্করণ। পূর্বসঞ্চিত শক্তিবলেই তিনি অপরকে আপন করেন, অনাত্মীয়কে আত্মীয় করিতে সমর্থ হন, অপরিচিতকে যুগযুগান্তরের হারানিধিরূপে ফিরে পান। শক্তির এই আশ্চর্য্য বিকাশ তখনই সম্ভব হ'য়ে ওঠে, যখন শক্তিময়ী দেবী একটা শক্তিময় কেন্দ্র খুঁজে পান—তখনই তিনি সেই স্থির কেন্দ্রের উপর দাঁড়িয়ে তার লীলাপরিধিকে ক্রমাগত বিস্তৃত করবার অবকাশ পান। এই কেন্দ্রেই হচ্ছে লীলার দোমর, “পতি”—কেননা তিনি পত্নীকে পতন থেকে রক্ষা করেন ; এবং দেবী নিজে “পত্নী”—কেননা তিনিও পতিকে পতন থেকে রক্ষা করেন কিন্তু “দোমরের” ভিতরে যে দ্বিত্বভাব, শক্তির পক্ষে তা অসহ্য। শক্তি চায় মিলন—একত্ব। মিলনের নিবিড় ব্যাকুলতায় উত্তর কেন্দ্রের প্রাণ-মন আদর্শ প্রেমের সোণার কাঠি স্পর্শে এক হ'য়ে যায়। আর দ্বিত্বভাব নেই—তখন ‘পতি’ হয়ে যায় “স্ব—আমি”, তখন স্থির কেন্দ্রের উপর তাঁরা স্বেপ্রতিষ্ঠ। এই অবস্থা ‘যদন্তি হৃদয়ং তব, তদন্তু হৃদয়ং মম’……এই সরল সুল্লর মন্ত্রটির পূর্ণ পরিণতি ও সার্থকতা। কুমারী-শক্তির এই প্রথম দেবীত্ব-সিদ্ধি, কেননা একজন সম্পূর্ণ অপরিচিতকে তিনি ‘আপন হইতেও আপনার’ করতে সমর্থ হয়েছেন। এই সময় থেকেই ‘আমি পরিধির বিস্তৃতির আরম্ভ’, কেননা কেন্দ্রভ্রষ্ট হ'বার সম্ভাবনা নেই।

শক্তি আবার সীমাবদ্ধ থাকতে রাজী নয়। অসীমের বাণী তার প্রাণ-মন আলোড়িত ক'রে তাকে বিশাল বিশ্বে আহ্বান করে। তখনই বহু হবার বাসনাটি প্রাণে জাগে। এই বাসনা থেকেই সৃষ্টি। শক্তির এই যে একত্ব এবং বহুত্বের ভিতরে আনাগোনা এই ত সৃষ্টিলীলারহস্য। এই তৃতীয় স্তরটি হচ্ছে শক্তিপ্রকাশের

## ভারতের নারী

বুগ ( Realisation )—নারীদের চরম প্রকাশই হচ্ছে মাতৃহ। আজ তিনি সম্ভানের ভিতর নিজেরই আত্মা প্রতিফলিত হয়েছে দেখতে পান। আজ তাঁর চোখে সমস্ত বিশ্বই মধুময়—আজ আর শত্রুতে মিত্রতে প্রভেদ নেই—তিনি বিশ্বজননী তোমার, আমার, সকলের মা। আর সেইজন্যই যে মুহূর্তে হিন্দু সম্ভানকে নিজের আত্মারই মূর্তি বিগ্রহরূপে লাভ করেন, সেই মুহূর্তে পত্নী আর পত্নী নন—তিনি তাঁরও মা। এইজন্য তন্ত্রের উপদেশ—রমণীকে জননীতে পরিণত কর ; ভোগ-পিপাসা মিটে যাবে।

এখানে একটা কথা বলা বোধ হয় অপ্রাসঙ্গিক হবে না। অত্যন্ত ছুঃখের সঙ্গে বলতে বাধ্য হচ্ছি যে, আমরা অধিকাংশই মুখে এবং লেখায় যাই বলি না কেন, কাজে এবং ব্যবহারে নারীর নারীত্বকে পদদলিত করে শুধু দৈহিক সশরীরকে বড় করে তুলেছি। শিক্ষার ও বুগধর্মের মারফতে যে সব নারীর জীবন সুন্দর ও বৈচিত্র্যময় হয়ে উঠেছে, তাঁদের অন্তর যে ক্রমে বিষিয়ে উঠেছে সে খবরও আমরা রাখি। অন্ধ “পতি-দেবতা”—মোহ এ দুর্বীর জলতরঙ্গ বেশীদিন রোধ করতে পারবে না। আজ নারী হাড়ে হাড়ে ভুগে দেবতা ও পশুর পার্থক্য বেশ করে যাচাই করে নিতে শিখেছেন। যেদিন সুপ্ত আত্মীয়গিরি সতমা সজ্জাভিত হয়ে উঠবে, সেদিন হয়ত বাংলা সুশ্রিত হবে। সময় থাকতে আমাদের মনে রাখতে হবে যে, নারী শুধু রমণী নন—তিনি নারী - এবং ভবিষ্যৎ বাংলার জননী। ভাই বাঙালী সাবধান!!

কিন্তু গা বলতে যাচ্ছিলাম তাই বলি। সমস্ত বিশ্বকে আপনার করে প্রেম ভূষি পায় না। জসীমের আহ্বান তাকে দূরে—আরও দূরে টেনে নিয়ে যায়। শক্তি মহাশক্তির মাঝে আপনাকে বিলিয়ে দিয়ে তবেই পরিপূর্ণ সার্থকতা লাভ করে। তখন স্বামী জগৎস্বামীতে পরিণত হয়।

\* \* \* \* \*

যা অসুন্দরকে সুন্দর করে, অপূর্ণকে পূর্ণ করে, বিচ্ছেদকে মিলনের রাগিনীতে ভরপুর করে দেয়, এবং অসামঞ্জস্যের ভিতর যা সুসামঞ্জস্যের ভাবটুকু ফুটিয়ে তুলতে পারে, তাকেই আমরা শ্রী নামে অভিহিত করি। নারী সেই শ্রীপিণা মহাশক্তি। কিন্তু পারিপার্শ্বিক আবেষ্টনের অন্তায় চাপে নারী আজ শ্রীলষ্ট এবং আমরা শ্রীহীন—লক্ষ্মীছাড়া।

সেই সুপ্ত শ্রীটিকে জাগিয়ে তুলবার জন্ত অস্তুতঃ বাংলায় একটা অভিনব মাড়া পড়ে গেছে। সে শ্রী ফুটে উঠুক আমাদের পত্নীমায়ের বুক, নবনাগরিক সভ্যতার অন্তরে, বঙ্গসমাজে এবং নির্গম শাপ্তের “অচলায়তন” চুরমার করে। আমার বাংলার প্রত্যেক নরনারী শ্রী সম্পন্ন হয়ে এক অভিনব “দেবজাতি” গড়ে তুলুক। সেজন্য প্রত্যেক নরনারীকে স্বরাট এবং স্বাধীন হয়ে দাঁড়াতে হবে—পরমুখাপেক্ষী হলে চলবে না। প্রবীণের দল হয়ত স্ত্রী-স্বাধীনতা শুনেই আঁতকে উঠবেন। কিন্তু আমাদের মতে স্বাধীনতা মানে স্বৈচ্ছাচারিতা কিংবা উচ্ছৃঙ্খলতা নয় স্বাধীনতা হচ্ছে নিজের অন্তর-দেবতার অধীনতা।

আমাদের তথাকথিত স্ত্রী-স্বাধীনতার যে ব্যাভিচার হয়নি, এমন কথা বলি না। আমরা জোর করে বাইরে থেকে স্বাধীনতা চাপিয়ে দিয়েছি, অথচ তখনও ক্ষেত্র প্রস্তুত হয়নি। কাজেই ছ’এক জায়গায় যে কুফল কলবে সে ত জানা কথাই। স্ত্রী-স্বাধীনতা দেবে বলে পুরুষ যে স্পর্ধা করে, সেটা নিতান্তই মিথ্যা কথা—ফাকা চাল। স্বাধীনতা দানের বস্তু নয়, অন্তরের ভাবলক্ক ধন, অন্ধকারের জীব

অতথানি আলোর সমারোহ সহ্য করতে কি ক'রে। প্রথমে জ্ঞানালোকে এই অন্ধকার অপসারিত করতে হয়, তখন স্বাধীনতাকে জোর ক'রে চাপিয়ে দিতে হবে না, সে আপনি এসে তার স্বর্ণ সিংহাসন বিছিয়ে নেবে।

নারী, মনে রেখো তুমি সেই জগতের চিদাধার শক্তির একটি বিশিষ্ট অংশ। তুমি আত্মবিস্মৃত এবং একটু বৈশীমাত্রায় বৈষ্ণবী হ'রেছিলে ব'লেই তোমার এই ছুরবস্থা। শক্তিহীনা না হ'লে কি তোমার পারে শিকল পরিয়ে দিতে পারতুম? তোমার পারে শিকল পরিয়ে আমরাও আট্টেপৃষ্ঠে শিকল-বাধা—পদদলিত; শক্তির অভাবে আমরাও নিষ্ক্রিয় হয়ে পড়েছি। আজ আমাদের মত তোমাদেরও মনের শিকল কেটে ফেলতে হবে। 'আত্মানং বিদ্ধি' 'আত্মস্থ হয়ে নিজেকে জান, বুঝবার চেষ্টা কর, অস্তশূঁধ হয়ে আপনাকে মহাশক্তির অংশ ব'লে জান,—তারপর এস ছুজনে মিলে একটা মহাশক্তির সৃচনা করি।

তবে এস সহধর্মিণী, তোমার মাহেশ্বরী শক্তি নিয়ে যেখানে যত অপূর্ণতা, অক্ষমতা এবং অনুদারতা আছে, তাকে দৃঢ়তার সঙ্গে খণ্ড খণ্ড করে দাও, যেখানে তোমার শক্তির অবমাননা দেখবে সেখানে তোমার তীব্র জ্যোতিতে অপমানকে পরাস্ত এবং লজ্জিত করে তোমার সহধর্মীর অন্তরে কর্মশক্তির প্রেরণা দিয়ে বিশ্বের সমস্ত শুভকাজে তার পাশে এসে দাঁড়াও এবং তোমার বৈষ্ণবী শক্তি প্রেমে, গানে, আনন্দে বিখে চিরবসন্ত আনয়ন করুক।

জগদ্ধাত্রীকৃপিনী মা আমার, তোমার শিহর ব্রাহ্মী, বৈষ্ণবী ও মাহেশ্বরী শক্তিত্রয়ের অপূর্ব সামঞ্জস্য সংসাধিত হ'য়ে বিখে এক নবযুগের সৃচনা করুক। তোমার অপূর্ণ আশাকে মার্খক তার পথে নিয়ে যাবার জন্য তোমার নন্দানদের প্রাণে সেই মহান আদর্শের অঙ্কুরটি সযতনে রোপণ করে দাও—তুমি হয়ত দেখতে পাবে না—কিন্তু কালে সেই অঙ্কুরটি এমন এক মহামহীক্লহে পরিণত হবে, যার শীতল ছায়ায় ব'লে বিশ্বমানবের তাপিত প্রাণ শীতল হবে, ধন্য হবে, পবিত্র হবে।

নারী নারী, নারী—বিশ্বজননী, নারী—জ্ঞান-প্রেম-কর্মের ত্রিবেণী, নারী শ্রী, নারী—শক্তি ও স্বাধীনতার উৎস। আমরা সেই বিখ্যাত্তিকা মায়ের জাতকে "নরকন্তু ভারং" ব'লে ঘৃণা করে এসেছি। তাই আমাদের সাধনার ক্ষেত্র হয়েছে রুদ্ধবর, চোরাগলি এবং পবতের গহবর। সে আত্মদর্শন ছিল স্বার্থ-ছুষ্ট, কাজেই ব্যর্থ; সেখান থেকে ফিরে এসে যদি এই বিরাট কর্মক্ষেত্রের ভিতর দিয়ে সেই 'আত্মিকে' মহত্তর ও বৃহত্তরভাবে পেতে তাঁরা চেষ্টা করতেন তা হ'লে সে ছিল স্বতন্ত্র কথা। কিন্তু গহবর থেকে ফিরবার পথ তাঁরা খুঁজে পাননি, হয়তো সে চেষ্টাও তাঁদের ছিল না। এটা হচ্ছে সামঞ্জস্যের যুগ। বৈরাগ্যের ভিতর এবার নয়, এবার—

“অসংখ্য বন্ধন মাঝে মহানন্দময়  
লভিব মুক্তির স্বাদ।  
মোহ মোর মুক্তিরূপে উঠিবে ফলিয়া  
প্রেম মোর ভক্তিরূপে রহিবে ফলিয়া।”

এবারকার অভিযান কাউকে বাদ দিয়ে নয়—কাউকে পিছনে ফেলে নয়, এবার চোরাগলিতে নয়—  
একেবারে বিশ্বের সদর রাজপথে। আনন্দবাজারে।

## ৭। সমাজে স্ত্রী-সমস্যা

\* \* \* \* \*

স্ত্রী-লোকেরা মাতৃদের নিমিত্ত বড় লালারিত, তাহাদের সমস্ত অঙ্গপ্রত্যঙ্গ মাতৃদের উপযোগী করিয়া গঠিত। তাহারা মাতা হইতে না পাইলে তাহাদের জীবনই যেন ব্যর্থ হইয়া যায়। সুতরাং ইহা তাহাদের মুখ্য অভাবের ভিত্তর গণ্য। আমাদের অল্প সকল অভাবই গৌণ অভাব। আমাদের গৌণ অভাবের অস্ত্র নাই। সমাজ বিকাশের সহিত আমরা অনেক গৌণ অভাব পূরণ করিতে পারি বলিয়া তাহাতে অভ্যস্ত হইয়া আমরা অনেকেই মুখ্য অভাবের স্মরণ তাহাদের বশবর্তী হইয়া পড়ি। সেগুলি না পাইলেও আমরা সুখে থাকিতে পারি। সুতরাং প্রধানতঃ যাহাতে সমাজের সকলেই মুখ্য অভাবগুলি পূরণ করিতে পারে তাহা দেখা উচিত; এবং যে পরিমাণে যে সমাজ সকল লোকের সেই মুখ্য অভাবগুলি পূরণ করিতে না পারে, সেই সমাজ তত অসম্পূর্ণ। কতকগুলি লোক তাহাদের অনেক গৌণ অভাব পূরণ করিবে আর বাকীগুলি তাহাদের মুখ্য অভাবগুলি পূরণ করিতে পারিবে না—ইহা স্মারসঙ্গতও নয় এবং বাঞ্ছনীয়ও নয়। সকলেরই মুখ্য অভাবগুলি পূরণ করিয়া তবে গৌণ অভাব পূরণ করা ও অল্প নানা দিকে উন্নতির চেষ্টা করা উচিত। এই মূল তত্ত্বটি স্মরণ রাখিয়া নানা প্রকার সমাজগঠন-পদ্ধতি পর্যবেক্ষণ করিতে হইবে। অনেক প্রকার সমাজগঠন পদ্ধতি এতাবৎকাল প্রবর্তিত হইয়াছে। তাহার মধ্যে মূলতঃ ব্যক্তিতান্ত্রিক ( Individualistic ) সমাজ এতাবৎ পাশ্চাত্য জগতে প্রবর্তিত ছিল। ঊনবিংশ শতাব্দীর শেষভাগে পাশ্চাত্যে, বিশেষতঃ ইংলণ্ডে, এই ব্যক্তিতান্ত্রিক সমাজের চরম বিকাশ হইয়াছিল। পাশ্চাত্য-জগতের উন্নতি ও প্রভাব দেখিয়া আমরা সেই সমাজাদর্শ আমাদের সমাজগঠন-আদর্শ অপেক্ষা ভাল মনে করিয়া আমাদের পুরাতন সমাজগঠন ভাঙ্গিয়া ফেলিতেছি। তাই একবার দেখা যাউক, তাহাতে আমাদের কোন বিশেষ সুবিধা হইবার প্রত্যাশা আছে কি না।

\* \* \* \* \*

স্ত্রী-সমস্যাও কিরূপ ভীষণ হইবে ও পাশ্চাত্যে কিরূপ হইয়াছে, তাহাও দেখাইতেছি। যেখানে সকল লোকেরই নিজের নিজের উপার্জনের উপর নির্ভর করিতে হয়, সেখানে অনেক লোকই একেবারে বিবাহ করিতে পার না; কারণ, সকল লোক কোন কালেই এত উপার্জন করিতে পারে না, যাহাতে সে তাহার স্ত্রী-পুত্রদিগকে তাহার আকাজক্ষিতরূপে ভরণপোষণ করিতে পারে ও পরেও সেইরূপ করিতে পারিবে তাহার নিশ্চয়তা থাকে। অনেক লোকই অধিকতর উপার্জন ক্ষমতা পাইবার আশায় বহুকাল বিবাহ করে না। অনেকের ইতিমধ্যে যৌবনকাল দেখিতে দেখিতে কাটিয়া যায়, অনেকের প্রৌঢ়কালও অবিবাহিত অবস্থায় কাটিয়া যায়। যৌবনই উপভোগের সময়। সেই সময় যদি কাটিয়া যায়, তখনই যদি জীবনের শ্রেষ্ঠ ও সার জিনিষ ভালবাসা উপভোগ করিতে না পারা যায়, তাহা হইলে জীবনের সুখ—বিশেষতঃ, গরীবদের—কি রহিল? ইহা অপেক্ষা দুর্ভাগ্য কি আছে? ব্যক্তিতান্ত্রিক সমাজে এই দুর্ভাগ্য অধিক লোককেই ভুগিতে বাধ্য করা হয়।

## সমাজে স্ত্রী-সমস্যা

পরিণত বয়সে আধিক সচ্ছলতা কি ক্ষতি পূরণ করিতে পারে? যৌবন ত আর ফিরিয়া আসিবে না। হয়তো সে তাহার মনোমত স্থানে অর্থাভাবেই বিবাহ করিতে পারে নাই। ইতিমধ্যে হয়তো সেই স্ত্রীলোক অন্তত বিবাহিত হইয়াছে। এইরূপ প্রায়ই ঘটে। তখন তাহার হৃদয়ের ক্ষোভ কত, তাহা কে দেখে? যদি বহু লোকই অবিবাহিত বা অনেক কালই অবিবাহিত থাকে, তাহা হইলে বহু স্ত্রীলোকও একেবারে অবিবাহিত বা বহুকাল অবিবাহিত থাকিতে বাধ্য হয়। যখন তাঁহারা বহুকাল অবিবাহিত থাকেন, তৎকালে তাঁহাদের প্রকৃতিগত মাতৃদেহ আকাজকা অপূর্ণ থাকায় প্রকৃতি তাহার পরিশোধ লয়। তাঁহাদের জীবন সরস রাধিবীর মূল উৎস শুকাইয়া যায়—জীবনই শুষ্ক হয়। আবার বহুকাল অবিবাহিত থাকিতে হইলে অধিকাংশ স্ত্রীলোককে তৎকালে অর্থোপার্জন করিয়া নিজেদের গ্রামাচ্ছাদনের বন্দোবস্ত করিতে হয়। এইরূপ অর্থোপার্জন করিতে হইলে পুরুষদিগের সহিত প্রতিযোগিতায় কৰ্ম্ম করিতে হয়। স্ত্রীলোকেই প্রকৃতির নিয়মে পুরুষদিগের অপেক্ষা দুর্বল। সুতরাং পুরুষদিগের সহিত প্রতিযোগিতায় কৰ্ম্মক্ষেত্রে আসিতে হইলে তাঁহাদিগকে বিষম প্রতিযোগিতায় অবতীর্ণ হইতে হয়। তাহার উপর মানিক রঞ্জোনিঃসরণকালীন তাঁহাদের একটা স্নায়বিক উত্তেজনা আসে; শরীর দুর্বল ও অবসন্ন হয়। তখন তাঁহাদের বিশ্রাম একান্ত আবশ্যিক, সকল চিকিৎসকই ইহা স্বীকার করেন। সেই সময়ে বিশ্রাম না পাইলে তাঁহারা নানারূপ পীড়াগ্রস্ত হইয়েন; রক্তসংক্রান্ত নানারূপ ব্যাধি হয়। অথচ পুরুষদিগের সহিত প্রতিযোগিতায় কৰ্ম্মক্ষেত্রে তাঁহারা সেরূপ বিশ্রাম পান না। তন্নিমিত্ত এইরূপ কার্য্য করাইয়া তাঁহাদিগকে যে কত নির্ধ্যাতন করা হয় তাহা কেহ দেখে না। তাঁহাদিগকে এইরূপ কার্য্য করিবার অধিকার দেওয়ার আর যোড়দৌড়ের যোড়াকে ছেকরা গাড়ী টানিবার অধিকার দেওয়ায় কোন প্রভেদ আছে কিনা—তাহা পাঠিকারা বিবেচনা করুন। প্রাচীন হিন্দুদের চক্ষে ইহাকে তুল্যাধিকার দেওয়া বলা একরূপ নির্মম পরিহাস ও ভীষণ প্রভারণা বলিয়া প্রতিভাত হয়।

\* \* \* \* \*

আবার স্ত্রীলোকেই কৰ্ম্মক্ষেত্রে নামিলে বহু কৰ্ম্মপ্রার্থী হওয়ার কৰ্ম্মীদের বাহিরা কমে হয়, কৰ্ম্ম-সময়েরও পরিমাণ ক্রমে বৃদ্ধি হয়। তজ্জন্য আবার স্বাস্থ্যহানি হয়। একথা আমার কপোলকল্পিত নয়, পাশ্চাত্যে ইহা হইয়াছে; এবং স্ত্রী-স্বাধিকার সম্বন্ধে একজন প্রধান নেতা Ellen Key এবং অল্প অনেকেও সে কথা বলিয়াছেন। এইরূপে যাহারা নিজে উপার্জন করিয়া নিজেদের ভরণপোষণ করিয়া আসিয়াছেন, তাঁহাদের আর গৃহস্থালীর কার্য্যে প্রবৃত্তি হয় না। পুরুষদের সহিত প্রতিযোগিতায় কৰ্ম্ম করিয়া তাহাদের প্রকৃতিতে পুরুষমূল্য কাঠিন্দ আসিয়া উপস্থিত হয়; স্ত্রী-পুরুষদের ভিতর একটা বিদ্বেষভাব আসিয়া উপস্থিত হয়—পাশ্চাত্যে তাহা হইয়াছে এবং ক্রমেই ভীষণতর হইতেছে। এই সকল কথাও উক্ত Ellen Key তাঁহার বহু ভাষায় অনুবাদিত *Love and Marriage* নামক পুস্তকে লিখিয়াছেন। তিনি আরও বলিয়াছেন যে, স্ত্রী-পুরুষদের পুরামাত্রায় আলাহিদা কৰ্ম্মবিভাগ যে রূপ পূর্বে ছিল, তাহা না হইলে এই প্রতিযোগিতা, এই বিদ্বেষভাব কিরূপ ভীষণ হইবে—তাহা বলা যায় না। ক্রমে স্ত্রীলোকদিগের মাতা হইবার প্রবৃত্তি ও ক্ষমতাই লোপ পাইবে—অল্প কোনরূপ মাঝামাঝি বন্দোবস্ত হওয়া অসম্ভব। এইরূপ কাঠিন্দ ও বিদ্বেষভাব হওয়ার ফলে পরে তাঁহাদের বিবাহিত জীবনও সুখময় ও শান্তিময় হইতে পারে না। আবার বহুকাল এইরূপে কৰ্ম্ম করিয়া জীবন যাপন করিয়া তাঁহারা তাহাতে অভ্যস্ত হইয়া পড়েন; নূতন করিয়া গৃহস্থালী ও মাতৃদেহ উপযোগী হওয়া তাঁহাদের পক্ষে দুঃসাধ্য হইয়া পড়ে। তদুপযোগী শিক্ষা ও পরের যত্ন করিবার

## ভারতের মারী

অভ্যাসের অভাবে তাঁহারা মাতা হইবার অনুপবুদ্ধ হইয়া পড়েন। মাতৃত্বে আর তেমন সুখ পান না, স্ত্রীরাং পুত্রকন্যাদের সহিত বহুদিন খনিষ্ঠ সম্বন্ধ রাখিতে পারেন না। তদুভাবে অপত্যদেরও সেরূপ পিতৃ-মাতৃভক্তি উদ্দীপিত হয় না। স্ত্রীরাং বৃদ্ধবয়সেও পুত্রকন্যাদের আন্তরিক যত্ন ও সেবা পান না। তাহারা কাছেও আসেন না। ভাড়াটিয়া সেবা ভিন্ন অন্য কিছু উপভোগের জিনিষ থাকে না। আমাদের গরীব দেশে অধিকাংশ লোক অর্থাভাবে তাহাও পাইবে না, প্রায় সকলকেই নির্জ্বল কারাবাসের দুঃখ ভোগ করিতে হইবে। এইজন্য বৃদ্ধবয়স পাশ্চাত্যদের কাছে এত ভয়ঙ্কর। এ দিকে মাতৃত্বের উপযোগী শিক্ষা ও অভ্যাসের অভাবে, মাতার যেরূপ যত্ন করা উচিত—সে জ্ঞানের অভাবে অপত্যদের স্বাস্থ্যভঙ্গ হয়, অধিক শিশুর মৃত্যু হয়। অনেকেই বিবাহের পরেও নানা কারণে পূর্বের মত কর্ম করিয়া উপার্জন করিতে থাকেন। সেরূপ কর্ম করার অপত্যদের সম্যক তত্ত্বাবধান করিতে পারেন না। স্ত্রীরাং শিশুরা ভয়ঙ্কর হয়—শিশু-মৃত্যুর হার আমাদের দেশের অপেক্ষা কম বলিয়া পাঠকবর্গ এই কথাটা অতিরঞ্জিত মনে করিবেন না। বিলাতে যেরূপ সকল লোককে নানারূপ শিক্ষা দেওয়া হয়—গরীবদের সুবিধার্থে যে নানারূপ প্রতিষ্ঠান ও সুবিধা আছে, তাহা আমাদের নাই এবং তাহা করিবার সাধ্যও আমাদের নাই। আমাদের দেশে শতকরা ৯৫ জন একান্ত গরীব, তাহা মনে রাখিতে হইবে। যখন বিলাতে গরীবের জন্য রাজকোষ হইতে এত খরচ হইত না, তখন তাহাদের শিশু-মৃত্যুর হার এখনকার দ্বিগুণ ছিল—যেখানে অবস্থাপন্নদের শিশু-মৃত্যুর হার শতকরা আটটি ছিল, গরীবদের সেখানে ৩০টি ছিল (See Rev Usher's Book on Neomalthusianism)। আমাদের দেশে হাসপাতাল, শিশু-পরিচর্যালয় নাই বলিলেই হয়। সমস্ত ইংরাজাধিকৃত ভারতবর্ষে মাত্র ৩,২২৭টি হাসপাতাল আছে। তাহাও বেশীর ভাগ নামে মাত্র। স্ত্রীরাং আমাদের দেশে এরূপ প্রথা প্রচলিত হইলে শিশু-মৃত্যু অনেক বাড়িয়া যাইবেই।

যে সকল স্ত্রীলোক উপার্জন করিয়া আসিয়াছে, তাহারা অর্থ বা সম্বল বা অন্য প্রলোভন সামলাইতে না পারায়, কিংবা দুইজনের উপার্জন ব্যতীত সংসারযাত্রা নির্বাহ করা অসুবিধাজনক বলিয়া অনেকেই পূর্বের মত উপার্জন করিতে থাকে। তাহা করিলে স্বামী-স্ত্রীতে দুইজনে কর্ম করিয়া পরিশ্রান্ত হইয়া জীবন-সংগ্রামের নানা ঝগড়া ও উগ্রাশা লইয়া যখন গৃহে ফিরিবে, তখন কে কাহাকে যত্ন করিবে? তখন পরস্পরের ব্যবহার ও যত্নে স্নিগ্ধ হইবার প্রত্যাশা থাকে না; সেখানে তাহাদের শান্তি, তৃপ্তি, ভালবাসার অবসর কোথায়? তখন গৃহ আর গৃহ থাকে না, রাজিঘাপনের বাসায় পরিণত হয়। সামান্য কারণে কলহ উপস্থিত হয়—বিবাহ-বিচ্ছেদ হয়। পাশ্চাত্য দেশে তাহা উত্তরোত্তর বাড়িতেছে। বিবাহ-বিচ্ছেদ বৃদ্ধি হইবার এবং বিবাহ সুখকর না হইবার আরও অনেক কারণ আছে।



সকল দেশেই জারজ সম্ভানের ভিতর শিশু-মৃত্যু অধিক হয়—বিবাহিতদের সম্ভানের দ্বিগুণেরও অধিক। প্রথম কারণ, একা মাতা তাহাদিগকে প্রতিপালন করিয়া উঠিতে পারে না, তাহারা তাহাদিগকে প্রতিপালন করিতে নিদারুণভাবে নির্ধ্যাতিত হয়। যে-সকল পুরুষ অবস্থা ভাল নয় বলিয়া বিবাহ করেন না, অথচ অপর স্ত্রীতে সঙ্গত হয়েন, তাহাদের এই কার্যে কত কাপুরুষত্ব, কত নীচত্ব প্রকাশ পায়, তাহা একমাত্র পাঠকবর্গকে অনুধাবন করিতে বলি। পুরুষমানুষ হইয়া তিনি ও তাঁহার স্ত্রী, দুজনের সমবেত চেষ্টায় অপত্য পালন করিতে সমর্থ নন বলিয়া বিবাহ করিলেন না, অথচ একটি স্ত্রীলোকের একার ঘাড়ে



## সমাজে স্ত্রী-সমস্যা

সেই ভার অকুণ্ঠিতভাবে চাপাইলেন—সেই সম্ভানের ও তাহার মাতার কিরূপ দুর্দশা হইবে, তাহাদের জীবন কিরূপ দুর্ভিক্ষ হইবে, তাহা ভাবিবার আবশ্যকতা বোধ করেন না। আমাদের দেশে ইহা মহাপাতকের ভিতর গণ্য ছিল। পাশ্চাত্যে একরূপ কার্য অনেকেই করে। অনেকে বলিয়া থাকেন যতদিন স্ত্রী-পুরুষদিগের সম্যক্ প্রতিপালন করিবার ক্ষমতা না হয়, ততদিন বিবাহ না করাই ভাল—তখন এইরূপ করাটাই বিধেয়; স্ত্রীকে নানারূপ গৃহকার্য—দাসিবৃত্তি করান, তাহাদিগের উপর জ্ঞানক অত্যাচার করেন। তাহাদিগকে জিজ্ঞাসা করি, এই নিয়ম প্রবর্তিত হইলে আমাদের এই গরীব দেশে কয়জন বিবাহ করিতে পারে? শতকরা ৫ জনের অধিকও নয়। তখন বাকী ৯৫ জন কি করিবে? তাহারা সকলেই কি ব্রহ্মচারী বা ব্রহ্মচারিণী থাকিতে পারে? নিজের স্ত্রীকে কেবল বিলাসে রাখা, আর অল্প স্ত্রীলোকেয়া এইরূপ কষ্টভোগ করুক—তাহা কি স্ত্রীজাতির প্রতি অধিক সম্মান বা ভাল ব্যবহারের নিদর্শন, না নিজের অধিকতর স্বার্থপরতা বা অহমিকার নিদর্শন, পাঠকবর্গকে অনুধাবন করিতে বলি। পাশ্চাত্য সমাজ এইরূপ ব্যবহার করেন এবং আমরা স্ত্রীলোকদিগের প্রতি অত্যাচার করি বলেন, এবং তাহারা সম্মান ব্যবহার করেন বলেন, এবং আমরা তাহা মানিয়া লই, আশ্চর্য্য!

\* \* \* \* \*

\* \* \* \* \*

অধিক বয়সে যখন বিবাহ করা হয়, তখন দুইজনে বহু স্ত্রী ও পুরুষের সহিত মিশিয়াছে—অনেকের প্রতি আকর্ষণ হইয়াছে। পরস্পরের প্রতি আকর্ষণের অভাবে বা আর্থিক বা অল্প প্রতিবন্ধক থাকায় হয়তো আকর্ষণের স্থলে বিবাহিত হইতে পারে নাই। অনেকে একরূপ আকর্ষিত স্থলে উপগত হয়। আন্থেরিকার যুক্তরাষ্ট্রের ডেনভার সহরে শিশু-অপরাধের বিচারক লিওসে সাহেব তাহার লিখিত *Revolt of Modern Youth* নামক বিখ্যাত পুস্তকে তাহার ২৫ বৎসরের কর্ণোপলক্ষের অভিজ্ঞতার ফলে লিখিয়াছেন যে, ১৪ হইতে ১৭ বৎসরের যুবতীদের ভিতর নিদেন শতকরা ২০টির চরিত্রদোষ হইয়াছিল। পূর্ব-জার্মানীতে সাধারণ লোকের বিশ্বাস, কোন ১৬ বৎসরের অধিক বয়স্ক যুবতীই অক্ষতযোনি নাই। ইহা Havelock Ellis লিখিয়াছেন। তিনি বলেন, ইংল্যান্ডের ষ্টাফোর্ডশায়ারে বিবাহের পূর্বে ছেলে হওয়া সেই প্রদেশের রীতির ভিতরই গণ্য। অশ্রান্ত অনেক স্থলে একরূপ হয় তাহাও লিখিয়াছেন। তাহার অবশ্যস্বাবী ফল কি হয় তাহা একবার ভাবুন। আবার যদি সেরূপ উপগত না হইতেন, তথাপি সে ক্ষেত্রে সেই আকর্ষণকারিণীর ছায়া তাহাদের হৃদয়ে অঙ্কিত হইয়া থাকে। এই আকর্ষণটা অনেক স্থলে কত গভীর তাহা বিখ্যাত ঔপন্যাসিক শরৎচন্দ্র বসু পুস্তকেই দেখাইয়াছেন—সেইখানেই মিলিত না হওয়ার যে কি মহাদুঃখ, জন্মের মত জীবন কত বিষময় হয়, তাহা সহজেই অনুমেয়; এবং পরে যখন বেশী বয়সে বিবাহ করে, সেক্ষেত্রে তাহাদের কিরূপ সুবিধা হইবে তাহা খতাইয়া দেখিয়া তাহারা বিবাহ করে। বিবাহিত জীবনের ঘনিষ্ঠ সম্পর্কে কলহ অবশ্যস্বাবী; বিশেষতঃ বেশী বয়সে সকলেরই পৃথক ব্যক্তিত্ব প্রকাশ পাইয়াছে—অল্প বয়সের মতন পরের সহিত মিশিয়া যাইবার ক্ষমতা ক্রমেই লোপ পায়। একত্র ঘর করিবার পূর্বে কেহ কাহাকে সম্পূর্ণ রকমে জানিতে পারে না—সুতরাং পরস্পরের স্বভাবের বা চরিত্রের নানাভাবে অজ্ঞাত বা অপ্রত্যাশিত রূপ-প্রকাশ অবশ্যস্বাবী—তন্নিমিত্ত কলহ আরও অধিক মাত্রায় হয়। তখন পূর্বের আকর্ষণ-স্মৃতি জাগরিত হয়—নিজে বা অপরের দ্বারায় প্রতারণিত হইয়াছে—এই রূপ বিশ্বাস সহজেই আসে—সুতরাং সামান্য কলহও ভীষণ ভাব ধারণ করে,—বিবাহ সুখময় ও শান্তিময় হয় না। এইজন্য দেখা যায় যে, সকল ব্যক্তিতাত্ত্বিক সমাজেই বিবাহ-বিচ্ছেদ মোকদ্দমা উত্তরোত্তর বাড়িতেছে।

## ভারতের নারী

এক ব্যক্তিতাত্ত্বিক সমাজে বিবাহ সুখময় ও শান্তিময় না হইবার আরও একটি বিশেষ কারণ আছে। সেখানে দুইজনেই পরস্পরের সঙ্গে বহুক্ষণ কাটাইতে বাধ্য হয়। যেমন ভাল 'ক্রনিষ যাহা আমরা খাইতে বড় ভালবাসি, তাহা প্রত্যেক দিনই বহু পরিমাণে খাইলে অল্প দিনেই তাহাতে বিতৃষ্ণা আসে, সেইরূপ স্বামী-স্ত্রীতে প্রত্যেক দিনই দিব্যাত্রির বহু অংশ পরস্পরের সঙ্গে কাটাইতে হইলে অল্প দিনেই উহা বিতৃষ্ণাকর হইয়া পড়ে। এমন কি বিবাহের পরেই উহারা যে মধুমাসিনী যাপন (Honeymoon) করেন, তাহারই ভিতরে অনেক বিচ্ছেদ হইয়া যায়। যৌথ পরিবারে থাকিলে সেইরূপ পরস্পরের সঙ্গে অধিক কাল কাটাইতে আমরা বাধ্য হই না, সুবিধাও পাই না—তন্নিমিত্ত আমাদের ভিতর আকর্ষণটা বহুকাল স্থায়ী হইতে পার—আমাদের বিবাহিত জীবনের সুখ ও শান্তি তজ্জন্ত কত ঋণী, তাহা আমাদের তরুণ-তরুণীরা বুঝেন না। এই নিমিত্তই স্বামী-স্ত্রীতে বহু রকমের মতভেদ থাকা সত্ত্বেও, আমরা বেশ সুখে স্বাচ্ছন্দ্যে কাটাইয়া দিতে পারি, যাহা কেবল স্ত্রী-পুত্রাদি লইয়া আলাহিদা থাকিলে বিশেষতঃ পুত্র-কন্যাাদি নিকটে থাকিলে সচরাচর সম্ভব হয় না।

এই সকল নানা কারণে দেখা যায় যে, পাশ্চাত্যে বিবাহ-বিচ্ছেদ মোকদ্দমা সর্বত্রই বৃদ্ধি পাইতেছে। আমেরিকা যুক্তরাষ্ট্রের অনেক স্থলে প্রতি বৎসর যত বিবাহ হয়, তাহার অর্ধেকের অধিক বিচ্ছেদ হইতেছে। মনে রাখিতে হইবে যে, অনেকে প্রকাশ্য কেলেকারীর ভয়ে, কোথাও বিবাহ-বিচ্ছেদ মোকদ্দমার অর্থব্যয়ের জন্ত, কোথাও বা অপত্যদের মুখ চাহিয়া শান্তিময় গৃহেই বাস করেন বা কার্ষ্যতঃ পৃথক থাকেন—বিচ্ছেদ মোকদ্দমা হয় না; সুতরাং যত মোকদ্দমা হয় তাহা অপেক্ষা বহুগুণ অধিক বিবাহ দুইজনের পক্ষেই দুঃখদায়ক হয়; সুতরাং নিজেরা পছন্দ করিয়া বেশী বয়সে বিবাহ করিলে দেখা যাইতেছে যে, ফলতঃ সেইরূপ বিবাহ সুখকর হয় না। স্ত্রীলোকেরা নিজের আকাঙ্ক্ষিত স্থানে বিবাহিত হইতে না পাইলে বহুকাল একা থাকিবার কষ্ট সহ্য করিতে না পারায় অনেক স্থলেই আর্থিক বা অন্ত কোন সুবিধার দিকে লক্ষ্য রাখিয়াই বিবাহিত হইতে বাধ্য হন। এইজন্য মহাত্মা টলষ্টয় তাঁহার *Kronier Sonata* নামক বিখ্যাত গ্রন্থে লিখিয়াছেন যে, পূর্বকালে দাস-দাসীরা যেমন বাজারে বিক্রীত হইত, এখন পাশ্চাত্যে স্ত্রীলোকেরা সেইরূপ বিক্রীত হইয়েন। আমাদের তরুণ-তরুণীরা ভাবেন, পরস্পরকে দেখিয়া জানিয়া বিবাহ করিলে বিবাহটা বড় সুখকর হয়, কিন্তু ফলতঃ যে তাহার ঠিক বিপরীত হয়, সেই অভিজ্ঞতা লাভ করিবার তাঁহাদের সময় ও সুবিধা হয় নাই। অধিক বিবাহ-বিচ্ছেদ দেখিয়া অনেকে হয়ত বলিবেন দুইজনে চুলোচুলি করার অপেক্ষা ফারখৎ হওয়া ভাল। তাঁহাদিগকে এই বিচ্ছিন্ন স্বামী-স্ত্রীর অপত্যদিগের দিকে দৃষ্টিপাত করিতে বলি—তাঁহারা মাতাপিতার ভিতর একজনকে হারাইবেই। একজনের পক্ষে অপত্য প্রতিপালন করিতে কিরূপ বিপদগ্রস্ত হইতে হয়,—বিশেষতঃ যাহারা গরীব—আমাদের শতকরা ৯০, ৯৫ জন গরীব—এবং অপত্যদের কিরূপ দুর্দশা হয়, তাহা সহজেই অনুমেয়। সুতরাং এইরূপ বিবাহ-বিচ্ছেদ হওয়া সমাজের পক্ষে অমঙ্গলকর। মাতাপিতারা পুনরায় বিবাহ করিলে শিশুদের দুর্দশা আরও বাড়িয়া যায়।

\* \* \* \* \*

আমরা দেখিলাম, ব্যক্তিতাত্ত্বিক সকল সমাজেই অনেক যুবতী স্ত্রীলোককেই প্রথমতঃ বহুকালই অবিবাহিতা থাকিতে হয়। তাহাদের সংখ্যা শতকরা ২৫ হইতে ৪০টি। আমাদের ভিতর ব্রাহ্ম-সম্প্রদায়ে,

## সমাজে স্ত্রী-সমস্যা

ইতিমধ্যে ২০ হইতে ৪০ বৎসর বয়স্কা ১০০০ স্ত্রীলোকের ভিতর ২০০টি অবিবাহিত (See, *Census Report of Bengal, Bihar & Orissa, 1911. p. 351*)। যাহারা আমাদের বিধবাদের চূর্ণদশা দেখিয়া আমাদের সমাজকে স্ত্রীলোকদিগের নির্ঘাতনকারী বলেন তাঁহাদিগকে পাশ্চাত্যের এই সকল ব্যবস্থা—অবিবাহিতাদের অবস্থার কথাটা ভাবিতে অনুরোধ করি। তাঁহারা কি যৌবনারম্ভ হইতেই সেই বৈধব্যদশা ভোগ করিতেছেন না? যৌবনে প্রকৃতি কি তাঁহাদিগকে যৌনমিলনের জন্ত ব্যগ্র করিয়া তোলে না? সেই সময়ে তাঁহাদের মনোমত যুবকদের প্রতি কি তাঁহারা ধাবিত হন না? সেই সময়ে তাঁহাদের মনোমত স্থানে মিলিত হওয়ার সুখের স্বপ্ন কি তাঁহারা দেখেন নাই? তাঁহাদের অধিকাংশকেই কি বার বার বিকল-মনোরথ হওয়া বা ভগ্নাশায়—অথবা প্রত্যাখ্যানের গুরুভার হৃদয়ের অন্তস্তলে গোপন করিয়া থাকিতে হয় না? অনেকের কি তন্নিমিত্ত জীবন বিষময় হয় না? এই সকল অবিবাহিতা স্ত্রীলোকদিগকে বিধবাদেরই মতন কাম-উপভোগ ও যৌন-প্রেম হইতে বঞ্চিত থাকিতে হয়; অথচ বিধবাদের মতন সংযম ও ত্যাগ-শিক্ষার অভাবে তাঁহাদিগকে প্রকৃতি প্রতিদিন পুরুষদিগের সংমিশ্রণে প্রধাবিত করিতেছে। চতুর্দিকে থিয়েটারে, চলচ্চিত্রে, নাটকে, নভেলে, যৌন-প্রেমের উন্নত উপভোগের চিত্র তাঁহাদের আকাঙ্ক্ষা উদ্দীপিত করিতেছে, অথচ দিনের পর দিন, মাসের পর মাস, বৎসরের পর বৎসর, মনের মানুষ পাইবার আশায় আশায় ক্রমে ভগ্নাশায়—শেষে নিরাশায় যৌবন কাটিয়া যাইতেছে—অনেকের প্রৌঢ় কালও কাটিয়া যাইতেছে—জীবনও কাটিয়া যাইতেছে—ইহা কি গ্রীক পুরাণোক্ত Tantalus-এর নির্ঘাতন নয়? এইরূপে কিছুদিন কাটাইয়া সংসারের নীচতায়, শঠতায়, অবিশ্বাস্ততায়, অনভিজ্ঞা তরুণীদের কতকাংশ কখনও বা রূপে বিমোহিতা হইয়া—কখনও বা নিজের উদ্দান কল্পনাপিণ্ড গুণে আকৃষ্ট হইয়া নায়কদিগের দ্বারায় প্রতারণিত হইতেছেন এবং কতক বা আত্মহত্যা, কতক বা জারজ সম্মান ত্যাগ করিতে বাধ্য হইতেছেন। কতক বা তাহাদের মমতা ত্যাগ করিতে না পারিয়া অবশেষে বারবনিতা হইতে বাধ্য হইতেছেন এবং যৌন-রোগাক্রান্ত হইয়া সমাজে যৌনরোগের বিস্তার করিতেছেন। কতকাংশ বা মনের মতন মানুষ পাইবার আশায় দিনের পর দিন, মাসের পর মাস, বৎসরের পর বৎসর কাটিয়া যায়—ক্রমে যৌবন কাটিয়া যায় দেখিয়া অবশেষে অর্থের বা অশ্রু কোন প্রলোভনে বা অশ্রুবিধ কারণে অমনঃপুত ও চরিত্রহীন পাণ্ডিত্যবাদের হস্তে আত্মসমর্পণ করিতে বাধ্য হইয়া হৃদয়ের অন্তস্তলে নিজেদের দুঃখভার গোপন করিয়া অশান্তির জীবন যাপন করিতেছেন; অথবা অসহনীয় হইলে—বিবাহ-বিচ্ছেদ আদালতের আশ্রয় লইতেছেন। কতকাংশ বা আশায় আশায় বৎসরের পর বৎসর কাটাইয়া ক্রমে ভগ্নাশায়—শেষে নিরাশায়—খিটখিটে মেজাজে, ভালবাসাবর্জিত জীবনে শুষ্ক হৃদয়ে আজীবন কুমারী অবস্থায় বৃদ্ধবয়সে নির্জন কারাবাস ভোগ করিয়া জীবনলীলা শেষ করিতেছেন। পাঠকবর্গ এই চিত্র বিকৃতমস্তিষ্কের কল্পনা মনে করিবেন না—অনেক সহৃদয় পাশ্চাত্য চিন্তাশীল ব্যক্তি এই সমস্ত প্রকাশ করিয়াছেন। ফরাসী পণ্ডিতমণ্ডলীর সভ্য (Member of the French Academy) ইউজিন ব্রিঁও লিখিত *Damaged Goods, Three Daughters of M. Dupaurt* পড়িলে তাহা বুঝিবেন। এইরূপে পাশ্চাত্যে বহু স্ত্রীলোক তাহাদের দুই অভাবে—মাতৃহের সুখ এবং ভালবাসা পাওয়া ও ভালবাসিতে পাওয়া—বহুকাল বা চিরকাল এই দুইয়ের অপূরণে নির্ঘাতিত হয়; তাহাদের স্নায়ুশক্তি বিকৃত হয়—তন্নিমিত্ত তাহারা আমোদ, উত্তেজনা ও বিলাসপ্রবণ হয়। আমরা তাহাদের আমোদ ও বিলাসপ্রিয়তা দেখিয়া তাহাদিগকে সুখী মনে করি; কিন্তু তাহা যে বারবনিতাদের আমোদ ও বিলাসপ্রিয়তার মতন হৃদয়ের হাহাকার চাপা দেওয়ার চেষ্টা, তাহা দেখি না। এই অবিবাহিতা-বহুল, প্রেমহীনবিবাহিতাবহুল পাশ্চাত্যেই কেবল মাতৃহে বিতৃষ্ণ ও পুরুষবিদ্বেষী স্ত্রীজাতি দেখা যায়। পৃথিবীর ইতিহাসে জীবজগতে আর কোথায়ও তো এরূপ মাতৃহে বিতৃষ্ণ, পুরুষবিদ্বেষী স্ত্রীজাতি দেখা যায় না। ইহা যে কত ভীষণ, কত বহুদীর্ঘকালব্যাপী নির্ঘাতনের ফলে সম্ভব হইয়াছে, তাহা আমরা দেখি না।

## ভারতের নারী

যেখানে যৌবনকালেও পুরুষেরা আর্থিক অস্থিচ্ছলতার ভয়ে স্ত্রীলোকদের প্রথম যৌবনের উচ্ছ্বসিত হৃদয়বেগ তুচ্ছ করে ও তাহাদের তৎকালস্থলভ সর্বত্যাগী ভালবাসা উপেক্ষা করিয়া চলিয়া যায়—সেখানে পুরুষেরা স্ত্রীলোকদিগের রূপ ও বাহ্যগুণসম্বোধপ্রার্থী—যেখানে স্ত্রীজাতি যৌনরোগগ্রস্ত—সেখানে স্ত্রীজাতির প্রকৃতিগত মাতৃত্বের আকাঙ্ক্ষা ও ভালবাসাপ্রবণতা, বাহা তাহাদিগের জীবন সরস রাখিবার মূল উৎস বহুকাল আশ্রয়ভাবে শুকাইয়া যায়, সেখানে যে প্রকৃতির প্রতিশোধে বহু স্ত্রীলোকই বিবাহে ও মাতৃত্বে বিতৃষ্ণ ও পুরুষবিদ্বেষী হইবে, অথবা অর্থদাস পুরুষদিগকে তাহাদের বিলাসসম্ভার যোগাইবার ও কাম-উপভোগের সহায়মাত্র বিবেচনা করিবে ও পুরুষেরা অপারগ হইলে তাহাদিগকে ত্যাগ করিয়া অল্প কাহাকে আশ্রয় করিবে, তাহা আর আশ্চর্য্য কি? পাশ্চাত্ত্য স্ত্রীলোকদের প্রতি ব্যবহার—তাহাদিগের মুখ্য অভাব মাতৃত্ব ও ভালবাসা হইতে বহুকাল বা চিরকাল বঞ্চিত করিয়া পুরুষদিগের সহিত বিষম প্রতিযোগিতায় কৰ্ম্ম করিতে অধিকার দেওয়া—আর আহার ও পানীয় না দিয়া তাহাদিগকে বিবিধ ভূষণে সজ্জিত করিয়া রাখার কোন প্রভেদ আছে কি না তাহা পার্টিকাল বিবেচনা করুন। পাশ্চাত্ত্যের কি অপার মহিমা! যেমন তাহাদের বাহ্যিক চাকচিক্যময় ভেজাল মাল এদেশে প্রচলন হইয়াছে ও তাহাতে আমাদের দেশীয় শিল্পের ধ্বংস ও আর্থিক সর্বনাশ হইয়াছে, তেমনই তাহাদের সমাজ সম্বন্ধে আপাতমনোহর অসার মতবাদ আমাদের সমাজ-সংহতি ধ্বংস হইতেছে ও তাহাতে পারিবারিক সুখ-শান্তি নষ্ট হইতেছে ও আমাদের জীবন ক্ষুণ্ণিত, প্রেমহীন, দুর্বিষয় হইতেছে।

## ৮। বর্তমান যুগে ভারত-নারীর কর্তব্য

এই যে বিবাহ-বিচ্ছেদ বিল বারংবার প্রত্যাখ্যাত হইয়াও দেখা দিতেছে, এর প্রয়োজনবোধ কোন একজনও হিন্দুনারীর মনে উদ্ভিত হইতে পারে? সে অপরাধের প্রধান অংশ বাহা, তোমাদের সে কথা তো পূর্বেই বলিয়াছি, আবারও যদি—এর বাকি অংশও তোমাদের যে নয় তাও বলিতে পারি না। ছেলের শরীরের সব খবর মার জানা থাকা সঙ্গত ও সম্ভবও বটে। বিবাহের অমুপযোগী দুর্বল, অক্ষম, রুগ্ন ছেলের বিবাহে যাত্নাতে বিতৃষ্ণা জন্মে মার সেই চেষ্টাই প্রাণপণে করা উচিত। দৈবাৎ পুত্রের স্ত্রী-বিয়োগ হইলে তাহাকে পুনর্বিবাহে প্ররোচিত করা তাঁর কর্তব্য নয়। ছেলে তার অসম্মতিতে উচ্চ কার্য্য করিলে, সক্ষম হইলে ঐ বিবাহের বধূকে গ্রহণ না করা—এ সকল ক্ষমতা মায়ীদের থাকে; তাঁরা তার অপব্যবহার করেন বলিয়াই বিশ্বের দরবারে তাঁদের সম্মানগণ আজ মাথা নীচু করিতে বাধ্য হইতেছে এবং প্রতিকলিতরূপে তাহা তাঁদের জন্ত প্রস্তুত হইতেছে, সকল সমাজের পক্ষেই, বিশেষ করিয়া এই অশাণ্ড ভারতবাসীদের পক্ষে তাহা কালকূটস্থরূপই প্রাণান্তকর হইবে, তাহাতে কোনই সংশয় নাই।

## বর্তমান যুগে ভারত-নারীর কর্তব্য

ধিনি যতই যাই বলুন, আর যত বড় আর্টিষ্টই হউন—যত সূক্ষ্মতম আর্টের মধ্য দিয়া যত রকমের রং চং লাগাইয়াই অঙ্কিত করুন, নারীর সতীত্বের খর্বতাকে কোন কিছুরই খাতিরে আপনারা ক্রমার চক্ষে দেখিতে পারেন না। ভারত-নারীর বৈশিষ্ট্য ঐখানেই এবং তাদের অধিকাংশের জন্ম ঐটুকুই থাকি থাকে ; ভগবানের নিকট একজন স্বজাতিবৎসল ভারত-নারীর এই ঐকান্তিকপূর্ণ কামনা বলিয়া জানিবেন। এর চেয়ে বড় ধন তার পক্ষে জগতে আর কিছুই নাই এবং থাকিলেও সে তার কাম্য নয়। পাপ-পুরুষের পাপদৃষ্টি নারীর সতীত্বের প্রতি আবহমানকাল ধরিয়াই পতিত হইয়া আসিতেছে। পৌরাণিক রাবণ, জয়দ্রথ, কীচক আজিও মশরীরে বর্তমান রহিয়াছে। ব্যষ্টিভাবে বাহা ছিল, কলির পক্ষে যেমন চতুর্গুণের ব্যবস্থা, সেই হিসাবে সমষ্টিভাৱেই তাহা সমাজগত করার ব্যবস্থা চলিতেছে, এইমাত্র প্রভেদ। যুগে যুগে পাপ-পুণ্যের ঘন বা দেবাসুরের সংগ্রাম চলিয়া আসিতেছে, ইহা আজ নূতন নয়। কোন যুগেই ভারত-সতী ছুটের ছুট ইচ্ছা পূর্ণ হইতে দেন নাই, আজও তিনি পরাভব মানিবেন না এ ভরসা আমার আছে। এর জন্ম আত্মশক্তির সমাবেশে ভারত-নারীকে বৈশিষ্ট্য রক্ষা করিতে দৃঢ়সঙ্কল্প হইতে হইবে। প্ররোচনার, প্রলোভনে, প্রতারণার ডুবিয়া মুক্ত হইলে চলিবে না। কি বড় কি ছোট কোন পথ শ্রেয়ঃ,—কোন মার্গ শ্রেয়ঃ,—তাহা নচিকিতার মতই স্থির-মস্তিষ্কে বিচার করিলেই নিজের পথ নিজেই দেখিতে পাইবেন—উচ্ছৃঙ্খল স্বভাবের দু'চারজন মেয়ে-পুরুষের জন্ম যেটুকু প্রয়োজন ঘটিয়াছে, তাহারই জন্ম সমাজগতভাবে কোটা কোটা নর-নারীর মধ্যে কোন হীন প্রণাকে প্রচলিত করিবার জন্ম জবরদস্তি চালানো কতখানি সম্ভব ?

\* \* \* \*

হিন্দু পরলোকবিশ্বাসী জাতি। হিন্দুধর্ম জন্মজন্মান্তরে আত্মাবান্ করিয়া তাহাদের কর্মফলে দৃঢ়বিশ্বাসী করিয়াছিল। জীবনের সমস্ত সুখদুঃখকেই তাঁহারা জন্মাজ্জিত কর্মফলসম্বৃত বলিয়া ধরিয়া লইয়া আগামী জন্মে যাহাতে আর দুঃখিপাক না ঘটে, তদ্বদ্দেশ্যে ধর্মাচরণে সচেষ্ট থাকিতেই জীবনের আদর্শ করিয়াছিল। সংসারের নম্বর সুখভোগ 'যেন তেন প্রকারেণ' করিতে পাওয়াকেই তারা জীবনের সার্থকতা বোধ করিত না। বিবাহিত জীবনকে চিরপুষ্পবাসর মনে করিয়া নব নব পুষ্পবাসরের জন্ম লালায়িত হয় নাই। রাজরাণী যেমন অপর্ধ্যাপ্তবোধে তার সুখসম্পদ ফেলিয়া দেয় না, নিজেরই কর্মাজ্জিত ফল মনে করে, কান্দালিনীও তাহাই করিয়া থাকে। সুপুরুষ-সুশীল ঐশ্বর্যবানের স্ত্রী, তার স্বামীর প্রতি স্বতঃই অনুরক্ত হয়, এ দেশের মেয়েরা ইহার বিপরীতেও তাদের চেয়ে পতিপ্রাণতায় কম হইত না। মনোনিবৃত্তিরূপ পরম শান্তি লাভ করিয়া তাঁরা দুঃখজয়ী হইয়াছিলেন। এ সাধনা সহজ সাধনা নহে। সংসার যখন সুখদুঃখ লইয়াই পরিচালিত—নিছক সুখের আশায় মৃগতৃষ্ণিকার পিছনে বৃথা ঘুরিয়া হতাশ হওয়ার লাভ খুব বেশী নয়, শান্তিহীনতা লাভটাই প্রায়শঃ ঘটয়া থাকে। আদর্শই নামিয়া পড়ে, আনন্দটাই অধিকাংশ স্থলে মেলে না। আমি পূর্বে বহুবার বলিয়াছি, এখনও বলি, যুরোপের সমাজ ভারতবর্ষীয় হিন্দুসমাজের তুলনায় শিশু—শিশুত্ব যদি নাও মানিলাম, কৈশোর বা নবযৌবন বলিয়া মানিতেই হইবে ; তাহা হইলে বলিতে হয়, যুরোপীয় সমাজ-শিশুর সবেমাত্র এই শৈশব অতিক্রান্ত হইয়া নবোদ্ভিন্ন যৌবনকাল দেখা দিয়াছে ; দৃশ্য যৌবনের সহজ চপলতা ও উদ্দীপ্ত বাসনাময় আবেগে এখনও তার সমস্ত শরীর-মন উদ্দাম হইয়া আছে। কুলবিঘ্নবী ভ্রানদী অনবরতই তট ভাজিতেছে। তাকে দেখিয়া আজ এই অপকীর্তমান প্রৌঢ়সমাজ যদি তাহাকে অনুসরণ করিতে যায়, শুধু সে বাতুলতা করিয়াই নিবৃত্ত হইবে না, প্রাণে মরিবে। সে যৌবনের চঞ্চলতাকে বহুদিন পূর্বেই সে পরিহার করিয়া আসিয়াছে, আজ তাহাতে পুনঃ প্রত্যাবৃত্ত হওয়ার তার কোনই সার্থকতা

## ভারতের নারী

নাই ; বরঞ্চ এই সুদীর্ঘদিনের কঠোর তপস্তায় লব্ধ সমুদয় তপঃফলটাকেই ছুটা সন্ন্যাসীর দ্বারা অভিসূতবুদ্ধি কুস্তকর্ণের মত ন্যর্থ ও নিরর্থক করিয়া দেওয়া হয় । তা ছাড়া বৃদ্ধ ইচ্ছা করিলেই কি আর বুঝা হইতে পারে ? মহা মহা রসায়ন তাকে তার বিগত যৌবন কিরাইয়া দিতে সমর্থ হয় নাই । বৃদ্ধ অভিনেতা তরুণের অংশ অভিনয় করিতে গেলে যেমন সে কৃত্রিমতা দর্শকের পক্ষে অসহনীয় হইয়া উঠে, এ ক্ষেত্রে তার চেয়ে বেশী ফললাভ হয় না । সমাজকে সংস্কার করিতে যুগে যুগেই হইয়াছে এবং এখনও হইবে, কিন্তু সংস্কার করা স্বতন্ত্র, আর তার ভিত্তিমূল ধরিয়া টান দেওয়া এক নয় । ভারতবর্ষীয় হিন্দুসমাজ নারীর সতীত্বের উপর ভিত্তি করিয়া প্রতিষ্ঠিত । নারীর মাতৃত্বেরও উপরে তাঁর সতীত্বের মাহাত্ম্য এদেশে সুপরিচিত, জগন্মাতা পার্বতী তাঁর পূর্বশরীরের সতীরূপে পতি অবমাননার দেহত্যাগ করিয়াছিলেন ; আর সেই সতীদেহের উপাদানেই এই ভারতের আনন্দুদ্বিহিমাচল পরিপূরিত, তাই এদেশে নারীধর্মের মধ্যে কোনই প্রভেদ নাই । সকল সমাজ সমাজেই সতীত্বের সম্মান আছে, তথাপি এদেশে ঐ ধর্মই স্বাস্বায়ুর মতই স্বতঃ উৎসারিত ও অবশ্য-পালনীয় প্রধান ধর্ম ।

ভারত-নারীর কর্তব্য সম্বন্ধেও আমার মতে সেই প্রাণবায়ুবৎ অবশ্য-গ্রহণীয় সতী-ধর্মকে সম্মান ও অভ্যাজ্যভাবেই পালন করার দায়িত্ব সমানভাবেই বর্তমান রহিল, অধিকন্তু নানাবিধ সুযোগ পাওয়াতে ভারত-নারীদের তখনকার দিনে স্বামিসঙ্গলাভ ও স্বামীর সহায়তা করার আবশ্যকতা ও সুবিধা দুই-ই সমানভাবে ঘটিতেছে. উহার সার্থকতা সম্পাদন করা কর্তব্য, অর্থাৎ কি সাংসারিক বিষয়ে কি বাহিরের কাজে যার যতটুকু সামর্থ্য আছে, অথবা চেষ্টা করিলে সামর্থ্য-লাভ হইতে পারে, তিনি তাহাই প্রয়োগ করুন । অশ্রাব্যগ্রস্ত যারে সংসারের কাজকর্ম মারিয়া কুটীর-শিল্প দ্বারা কিছু কিছু অর্থ উপার্জন করা, নিজে লেখাপড়া শিখিয়া ছেলেমেয়েদের প্রথম শিক্ষার ভার হাতে লওয়া, দেশের কাজে স্বামীর অনুগামিনী হওয়া, স্বামীকে সুপথে পরিচালিত করিয়া আপনার জন্ত যিনি আত্মশক্তি প্রয়োগ করিয়া থাকেন, তিনি যথার্থ সহধর্মিণী । খেলার পুতুলের মত যথার্থ সচেতন থাকা—এ সকলই সহধর্মিণীর কাজ নয় । ইহা পরলোকের উন্নতির জন্ত । আত্মসমর্পণের অর্থ আর সহধর্মিণীত্বের অর্থ এক নয় । পতির শুভের জন্ত সতী, সেই পতিকেই আবশ্যকস্থলে পরিত্যাগ করিয়া আসিয়া তাঁহারই ধ্যানে জীবনাতিপাত করিয়াছেন এ দৃষ্টান্ত ভারতবর্ষে দু'একটি নয় । অসতী যিনি নিজের প্রেমের জন্ত পরিত্যাগ করিয়া যান, তার সঙ্গে এ তাগের তুল্যমূল্য হইতেই পারে না, সতীর কর্তব্য কত সুদূরপ্রসারী, সতী মায়েরা তাহা হৃদয়ে বুঝিয়া দেখিবেন । স্বল্পদৃষ্টির সম্মুখে শুধুই প্রতিভাত হইবে,—নির্বোধ, সেবাপরায়ণা, অত্যাচারিতা লাঙ্ঘিতা বঙ্গবধু । সতী বলিতে এখন এঁরা এঁই-ই বুঝেন—ভাগা !

বর্তমানের দুইটি প্রধান কর্তব্যের সম্বন্ধেই আমার যা বক্তব্য ছিল বলিয়াছি । **সতীত্ব ও মাতৃত্ব** --এর চেয়ে বড় কর্তব্য যে জগতে আর কি আছে, আমি জানি না । একজন বিখ্যাত দেশনায়ক আমার জিজ্ঞাসা করিয়াছিলেন, "যে সব মেয়েরা আমাদের মধ্যে আসিতেছেন, তাঁদের সঙ্গে আমরা কিভাবে চলিব বলুন দেখি ?" আমি তাঁকে উত্তর দিই, "ছেলে যেমন মার সঙ্গে চলে, সেইভাবে । তাঁদের ডেকে বলুন, গা বখন অসুর-শক্তি সুর শক্তিকে পরাভব করেছিল, তখন তাঁদের দুর্গতি নাশ করতে দুর্গারূপে এসেছিল, আজও তেমনি করে তোমাদের মহাশক্তির সমাবেশ করে সম্ভানদের সম্মুখে এসে দাঁড়াও । কার সাধ্য আছে কোন কথা বলিবার ?"

মা যদি সতী, সত্য-নিষ্ঠাবতী, উন্নত-চরিত্রশালিনী হন, সম্ভানপালনকেই (লালন নয়) তাঁর প্রধান

## বর্তমান যুগে ভারত-নারীর কর্তব্য

কর্ম মনে করিয়া সেই ভাবেই আশেপাশ তাকে সংশিক্ষা দেন, সংসার হইতে কত না, পাপতাপ দূরীভূত হইয়া যায়।

এদেশের শাস্ত্রে এবং লোকাচারে নারীর বিদ্যাশিক্ষা ও জ্ঞানচর্চার বাধা ছিল না, তাহা অনেকেই জানেন। ঠিক ইংরাজী যুগের পূর্বে এবং পরের যে যুগ, সে যুগটি এদেশের কতকটা অন্ধকার যুগ তা ভিন্ন কোন কোন অশিক্ষিত পরিবারের মধ্যে হয়ত অনেক রকম কুসংস্কার থাকিতে পারে, প্রধানতঃ হিন্দুর মেয়েরা ( উচ্চ শ্রেণীরই অবশ্য ) কোন যুগেই আকাট মুখ ছিলেন না, তার যথেষ্ট প্রমাণ আছে। নাম করিতে হইলে বাছা বাছা নামগুলি লোকে সকল বিভাগেরই নমুনাস্বরূপ দিয়া থাকেন এক ধরণের অনেকগুলি নাম সংগ্রহ করা কেহই আবশ্যিক বোধ করেন না। ইহাতে দেখা যায়, অতি প্রাচীনকাল হইতে বর্তমানকাল পর্যন্ত সকল বিভাগেই হিন্দুনারীর শক্তি-সামর্থ্যের ও সংশিক্ষার কোন অভাব ঘটে নাই। যাহাতে জ্ঞানবুদ্ধি প্রসারিত, কর্তব্যবোধ পরিমার্জিত, দূরদর্শন ও নীতিচরিত্র গঠিত, ত্যাগ-সংযম চারিত্রিক দৃঢ়তা বর্ধিত হয়, এ শিক্ষার তাঁদের কোনদিনই অভাব ছিল না। শিল্প, সাহিত্য, আতিথেয়তা বা সামাজিকতা যে-কিছু শিক্ষার অঙ্গ বা শিক্ষাসাধনার অবশ্যস্বাভাবী ফল সে সকলই প্রচুরতররূপে তাঁদের ভিতর বর্তমান ছিল।

এদেশের মেয়েরা সকল যুগেই, এমন কি, যোরতর বিধবময় জাতীয় হুদ্দিনে কুলগৌরব ও আত্মসম্মান রক্ষাপূর্বক রাজ্যশাসন, জমিদারী পরিচালনা, বড় বড় ঘোঁষ পরিবারের কর্তৃত্ব--কোন কিছুতেই পশ্চাৎপদ হন নাই। অহল্যাবাগ্নি, বাসির রাণী খুব বেশী দিনের নয়, অর্ধ-বঙ্গেশ্বরী রাণী ভবানীর দূরপ্রসারী স্মরণ্যদৃষ্টি যে অনেকানেক কুটরাজনীতিবেত্তার অপেক্ষাও অনেক বেশী ছিল, তাহা বাংলার ইতিহাস যারা জানেন তাঁদের অজ্ঞাত নয়। বর্তমানের এই যুগটিকে যদি অল্প তামসযুগ বলা যায়, খুব বেশী অত্যাঙ্ক করা হয় না। মনের মধ্যে আমাদের বড় বড় আদর্শ খাড়া হইয়া উঠিতেছে বটে কিন্তু আসলে আমরা নীচের দিকেই নামিয়া চলিয়াছি। ভারতের শিক্ষা, সাধনা প্রবৃত্তিমূলক নয়, আমরা তার সেই মর্ম্মকথা বিস্মৃত হইতে বসিয়াছি বলিয়াই যত কিছু অনর্থ ডাকিয়া আনিতেছি। যাত্রাগান এবং কতকধার দ্বারায় সার্বজনীন লোকশিক্ষা শুধু প্রাথমিক অক্ষর-পরিচয়ই নহে, নীতিধর্ম্ম পুরাণাদির প্রচারে এদেশের অতি নিম্নস্তরের মধ্যেও যেমন উচ্চাঙ্গের নীতিশিক্ষা প্রবর্তিত হইয়াছিল, এমন আর কোথাও হয় নাই। পল্লীজীবনের সঙ্গে সঙ্গে সে সমুদয়ই আজ ইলুজালবৎ অদৃশ্য হইয়াছে এবং তার স্থানে পড়িয়া আছে সমাজবন্ধনের বাহিরে সহরের ঠাসাঠাসির দায়িত্বহীন শিক্ষাসম্পন্ন অসার জীবনযাত্রা।

আমাদের আবার সেই ভারতীয় সাধনার পথে মুখ ফিরাইতে হইবে। ছেলেমেয়েদের প্রতি কর্তব্য ত করিবেনই, প্রতিবেশীদের ছেলেমেয়েদেরও যাহাতে ঐভাবে নীতি ও ধর্ম্ম শিক্ষা হয়, তার উপরেও দৃষ্টি রাখিতে হইবে। আপনাদের সমিতিতে এবং এইরূপ বহুতর নারীসমিতি সংগঠিত করিয়া সম্মিলিতভাবে এই সকল অবশ্যকরীয় বিষয়ে আলোচনা এবং ইহার মধ্যে মধ্যে সৃষ্টিত প্রবন্ধপাঠ অত্যাবশ্যক। ছেলেমেয়ে দুজনকেই সমান শিক্ষাদান করিতে যেন দ্বিধা করিবেন না। অবশ্য শিক্ষার বিষয় বিভিন্ন থাকুক, কিন্তু মেয়েদের যে কতকগুলি প্রধান প্রধান বিষয়ে ছেলেদেরও সঙ্গে সমান অধিকার আছে, তাহা স্বীকার করিয়া লইতে হইবে। বিদ্যাশিক্ষায় প্রাচীন ভারতের নারীদের ত উচ্চাধিকার ছিলই, মনু বলিয়াছেন, 'কস্ত্যাপোবং পালনীয়া শিক্ষনীয়াতিযতঃ'। উচ্চাঙ্গের জ্ঞানসমাবেশে যে এট সেদিন পর্যন্ত বঙ্গনারীদের অধিকার নিতান্ত তুচ্ছ ছিল না, তাহার প্রমাণের জন্ম মিলাইয়া দেখুন দেখি

## ভারতের মারী

আপনার শৈশবে দৃষ্টা বা যৌবনে পরিচিতা, অথবা আজিও বর্তমান পিতামহীর সহিত আপনার পৌত্রীটিকে । ছ'চারটি সেমিজ, পেটিকোট, ব্লাউজ ও জুতা-মোজা পরিয়া, একতাড়া বইখাতার বোঝা বহিয়া সে কি তাঁর চেয়ে উন্নতহৃদয়া, উদারচিত্তবৃত্তিশালিনী ও ত্যাগপূত-চরিত্রসম্পন্ন হইতে পারিয়াছে? শুলের শিক্ষা ছেলে-মেয়েকে দিতে হইবে দিন, কিন্তু আসল শিক্ষাই গৃহশিক্ষা । গৃহশিক্ষার প্রধান শিক্ষক ছেলেমেয়েদের মা ; মা নিজের শিথিয়া তাদের মানুষ হইতে শেখান । তাদের শেখান স্বদেশকে ভালবাসিতে, স্বধর্মকে খাসবায়ুর মতই গ্রহণ করিতে, স্বজাতিকে দেহের শোণিতবিন্দুর মতই প্রিয় ভাবিতে । তাদের শেখান—ত্যাগের ধর্ম, সংঘের ধর্মই বীরের ধর্ম - মহতের ধর্ম - ধার্মিকের ধর্ম ।

অসংযম, উচ্ছৃঙ্খলতা বা ভোগম্পৃহাই জগতের প্রার্থিত বস্তু নয়, ত্যাগের বস্তু । সদাচার-পালন, স্বধর্মের সেবা, শাস্ত্রার্থবোধের ইচ্ছা ও চেষ্টা—এ সকল প্রবৃত্তিও তাদের মনের ভিতর জাগ্রত করা মায়ের কর্তব্য । অর্থাৎ হিন্দু মাকে তার সন্তানের ইহ-পরলোকের মঙ্গলবিধায়িনী হইতে হইবে । শুধু সাংসারিকতার প্রতিই তাঁর দৃষ্টি নিবদ্ধ রাখিলে মাতৃকর্তব্য সম্যক্রূপে প্রতিপালিত হইবে না । এইভাবে যদি গৃহশিক্ষারূপ বাধনকষণ-প্রাপ্তি ঘটে, তবে পশ্চিমতটের ঢেউ যত বড় প্রবল হোক, পূর্বতটের ক্ষয় তত সাংঘাতিক হইতে পারে না ।

মায়েরা ! আমাদের মধ্যে যারা শাশুড়ী আছেন নিজ নিজ পুত্রবধূকে কল্যাণস্থানীয়া করিয়া লইতে তাকেও যথাসাধ্য বিদ্যাশিক্ষা দিন, নৈতিক শিক্ষার পূর্ণ দৃষ্টি রাখুন । স্নেহ দিয়া যত্ন দিয়া কুশিক্ষা থাকিলে তাহা শুধরাইয়া লউন । বধু বলিয়া সে একটি স্বতন্ত্র জীব নয়, বরঞ্চ সে একটি জীব-জননী । ঐ গৃহলক্ষ্মী কল্যাণীর দ্বারায় একটি নূতন জগতের সৃষ্টি হইবে, এই মস্ত বড় কথাটিকে এক মুহূর্ত্ত ভুলিলে চলিবে না । ভুলিলে চলিবে না কার?—আপনার নিজের । আপনার স্বশুরের ভাবী বংশ, তাঁদের স্বর্গ বা নরকবাস নির্ভর করিয়া আছে, ঐ বধুরূপিণী প্রাণীটির শিক্ষার উপরে 'আকরে পদ্মরাগাণাং জন্ম কাচমণেঃ কুত' । আকর যদি ভাল হয়, পদ্মরাগমণিরই উদ্ভব হইয়া থাকে । কাচ কোথা হতে আসিবে? মা-বাপের পরিচয় সন্তানের মধ্য দিয়াই প্রধানতঃ পাওয়া যায়, ইহাই স্বাভাবিক । মহাত্মা ভূদেব লিখিয়াছেন, "ইহেব নরকঃ স্বর্গ" এই কথাটি খুব ঠিক, আমাদের উত্তরপুরুষই আমাদের স্বর্গ ও নরক । যিনি যেমন সন্তান উৎপাদন করেন, জগতে তাঁর যশ বা অপযশ সেই অনুযায়ীই থাকিয়া যায় । অতএব কেবলমাত্র আজিকার দিনের বধুধর্মই তাঁর প্রধান ধর্ম হইতে পারে না । তিনিই ধার্মিকা, নীতি-জ্ঞানশালিনী, বিগ্ণবতী, গৃহকর্মাদিতে সুদক্ষ এবং শরীর ও স্বাস্থ্য সম্বন্ধে অভিজ্ঞতালাভের দ্বারা, সংক্রামক রোগাদি হইতে আত্মরক্ষায় সমর্থী, এমনই গুণবতী হইলে তবেই আপনাদের পুত্রাম নরকত্রাণের জন্ত পুত্ররূপী ভগবান্কে গৃহে আনিবার যোগ্যতালাভে সমর্থী হইবেন, এই বুঝিয়া তাঁকে সেই মতই গঠিত করিয়া দিন । আর অস্ত্র ঘরের জন্ত তেমনিভাবে তৈরী করে তুলুন আপনার ঘরের মেয়েগুলিকে । ভারত-নারীর বর্তমানে এর চাইতে বড় কর্তব্য আর কিছু আছে কিনা আমি জানি না । যদি থাকে, যারা সে পথের যাত্রী তাঁদের ডেকে, আপনারা যদি আপনাদের মন লাগে শুনে নেবেন । তবে একটি কথা আমি বিশেষ জোর দিই বলবো, যিনি যতই বলুন সতীর একনিষ্ঠ প্রেম এবং তারই যে সুমহৎ আদর্শ—এর চাইতে বড় ও কল্যাণকর কোন কিছুই সংসারে বর্তমান থাকিতে পারে না । বিবাহের উদ্দেশ্যটা কেবলমাত্রই দেহস্থের জন্ত নয়, তাহলে পৃথিবী হইতে এতদিন বিবাহ সংস্কারটা উঠিয়া যাইত এবং আজকালকার দিনে যারা কল্লনার



## নারীর স্থান—অতীতে ও বর্তমানে

রাজ্যে খুব জমকালো আসন পাতিয়া বসিতে অধিকার পাইয়াছে, সংসারের সমুদয় আসনগুলির অধিকার তাদের হাতে আসিয়া পড়িত। বিবাহে পতিপত্নীর একান্ততার অঙ্গীকার, পুরুষদের দিক দিয়া কতক স্থলে ভঙ্গ হয় বলিয়াই যে তার প্রতিশোধে নিজ নিজ নাসিকা কর্তন করিতে হইবে, তার প্রয়োজন নাই। যারা সতীধর্মের অসারত্ব প্রতিপাদন করিতে চেষ্টা করে, তাদের কথা কানে শুনিতে গায়ে জ্বালা ধরিতে পারে বটে, তবে কান না দিলেও চলে, এতই ওটা অবাস্তব কথা। যেদিন সংসার হইতে নারীর সতীত্ব বিলুপ্ত হইবে, সেদিন জানিবেন পৃথিবীরও ধ্বংসকাল সমুপস্থিত। মানুষ সেদিন গুলুয়ে পশুচাড়া-বর্তন করিতেছে জানা যাইবে। তবে সে ভয় করিবার প্রয়োজন নাই, কোন দিনও তেমন ছুদিন আসিবে না।

## ৯। নারীর স্থান—অতীতে ও বর্তমানে

সমাজে বিপ্লব উপস্থিত হইলে অতীত আলোচনা অপরিহার্য। অধুনা আমাদের শিক্ষিতা মহিলাগণ একটি বন তুলিয়াছেন—“অতীত যুগে নারী পুরুষের সহিত সমানাধিকার প্রাপ্ত হইতেন; তাহা হইলে এ-যুগে তাহা সম্ভব হইবে না কেন?”

অতীত আলোচনায় আমরা যেন এইটুকু বুঝিতে চেষ্টা করি যে, আমাদের পূর্ব পূর্ব যুগে যে সকল নরনারী ছিলেন, তাঁহাদের সহিত আকৃতিগত ও প্রকৃতিগত সাদৃশ্য আমাদের কতকটা থাকিতে পারে; আলোচ্য বিষয় তাহা হইলে অনেকটা সহজ হইবে।

বিগত যুগে হিন্দুসমাজ নারীকে চার শ্রেণীতে বিভক্ত করে; যথা—১। পদ্মিনী, ২। চিত্রাঙ্গা, ৩। শঙ্খিনী, ৪। হস্তিনী। ইহা আকৃতিগত শ্রেণী। বর্তমান যুগে আকৃতি-শ্রেণীবিভাগ প্রায় উপেক্ষিত হইয়াছে, সে স্থানে আকারগত তারতম্য সত্য হইলেও সর্বসাধারণের আলোচ্য নহে। নারীর প্রকৃতিগত গুণাগুণই তাহার যথার্থ শ্রেণীবিভাগ সম্ভব। মানবজীবনে নারীর প্রভাব অসাধারণ; ভারতের কবিগুরুগণ তাঁহাদের অন্তর্ভেদী তীক্ষ্ণ দৃষ্টি দ্বারা নারীর সর্ববিষয় নিরীক্ষণ করিয়া তাহাদের তিন শ্রেণীতে বিভক্ত করেন; যথা—১। স্বীয়া, ২। পরকীয়া ও ৩। সামান্ত্রী।

স্বীয়া তিন প্রকার - ১। মুক্ষা, ২। মধ্যা ও ৩। প্রগল্ভা। ইহাদের মধ্যে মুক্ষার তুলনা নাই। মুক্ষা-নারী পুরুষের প্রতি পূর্ণ নির্ভরশীলা হইয়া থাকেন। মধুরভাষিণী, উৎকল্লহৃদয়া, সংগতমনা এই জাতীয় নারী গৃহে লক্ষ্মী-স্বরূপিণী বলিয়া আখ্যাত হন। ইহাদের দেখিলে স্বয়ং শান্তি বলিয়া প্রতীত হয়; ইহারাই নারীত্বের পূর্ণপ্রতীক।

মধ্যা-চরিত্র অনেকটা পুরুষভাবাপন্ন। ইহারা অল্প ক্রোধশীলা, অস্থির, বান্ধবী-সংসর্গ-কামিনী, কলহ-প্রিয় এবং বাচাল। এই জাতীয় স্ত্রীলোক পৌরুষশালী পুরুষকে ঘৃণা করেন। বরং নারী-ভাবাপন্ন পুরুষদের প্রতি প্রসন্ন হইয়া থাকেন। মুক্ষার চরিত্র ঠিক বিপরীত। তাঁহারা তেজস্বী পুরুষকে সমধিক পছন্দ করেন।

## ভারতের নারী

আত্মনির্ভরশীল এবং উচ্চাঙ্গী পুরুষ, নারীমাত্রেয়ই কাম্য, কিন্তু অনাবশ্যক উগ্রভাবশালিনী স্বাধীনমতাবলম্বিনী নারী পুরুষ মাত্রেয়ই কাম্য নহে। তেজস্বী পুরুষ মুষ্কার অত্যন্ত অনুরাগী হয় এবং অধিকসংখ্যক পুরুষই শাস্ত্রস্বভাবা নারীর অনুরাগী হয়।

প্রগল্ভা প্রায় পুরুষের বশতা স্বীকার করে না। ইহারা কঠিন-হৃদয়া, কৰ্কশভাষিনী, বহুভাষিনী এবং পুরুষের প্রতিকূলচারিণী। ইহাদের কল্যাণে সমাজকে অনেক ক্ষতি স্বীকার করিতে হইয়াছে। মধ্য এবং প্রগল্ভা তিন ভাগে বিভক্ত হইয়া (ধীরা, অধীরা, ধীরাধীরা) আধুনিকার জ্ঞান যথেষ্ট ব্যবহার করিতেন; সে যুগেও প্রগতিকামীরা সংখ্যা নিতান্ত কম ছিল না।.....

অতঃপর পরকীয়া। রসস্থিতিতে স্বকীয়া অপেক্ষা পরকীয়ার প্রাধান্য অনেক অধিক, যদিও সংস্কৃত সাহিত্যে সমাজ-রক্ষাকল্পে স্বকীয়ার আসন সর্বশ্রেষ্ঠ। পরকীয়া দুইপ্রকার—১। পরোচা ও ২। কণ্ঠকা। ইহাদের আবার তিন প্রকারভেদ আছে—১। গুপ্তা, ২। বিদম্বা ও ৩। লক্ষিতা। রাধামদাস বন্দ্যোপাধ্যায় মহাশয়ের মতে পরকীয়া দুই প্রকার—১। প্রখ্যাতা ও ২। প্রচ্ছন্ন। হিন্দুশাস্ত্রে বিধবাকে এই দুই শ্রেণীর অন্তর্গত করেন নাই। কারণ, বাৎস্তায়ন বলিয়াছেন, “যেমন অবিবাহিতা কণ্ঠা ভাষ্যা হইতে পারে, সেই মত পুনর্ভূভাষ্যা হইতে পারে। পুনর্ভূ দুই প্রকার—১। অক্ষতযোনি ও ২। ক্ষতযোনি। অক্ষতযোনি পুনর্ভূসংস্কারাই বলিয়া কণ্ঠকার মধ্যে অন্তর্ভুক্ত।” টীকাকার বিশিষ্টশ্রুতির উল্লেখ করিয়াছেন যে, অপূর্ণা বা পৌনর্ভবা স্ত্রী সপ্তবিধ—বাগ্দত্তা, মনোদত্তা, কৃতকৌতুক-মঙ্গলা (মাঙ্গলা দ্রব্যাদি দ্বারা আদান-প্রদান-নিষ্পাদিতা), উদকস্পর্শিতা, পাণিগৃহীতিকা এবং অগ্নিপরিগতা ও পুনর্ভূপ্রভবা। ইহার মধ্যে পূর্বোক্ত দুইটি অক্ষতযোনি ও শেষোক্ত কয়টি ক্ষতযোনি পুনর্ভূ। কামী পুরুষের পক্ষে আত্মদানেচ্ছা বিধবা পুনর্ভূবিবাহে কোন সামাজিক বা রাজকীয় বিধানও ছিল না, নিষেধও ছিল না। তবে উহা কখনই ধর্মতঃ প্রশস্ত বলিয়া গণ্য হইত না। উক্ত সপ্ত পৌনর্ভব-কণ্ঠা বিবাহ ধার্মিকের পক্ষে সর্বদা ত্যাজ্য ছিল। উভয় পক্ষের সম্মতিক্রমে ঘটিলে কোন রাজদণ্ড হইত না।

সুতরাং শাস্ত্রমতে ক্ষতযোনি পুনর্ভূ কিন্তু পরকীয়া নহে। সমাজে, ধর্মশাস্ত্রে ও কাব্যে সাতশতবর্ষব্যাপী স্বকীয়া প্রাধান্যের জন্তই কন্দ-রোহিণী বা সাবিত্রী-কিরণময়ীকে পুনর্ভূ জানিলেও স্বকীয়া বলিতে পারা যায় নাই। সমাজের রূঢ় শাসনে তাহাদের পরকীয়াই বলিতে হইয়াছে।

পরোচার ও কণ্ঠকার মধ্যে কবিবুল কণ্ঠকার স্থান সর্বোপরে দান করিয়াছেন। কারণ, রুচি এবং সমাজের শুদ্ধতা রক্ষা কল্পে কণ্ঠকার বিবাহের পথ থাকে, পরোচার তাহা থাকে না।

উদ্বাহ-তত্ত্ব মানবসমাজের মূল বন্ধন-রজ্জু। যে যুগে বিবাহপ্রথা ছিল না, সে সময়ে পুরুষ বলপূর্বক নারী হরণ করিত। নারীর ইচ্ছার কোনই মূল্য ছিল না। প্রাচীন ভারতে ঋষিগণ স্ত্রী-মাত্রেয়ই সকলের ব্যবহার্য্য বলিয়া স্বীকার করিতেন। তৎপরে অগম্যবাদ (Incest) প্রচলিত হইলে বিবাহপ্রথা আরম্ভ হয়। বিবাহপ্রথাই নারী-পুরুষের যৌনলালসার প্রতিবন্ধক। পুরুষের পরকীয়া-প্রীতির জন্ত, পরস্পর নারী লইয়া হিংসাবিরতির জন্ত দেশে বিবাহপ্রথা প্রচলিত হয়। সঙ্গে সঙ্গে নারীর মনে সতীত্ব বা Chastity-র উদয় হয়; ব্রাহ্মণজাতি সমাজরক্ষার জন্ত প্রাণপণে মহত্ব বৎসর ধরিয়া এই পরকীয়াবাদ ধ্বংস করিতে চেষ্টা করিয়াছেন এবং সকলও হইয়াছেন। কিন্তু বর্তমানযুগে সাহিত্যশিল্পিগণ সেই অস্থিমজ্জাগত

## নারীর স্থান—অতীতে ও বর্তমানে

আদর্শের নাশ-কামনায় বন্ধপরিষ্কার। তাই “নষ্টনীড়” এবং “নৌকাডুবি” অথবা “শেষ প্রহর” এর অবতারণা। পরকীয়া প্রেম নহিলে প্রেমই নহে এবং সামান্টি বা বেথা এ যুগে নায়িকা শ্রেষ্ঠ।

শাস্ত্রমতে সামান্টি তিন প্রকার—১। বক্রোক্তি-গর্ভিতা, ২। অন্তঃসম্বোগ-দুঃখিতা ও ৩। মানবতী। বৈশিকতার বাহুল্যে ইহারা বেথা আখ্যা প্রাপ্ত হয়। কেহ কেহ বলেন, বেশপ্রিয়তাই বেথা শব্দের মূল। নায়িকামাত্রেরই অবস্থান্তরে অষ্টধা বিভক্ত হইয়া থাকে—১। প্রোষিতভর্তৃকা, ২। খণ্ডিতা, ৩। উৎকণ্ঠিতা, ৪। কলহাস্তরিতা, ৫। বিপ্রলঙ্কা, ৬। বাসকসজ্জা, ৭। স্বাধীনপতিকা, ৮। অভিসারিকা।

এখন হইতে এই ত্রিবিধ নারীকে প্রাচীন হিন্দুগণ কোথায় স্থান দিয়াছেন, তাহার সমালোচনা করা প্রয়োজন। বৈদিকযুগের ঋষি কর্তৃক নারীস্তুতি গীত হইয়াছে। বিশ্ববারা, ঘোষা, রোমসার পুরুষোচিত সম্মানলাভ ঘটায়; দেখা যায়—তাহাদের দার্শনিক গবেষণায় মহর্ষিগণ চমকিত হইয়া স্বীকার করিয়াছিলেন, নারীই বিচার অধিষ্ঠাত্রী। অস্তগ ঋষির কণ্ঠা, “বাক্” স্বীয় আত্মাকে বিশ্বশক্তি জ্ঞানে যে স্তুতি লিখিয়াছেন, তাহাই “দেবীস্তুত” নামে বিখ্যাত। একত্র যজ্ঞকার্য্যরত পতিপত্নীকে বেদ “দম্পতি” বলিয়াছেন এবং ইহাও উল্লেখ করিয়াছেন যে, যজ্ঞমান যজ্ঞের কুশগ্রহি স্বামীর অঙ্গুষ্ঠ হইতে পত্নীই মোচন করিবেন। অতএব ইহা অবশ্য স্বীকার্য্য যে, বৈদিকযুগে রমণীর অবাধ স্বাধীনতা এবং তৎপরিমাণ সকল শাস্ত্র আয়ত্ত করিবার ক্ষমতা ছিল।

পরবর্তী আরণ্যক ও উপনিষদ যুগে ইহার ব্যতিক্রম ঘটয়াছে। যদিও ঐ সময়ে বাচস্পতীর ব্রহ্মবাদিনী গার্গীকে “ব্রহ্মিষ্ঠ” যজ্ঞবল্ক্যের সহিত বিচার করিতে দেখা যায়, তথাপি ব্রাহ্মণ ও আরণ্যক বলিতেছেন,— যে স্ত্রীর যজ্ঞে অধিকার আছে, তিনি পত্নী; অথবা একাধিক স্ত্রীর মধ্যে যিনি মুখ্যা, তিনিই পত্নী। স্ত্রীগণ নৈখলা দ্বারা কটি সজ্জিত করিতেন যজ্ঞকল্পে। কিন্তু তৎপরেই কণ্ঠাকে “কুপণং” (দুঃখ করেন) বলিয়া মতর্ক করিয়া বলিয়াছেন—“যে স্ত্রীর যজ্ঞের অধিকার নাই তিনি জায়া।” সূত্রগ্রন্থে তাহার নাম “দারা” লিখিত হইয়াছে।

তাহা হইলে দেখা যাইতেছে যে, বৈদিকযুগে নারীকে যে অধিকার দেওয়া হয়, তাহার অব্যবহিত পরেই কোন কারণে সে অধিকার বহু ক্ষুণ্ণ করা হইয়াছে।

অতঃপর সূত্রযুগ। পত্নী-সাহায্যে যজ্ঞকার্য্য সর্বত্র স্বীকৃত হয়। অথলায়ন গৃহসূত্র—রমণীর বিত্তা সমর্পণ করেন, নিত্য ঘরোয়া গৃহযজ্ঞে বিবাহিতা স্ত্রীকে অধিকার প্রদান করেন, কিন্তু বিশেষ বিশেষ শ্রোতযজ্ঞে সে অধিকার লুপ্ত করেন। গোভিল গৃহসূত্র—স্ত্রীর প্রাতে বা সন্ধ্যায় গৃহে নিত্য-রক্ষণীয় অগ্নিতে আহুতির অনুমোদন করেন। বোধায়ন গৃহসূত্র—অত্যন্ত রক্ষণাবে নারীর বেদে অনধিকার ঘোষিত করেন। নারীর বেদচর্চায় কোন সুযোগ আছে বলিয়া তিনি স্বীকার করেন নাই।

দর্শনযুগে জৈমিনির পূর্বমীমাংসা দাবী করেন—“স্ত্রী-পুরুষ যখন সমান স্বর্গ কামনা করে, তখন সমান কার্য্যে অধিকারী। অধিকাংশ স্থানেই ইহার বিরুদ্ধ মত দেখা যায়।

শ্রুতিযুগে নারীর বিজ্ঞানশীলন অবশ্য কর্তব্য ছিল। কুমারীগণের সাবিত্রী (গায়ত্রী) বলা অভ্যাস ছিল। শ্রুতি বলিয়াছেন—পিতামাত্রেই পুত্রের জ্ঞান কণ্ঠাকে ধর্ম্মশাস্ত্রাদি পাঠ করাইয়া বিবাহ দান করিবেন।

## ভারতের নারী

শাস্ত্রে অনভিজ্ঞার বিবাহ নিষিদ্ধ ছিল, স্তত্রাং কস্তার বিবাহকাল দশ বৎসরেরও অধিক—ইহা বুঝা যায়, যেহেতু দশ বৎসরের নিম্নবয়স্কা মাত্রেই ধর্মশাস্ত্র হওয়া সম্ভব নহে। যমসংহিতা বলিয়াছেন—“পুরাকল্পে হি নারীনাং মৌল্লীবন্ধনমিচ্ছতে”—অর্থাৎ কলির পূর্বে কুমারীগণের মৌল্লীবন্ধনে বেদামুশীলনে অধিকার ছিল। গৃহসূত্রের কৃপায় অগ্নিহোত্রে নারী যে অধিকারলাভে সমর্থ হন, স্মৃতি যুগে মহর্ষি মনু বোধায়ন অনুসরণে ধর্ম্যে কর্ত্তে নারীর সমস্ত অধিকার লুপ্ত করিয়া বলেন—“বিবাহ মহিলাগণের উপনয়ন, তস্তির পৃথক্ সংস্কার তাঁহাদের নাই।’ পরিশেষে বলেন—“রমণীর স্বভাবই ছুট, প্রয়োজন হইলে তাহাকে রজ্জু দ্বারা অথবা কোমল বেত্রদণ্ড দ্বারা তাড়না করাও ভাল।”—ইহা হইতে বুঝা যায়, ততদূর স্ত্রী-স্বাধীনতা সে যুগেও ঘটে নাই।

আর্য্যসমাজের শেষ যুগে দ্রৌপদীর বাক্পটুতা, সীতার বিদায়-সম্ভাষণ বা পিঙ্গলা-রচিত শ্লোকে রাজা সেনজিতের সাস্থনা লাভ দেখিলে বুঝা যায় যে, তখন নারীর স্বাধীনরূঢ় মনোভাব তিরোহিত হওয়ায় পুরুষের সহিত তাঁহারা অনেকটা দ্রুততা লাভ করিতে পারিয়াছিলেন।

বৌদ্ধযুগে উপাধ্যায়ী ও বাজুচির ( ছাত্রী ) সংখ্যা দেখিলে স্ত্রীশিক্ষার ধারণা পাওয়া যায়। বৌদ্ধমহিলা “ধর্ম্মদিনা” তদ্বজ্ঞানে উপনিষদের মৈত্রেয়ীতুল্যা ছিলেন। বিদ্বিসারের পুরোহিতকণ্ঠা “খেরীসোমা” শিক্ষাধর্ম্মে সাধারণের অনুকরণীয়া ছিলেন। রাজমহিষী “ক্ষেমা”, রাজগৃহের বণিক্-ছহিতা অনুপমা, সূজাতা, বিশাখা, যশোধরা, উৎপলবর্ণা প্রভৃতি নারীর জাতক-সাহিত্যে যে প্রকার স্তুতি হইয়াছে তাহা আনন্দদায়ক। কিন্তু মেগাস্থিনিস বলেন তখন রমণীগণের উচ্চশিক্ষায় ভারত মনোযোগী ছিল না। বৌদ্ধভিক্ষুগণও অনেক পরীক্ষার পর রমণীকে অরক্ষণীয়া, সাধারণভোগ্যা এবং মোক্ষলাভের অন্তরায় বলিয়াছেন। অনেকে বলিতে পারে যে, সংসারবিরাগীমাত্রেই নারী-দেবী হয়। কিন্তু তাহা হইলে, সেই যুগে গণিকা অথপালীকে ভিক্ষুগণই অর্হত্ব দান করেন কি করিয়া? স্বামী-স্ত্রীর অধিকারে দেখা যায় যে, স্বামীর অনুপস্থিতিতে স্ত্রী রাজ্যপালন করিয়াছেন। এমন রাজা উদয়নের বৈমাত্রেয় ভগ্নী অথবা স্ত্রী রাজার মৃত্যুর পর রাজ্যপালন করেন। বিবাহের পাত্র-পাত্রীও লক্ষ্য করিবার বিষয়।

পৌরাণিক যুগে তীব্রভাবে নারীর উপনয়নাদি অস্বীকার করা হইয়াছে। ভাগবতে ( ১০, ২৩, ২৪ ) বেদপাঠ ত দূরের কথা শুনিবারও আযোগ্যা বলিয়া বিবেচিত হইয়াছে। এই যুগে নারীর অবনতি অত্যন্ত দ্রুতভাবে অগ্রসর হয়।

কাব্যযুগে কালিদাসপ্রমুখ কবিগণ সাহিত্যের মধ্যে নারীকে ফুটাইয়া তুলিয়াছেন, শিক্ষা-নৃত্য-গীতাদি শিল্পমণ্ডিত করিয়া নারীর পদে লুষ্ঠিত হইয়াছেন। উত্তররামচরিতে আর্য্য্য আত্রেয়ীর বেদপাঠের অভিনাবে নারীর উচ্চাকাঙ্ক্ষার আভাস পাওয়া যায়। কবি রাজশেখর স্বীয় স্ত্রী অবস্তিসুন্দরীর অভিমত সমস্ত্রমে ব্যক্তকালীন যে মনোবৃত্তির পরিচয় দিয়াছেন, তাহা কবিযোগ্য এবং পুরুষোচিত। ধনা, লীলাবতী, উত্তরভারতীর বিজাবুদ্ধিমত্তা গর্বেবর বটে, কিন্তু অপ্রামাণ্য। যেহেতু বরাহমিহির প্রভৃতি নবরত্নের সভায় নারীর স্থান নাই। এমনও হইতে পারে যে, তাঁহারা কুলবধু বলিয়া ঘণঃপ্রার্থিনী হইয়া সাধারণ সমক্ষে উপস্থিত হন নাই।

ভাষ্যযুগে নারীর একবার পতন হয়। নারীর সর্ববিধ গুণও সম্ভবতঃ এই সময়ে নষ্ট হইয়া গিয়াছিল। শবর স্বামী-ভাষ্যে বলিয়াছেন, “অতুল্যা স্ত্রী পুংসা,—স্ত্রী চ অবিজা চ”—অর্থাৎ নারীমাত্রেই অবিজা।

তান্ত্রিকযুগে নারীপূজার পুনঃপ্রবর্তন হয়। নারীকে শক্তি বলিয়া স্তব করা হয়। এমন কি

## ভারতের নারীত্বের আদর্শ

আত্মাভিমানী পুরুষ নারীকে গুরু বলিয়া স্বীকার করিয়াছে। সম্ভবতঃ এই সময়ে পুরুষ আপনাপন সঙ্গুণ হারাইয়া ফেলিয়া নারী অপেক্ষা নিম্নশ্রেণীর ব্যক্তি হইয়া পড়ে। আপনার আত্মবিশ্বাস, মৎ-চেতনার কোন সন্ধান না পাইয়া পুরুষ আত্মজগতেও নারীর সাহায্য গ্রহণ করিতে বাধ্য হয়। বৈষ্ণবগণও “রাধা নামে বাজায় বঁশী।”

বর্তমান একাকার যুগে নারীর স্থান কোথায় বলা শক্ত। এই দেখা গেল শুদ্ধাচারিণী স্বদেশবৎসলা সতী-শিরোমণি; কিছুদিন পরে তাহাকেই চলচ্চিত্র অভিনেত্রীর মুখাত্মা গুণিতে পাওয়া যায়। এ হেন বর্তমানযুগে নারী-প্রগতির যে সমস্ত আন্দোলন হইতেছে, অথবা পুরুষমাত্রেই যে প্রকার নারীর দরদী হইয়া উঠিয়াছে, তাহাতে ভারত-রমণী অতীত সন্মানের এক কপর্দকও অর্জন করিতে পারিবেন বলিয়া মনে হয় না। বর্তমানযুগে নারী উর্দ্ধমুখে আকাশ-কুসুম দেখিতে (শ্রী-স্বাধীনতার চরম) ক্রমশঃ যে নিম্নাভিমুখে অগ্রসর হইতেছে, তাহা বুঝিবার মত অবসর এখনও আছে। বিলাতের মন্ত্রিসভার বা ন্যাবস্থাপক সভার সভ্য হইবার অথবা লেডী জজ-ব্যারিষ্টার হইবার উপর যদি নারীর সম্মান নির্ভর করে, তাহা হইলে বুদ্ধিহীন হইবে, আজ ভারতবাসী নিজেকে হিন্দু বলিবার কতটুকু স্পর্ধা রাখে।

## ১০। ভারতের নারীত্বের আদর্শ

ভারতের নারীত্বের আদর্শ আলোচনা করিতে গিয়া কেহই উচ্ছ্বসিত না হইয়া পারেন না। স্মরণাতীত কাল হইতে ভারতের পুরাণে, ইতিহাসে, নাটকে, পল্লীগাথায় ও কিংবদন্তীতে ভারতীয় নারীর যে মূর্তি উজ্জল হইয়া উঠিয়াছে, তাহাতে কেবল ভারতবাসী নয়, মহিমা মহত্বের ধারণা যাহারা করিতে পারে তাহারা সকলেই এই আদর্শের প্রতি শ্রদ্ধাবনত হয়। বহুকাল অতীত হইয়া গিয়াছে, জগতের কারখানায় জাতিগত অনেক আদর্শের ভাঙ্গা-গড়া চলিতেছে, কিন্তু যুগান্তের বহু বিপ্লবের মধ্যেও এই আদর্শগুলি অম্লান দীপ্তিতে শোভা পাইতেছে—কেবল আদর্শ হিসাবে শোভা পাইতেছে নয়, ভারতবাসীর জীবনে অমোঘ প্রভাব বিস্তার করিয়া এখনও—এই যুগ-সঙ্কীর্ণণেও তাহার কর্ণজীবন অনেকাংশে নিয়ন্ত্রিত করিতেছে।

ভারতের নারীর আদর্শ সতী—যিনি পিতার মুখে পতিনিন্দা-শ্রবণে দেহত্যাগ করিয়াছিলেন। ভারতের নারীর আদর্শ সীতা—যিনি সর্বসংস্হা ধরিত্রীর মত অশেষ দুঃখকষ্ট নীরবে নতশিরে বহন করিয়াছেন, অথচ একদিনের জন্ত যাহার স্বামী-অনুরাগ ম্লান হয় নাই। ভারতের নারীর আদর্শ সাবিত্রী—যাহার প্রবল অনুরাগ মৃতস্বামীকে সঞ্জীবিত করিয়াছিল। মৃত স্বামীর কঙ্কাল কয়টি বুকে লইয়া গাঙ্গুড়ের স্রোতে যিনি ভেলায় ভাসিয়া চলিয়াছিলেন, সেই বেহলা আমাদের দেশের নারীর আদর্শ। ভারতীয় নারীর প্রবল স্বামী-অনুরাগ, আত্মত্যাগ স্বামীর অস্তিত্বের মধ্যে নিজের সম্পূর্ণ সত্তার বিলোপসাধন ভারতীয় নারীগণের এতই মজাগত হইয়া গিয়াছিল যে, অধিক দিনের কথা নয়, স্বামীর মৃত্যুতে তাহার চিতায় নারীর সুখসাধই কেবল পুড়িয়া ছাই হইত না, তাহার পার্শ্ব দেহও ভস্মীভূত হইত। যাহারা

## ভারতের নারী

স্বামীর অলঙ্ঘন চিতায় হাসিমুখে প্রাণ বিসর্জন দিয়াছেন, তাঁহাদের আত্মদান ও বীরত্ব ইতিহাসে চিরকাল অক্ষয় হইয়া থাকিবার সামগ্রী।

ভারতবর্ষে আশ্রম-চতুষ্টয়ের মধ্যে গার্হস্থ্যাশ্রমকেই সর্বশ্রেষ্ঠ আখ্যা দেওয়া হয়। গৃহধর্মচারিণী নারী এই গার্হস্থ্যাশ্রমের কেন্দ্রগত শক্তি। গৃহে নারীর সর্বাপেক্ষা গৌরবের পরিচয় জননী ও জায়া। নারীত্বের চরম পরিণতি মাতৃত্ব—ভারতবর্ষে এই আদর্শই এতকাল স্বীকৃত হইয়া আসিয়াছে এবং বর্তমান যুগের নারীপ্রগতির প্রচুর ঢকানিনাদ সত্ত্বেও সাধারণের মন হইতে এই আদর্শ একেবারে বাতিল হইয়া যায় নাই। বর্তমান যুগের নারী-প্রগতির অন্তরালে যে আদর্শ প্রচ্ছন্ন রহিয়াছে, তাহা সাম্যের আদর্শ—স্ত্রী ও পুরুষের সমান অধিকারের কথা। নারী আত্মপ্রতিষ্ঠা করিতে চায়। অথচ আমাদের দেশে নারী আত্মপ্রতিষ্ঠা চাহে নাই, বরং সর্বপ্রকারে আত্মবিলোপ করিতে চাহিয়াছিল। এই আদর্শের দৃশ্য পৃথিবীর অনেক দেশেই অত্যন্ত উৎকটভাবে দেখা দিয়াছে এবং বাহিরের এই বিপ্লবতরঙ্গ ভারতবর্ষকেও যে একেবারে আঘাত করে নাই, একথা বলিলে ভুল হইবে। নারীর আদর্শ কি হওয়া উচিত এ সম্বন্ধে কথা বলিবার সকলেরই সমান অধিকার আছে; কারণ ইহা মাত্র বুদ্ধিজীবীর কূটতর্কের বিষয় নয়, ইহার সঙ্গে অবিচ্ছিন্নভাবে জড়িত আছে প্রত্যেকের জীবনের সুখদুঃখ, ধর্মকর্ম।

ইংরাজী সভ্যতার প্রথম আমলে রাজা রামমোহন রায় একটা নূতন ধর্মভাবের বিপ্লবই শুধু আনিবার চেষ্টা করেন নাই, সামাজিক আদর্শের পরিবর্তনের বীজও তিনি বপন করিয়া গিয়াছিলেন। প্রাচ্য-পাশ্চাত্যের সমন্বয়সাধন চেষ্টার নামে সেই হইতে আজ পর্যন্ত ধীরে ধীরে আমরা পাশ্চাত্যভাবাপন্ন হইয়া উঠিতেছি। কোন যুগেই ভারত-রমণী আধুনিক পাশ্চাত্য মহিলার মত অবাধ বিচরণশীলা ছিলেন না, আবার অনূর্য্যাপ্তাও ছিলেন বলিয়া অনুমান করা যায় না। ইসলাম সভ্যতার প্রভাবে নারী অধিকতর অন্তঃপুরবাসিনী হইয়াছে এ কথা মনে করিলে অসঙ্গত হয় না। রাজপুতনায় মুসলমানপ্রভাব অধিক হইয়াছিল সেইজন্য সেখানে পর্দানশীনতা বেশী; আবার মহারাষ্ট্রে ইসলামের প্রভাব বেশী না হওয়ার সেখানকার নারীগণের মধ্যে পর্দার কড়াকড়ি নাই। প্রাচীন ভারতে রমণীবৃন্দ, অবাধবিচরণশীলা না হইলেও বহির্ভ্রমণের সহিত তাঁহাদের বিচ্ছেদও ছিল না। সভ্যমধ্যে যাত্রাবন্দ্যের সহিত গার্গী যেক্রম বিচার করিয়াছিলেন, অতিগি দুঃস্বপ্ন সহিত! অনসূয়া ও প্রিরংবদা যেভাবে অসঙ্কোচে কথাবার্তা বলিয়াছিলেন তাহা নিশ্চয়ই মধ্যযুগের কোন ভারত-মহিলার পক্ষে সম্ভবপর নয়। বিভিন্ন যুগে বিভিন্ন সভ্যতার সহিত সংঘাতে ভারতের সামাজিক আদর্শ বহুলাংশে পরিবর্তিত হইয়াছে। যে সকল ভারত-মহিলা নানা যুগে প্রাতঃস্মরণী হইয়াছেন, তাঁহারা নানা কারণে ভাবের উৎকর্ষ দেখাইয়া খ্যাতি লাভ করিয়াছিলেন। সীতা, সাবিত্রী, দময়ন্তী, সংবুদ্ধা, পদ্মিনী ইহারা পতিব্রতের জন্ত, আত্মত্যাগ ও ধীরতার জন্ত নমস্তা। মৈত্রেয়ী ব্রহ্মবাদিনী ছিলেন, লীলাবতী অন্ধশাস্ত্রে ব্যুৎপত্তির জন্ত বিখ্যাত হইয়াছিলেন। মীরাবাই তাঁহার ভগবদ্ভক্তির জন্ত, দুর্গাবতী ও লক্ষ্মীবাই তাঁহাদের বীরত্ব ও তেজস্বিতার জন্ত, রানী অহল্যাবাই ও রানী ভবানী দানশীলতার জন্ত সকলের মাতৃস্থানীয়া হইয়া শ্রদ্ধাভাজন হইয়াছিলেন। কিন্তু সমস্ত প্রকার পার্থক্য সত্ত্বেও পৌরাণিক ও ঐতিহাসিক যুগের সকল ভারত-রমণীই পতিব্রতা, সেবাপরায়ণা, উদারহৃদয়া, জননী, জায়া ও ভগ্নিরূপে পুরুষের কর্মপ্রেরণাকে উদ্দীপিত করিয়াছেন এবং এই সকল গুণই আদর্শরূপে সমাজে স্বীকৃত হইয়াছে। নীতি, সংযম ও সেবার প্রতীকরূপে নারী ভারতের প্রতি গৃহে শুচিস্কন্দর ভাব বিস্তৃত করিয়াছে।

## বর্তমান যুগে নারীর দায়িত্ব

আজ যুগ সন্ধিক্ষণে পাশ্চাত্য সভ্যতার সংস্পর্শে জীবনের প্রত্যেক ক্ষেত্রেই পরিবর্তন অপরিহার্য হইয়া উঠিয়াছে। নারীর জীবন গৃহস্থালীর সঙ্কীর্ণতর গভীতে সীমাবদ্ধ থাকিবে—না সমাজের প্রত্যেকটি কার্য-ক্ষেত্রেই সম্প্রসারিত হইবে ইহাই আমাদের চিন্তার বিষয়। সমস্ত জগতে যে নারী-আন্দোলন হইতেছে, তাহার প্রভাব হইতে ভারতবর্ষের মুক্ত হইয়া সম্পূর্ণ পৃথকভাবে থাকা সম্ভবপর নয়, এ প্রবৃত্তি হয়ত প্রশংসনীয়ও নয়। জাতির জীবনগঠনে নারীর সাহায্যের প্রয়োজনীয়তা আছে। কিন্তু গৃহে থাকিয়া সে যদি স্বামিপুত্রের কর্মপ্রেরণাকে উচ্চ ভাবাদর্শে উদ্বুদ্ধ করিতে না পারে, তবে বাহিরে আসিলেই কি তাহা পারিবে? পুরুষের প্রতিদ্বন্দ্বিতা করিয়া জীবনের সকল ক্ষেত্রে ঝাপাইয়া পড়িলেই কি মজল হইবে? আর নারীকে পুরোভাগে রাখিয়া যুদ্ধ করিবার প্রবৃত্তি পুরুষের পক্ষে কি যোগ্যতারই পরিচায়ক?

যথার্থ প্রয়োজন উপস্থিত হইলে, বহুকালের প্রচলিত সুপ্রতিষ্ঠিত আদর্শেরও পরিবর্তন হয়। কিন্তু সে পরিবর্তন হয় ধীরে, সকলের অজ্ঞাতসারে। তাহার জন্ত প্রচার ও বিজ্ঞাপনের প্রয়োজন হয় না। প্রয়োজনের সঙ্গে সঙ্গে যে পরিবর্তন হয় তাহা স্বাভাবিক, পরানুকরণে যে পরিবর্তন জোর করিয়া আনিবার চেষ্টা করা হয় তাহা অস্বাভাবিক। আধুনিক ও প্রগতিবাদী বলিয়া পরিচিত হইবার মোহ আমাদের একটু অত্যধিক পরিমাণেই আছে, বিশেষতঃ বর্তমান যুগে মাতৃহ বা পত্নীহ ছাড়াও নারীহ বলিয়া একটা ব্যাপকতর ভাবের পরিচয় আমাদের বর্তমান নাটক-উপন্যাস হইতে লাভ করিতেছি। এক্ষেত্রে প্রচলিত মতের বিরুদ্ধ কথা চূড়ান্ত বর্ধরতার লক্ষণ। কিন্তু একথা নির্ভয়ে বলা উচিত যে, ভারতবর্ষের সমাজ ও সভ্যতার বিশেষ আবহাওয়ার মধ্যে আধুনিক বিশ্বজনীন আদর্শেরও যদি পরিবর্তন ও পরিবর্জন হয়, তাহার জন্ত যেন আমাদের মন প্রস্তুত থাকে। যুগের পরিবর্তনের সঙ্গে ভারতীয় নারীর বাহিরের কাজে-কর্মে-বেশভূষায় পরিবর্তন আসিয়াছে; কিন্তু এই সমস্ত তুচ্ছ বাহ্য পরিবর্তনের মধ্য দিয়াও ভারতীয় নারীসমাজ এখনও অবিচলিত নিষ্ঠায় প্রাচীন আদর্শেরই অনুসরণ করিতেছে। নব্যযুগের এই ভাববন্টা তাহার অন্তর-প্রকৃতিকে বিচলিত করিতে পারে নাই।

## ১১। বর্তমান যুগে নারীর দায়িত্ব\*

জীবনে নারীহ সম্বন্ধে চেতনার প্রথম উন্মেষ হয় যখন, তখন থেকেই এক অব্যক্ত বেদনা আমার মনকে চঞ্চল করে তুলেছিল। ঘরে ঘরে দেখেছি নারীদের অকথ্য অবমাননা, দেখেছি লাঞ্ছনা ও অবহেলা। শুনেছি নারীকে নিয়ে ছিনিমিনি খেলার কাহিনী, স্বতঃই মনে উদয় হয়েছে কেবল একটি কথা, “এর জন্তে দায়ী কে?” পুরুষ? সমাজ? যুগ-পরিস্থিতি?...মধ্যযুগে নারী পেত না শিক্ষা—সেইজন্ত পুরুষ ও সমাজকে দোষারোপ করা গেছে, কিন্তু বর্তমান যুগে অধিকাংশ নারীই তো শিক্ষালাভ করার সুযোগ পাচ্ছে এবং বহুরকম পরাধীনতা থেকে মুক্তি পেয়েছে। তবুও নারীর অবনতির পথ রুদ্ধ হয়নি কেন এ

\* ১৩৫৮ সালের ৩১শে জুনের সুবিখ্যাত “কেশরী” সাপ্তাহিক পত্রিকা হইতে গৃহীত।

## ভারতের নারী

প্রশ্নের উত্তর কে দেবে? শিক্ষিতা হয়েও অনেক নারী অশিক্ষিত মনোবৃত্তির পরিচয় দিচ্ছে সাংসারিক জীবনে। নারীর শিক্ষার মূল্য রইলো কোথায়? শিক্ষা তো মানব চিত্তবৃত্তিকে সংযত করে সুপথে চালিত করে। তবে? বর্তমান যুগের নারী কলেজে, য়ানিভার্সিটিতে যায় উচ্চশিক্ষা লাভ করতে; তাদের অধিকাংশই হয় মুখরা, দর্পিতা ও কোমলতাহীনা। শুন্তে পাই বয়স্ক ও বয়স্করা বলেন, “মাগো! মেয়েরা পুরুষ হচ্ছে দিনে দিনে, লজ্জা নেই, নত্রতা নেই, ইয়ারকিতে ওস্তাদ!” তাঁরা হয়ত কিছুটা রং মিশিয়ে বলেন, কিন্তু সবটা মিথ্যা নয়। এর কারণ কি তা আমাদের অনুসন্ধান ক’রে দেখতে হবে। শিক্ষণীয় বিষয়ে তো এসব নেই। প্রকৃত শিক্ষালাভ যাঁরা করেন, তাঁদের মন সত্যই সুন্দর ও উদার হয়, মিশলে আনন্দ লাভ করা যায়, এই ব্যতিক্রমদের সংখ্যাও অত্যন্ত অল্প, তাঁদের মন সত্যই দেশের সম্পদ। অবশিষ্ট অধিকাংশরা শিক্ষালাভ করতে যায়, কিন্তু শিক্ষা গ্রহণ করে না, শিক্ষার আবরণে থেকে কুশিক্ষা প্রচার ক’রে আসে। তাই আমাদের দেশের নারী ডিগ্রী পেয়েও অশিক্ষিতা থেকে যাচ্ছে। তাই নারী হয়েও বর্তমান যুগের নারীকে শ্রদ্ধার চোখে দেখতে পারি না।……শুন্তে পাই আধুনিক শিক্ষিতা নারীর আজকাল সংসারে মনই বসে না। জানি, ছুনিয়ার পরিস্থিতি এমনই হয়েছে যে, নারীকে পুরুষের মত বাইরে যেতে হ’চ্ছে অর্থোপার্জননের জন্ত। তাই বলে যে নিজেকে বাইরে দ্রষ্টব্য করে রাখতে হ’বে, তার তো কোন কথা নেই। নারীর জন্তেই গৃহের সৃষ্টি, সেই গৃহকেই যদি নারী অস্বীকার করে, তবে গৃহের আর প্রয়োজনীয়তা কোথায়?……

আমি এমন কয়েকজনকে জানি যাঁরা বিশ্ববিদ্যালয়ের সর্বোচ্চ ডিগ্রী নিয়েও নত্র ও বিনয়ী। তাঁরা বাইরে কাজ করতে যান, কিন্তু সংযত চিত্তবৃত্তির দরুণ নিজেকে বহিমুখী রাখেননি, গৃহে ফিরে স্বামী ও সন্তানদের নিয়ে আনন্দেই গৃহকর্ম করেন। গৃহের কোন কিছুই প্রতি তাঁহাদের উদাসীনতা নেই, স্বামীর সুখ-সুবিধার প্রতি স্ত্রীর ধরদৃষ্টির অভাব নেই, তাই স্বামীও স্ত্রীর প্রতি উদাসীন নন, সংসারও সুশৃঙ্খল-ভাবে চলে। অনেক ক্ষেত্রে ডিগ্রীধারিণী স্ত্রী নিয়ে অনেক স্বামী সুখী হননি, একরূপ মস্তব্য শোনা যায়। তার কারণ সে স্ত্রী ডিগ্রীই তাঁর জীবনের চরম মূল্য ধরে রাখেন, তাই অশান্তি দেখা দেয়। মনে রাখতে হবে, সংসারে নারীর মূল্য ডিগ্রীর সংখ্যায় শুধু নয়, অন্তরের ঐশ্বর্যের পরিমাপে। প্রকৃত শিক্ষা অন্তরের ঐশ্বর্য এনে দেয়। আধুনিক নারী বাইরের চাকচিক্যে নিজেকে মগ্নিত করতে গিয়ে অন্তরকে অবহেলা করছে, তাই সংসার তার কাছে তুচ্ছ মনে হয়।

কবি একদিন লিখেছিলেন,—

“নারীকে আপন ভাগ্য জয় করিবার  
কেহ নাহি দিবে অধিকার।”

সেই অধিকার তো বর্তমান নারীসমাজ পেয়েছে কিন্তু করেছে অধিকারের অমর্যাদা।

“না জাগিলে সব ভারত-ললনা;  
এ ভারত স্মার জাগেনা জাগেনা।”

স্বামী বিবেকানন্দ এই সত্য মর্মে মর্মে উপলব্ধি করিয়াছিলেন, সেজন্য ভারতীয় নারীর আদর্শ তিনি লিপিবদ্ধ করে গিয়েছেন তাঁর অপূর্ব লেখনীমুখে।



## নারী-বন্দনা

পাশ্চাত্য দেশে নারী গৃহ ও বহির্বিষে কোনটিকেই অবহেলার চক্ষে দেখে না। তারা সামান্ততম গৃহের কাজকেও হীন কাজ বলে মনে করে না, কিন্তু আমাদের দেশে দেখি অস্বল্প। তারা পাশ্চাত্যের অনুকরণ করতে গিয়ে এক দিকটা আদর্শ বলে গ্রহণ করেছে, কিন্তু ছুর্ভাগ্যক্রমে তাদের সঙ্গুণগুলিকেই উপেক্ষা করে যাচ্ছে। তাই স্বামীজির অনুকরণে আমিও বলবো যে, অন্ধ অনুকরণ ত্যাগ করে নিজের বিচারশক্তি খাটিয়ে কাজ করতে হবে। ভারতীয় নারীরা এক সময়ে জ্ঞানে ও বিজ্ঞানে বাহিরের জগতে দক্ষতা প্রকাশ করেছিলেন। বর্তমান জগতেও সমাজের মুখ-উজ্জ্বলকারিণী নারী আছেন, তবে তাদের সংখ্যা নিতান্ত স্বল্প, তাঁরা সাধারণ সমাজের উর্দ্ধেও বটে। আমরা চাই সাধারণ সমাজের প্রত্যেক নারী নিজের কার্যের মধ্যে ফুটিয়ে তুলবে অতীতের আদর্শ ভারতীয় নারীকে। স্বাধীন দেশের দায়িত্ব কতক সাধারণ তুলে নেবে। যে শিশু ভবিষ্যতে একজন নাগরিক হবে, শৈশবে সে নারীর কাছেই পায় শিক্ষা আর শৈশবই ভবিষ্যৎ জীবনের ভিত্তি। এই ভিত্তি গঠন করার দায়িত্ব নারীর উপর। তাই সর্বপ্রথমে আজ প্রতি নারীকে প্রত্যেক সংসারের সুখ ও শান্তি প্রতিষ্ঠার চেষ্টা করতে হবে। বহু সংসারের সুখের সমষ্টিই দেশের সমৃদ্ধি। সমৃদ্ধি আসলেই—

“ভারত আবার জগৎ সভায়—

শ্রেষ্ঠ আসন লবে।”

এতে নারীর বহির্বিষে কর্তব্য সম্পাদন করাই হবে।

## ১২। নারী-বন্দনা\*

নারী-বন্দনা লেখার প্রারম্ভেই মনে হয় এ বন্দনা যেন ভারতীয় নারীরই প্রাপ্য হয়। কারণ যুগের আদিকাল থেকে ভারতীয় নারীর যা বৈশিষ্ট্য বা আদর্শ তা আশা করি বিশ্বের অন্যান্য নারী-সমাজের কাছে বলে মনে হয় না। যদিও হিন্দুশাস্ত্রে স্বীকার্য যে, “নারী তথা গৌরী” কিন্তু তবুও হিন্দু তথা ভারতীয় নারীই বোধ করি সে সম্মানের পাত্রী। ভারতীয় নারীর মধ্যে আছে সর্ব গুণের সমন্বয়, সর্ব চিন্তাধারার মূর্ত-আদর্শ। কি কর্তব্য পালনে, সংসার-চর্চায়, সতীত্বে, শৌর্ধ্য, বীর্ধ্য, ত্যাগে, যুদ্ধ-নিপুণতায়, জ্যোতিষশাস্ত্রে, প্রচার-আদর্শে, কূটনীতিতে, আত্মত্যাগে, দানে, ধর্মে, সাহিত্যে, দয়া-দান্ধিন্যে, শিল্পকলায়, চরিত্র-মাধুর্যে প্রভৃতি সকল দিকেরই সর্বতোমুখী মহান্ আদর্শের অধিষ্ঠাত্রী এই ভারতীয় নারী।

সীতার সতীত্ব, সাবিত্রীর এরোতীর কথা ভারতকে শিখিয়েছে সহনশীলতা আর অগ্রবর্তিতা। দেবী কুন্তীর নৈতিক চরিত্রের অবধানতার কথা আজো ভারত তথা ভারতবাসী ভুলেনি। দ্রৌপদীর রক্ষণপদ্ধতি ভারতের পাকানের বিশেষ অঙ্গ। তাঁহার অসীম ধৈর্য ও সহনশীলতার মর্যাদা স্বয়ং শ্রীকৃষ্ণ রক্ষা করতে এগিয়ে এসেছিলেন কোঁরব-সভায়।

\* “কেশরী সাপ্তাহিক পত্রিকা হইতে গৃহীত।

## ভারতের নারী

যুদ্ধযাত্রার পুরুষের সহযোগিতা, তাদের সাহসবর্ধিতায় সহায়তা করেই রণসাজে সাজিয়ে অভিমুখ্যকে যুদ্ধক্ষেত্রে পাঠিয়েছিলেন বীর্ষাবতী উত্তরা। কর্ণপত্নী স্বীয় পুত্রবধে বেদনা-ত্যাগী হৃদয়ে ভারতীয় ত্যাগ-দর্শনকে যে পর্যায়ে উন্নীত করে গেছেন, তা ভারত-নারীদের অমর নিদর্শন। শ্রীরাধার কামহীন প্রেম ভারতে বহিরেছে শুদ্ধ মন্দাকিনীর কলধারা। বিজ্ঞাবস্তায় আর জ্ঞানগরিমায় গার্গী, মৈত্রেয়ী, লীলাবতী আমাদের বিজ্ঞানুরাগিতার প্রধান সহায়। জ্যোতিষশাস্ত্রের জটিল জাল ছেদন করে ভারতকে শিখিয়ে গেছেন জ্যোতিষবিদ্যা।

মেবারের শত শত হাজার হাজার নারী দেখিয়ে গিয়েছেন আপৎকালীন মূন আর মর্যাদা, তথা হিন্দু-নারীর সতীত্ব-রক্ষায় অলস্তু ত্যাগপদ্ধতি। বিধর্মীর ক্রুর কবল থেকে কিভাবে নারীদের সম্মান রক্ষা করতে হয়, কিভাবে অত্যাচারীর কর্তৃত্বকতা কূটকৌশলে পঙ্গু করে আত্মরক্ষা করতে ভারতনারী অগ্রগামী, তার নিদর্শন রক্ষা করে গেলেন সতী পদ্মিনী।

রণক্ষেত্রে নারীজাতি নিজ সম্মান বজায় করে লক্ষ লক্ষ সৈন্য চালনা করতে পারে, তার মহানু-ইতিচরিত্র আমাদের দান করে গেছেন রাণী দুর্গাবতী আর রাণী লক্ষ্মীবাই ; লুণ্ঠনকারী দহ্যতস্কর বিদেশীদের শাস্তেস্তা করে নারী-আদর্শের বিজয়পতাকা উড্ডীন করে গিয়েছেন নারীশ্রেষ্ঠা রাণী রাসমণি।

জীবনের সেবায় স্বীয় প্রাণাধিক পুত্র নিমাইকে জনসমাজের সেবায় বিলিয়ে দিয়ে শচীদেবী ভারত-সমাজের এক বিশিষ্ট ত্যাগী মহিলার আসনে অধিষ্ঠিতা হয়েছেন। যোগসাধনায় স্বামী-অমুগামিনী শ্রীশ্রীমা শ্রীরামকৃষ্ণের সহায়ক, ধারক ও বাহক। এতগুলি অত্যাৎকৃষ্ট আদর্শের যেখানে সমন্বয়, সেখানে কি করে যে বর্তমান নারীসমাজে প্রাচীন অর্কবাচীনের কথা ওঠে তা ভাবা যায় না। আমরা দিব্যচক্ষেই লক্ষ্য করছি, অতি আদিম যুগ থেকেই ভারতীয় নারীই পরিচালনা করেছেন পুরুষদের ; পুরুষসমাজের সকল কাজের সহায়তা করেছেন, যুগযুগান্তর থেকে—স্নেহে, জ্ঞানদানে, মাতৃরূপে, মনোরঞ্জে, পতিপ্রিয়াক্রমে সংসারের সকল কাজের পরিচালিকারূপে, অভয়দানে ভয়িক্রমে। ভারতীয় নারী জন্ম দিয়েছেন—শিবাজী, রাণা প্রতাপের স্ত্রীর বীর্ষবান্ পুরুষ ; রামদাস, গুরুগোবিন্দ, শ্রীচৈতন্য, শ্রীরামকৃষ্ণ, বিবেকানন্দ প্রভৃতি অধ্যাত্মবাদী মহামানবদের—শ্রীঅরবিন্দের স্ত্রীর কর্মযোগীর। ভারতীয় নারী গর্ভে ধরেছেন বিজ্ঞাসাগর, আশুতোষ, বঙ্কিম, শরৎচন্দ্র, রবীন্দ্রনাথ, সত্যজিৎ, সাভারকার, লোকমান্য তিলক, রাসবিহারী প্রমুখ মানব-শ্রেষ্ঠদের। তাই ত রামপ্রসাদ মাতৃসাধনার মধ্য দিয়ে, তথা নারী-আরাধনার মধ্য দিয়েই কি মুক্তিপথ আছে, তারই সন্ধান দিয়েছেন ভারতবাসীদের। তাই আজ বড় দুঃখের সাথে বলতে হয়, আজকের নারীসমাজ পাশ্চাত্যের অনুকরণে গঠন করতে চান ভারত-নারীদের ; তাই-ই নাকি প্রগতিবাদিতা। কিন্তু আমরা তাঁদের জিজ্ঞাসা করি, অতীত ভারতে নারীপ্রগতির কাছে আজকের তথাকথিত নারীপ্রগতি কি পৌঁছাতে পেরেছে? সেই কারণেই আমরা আজও প্রার্থনা করি—পাশ্চাত্য-বাদের মোহাসক্ততার প্রাচীন বেষ্টনী যেন ছেদন করে আজকের প্রগতিবাদী ভারতীয় নারীবৃন্দ। লক্ষ্য করুন অতীত ভারতের দিকে। গঠন করুন পুরাতনের ভিত্তিতে নূতনের সৌধমালা ; আবার বিশ্ব উঠুক ভারত-নারীর বন্দনাগানে মুখরিত হ'য়ে।

## ১৩। নারীর অধিকার\*

নারীর অধিকার লইয়া অনেক সমালোচনা হইয়াছে। ভারতবর্ষের নূতন শাসনতন্ত্রে স্ত্রী-পুরুষের সমানাধিকার স্বীকৃত হইয়াছে। সামাজিক ও রাষ্ট্রনৈতিক ক্ষেত্রে নারীর অধিকার স্বীকৃত হইলেও আমাদের দেশে কয়েকজন নারী তাঁহাদের জীবনের পূর্ণ-সার্থকতা লাভ করিতে সমর্থ হইয়াছেন? মিশর প্রভৃতি দেশে নারীর ভোটাধিকার পর্যন্ত নাই। আমাদের দেশে ভোটাধিকার আছে, কয়েকজন নারী বিশিষ্ট রাষ্ট্রনৈতিক পদেও বহাল আছেন। বস্তুতঃ কাগজে কলমে দেখিতে গেলে ভারতবর্ষের নারীসমাজ এখন সম্পূর্ণরূপেই পুরুষের সঙ্গে সমানাধিকার ভোগ করিতেছে।

এ কথা অবশ্যই স্বীকার্য, নারীর সম্মান ভারতবর্ষে চিরকালই স্বীকৃত। বর্তমান ভারতে নারীর মর্যাদাবৃদ্ধির জন্ত যাহা করা হইতেছে, তাহা অতীত গৌরব অক্ষুণ্ণ রাখিবার জন্তই। কিন্তু বাস্তব ঘটনা বিচারে আমরা কি নিঃসংশয়ভাবে এ কথা বলিতে পারি যে, সত্য সত্যই ভারতের নারী আজ তাহাদের বেদনার্ত্ত ইতিহাসকে পশ্চাতে ফেলিয়া আলোকের পথে অগ্রসর হইয়া চলিয়াছে? শহরের মুষ্টিমেয় উচ্চ-শিক্ষিতা নারীকে দেখিয়া আশ্চর্য্য অনুভব করিলে চলবে না। বাংলাদেশে কিংবা ভারতবর্ষ নগরে বাস করে না গ্রামেই তাহাদের পূর্ণসত্তার বিকাশ। গ্রামাঞ্চলে আমাদের যে লক্ষ লক্ষ মা-বোনেরা আছেন, তাঁহাদের অবস্থার দিকে আমাদের আজ দৃষ্টি ফিরাইতে হইবে। আমরা এতদিন জানিয়া আসিয়াছি, ঘরকন্না, সন্তান-পালন করাই নারীর একমাত্র কর্তব্য। ইহা সত্য কথা, নারীকে গৃহের কর্তব্যাদি এবং সন্তান-পালন করিতেই হইবে। কিন্তু ইহার বাহিরেও যে জগৎ রহিয়াছে জ্ঞান-বিজ্ঞান ও বহুবিচিত্র কলরবমুখর পৃথিবী তাহার উপর কি কোন নারীর কোনই অধিকার নাই? এমন অনেক পুরুষ আছেন যাহারা সভাসমিতিতে স্ত্রী-স্বাধীনতার স্বপক্ষে ভাষণ দিয়াও নিজের ঘরের স্ত্রী কিংবা মেয়ের সামান্ততম স্বাধীনতাটুকুও স্বীকার করিতে কুণ্ঠিত হন; এই সব পুরুষেরা স্ত্রীকে 'ভার্যা' হিসাবেই দেখিয়াছেন, 'সহধর্ম্মিণী' রূপে নয়। ভারতবর্ষ একমাত্র দেশ যেখানে স্ত্রীকে 'সহধর্ম্মিণী', কন্যাকে 'নন্দিনী' রূপে আখ্যাত করা হইয়াছে; এই 'সহধর্ম্মিণী'র অর্থ বিশ্লেষণ করিলেই দেখা যাইবে যে, স্বামীর ধর্ম্মকে স্বীয় ধর্ম্মরূপে যে নারী গ্রহণ করেন তিনিই 'সহধর্ম্মিণী' আখ্যালাভের যোগ্য। এই ব্যাখ্যা অনুসারে বীরের পত্নী বিরোচিত গুণের অধিকারিণী হইবেন, নিদন্ধ ব্যক্তির পত্নী বিদূষী হইবেন (অন্ততঃ জ্ঞানলাভের পিপাসা তাঁহার থাকিবে), ইহাই স্বাভাবিক। এই সহধর্ম্মিতার জন্তই স্ত্রীকে সহধর্ম্মিণী আখ্যা দেওয়া হইয়াছিল। কিন্তু আমাদের সমাজে এই আখ্যার বহুলাংশে অপব্যবহার হইতেছে। নারীকে তাহার চরিত্র বিকাশের সুযোগই দেওয়া হয় না। সাধারণ মধ্যবিত্ত পরিবারেও দেখা যায় বাড়ীর ছেলের পড়া-শোনার জন্ত পিতা-মাতা যত সযত্ন দৃষ্টি রাখেন বাড়ীর মেয়েটির প্রতি ততখানি চেষ্টা বা যত্ন নাই। ভাবটা এই, ছেলে বিদ্যালয় করিলে উপার্জন করিয়া খাওয়াইবে। মেয়েকে দিয়া তো আর সেই আশা নাই। কিন্তু শুধু কি অর্থার্জনের জন্তই সন্তান মানুষ করা। যে মেয়েটিকে আজ অবহেলার মধ্য দিয়া মানুষ করা হইতেছে, শুধু বেশভূষা আর খাওয়া-পরাতে সন্তুষ্ট করিয়া রাখা হইতেছে, কে জানে তাহার চিত্তবৃত্তি-বিকাশের সুযোগ লাভ করিলে সে মহীয়সী নারী

\* "কেশরী" সাপ্তাহিক পত্রিকা হইতে গৃহীত।

## ভারতের নারী

হইয়া উঠিত কি না। মানবজীবন পুরুষের কাছে যেমন অমূল্য, নারীর কাছে তো তাহাই। শুধু প্রাত্যহিক জীবনের ও কর্মের মানিতে তাহাকে আবদ্ধ করিয়া রাখিলে মনুষ্যত্বেরই অবমাননা করা হয়। নারীর অধিকার আলোচনা করিবার সময় এই সত্যটির দিকে আমাদের দৃষ্টি আবৃষ্ট হওয়া প্রয়োজন। এ কথাও যেন আমরা ভুলিয়া না যাই যে, একদিন এই ভারতবর্ষেরই নারী মৈত্রেয়ীর কণ্ঠে চিরসত্যের বাণী আশ্রয়বোধী করিয়াছিল—“যেনাহম্ নামৃতান্তাম্ কিমহম্ তেন কুৰ্যাম্?” আজকালকার নারীও মৈত্রেয়ীর কথাটিরই প্রতিধ্বনি করিয়া বলিবে : শুধু দিনযাপনের মানি নয়, এমন কোন মহত্তর জিনিষ চাই যাহা লাভ করিয়া নারীজন্ম সার্থক হইয়া উঠিতে পারে।

## ১৪। নারীর আদর্শ\*

সৃষ্টির আদিম প্রভাতে সৃষ্টি হয়েছিল এক নর ও নারী। সেই সময় থেকেই নারী কল্যাণীকল্পিনী। যুগের পরিবর্তন হয়েছে ধীরে ধীরে, কিন্তু যুগে যুগে নারীর হৃদয় পুরুষের শক্তিকে মহিমান্বিত করেছে, দিয়েছে প্রেরণা, সুখে-দুঃখে আঘাতের ঝঞ্ঝাবাতের মধ্যে দিয়েছে শান্তির সুখস্পর্শ। কল্যাণী নারীর হৃদয়-মন্দিরে মাদকতাশূন্য শুভশ্রী প্রতিষ্ঠিত। অচল শান্তি ও ত্যাগের মন্ত্র নিয়ে কল্যাণী থাকেন আপন কল্যাণব্রতে নিরতা। তাই কবি নারীকে দেবতার দূতীরূপে কল্পনা করে লিখেছেন :—

“ভঙ্গুর মাটির ভাঙে গুপ্ত আছে যে অমৃত বারি  
মৃত্যুর আড়ালে  
দেবতার হ'য়ে তাহারি সন্ধান তুমি নারী  
দুবাহ বাড়ালে।”

ত্যাগের মহিমায়, অকৃত্রিম সহনশীলতায়, প্রেমের পরিপূর্ণতায় আপনার প্রয়োজনকে বিসর্জন দিতে পারে যে নারী, তিনিই আদর্শ নারী। এই অতি পুরাতন শাস্ত্র কথাকে বর্তমান জগৎ ভুলেছে।...ভুলেছে নারীর সৃষ্টি কোন্ প্রয়োজনে।...নারী ভুলেছে তার নিজের সত্তাটিকে। মনে হয় অধিকাংশ নারীই, তারা যে নারী এ কথা চিন্তার অবকাশ পায় না বা চায় না। এ কথা বলতে চাই না, তারা যে স্ত্রীলোক এ কথা তারা ভুলেছে। দেখতে পাই যে তারা নিছক স্ত্রীলোক আর কিছুই নয়, তাই তারা প্রমাণ করেছে।...

...এরা উচ্ছল জীবনের রঙে ঝলমল করছে। শুধু যৌবন এরা বাঁধা রাখতে চায় কৃত্রিমতার মাখে। এই সেদিনও হৃদয় পল্লীগ্রামের নারীর প্রতি অঙ্গে দেখেছি স্নিগ্ধস্বপ্নমার টলটলে সৌন্দর্য। দেখেছি তাদের গড়া স্নিগ্ধ পরিবেশ, আর চিন্তা করেছি আলোক-প্রাপ্ত আধুনিকাদের কথা।...

স্বাভাবিকভাবে কৈশোরের চঞ্চলতা থেমে আসে যৌবনের স্নিগ্ধ পরিবেশে। এ সময়ে নারীর দেহে চাঞ্চল্য থাকে না, থাকে মনে, কিন্তু সংযম আসে বলেই সে আপনিই হয় ধীর, স্থির, সংযত। এ সময়ে নারীও সম্বন্ধে চেতনা তার জাগে। এই চেতনা আসার সঙ্গেই নারীত্বের দ্বারগুলি খুলে গিয়ে, আসবে

\* “কেশরী” সাপ্তাহিক পত্রিকা হইতে গৃহীত।

## নারীর আদর্শ

সহনশীলতা, ভালবাসা, শ্রদ্ধাভক্তি। তখন সে হবে নারীরূপে অভিব্যক্তি। আপনিই বাঁধতে চাইবে নীড়, ঘিরে রাখবে তাকে তার মধুর আবেষ্টনী দিয়ে। প্রত্যেকের মাঝে সে নিজেকে দেবে বিলিয়ে। এতেই তার চরম সার্থকতা। অন্তের সামান্য দুঃখ ও অস্বাচ্ছন্দ্যের ভয়ে সে অবলম্বন করবে কষ্টকে। এটা বলপূর্বক আদায় করতে হয় না। এ নারীর স্বতঃস্ফূর্ত মনোবৃত্তি। আজকাল এই স্বাভাবিকতার স্থানে নারীর অস্বাভাবিকত্ব প্রকাশ পাচ্ছে, তাই গৃহ হয়ে উঠেছে অশান্তির নীড়। অনেকে হয়ত এর প্রতিবাদ ক'রে বলবেন, নারীরা কেন পশ্চাতে প'ড়ে থাকবে? তারাও জগতের সব বিষয় দেখবে, শুনবে, জানবে। এ অত্যন্ত উঁচুদরের কথা সন্দেহ নাই। কিন্তু ঘরের সঙ্গে যোগ না রেখে বাহিরের জগতের সঙ্গে যোগসূত্র স্থাপন করতে যাওয়া মুর্থতা। ছোট ছোট জগতের সনষ্টিই বৃহত্তর জগৎ। এই ছোট জগতের একের সঙ্গে অন্তের সুসংযোগ থাকলে আসবে সন্তুষ্টি, তারপর আসবে শান্তি। শান্তি থেকে শৃঙ্খলার সৃষ্টি, তা থেকে নিয়মানুবর্তিতা। এর দরুণ সময়ের অপব্যবহার হবে না। অবসর সময়ে বসে বৃহত্তর জগৎ সম্বন্ধে চিন্তা করা যায়। তবে— একটা কথা—স্ত্রীপুরুষের সম্মিলিত চেষ্টা ব্যতীত ফল পাওয়া সম্ভব নয়। ঘরে-বাহিরে পুরুষ নারীর ও নারী পুরুষের প্রকৃত সহযোগী হ'লে সব সমস্যার সমাধান হয়।

আমরা পাশ্চাত্য জগতের সাজ-সজ্জার অনেক অনুকরণ ক'রে থাকি, যেগুলি দ্বারা আমাদের কোনই লাভ হয় না। কিন্তু তাদের জীবনযাত্রার প্রণালী সম্বন্ধে অবহিত হ'য়ে কতকটা অনুকরণ করলে লাভবান হ'বে সন্দেহ নাই—যে সমস্ত গুণ থাকার দরুণ তারা জগতে এক শ্রেষ্ঠ জাতিরূপে পরিণত হ'য়ে জগতে প্রভাব বিস্তার করতে সমর্থ হয়েছে।

আমি এক পাশ্চাত্যদেশীয় মহিলার সম্পর্কে এসে জানতে পারি যে, তাঁদের দেশের অধিকাংশ পরিবারের মহিলারা সমস্ত গৃহকর্ম সম্পন্ন করেও বাইরের কাজ করে থাকেন। আমরা যদি বলি, আমাদের দেশে দুদিন উপস্থিত হয়েছে ব'লেই বাইরে কাজ করতে যেতে হয় এবং এজন্য ঘরের কাজ করতে পারি না তবে পাশ্চাত্য দেশে এটা কি ক'রে সম্ভব হয়? তবে এ সমস্যার মূলেই সহানুভূতি ও সহযোগিতা প্রধান, আমি বলব।

অবশ্য স্বীকার করি, লিখে সমস্যা সমাধান করাটা নত সহজ, কাজে ততটা নয়। তা ছাড়া বর্তমানে নারী তার হৃদয়প্রসারী (?) দৃষ্টি নিয়ে এত দূর চলে গিয়েছে যে, সহজ কথাটুকু ভেবে নিজেকে সন্তুচিত ক'রে আনতে পারাটা সহজসাধ্য হবে না। তবে আমার বক্তব্য হচ্ছে যে, বর্তমান যুগে নারী যে পূর্বের মত সম্মান পান না, তার কারণ—নারীর প্রকৃত রূপ চাপা পড়েছে জৌলুষের নীচে। নারীর শাস্ত্র, সংহত, কোমলতাভরা অথচ প্রতিষ্ঠার উজ্জ্বল রূপকে মানুষ আপনা থেকে করে শ্রদ্ধা। এই শ্রদ্ধা ভারতীয় নারী পেয়ে এসেছে বুগ বুগ ধ'রে সেই শ্রদ্ধা আজ ধুলায় লুটিয়েছে।

আমি নিশ্চিত জানি, প্রত্যেক নারীই যদি একবার চিন্তা করবার চেষ্টা করে, তাহলে বুঝতে পারবে ক্রটি কোথায়। অনুভূতি-শক্তির সাহায্য নিয়ে সে নিজেকে প্রশ্ন করবে। উত্তর প্রত্যেকেই নিজের বিবেকের কাছেই পাবে।

আমার দৃঢ় বিশ্বাস, তাহলে নারীসমাজ ধীরে ধীরে আবার অন্তিমিতপ্রায় পূর্ব-গৌরবকে প্রতিষ্ঠিত করতে পারবে জগতের মাঝে।

## ১৫। গৃহলক্ষ্যের কর্তব্য\*

‘গৃহলক্ষ্যী’ বলে নারী চিরদিন সমাদৃত। সেই নারীকেই ‘গৃহলক্ষ্যী’ বলা চলে, যার কল্যাণস্পর্শে শ্রী-মণ্ডিত হয়ে ওঠে গৃহ। শাস্ত্রে বলে, ‘গৃহিণীই গৃহ’। যার ঘরে স্ত্রী নেই, স্ত্রীর হাতের কল্যাণস্পর্শ যার গৃহে প্রতিটি জিনিসে নেই, তাঁর গৃহ যদি অতি সুসজ্জিত হয়, তবু তাকে ‘গৃহ’ বলে সম্মানিত করতে প্রবৃত্তি হয় না। কেমন যেন একটা শূন্যতা বিরাজ করে সেই সৌন্দর্যের মধ্যে।

বেশী বেলায় শয্যাভ্যাগ করা মেয়েদের পক্ষে আরও অনুচিত। যারা স্নগৃহিণী, তাঁরা ভোর থেকে উঠেই ঘরদুয়ার ইত্যাদি পরিষ্কার-পরিচ্ছন্ন করার ব্যবস্থা করেন। যারা নিজের হাতে না করেন, তাঁরা ঝি-চাকরকে দিয়ে করিয়ে নেন। রান্না-বান্না, হাট-বাজার, আর-ব্যয়ের হিসাবপত্র, সকল বিষয়েই গৃহিণীর স্তৌক্য লক্ষ্য থাকার দরকার। অনেকে রাঁধুনী রেখে থাকেন। কিন্তু নিজে উপস্থিত থেকে রান্নার তদারক করেন। কে কী খেতে ভালবাসে, কাকে কী খাবার দিতে হবে, সে-সব বিষয়ে তাঁরা এত সযত্ন দৃষ্টি রাখেন যে, বাড়ীর লোকের কোনও অসুবিধা হয় না। ঠাকুর বা ঝি-চাকরের হাতে রান্নার ভার সম্পূর্ণ ছেড়ে দিয়ে গেলে খাতবস্ত্র তো ‘অখাজ’ হবেই, তা’ছাড়া স্নেহ-যত্নের স্পর্শ না পাওয়াতে পরিবারের সকলেই ক্ষুব্ধ হয়ে পড়বেন। পরিবারের স্বাস্থ্যের উন্নতি বা সুস্থতা নির্ভর করে প্রধানতঃ খাণ্ডের পুষ্টিকারিতা ও বিশুদ্ধতার উপর। সে বিষয়ে গৃহিণীর সতর্ক দৃষ্টির প্রয়োজন সর্ব্বাঙ্গে।

এ-ছাড়া ঝি-চাকর বিশেষতঃ আজকালকার ঝি-চাকরদের উপর পূর্ণ বিশ্বাস রাখা কঠিন। অনেক গৃহিণী বিশেষ বিপদে পড়েছেন এইভাবে বিশ্বাস করতে গিয়ে। এইভাবে নিজেই যদি কিছু সতর্ক লক্ষ্য নিয়ে চলেন, তবে সে গৃহিণীর গৃহে শ্রী ও শান্তি বজায় থাকবে, আশা করা যায়। এবং এই ধরনের গৃহিণীকেই ‘গৃহলক্ষ্যী’ আখ্যা দেওয়া যায়।

বর্তমান অর্থসঙ্কটের দিনে অনেক সংসারেরই অবস্থা বা হালচাল, রীতিনীতির পরিবর্তন ঘটেছে। অর্থ উপার্জনের নেশায় পেয়েছে যেন নারীদের। পুরুষের সঙ্গে সমানে তাঁরা ছুটেছেন বাইরে—কর্মক্ষেত্রে। এতে যে ঘরের টান কমে যায়, এ কথা আশা করি কেউ অস্বীকার করবেন না। গৃহলক্ষ্যীর আসন ছেড়ে তাঁরা চলেছেন অর্থের তাগিদে এবং তাঁরা চাইছেন সেই অর্থের সাহায্যে গৃহকে শ্রী-মণ্ডিত করে তুলতে। এদিকে ঘরের কাজের ভার হয়ত থাকল বেতনভোগীদের উপর। অনেকে ঝি-চাকর—তার উপর রাঁধুনী বামুনও রাখেন; স্ত্রীরাং সব কাজের ভার তাদের উপর দিয়ে গেলে গৃহিণীর সঙ্গে গৃহের সম্বন্ধ থাকে কতটুকু?

সেকালের দিদিমাদের ভাঁড়ার ঘরের প্রতিটি জিনিসের যে পরিচ্ছন্ন-সৌন্দর্য ও যত্নের নিপুণতা দেখতাম, এ যুগের মেয়েদের ভাঁড়ারে সে-যত্ন বা সৌন্দর্য্যবোধ দেখি না। মা-দিদিমাদের আচারের হাঁড়িগুলি, বড়ির হাঁড়িগুলি, নিজের হাতে তৈরী শিকাগুলিরও এত যত্ন ছিল যে, ভাঁড়ারে ঢুকলে ছুঁদও ঘেঁরে থাকতে ইচ্ছে হ’ত। তাঁদের আর্থিক অবস্থা হয়ত তেমন সচ্ছল ছিল না, তবুও তাঁদের সঞ্চয় বা সংগ্রহ করবার দিকে যেমন উৎসাহ এবং চেষ্টা ছিল, তেমনি সেগুলি ঘাতে সারা বৎসর ব্যবহারযোগ্য থাকে সেজন্তু তাঁদের যত্নও ছিল যথেষ্ট। যেন তাঁদের রাজ্যপাট ছিল রান্নাঘর এবং ভাঁড়ার ঘর জুড়ে। এ-সব ঘর দুবেলা ঝাটা দেওয়া, সন্ধ্যাবেলায় “সাঁঝের প্রদীপ” ও ধুনো দেওয়ার রীতি ছিল এই সব ঘরে। এখন অবশ্য দিনকাল বদলে গেছে। মানুষের আর্থিক অভাবে রুচিও বদলে গেছে। এবং মেয়েদের স্ত্রী-সব বিষয় নিয়ে

\* “আনন্দবাজার পত্রিকা” ২রা মাঘ, ১৩৬১ সাল।

## গৃহলক্ষ্মীর কর্তব্য

মাথাখাটানোতে গৌরব বোধ হয় না, মনকে এ সব বিষয়ে লিপ্ত করাতে অযথা শ্রম বা সময় নষ্ট করা, মনে করেন হয়ত।

যে গৃহিণীরা স্বামীর সঙ্গে অর্থোপার্জন করেন বাইরে গিয়ে, তাঁদের গৃহ এবং পরিবারের অবস্থা কি দাঁড়ায় সহজেই অনুমান করা যায়। মনে করুন ক্লান্ত দেহে অবসন্ন মনে স্বামী ফিরলেন কর্মস্থল থেকে। তখনও হয়ত স্ত্রী ফিরতে পারেন নি বা একসঙ্গেই হয়ত ক্লান্ত দেহ মন-নিয়ে ফিরছেন। সে অবস্থায় স্বামীকে যত্ন করে খেতে দেওয়া, তাঁর জামা-কাপড়-জুতা এগিয়ে দিয়ে একটু বাতাস করা কিংবা হয়ত হাসিমুখে ছোটো মিষ্টি কথা বলা—এ ধরনের কোনও কাজই করবার মত সেই গৃহিণীর উদ্যম অবশিষ্ট থাকে কি? স্বামীর প্রতি তবে কর্তব্যের ক্রটি হ'ল।

আমাদের বাংলায় মেয়েদের (বর্তমান বাংলার) স্বাস্থ্য সাধারণতঃ ভারতের অন্তর্গত প্রদেশের মেয়েদের তুলনায় অনেক হীন, কাজেই ঘরের এবং বাইরের কাজ ছোটোই যারা প্রাণপণে সমানভাবে চালাতে চেষ্টা করবেন, তাঁরা ভবিষ্যতে ভগ্নস্বাস্থ্য হয়ে পড়বেন কিংবা হয়ত আরও শোচনীয়ভাবে অকালমৃত্যু বরণ করবেন।

সন্তান যাদের আছে, তাঁদের সন্তানদের লালন-পালনের ভার 'আমা'র উপর দিয়েও অনেকে অর্থের জঞ্জাল চাকরি করে থাকেন। কিন্তু মা'র সান্নিধ্য না পাওয়ার শিশুদের মন ভাল থাকে না এবং মা'র পরিচর্যা ও যত্ন না পেলে শিশুদের দেহ ভাল থাকে না। জননীর সুস্থ দেহ না থাকলে সন্তানও সুস্থ দেহ পাবে না; সুতরাং এক্ষেত্রে মাতার কর্তব্যের ক্রটি দেখা দেবে। ফলে যে সব নাগরিক তৈরী হবে ভবিষ্যতে তারা নৈহিক ও মানসিক উৎকর্ষ লাভ না করাতে সমাজের ক্ষতির কারণ হবে।

যাদের স্বামীদের অর্থোপার্জনের যোগ্যতা কম, অথচ সংসারের অভাব বেশী, সেক্ষেত্রে তাঁদের বাধ্য হয়ে উপার্জনের চেষ্টা করতে হয়। কিন্তু যারা বাড়িতে ঠাকুর, চাকর, মি, আমা এবং আইভেট টিউটার (ছেলেমেয়েদের) ইত্যাদি রেখে মোটা টাকা খরচ করেন, অথচ স্বামীর সঙ্গে অর্থ উপার্জনের চেষ্টায় ব্যস্ত থাকেন, তাঁরা যে শুধু প্রয়োজনে পড়ে চাকরী করেন তা মনে হয় না। এটা হয় তাঁদের সৌখিন খেয়াল, কিংবা তাঁরা স্বামীর অর্জিত অর্থকে ঠিক 'নিজের' বলে মনে করতে পারেন না।

অনেক উচ্চশিক্ষিতা মহিলাদের দেখেছি যারা নিজের অর্জিত অর্থকেই প্রকৃত নিজের বলে মনে করেন, স্বামীর অর্জিত অর্থকে সেভাবে নিতে পারেন না বা স্বামীর কাছে হাত পাতেও সঙ্কোচ বোধ করেন। এটা মোটেই সংসারিক জীবনে বাঞ্ছনীয় নয়। আজকাল গ্রামে দরিদ্র মেয়েদের মধ্যে বাড়িতে বসে 'বিড়ি' তৈরী করে অর্থোপার্জন করা একটি রীতিমত রেওয়াজ বা প্রথার প্রচলন হয়েছে। এর ফলে তাঁদের পুরুষেরা অনেকে অলস-প্রকৃতির হয়ে পড়েছে। স্ত্রীর এবং কন্টার অর্জিত অর্থে সংসার তাঁদের স্বচ্ছন্দে চলে যায়। পুরুষদের স্বাস্থ্য নষ্ট হচ্ছে, অকালবার্দ্ধক্য দেখা দিচ্ছে।

মানুষের মন ঘরমুখী। পুরুষ বাইরে থেকে আনবে অর্থ উপার্জন করে, ঘরে নারী সেই অর্থের সর্বব্যবহার করে পুরুষকে দেবে স্বচ্ছন্দ্য। উভয়ে উভয়ের প্রতি কোনও না কোনও বিষয়ে নির্ভরশীল না হলে স্বামী-স্ত্রীর সম্বন্ধের মাধুর্য্য ক্ষুণ্ণ হয়। নিজেদের বিলাসপ্রসাদের ব্যয় সঙ্কোচ করে, মিতব্যয়ী হয়ে সংসারের কাজ যথাযথ নিজ হাতে করলে এবং ছেলেমেয়েদের শিক্ষা সাধামত নিজে দিলে সংসারের অর্থের প্রয়োজন কমে, অথচ স্বামী ও সন্তান সকলেই কল্যাণী কল্যাণ হস্তের পরিচর্যা পেয়ে ধন্য হয় এবং সংসারের শান্তি ও শ্রী অক্ষুণ্ণ থাকে। গৃহের শ্রী এবং শান্তিরক্ষাই গৃহিণীর প্রধান কর্তব্য এবং তাই 'ত' তাঁকে 'গৃহলক্ষ্মী' বলে শ্রদ্ধা জানান হয়।

## ১৬। নারী-প্রগতি\*

আজকাল নারী-প্রগতি বলে প্রায়ই একটা কথা অনেকের মুখে শুনতে পাওয়া যায়। তার প্রকৃত অর্থ ভেবে দেখা বিশেষ প্রয়োজন।

মেয়েরা লেখাপড়া শিখবে—পাশ করবে, চাকুরী-স্থলে পুরুষের সঙ্গে নামছেন প্রতিদ্বন্দ্বিতায়, মাসের শেষে তার উপার্জনের অর্থে সংসারে আসছে সচ্ছলতা, পরিচ্ছদের স্বল্পতায় অপরের সঙ্গে পাল্লা দিয়ে বা রুজ, লিপষ্টিক মেখে শীফন-জর্জেট পরে আর কাঁধে ভ্যানিটি ব্যাগ ঝুলিয়ে দশ-পাঁচটা অফিস করে যে মেয়ে সংসারের উপার্জন বাড়াচ্ছেন এবং কোন দিনেমা বা রেস্টোরাঁ য়ার বাদ যাচ্ছে না, অধিকাংশ ক্ষেত্রে দেখা যায় তিনিই নারী-প্রগতির আদর্শস্থানীয়া বলে পরিগণিত হন। কিন্তু প্রগতির অর্থ এত সঙ্কীর্ণ করে দেখা তো ঠিক হবে না।

প্রগতি হচ্ছে অগ্রগতি। প্রগতির সঙ্গে সম্ভ্যতার যোগাযোগ ঘনিষ্ঠ। যে জাতি যত সম্ভ্য বা উন্নত হবে সে জাতি তত প্রগতিশীল বলে পরিচিত হবে। নির্দিষ্ট কোন কালের মধ্যে একে সীমাবদ্ধ করা যায় না। প্রগতি বিভিন্ন যুগে বিভিন্ন রূপ নেয়। এককালে যাকে প্রগতি বলে ধরা যায়, পরবর্তী যুগে হয়ত সেটা হয়ে যায় অচল। আবার যে ব্যবস্থা এককালে অচল বলে হয় পরিত্যক্ত, অল্প যুগে তাকেই প্রগতির অনুকুল বলে ধরা হয়ে থাকে।

নারী ও পুরুষ উভয়ের স্বতন্ত্র ব্যক্তি-সত্তা আছে। এই ব্যক্তি-সত্তার পরিপূর্ণ বিকাশই প্রগতি। পুরুষের কর্মক্ষেত্র বাইরে। জ্ঞান ও কর্মের মধ্য দিয়ে সবকিছু বাধা অতিক্রম করে বেঁচে থাকাই তার জীবনের সাধনা। সেখানে তার পৌরুষ। কিন্তু নারীর হৃদয় অন্তর্মুখী। ঘর বাঁধতে হয় নারীকে। এইজন্য তাকে করতে হয় গৃহসাধনা। দাম্পত্যজীবনের সঙ্গে সমাজজীবনকে তার সংযুক্ত রাখতে হয়। এইজন্য তাকে ছুঃখ-কষ্টের তপস্যাও করতে হয়। তার জন্ম চাই তার শক্তির সাধনা। তাইতো “সর্বংসহা” ধরিজীই নারীর আদর্শ সমাজে নারী ও পুরুষ উভয়ের স্থান আলাদা, কিন্তু উভয়ে উভয়ের পরিপূরক।

আগেই বলেছি প্রগতি বিভিন্ন যুগে বিভিন্ন রূপ নেয়। আমি অবশ্য নারী-প্রগতির কথা বলছি— আর বিশেষ করে আমাদের দেশের কথা। বৈদিক যুগে ভারতের সমাজ-ব্যবস্থা আত্মিক, ধার্মিক ও পারলৌকিক উন্নতিসাধনার চিন্তার মধ্যে মূলতঃ সীমাবদ্ধ ছিল। এই সাধন-পথে যিনি যত বেশী এগিয়ে যেতেন, তিনি তত প্রগতিশীল বলে খ্যাত হতেন। উপনিষদের যুগে মৈত্রেয়ী ছিলেন প্রগতিশীলা নারী। যে ধনে অমৃত লাভ হয় না, সে ধন হেলায় পরিত্যাগ করে তিনি অমৃত সাধনায় আত্মনিয়োগ করেছিলেন। তাই এই প্রগতিশীলা নারীর মুখস্থিত বাণী—“যেনাহং নামৃতাস্তাম্ কিমহং তেন কুৰ্ব্যাম্?” আজও অমর হয়ে রয়েছে।

এরপরে কালিদাসের যুগে দেখতে পাওয়া যায়—আধ্যাত্মিক সাধনা ছাড়াও সে যুগে শিল্প, সঙ্গীত ও কলাবিচার চর্চা হ'ত। এরই পরিপ্রেক্ষিতে নারীসমাজ স্বীয় প্রতিভার পরিচয়ে পরিচিত হয়েছিলেন। পরবর্তী মুসলমান যুগে অবশ্য নারীর ব্যক্তিত্ব সঙ্কুচিত হয়। আমাদের দেশের নারীরা মুখে মুখেই নানা নীতি ও ধর্মকথা শুনে এবং নিজেদের পারিপার্শ্বিক ও সাংসারিক অভিজ্ঞতা থেকেই নিজেদের গার্হস্থ্য জীবনের ভ্রম আদর্শ তৈরী করতেন। আদর্শ গৃহিণী ও আদর্শ মাতাই ছিল সে যুগের নারী-প্রগতির চরম কথা।

\* “আনন্দবাজার পত্রিকা” হইতে গৃহীত।



## নারী-প্রগতি

ভবিষ্যৎ জাতি গঠনের দায়িত্ব নারীর। যুগের পরিবর্তনের সঙ্গে শিক্ষা-পদ্ধতিরও পরিবর্তন সাধিত হয়ে থাকে। বর্তমান বৈজ্ঞানিক চিন্তাধারার সঙ্গে যদি নারী নিজেকে যুক্ত করতে না পারে তবে সেটা হবে তার প্রগতির অন্তরায়। নারীর মূর্তি শাশ্বত মাতৃমূর্তি— সে সেবাময়ী, স্নেহময়ী, করুণাময়ী। কোন শিক্ষা যদি তার হৃদয়ের এই সহজাত কোমল বৃত্তিকে নষ্ট করে দেয়, তবে সে শিক্ষা পুরুষের পক্ষে শিক্ষণীয় হলেও নারীর পক্ষে অবশ্যই পরিত্যাজ্য। আবার নারী যদি শুধুমাত্র তার হৃদয়ের কোমল বৃত্তিগুলিই চর্চা করে—বর্তমান বৈজ্ঞানিক চিন্তাধারা বা শিক্ষা-ব্যবস্থায় নিজেকে শিক্ষিত করে তুলতে না পারে, তবে তার প্রগতি হবে ব্যাহত। তাই নারীর হৃদয়ের সহজাত কোমল বৃত্তিগুলির সঙ্গে বর্তমান সমাজ-ব্যবস্থার সমন্বয় সাধন ঘটতে হবে নারীকে। জাতির ভবিষ্যৎ কর্ণধারগণকে উপযুক্ত নাগরিক করে গড়ে তোলবার দায়িত্ব নারীর—আবার সংসারের শ্রী-শান্তি রক্ষার দায়িত্বও নারীর। তাই তার শিক্ষায় যদি সমন্বয় না আসে, তবে এ দায়িত্ব সে কখনই ঠিকমত পালন করে উঠতে পারবে না।

অর্থনৈতিক, রাষ্ট্রিক ও সামাজিক পরিপ্রেক্ষিতে নারীর অগ্রগতির বিচার করতে হবে। বর্তমান যুগে সমাজব্যবস্থা এমন একটা অবস্থার মধ্যে এসে পৌঁছেছে, যেখানে নারী ও পুরুষ উভয়ের সম্মিলিত কর্মের প্রয়োজন। জীবনের অর্থনৈতিক মান নেমে গেছে অনেকখানি। তাকে উঁচু করবার জন্য পুরুষের পাশে এসে অর্থোপার্জনের ক্ষেত্রে সাহায্য করতে হয় নারীকে। রাষ্ট্রের ও সমাজের অধিবাসী হিসাবেও নারীর কর্তব্য আছে। এই সমস্ত কর্তব্য যে সৃষ্টিভাবে পালন করতে পারবে সেই প্রগতিশীলা।

বর্তমান নারী-সমাজ যে পথে চলেছে, তাকে আমরা ঠিক প্রগতি বলে মেনে দিতে পারি না; যদিও বৃহত্তর মানব-সমাজে শিক্ষায়, সাহিত্যে, দর্শনে, রাজনীতিতে, বিজ্ঞানে কোন ক্ষেত্রেই নারীর মূল্য কম নয় বা অর্থোপার্জনের ক্ষেত্রে তার স্থানও বড় কম নয়। সৃষ্টি ও সৃষ্টি পোলে সর্বক্ষেত্রেই যে নারী তার প্রতিভার পরিচয় দিতে পারে তাও সর্বজনস্বীকৃত। তবুও একটা কথা থেকে যাচ্ছে। নারী-হৃদয় মাতৃ-হৃদয়—স্নেহ, প্রেম, শ্রীতি, দয়া, মায়ী, সেবা, সহানুভূতিতে পরিপূর্ণ। মানবের সমস্ত কোমলপ্রবৃত্তির আধার নারী-হৃদয়। বিধাতা তাকে এ ভাবেই সৃষ্টি করেছেন। তাই বাইরের জগতে নিজের স্থান করে নিতে যদি তার গৃহের সম্বন্ধ অস্বীকার করতে হয়, তার পারিবারিক পরিবেশ অশান্তির হাওয়ায় বিঘ্নিত হয়ে ওঠে, তবে সে প্রগতি কল্যাণকর নয়। কল্যাণকর কিছু না থাকলে তাকে প্রগতি বলা চলে না।

নারীর কোন কাজ প্রগতি বা প্রগতি নয়, তার বিচার হবে তার কাজের উদ্দেশ্য দেখে। একই কাজ কাউকে প্রগতির পথে অগ্রসর করে দিতে পারে, কাউকে বা দিতে পারে পিছিয়ে। কোন রুগ্ন বা অর্থোপার্জনে অক্ষম স্বামীর স্ত্রী চাকুরি করে সংসার চালাচ্ছে বা কোন বিধবা নাবালক শিশুসন্তানদের ধ্বংসের হাত থেকে রক্ষা করবার জন্য সংসারের গণ্ডী পার হয়ে বাইরের জগতে এসেছে কর্মসংস্থানের আশায়, বা কোন মেয়ে সংসারের অশুচলতা দূরীকরণের জন্য অর্থোপার্জন করছে, অথবা কোন মেয়ে যার বিয়ে হল না চাকুরিকেই সে জীবনের অবলম্বন বলে ধরে নিল—এদের এই কর্মের মধ্যেই আছে ত্যাগ, আছে সংসারের জঘ্ন মঙ্গল কামনা। আজকাল অনেক শিক্ষিতা নারী বিবাহবন্ধনে আবদ্ধ না হয়ে বৃহত্তম কর্মজীবনে ঝাঁপিয়ে পড়ে। তাদের উন্নত ভাবধারা, সৃজনী-প্রতিভা বিশ্বমানবের কল্যাণে নিয়োজিত হয়। আবার কোন কোন নারীর সংসার কর্তব্যের পরেও নিজস্ব যে সময় বা শক্তি থাকে, তা দ্বারা সে সমাজ-কল্যাণে সেবার্তা হয়। যে শক্তি বিশ্বের কল্যাণ সাধন করিতে পারে, নারী তার সেই শক্তিকে সংসারের গণ্ডীতে আবদ্ধ না রেখে নিজেকে বিশ্বের দরবারে হাজির করছে, তা দ্বারা বৃহত্তর মানব-সমাজের প্রভূত কল্যাণ সাধন হচ্ছে—এ-সব ক্ষেত্রেই নারীর কর্মকে প্রগতি বলা যায়। কিন্তু অনেক ক্ষেত্রে দেখা যায়, বিনা প্রয়োজনে কেবলমাত্র নিজেদের বিলাস-বাসন

## ভারতের নারী

চরিতার্থ করার আশায় নারীরা এসে কর্মক্ষেত্রে অবতীর্ণ হয়েছে। চাকুরীর ক্ষেত্রে পুরুষের সঙ্গে নেমেছে প্রতিদ্বন্দ্বিতায়। তাদের উপার্জিত অর্থে না আসে সংসারের স্বচ্ছলতা, না হয় সমাজের কোন মঙ্গল। আচার, ব্যবহার ও পোশাক-পরিচ্ছদের পারিপাট্যে প্রগতির ধ্বজা উড়িয়ে এঁরা চলেন সর্বত্র এবং প্রগতির গালভরা বড় বড় বুলিই এঁদের মুখে শোনা যায়, কর্মক্ষেত্রে এর বিপরীত আচরণ করে থাকেন। এঁরা প্রগতিশীল না হয়ে প্রগতির পরিপন্থী হন।

আগেই বলেছি কর্ম কল্যাণকর না হলে তাকে প্রগতি বলা চলে না। যে নারী উপযুক্ত শিক্ষা পেয়েছে, সে পারিপার্শ্বিক জাবেষ্টনীর সঙ্গে সজ্জতি রেখে চলবার বিদ্যাও আয়ত্ত করতে পারবে। প্রগতির পথে চলাও তার পক্ষেই সহজ।

## ১৭। বঙ্কনশালায় নারী\*

বাকালী মহিলার জীবনে রান্নাঘর একটি বিশেষ গুরুত্বপূর্ণ স্থান। অপরাহ্নের সামান্যতম অবসর বাদ দিলে তাকে প্রাতঃকাল থেকে রাত্রি পর্যন্ত এমন কি অনেক পরিবারে মধ্যরাত্রি পর্যন্তও রান্নাঘরে কাটাতে হয়। আধুনিক শিক্ষিত পরিবারে অনেক তরুণীরা রান্নাঘরের সঙ্গে সম্বন্ধ রাখতে বিরক্ত অনুভব করেন এবং অশিক্ষিত দাসদাসীর উপর সম্পূর্ণভাবে নির্ভর করে থাকেন। বর্তমান বাকালী-সমাজের দৈহিক অবনতির যতগুলি কারণ আছে, এটিও তাদের মধ্যে একটি অন্ততম কারণ। নিজেদের শিক্ষা, সংস্কৃতি, রুচি ও প্রাণের দরদ দিয়ে সামান্য পরিশ্রমের পরিবর্তে গৃহস্থ মহিলারা যেভাবে পরিবারের সকল লোককে পরিতৃপ্ত করতে পারেন, ঝি-চাকরের দ্বারা তার সামান্যতম অংশও পূর্ণ হয় না। রান্নাঘরে ঝি-চাকরের প্রতিপত্তিতে না আছে প্রাণ না আছে তৃপ্তি।

পরিবারের সকলের শারীরিক সুস্থতা ও মানসিক প্রফুল্লতা অক্ষুণ্ণ রাখতে হলে পোশাক-পরিচ্ছদ, অলঙ্কার ও প্রসাধনের মতই রান্নাঘরের দিকেও শিক্ষিতা মহিলাদের দৃষ্টি আরোপ করা উচিত।

পরিবারের কর্তব্যর যেমন সকলের প্রতি কর্তব্যের জ্ঞান আপনার শরীর ও প্রাণপাত করে চলেছেন, তেমনি পরিবারের সকল লোকেরই উচিত তাঁর দিকে কর্তব্যপূর্ণ দৃষ্টি জাগ্রৎ রাখা। সকলেরই মনে রাখা উচিত যে, ঐ একজনের কর্তব্যক্ষমতার উপরই সমস্ত সংসার নির্ভর করছে। তাই তাঁর শরীর, মন প্রভৃতি যাতে সুস্থ থাকে, তার প্রতি সকলের লক্ষ্য রাখা কর্তব্য।

এই সমস্ত পরিবারে নারীদের কর্তব্য সম্বন্ধে বিশেষ করে আহাঙ্গারাদির দিকে তাদের কতদূর সজাগ থাকা উচিত, সেই বিষয়েই আলোচনা করার চেষ্টা করব। “বাঁচবার জন্তই খেও, খাওয়ার জন্তই বেঁচ না।” এই প্রবাদ বাক্য থেকে স্পষ্টই খাওয়ার গুরুত্ব উপলব্ধি করা যায়। উদর-পূর্তিই আহাঙ্গারের একমাত্র উদ্দেশ্য নয়।

\* “আনন্দবাজার পত্রিকা” ( ৯ই বৈশাখ, ১৩৬৩ সাল ) হইতে গৃহীত।

## বন্ধনশালার নারী

বাঁচবার জন্ত, সত্যিকার জীবনীশক্তি নিয়ে পৃথিবীর কাজ করার জন্তই আহারের প্রয়োজন। তাই আহাৰ্য্য জব্য পরিবেশন ও গ্রহণের বিশেষ কতকগুলি ধারা আছে।

অনেক পরিবারেই শুনতে পাওয়া যায়, পরিবারের কর্তা আজ না খেয়ে অথবা গত রাত্রে বাসি খাবার কোনরকমে নাকে মুখে গুঁজে অফিসে রওনা হয়েছেন। কারণ অশ্বেষণ করলে জানা যায় অনেক কিছু। হয়ত বা সময়মত বাজার এসে পৌঁছয়নি, অল্প কোন কাজে ব্যস্ত থাকায় বা ঘুম থেকে উঠতে দেরী হওয়ার খুব চেষ্টা কবেও সমস্ত রান্না সময়মত সম্পন্ন করা যায় নি। অসুস্থতা বা অনুরূপ কোন জরুরী কাজের কথা স্বতন্ত্র। কিন্তু অনেক স্থানে আলস্য এবং কর্তব্যজ্ঞানহীনতাও এর জন্ত দায়ী। কোর্ট-কাছারী, অফিস এবং স্কুল-কলেজের যাত্রীদের সময়মত স্নান-আহার করিয়ে নিয়মিত কাজে রওনা করিয়ে দেওয়া পরিবার-কর্তার একটা বিশেষ দায়িত্ব হওয়া উচিত। যার যে সময় রওনা হওয়ার কথা, তার অনেক আগেই রান্না সম্পন্ন করা কর্তব্য। হাতের কাছেই কর্মস্থল পাওয়া যায় না বা সকলের ভাগ্যে মোটরগাড়ী জোটে না। অল্প বিস্তর সকলকেই হাঁটতে হয় এবং ট্রেনে, ট্রামে, বাসে ঠাসাঠাসি করে দাঁড়িয়ে এবং ঝুলে ঝুলে জীবন বিপন্ন করে চাকুরীস্থলে পৌঁছিতে হয়। দেরী হলে লাল কালির দাগ পড়ার, মাইনে কাটার এবং বড়বাবুর কটু কথা শোনার সম্ভাবনা থাকায় যাত্রাকালে অফিস-যাত্রীদের কোন কাণ্ডজ্ঞান থাকে না। এ-হেন অবস্থায় পেটে কম ভাত পড়লে সারাদিন তার কি অবস্থা হয়, তা সহজেই অনুমেয়। তাছাড়া সময় অভাবে উত্তপ্ত কতকগুলি খাদ্য মুখ পুড়িয়ে গোত্রাসে গিলে ছোটর ফলও অতীব ভয়ঙ্কর। ছুই একদিনে এই বিয়ক্রিয়ার ফল উপলব্ধি করা যায় না। কিন্তু যাকে বাকী জীবন এভাবেই চলতে হবে, তার ভবিষ্যৎ যে কতখানি বিবাদময় তা অনেক অফিস-যাত্রীই এবং সঙ্গে সঙ্গে তাদের পরিবারের লোকেরা ভিলে ভিলে অনুভব করছেন। ছুরারোগ্য রোগে ক্রমেই জীবনীশক্তি হারিয়ে চাবুরে সংসারের ভবিষ্যৎ অন্ধকার করে আনেন। নির্দ্ধারিত সময়ের অল্প কিছুকাল আগে রান্না সম্পন্ন করতে পারলে, ধীরে-স্থে কম বা বেশী না খেয়ে ক্লিষ্ট এবং পরিমাপ-মত আহার করা যায় এবং আহারের পর বেশ কিছু বিশ্রাম নিয়ে ধীরে ধীরে রওনা হওয়া সম্ভবপর হয়; এই ব্যবস্থা পরিবার-কর্তার পক্ষে যখন স্বাস্থ্যপ্রদ পরিবার-কর্তার পক্ষেও তেমনি তৃপ্তিদায়ক। সমস্তদিন চাকুরে যেমন অভুক্ত না থেকে প্রফুল্ল মনে আপনার কাজ করতে পারেন, দাঁড়িতে মহিলারাও তেমনি মানসিক উদ্বিগ্ন না রেখে নিশ্চিন্তে গৃহস্থালীর অন্যান্য কাজ সম্পন্ন করতে পারেন।

চাকুরীদের সকালে এই খাওয়াটা শুষ্ক, চচ্চড়ি, ডাটা প্রভৃতি দিয়ে রাশিকৃত না করাই উচিত। কারণ, ওগুলো খেতে ভাল লাগলেও সময় বেশী লাগে। সে ধরণের সময় অনেকেই হাতে থাকে না। তাই অবস্থানুযায়ী মাছ, ডাল, ভাজা, তরকারি প্রভৃতি সাধারণ খাবারের ব্যবস্থাই উপযুক্ত। এই খাবারগুলি সব সময়ই লঘুপাক হওয়া বাঞ্ছনীয়। রাত্রে অথবা ছুটির দিনে আমোদ-আহ্লাদ করে সবাই মিলে নতুন কোন আহাৰ্য্য গ্রহণ করা আনন্দদায়ক।

বিজ্ঞানশিক্ষার মত রান্নাও বিশেষ যত্নসহকারে শিক্ষা করতে হয়। সঙ্গীত-পিপাসকে গান শুনিতে যতটা আনন্দ পাওয়া যায়, নিজ হাতে প্রস্তুত নূতন নূতন খাবার পাইয়েও অনুরূপ আনন্দ পাওয়া যায়। যত্নসহকারে ধীরে ধীরে চেষ্টা করলে অতি অল্প সময়েই একজন পাকা রাঁধুনী হওয়া যায়।

রোজ একই রকম খাবার খেতে খেতে মুখে অরুচি আসা অত্যন্ত স্বাভাবিক। তাই বাড়ির মেয়েদের উচিত নূতন নূতন খাবার তৈরি শিক্ষা করা।

রান্নাঘরের পরিষ্কার-পরিচ্ছন্নতার দিকে বিশেষ দৃষ্টি দেওয়া উচিত। কিন্তু আমাদের মধ্যবিত্ত সংসারে এই ঘরটি অন্যান্য ঘর অপেক্ষা অনেক অল্পে থাকে; ঝুল, কালি, কয়লা, ঘুঁটেতে এর রূপটি অতীব কুৎসিত। তাছাড়া তরিতরকারীর পোসা, ভাতের ফেন প্রভৃতি দ্বারা এর পাখবন্দী স্থান পর্যন্ত নোংরা

## ভারতের নারী

করে রাখা হয়। এ কাজটি করা মোটেই উচিত নয়, কারণ প্রত্যেকটি জিনিসের পরিচ্ছন্নতা পরিপাক-ক্রিয়ার সাহায্য করে থাকে।

আহার পরিবেশনকালে রাঁধুনীকে অনেকভাবে সংযত থাকতে হয়। কোন প্রকার উত্তেজিত বা বিরক্তির ঘটনাও খাওয়ার সময় উত্থাপন করা উচিত নয়। কিন্তু আমাদের বাঙ্গালী মধ্যবিত্ত ঘরে অধিকাংশ ক্ষেত্রেই নানাপ্রকার সাংসারিক জটিল সমস্যা খাবার সময়ই আলোচনা করা হয়। ফলে অশান্ত মন নিয়ে খাওয়ার দরুন পরিপাকক্রিয়ার যথেষ্ট ব্যাঘাত ঘটে থাকে এবং অন্তমনস্কতার জন্তু জিভেতে কামড় লাগা, গলায় খাবার বেধে যাওয়ার বিপদ ঘটান সম্ভাবনা খুব বেশী। তা ছাড়া তর্কের জন্তু খাবার সময় বেশী কথা বলায় আহাৰ্য্যক্রম উত্তমরূপে চর্কিত হয় না এবং হজম ক্রিয়ার ব্যাঘাত ঘটিতে থাকে।

এই তো গেল পুরুষদের আহাৰের প্রতি নারীদের কর্তব্যের কথা। নারীদের নিজেদের প্রতিও তাঁদের অনেক কর্তব্য আছে। তাঁরা এমন বিজ্ঞানসম্মত উপায়ে বা স্বাস্থ্যপ্রদভাবে সংসারের প্রতিটি কাজ করবেন, যাতে তাঁরা নিজেরাও প্রত্যেকটি কাজের মাধ্যমে আনন্দ পান, শক্তি পান। নিজের বুদ্ধির দোষে বা অশিক্ষার জন্তু এমন কুসংস্কার অনুসরণ করবেন না, যাতে তিনি নিজে ক্রমে ক্রমে হীনবল হয়ে অভাবের সংসারে সমস্যা বাড়িয়ে তোলেন। অবসরমত বিশ্রাম লওয়া, লঘু হাসি-ঠাট্টায় অংশ গ্রহণ করা, বাড়ীর বাইরে বেড়ান, বন্ধু-বান্ধবের সঙ্গে ভাবের আদান-প্রদান করা, সময়মত স্নান-আহার করা এবং সংস্কৃতিগত আলোচনায় অংশ গ্রহণ করা উচিত। উৎকৃষ্ট সাহিত্যপাঠ নারীজীবনের একটি বিশেষ প্রয়োজনীয় অঙ্গ। এই সমস্ত ক্রিয়াকলাপে নারী তাঁর জীবনশক্তি এবং সঙ্গে সঙ্গে পরিবারের রুচি অনায়াসেই বাড়িয়ে তুলতে পারেন।

## ১৮। নারী-সমস্যা\*

আজ তোমাদের কাছে মেয়েদের সমস্যা সম্বন্ধে বলব : মানুষ যত প্রাচীন এ-সমস্যাও তার বাহ্যরূপে ততই প্রাচীন, কিন্তু মূলে গেলে তা আরও বেশী প্রাচীন। আর যে বিধি সে সমস্যার নিয়ন্ত্রণ করে ও তার সমাধানের সন্ধান দেয়, তাকে জানতে হলে যেতে হবে বিশ্বসৃষ্টির আদিতে সৃষ্টিরও বাহিরে।

প্রাচীনতম ঐতিহ্যধারার কোথাও কোথাও, সম্ভবত সবচেয়ে প্রাচীনগুলিতেই বলা হয়েছে যে বিশ্বসৃষ্টির হেতু হল নিজেকে বাহিরে বস্তুত্ব প্রকট করে দেখবার জন্তু সেই একমু সৎ এর ইচ্ছা ; তার এই আত্ম-বিসৃজনের প্রথম ধাপ হ'ল চিৎশক্তির আবির্ভাব। তাই প্রাচীন সব ঐতিহ্য বলে থাকে যে, পরাংপর হলেন পুরুষ এবং চেতনা স্ত্রী—এই রকমে সূত্রপাত প্রথম বিভেদের, সূচনা নিজভেদের ; আর এই রকমেই এল নারীর আগে পুরুষের স্থান বস্তুতঃ সৃষ্টির পূর্বে যদিও দুজনে এক, অভিন্ন এবং যুগপৎ অস্তিত্ব, তবু পুরুষ প্রথমে সিদ্ধান্ত করলেন এবং তারপর প্রকৃতিকে প্রকট করে ধরলেন সে-সিদ্ধান্ত প্রয়োগ করতে। এর অর্থ প্রকৃতি ছাড়া সৃষ্টি নেই, আবার কারণ হিসাবে পুরুষের ইচ্ছা ছাড়া প্রকৃতির প্রকাশ নেই।

\* "শ্রীঅরবিন্দ মন্দির বর্ষিক" হইতে গৃহীত।

## নারী-সমস্যা

অবশ্য প্রথম তোলা যায় এই ব্যাখ্যা একান্ত মানুষী রচনা কিনা। কিন্তু সত্য কথা বলতে গেলে, যে ব্যাখ্যাই মানুষ দিক—অস্তুতঃ তার প্রকাশের ভঙ্গিতে তা সর্বদা মানুষী ভাবের হতে বাধ্য। ব্যক্তিবিশেষ অজ্ঞের এবং অচিন্ত্যের দিকে তাঁদের আধ্যাত্মিক উত্তরণে ছাড়িয়ে যেতে পেরেছেন মানুষী প্রকৃতিতে একটা অপূর্ব ও প্রায় অনির্বচনীয় উপলক্ষির মধ্যে যুক্ত হয়েছেন লক্ষ্যের সঙ্গে। কিন্তু যখন তাঁরা চেয়েছেন অপরেও সেই আবিষ্কার দ্বারা উপকৃত হোক, তখন জিনিসটিকে ভাষায় বাঁধতে হয়েছে, বোধগম্য করে তুলতে গিয়ে মানুষী করেই ধরতে হয়েছে, প্রতীকের আশ্রয়ে ধরতে হয়েছে।

কথা তোলা যেতে পারে আবহমানকাল ধরে নারীর উপর পুরুষ যে আশা পোষণ করে আসছে তার শ্রেষ্ঠত্ববোধ, তার জন্ম কি দারী নয় এই সব অভিজ্ঞতা এবং তাদের বর্ণনা? কিম্বা এত ব্যাপক বিস্তৃত যে শ্রেষ্ঠত্ববোধ তাই জন্ম দিয়েছে এসব অভিজ্ঞতার সূত্রকে?

মোটের উপর, মূল কথাটি তবু অনিসন্দ্বাদী : পুরুষ নিজেকে ভাবে শ্রেষ্ঠ এবং চায় প্রভুত্ব করতে, নারী নিজেকে বোধ করে নিপীড়িত এবং প্রকাশে অথবা গোপনে করে বিদ্রোহ; যুগ যুগ ধরে চলে আসছে এই নরনারীর দ্বন্দ্ব—নানা রূপে নানা ভঙ্গিতে প্রকাশ হলেও তার মূলে এই একই জিনিস।

অবশ্য পুরুষ সব দোষ চাপায় নারীর উপর, আর ঠিক তেমনি ভাবেই নারী সব দোষ চাপায় পুরুষের উপর; প্রকৃতপক্ষে দু'জনেরই পাওয়া উচিত সমান দোষের ভাগ এবং কেউই অপরের চেয়ে শ্রেষ্ঠত্ব দাবি করতে পারে না। তাছাড়া গতদিন না এই ছোট আর বড়র চিন্তা মন থেকে মুছে যায় ততদিন এই যে অবোকাবুঝি দুই পক্ষকে ঠেলে দিয়েছে দুই বিরুদ্ধ দলে, তার অবমানও নেই, সমস্কারও সমাধান নেই।

সমস্যাটি নিয়ে এত কথা বলা হয়েছে, এত কথা লেখা হয়েছে, এত বিভিন্ন দিক থেকে তার বিচার হয়েছে যে, সে সব কথা পুরোপুরি বলতে গেলে একখানি বইতেও সঙ্কুলান হবে না। মোটের উপর তবু সব খুবই সুন্দর অস্তুতঃপক্ষে সবই মূল্যবান তারা; তবে কার্যতঃ ঠিক ততখানি সার্থক নয়; বাস্তব জাতির দিক থেকে বলা চলে না আমরা সেই প্রস্তুতবুগ ছাড়িয়ে খুব বেশীদূর এগিয়ে গিয়েছি। কারণ পারস্পরিক সম্বন্ধ নিয়ে নরনারীর সমান দুর্বলতা—প্রভুত্ব করেছে একজন, আর অশুভজনের দাসত্ব একটু শোচনীয় ত বটেই।

দাস ছাড়া আর কি, কারণ—লোভ, মোহ, মাৎসর্য থাকলে তাদের দাস হতেই হয়, আবার তাদের উপর নির্ভর করে সে-সব ভোগস্বখের চরিতার্থতা, তাদেরও দাস হতে হয়।

এই রকমে নারী পুরুষের দাসী—কারণ, তার আসক্তি পুরুষ ও তার বলবীর্যের প্রতি, কারণ—সে চায় একখানি নিশ্চিত নীড়ে আশ্রয়, সর্বোপরি রয়েছে তার মাতৃহের লোভ; অশুভিকে পুরুষও তেমনি আবার নারীর দাস, হেতু তার অধিকার-প্রবৃত্তি, ক্ষমতা ও প্রভুত্বের স্পৃহা, যৌন সম্বন্ধের প্রতি আকর্ষণ আর বিবাহিত জীবনের ছোটখাট সুখ-সুবিধার উপর তার আসক্তি।

তাই কোন আইন-কানুন নারীকে মুক্তি দিতে পারে না, যদি না সে নিজেই নিজেকে মুক্ত করে; তেমনি পুরুষেরাও দাসত্বের হাত থেকে মুক্তি পাবে তখনই, যখন ভিতরের সব দাসত্ব থেকে নিজেকে ছাড়াবে।

একটা প্রচ্ছন্ন কঠিন সংগ্রামের অবস্থা সর্বদাই রয়েছে অবচেতনার স্তরে—এমন কি, শ্রেষ্ঠ যারা তাদের মধ্যেও; এরকম ঘটা অনিবার্য যদি না মানুষ সাধারণ চেতনার উর্দ্ধে উঠে যায়, পূর্ণ চেতনার সঙ্গে মিশে যুক্ত হয়ে যায়, পরম সত্যের সঙ্গে মিলিত হয়। কারণ—উর্দ্ধচেতনা লাভ হলে দেখা যায়, পুরুষ ও নারীর মধ্যে পার্থক্য শুধু দেহগত।

বস্তুতঃ হতে পারে, পৃথিবীতে সৃষ্টির প্রথম দিকে ছিল একটা শুদ্ধ নর ও একটা শুদ্ধ নারীর রূপ—উভয়ের ছিল বিশেষ বৈশিষ্ট্য এবং পরিষ্কার পার্থক্য; তারপর কালে গতি-প্রবাহের সঙ্গে নানা মিশ্রণের ফলে

## ভারতের নারী

পুরুষানুক্রমে ধারার প্রভাবে সব ছেলেরা তাদের মাতার সাদৃশ্য পেল সব মেয়েরা পেল তাদের পিতার সাদৃশ্য। সামাজিক উন্নতিকল্পে একই রকম কাজ প্রভৃতির ফলে আজ আর সেই আদি রূপটিকে চেনাই যায় না; বহু পুরুষ বহু ভাবে, গুণে মেয়ের মতো, বহু মেয়ে বিশেষ করে আধুনিক সমাজে, বহুভাবে গুণে পুরুষের মতো। তবে দুঃখের বিষয়, শারীরিক আকৃতির দৃষ্ণ এই কলহের অভ্যাস আর গেল না বরং প্রতিযোগিতার মনোবৃত্তির ফলে বেড়েই চলল বোধ হয়।

মানসিক অবস্থা ভাল যখন তখন নর ও নারী উভয়েই ভুলে যায় এই যৌন বিভেদ। তবে সামান্য উত্তেজনায় তা আবার দেখা দেয়—নারী বোধ করে সে নারী, পুরুষ বোধ করে সে পুরুষ, আবার শুরু হয় অস্বহীন কলহ—কখনো এ রূপে কখনো ও রূপে, খোলাখুলি অথবা প্রচ্ছন্নভাবে, আর সম্ভবতঃ যত প্রচ্ছন্ন ততই মর্মান্তিকভাবেই। মনে হয়—এখারা চলবে সেদিন পর্যন্ত যেদিন পুরুষ ও নারী বলে কিছু থাকবে না, থাকবে যৌনলাঞ্ছনামুক্ত দেহের আধারে আদি ঐক্যকে একট করে জীবন্ত আত্মা সব।

তাই তো আমরা স্বপ্ন দেখছি সেই পৃথিবীর—পরিশেষে সেখানে সব বিরোধের হবে অবসান, যেখানে দেখা দেবে সেই মানব যে হবে মানুষের শ্রেষ্ঠ সৃষ্টিসমূহের সমন্বয়, নিজের একীভূত চেতনা ও কর্মের মধ্যে মিলিয়ে ধরবে ভাবনা ও ক্রিয়াকে দৃষ্টি ও সৃষ্টিকে।

সমস্যাটির এই সূষ্ঠ ও স্থায়ী সমাধান যতদিন না হয় ততদিন যে ভারত এ বিষয়ে, অস্বাভাব্য আরো অনেক বিষয়ের মতো, মনে হয় দারুণ বিষম বৈপরীত্যের দেশ, সে-ই এনে স্থাপন করতে পারে এক বৃহৎ ও সর্বগ্রাহী সমন্বয়।

ফলতঃ ভারত নয় কি সে দেশ যেখানে দেখি বিশ্বসৃষ্টিকারিণী, অমরনাশিনী, সকল দেবতার সর্বলোকের জননী সর্ববরদাত্রী পরাশক্তি মায়ের উদ্দেশ্যে উঠেছে নিবিড়তম ভক্তি, পরিপূর্ণ পূজা আরাধনা।

এই ভারতেই আবার দেখি না কি নারীদের প্রতি তীব্র ঘৃণা—তারই নাম প্রকৃতি, মায়া, ছুট্টা ছলনা, সকল পতন ও দুর্গতির হেতু সেই প্রকৃতিই এনে দেয় ভ্রাস্তি, মালিন্য, সেই ভগবানের কাছ থেকে সরিয়ে নিয়ে যায় দূরে।

ভারতের জীবন আদ্যন্ত এবং বৈপরীত্য ভরা; তারই ফলে অস্তরে ও চেতনায় তার বেদনার ভার; কত দেবীর কত মন্দির এখানে; এখানে দেবী দুর্গার কাছে তার সম্ভানরা আশা করে তাদের সিদ্ধি ও মুক্তি; আবার এদেশেরই একজন বলেনি কি যে নারীদেহে ভগবান্ অবতীর্ণ হবেন না কখনো কারণ সেক্ষেত্রে কোনো বুদ্ধিমান ভারতীয় তাঁকে চিনতে পারবে না। সুখের বিষয় ভগবানের উপর এমন সঙ্কীর্ণ মনের এমন হীন ধারণার প্রভাব পড়ে না। তিনি যখন মানুষী তনু ধারণ করতে চান তখন কেউ চিনুক না চিনুক সে চিন্তা বিন্দুমাত্র তাঁকে বিচলিত করে না। অধিকন্তু যতবার তিনি এসেছেন এই এখানে মর্ত্যলোকে, ততবার মনে হয় শাস্ত্রজ্ঞ পণ্ডিতের চেয়ে সরল শিশু এবং সহজ অন্তরকেই বেশি সমাদর দেখিয়েছেন।

একটা নূতন চিন্তা একটা নূতন চেতনা যতদিন না প্রকৃতিকে বাধ্য করে সৃষ্টি করতে এক নূতন শ্রেণীর জীব, যারা প্রজননের পাশব উপায় থেকে মুক্ত হবে, যারা যুগল যৌনসত্তা হিসাবে থাকবে না ততদিন সর্বত্র সকল ক্ষেত্রে বর্তমান মানবজাতির উন্নতির জন্তু সবচেয়ে শ্রেষ্ঠ কাজ হবে এই দুই শ্রেণীকে সমান দৃষ্টিতে দেখা, তাদের দেওয়া একই শিক্ষা একই অনুশীলন, যেখানে সকল যৌন বিভাগের উর্ধ্বে স্থিত এক ভাগবত সত্যের সঙ্গে নিরবচ্ছিন্ন সংযোগের মধ্য দিয়ে সব সম্ভাবনা, সব সুসঙ্গতির উৎসকে কি রকমে লাভ করা যায়।

মনে হয় বৈপরীত্যের দেশ ভারত নূতন ভাবের জন্ম দিয়েছে যেমন, তেমনি নূতন সিদ্ধিরও হবে অগ্রদূত।

## ১৯ । ভারতের নারী

ভারতের ধূলি-কণা, ভারতের বায়ু-বহি-বারি,  
পুত করি' ভারতের নারী—

গৌরবের সিংহাসনে বিজয়িনী ছিলে অধিষ্ঠিতা,  
স্নেহ, প্রেম, করুণায় শাস্তিময়ী বিশ্বের পূজিতা !  
শমন চমকি' গেছে তোমার সে দীপ্ত মহিমায়  
জীবন্ত ভাষায়

লেখা তার ইতিহাস আজো সেই গান্ধুড়ের জলে  
গভীর কাম্যকবনে অঙ্ককার ছায়া-তরুতলে ।  
তুমি ছিলে ভারতের সাধ্বী সতী, দময়ন্তী, সীতা,  
অগ্নি স্মৃতিরিতা !

মহীয়সী সম্রাজ্ঞীর মত

আপনার গৃহ-রাজ্যে শৃঙ্খলায় অতন্দ্র নিয়ত ;  
ছিলে তুমি শাস্তিময়ী—ওগো রাজরাণী !

তোমারি সে বাণী

ছিল আজ্ঞা, উপদেশ, সাস্বনা ও শ্রীতি-সম্ভাষণ,  
নারীত্ব ও মাতৃত্বের কি অপূর্ব মধুর মিলন !  
তোমারি পবিত্র অঙ্কে করি তব বক্ষঃসুধা পান,

তোমারি সম্ভান

কত গুরি, শিল্পী, কবি, বিশ্বজয়ী কত মহাবীর  
তোমারি গৌরব বহি' পায়ে আসি নোয়ায়েছে শির  
সে গৌরব দলি' ছুটি পায়—

উন্মাদিনী ওগো নারী আজ তুমি চলেছ কোথায় !  
তুষার-মণ্ডিত-শির উচ্চ-গিরি-শিখরের মত,  
তুমি চলিয়াছ ধারা-নিব্বারের প্রবাহে নিয়ত—

## ভারতের নারী

নিভৃত সে গুহার অঞ্চলে,

স্নেহময় অস্তঃপুর-তলে !

ধসিয়া পড়িতে চাও সেই তুমি কিসের আশায়,  
কিসের কাঙ্ক্ষাল তুমি মত্তা আজি কোন্ মদিরায় ?  
স্বর্গ-চ্যুতি হেরি তব আজ

কত ক্ষোভ, কত লজ্জা জেগে ওঠে মরমের মাঝ !  
ভবিষ্যের শিশু কঁাদে, স্নেহহারা গৃহের মাঝার ;

তুমি নির্ঝিকার—

বিশ্ব জয়ে চলিয়াছ—মোহ ঘন অন্ধকার পথে,  
ভাসায়ে গৃহের শান্তি অশান্তির দুর্নিবার স্রোতে ।  
কোন্ বাঁশী আজ তোমা গৃহ হ'তে পথে নিল টানি,  
ভেবেছ কি একবার হে জননি, বিশ্বের কল্যাণী !  
সংসারের নিত্যকর্মে, পুরুষের প্রতিযোগিতায়

এত ব্যগ্র কেন তুমি হায় !

হোক সে গো মহাশক্তিমান

তুমি কেন ভুলে গেলে হায় নারী সে তোমারি দান ।

বিশৃঙ্খল গৃহাঙ্গনে জমে ওঠে অযত্ন জঞ্জাল,—  
স্নেহ সে শুকায়ে গিয়ে আজি শুধু হয়েছে কঙ্কাল ;  
লক্ষ্মীর সিন্দূর ক্ষোভে স্নান হ'য়ে আসিছে কোটায়,  
মঞ্জরী ব্যথায় ঝরে দীপহারা তুলসী-তলায় !

গৌরবের মায়া-মরীচিকা—

তোমারে পরালো আজি অগৌরবে একি রজ্জোটীকা ।  
বুঝিবে না তবু নারী, অভিধানে মত্তা জয়রণে,  
কি হারায় কি পেয়েছ আজিকার প্রগতির পথে ?



## ২০। কয়েকটি পরীক্ষিত টোটকা ঔষধ

( কবিরাজ - আচার্য্য শ্রীইন্দুশেখর তর্কচাৰ্য্য, জ্ঞান-তর্কতীর্থ )

**আঙুনে পোড়ায় :**—১। চূণসহ নারিকেল তৈল ফেনাইয়া দন্ধস্থানে লাগাইবে।  
২। পুড়িবামাত্র কেরোসিন তৈল দিলে ফোঙ্গা বা ঘা হয় না; জ্বালাও তৎক্ষণাৎ দূর হয়। ৩। পোড়ার  
ঘায়ে কাঁচাছকের পটি দিলে জ্বালা দূর হয়; ক্ষত হইলে শুকাইয়া যায়। ৪। ডিমের সাদা অংশ পোড়ার  
ঘায়ে লাগান ভাল।

**কাটিয়া যাওয়ায় বা রক্তপাতে :**—১। আয়াপান ( বিশল্যাকরণী ) পাতা চটকাইয়া  
তাহা দ্বারা বাঁধিয়া রাখিলেও রক্ত বন্ধ হয়। ২। বরফ লাগাইলে তৎক্ষণাৎ রক্তপাত বন্ধ হয়। ৩। গাদা  
ফুলের পাতা পিষিয়া বাঁধিলে রক্ত বন্ধ হইবে। ৪। দুর্বা বা আপাং পাতার রস লাগাইলে রক্তপাত  
বন্ধ হয়।

**ক্ষতে :**—যষ্টিমধু ও তিল একত্র পেষণ করিয়া ক্ষতস্থানে প্রলেপ দিলে শীঘ্র ক্ষত পূরণ হইয়া  
শুকাইয়া যায়।

**মচ্‌কান বা খেংলান ব্যথায় :**—চূণ ও হলুদ একত্র মিশাইয়া গরম করিয়া  
প্রলেপ দিবে। আদা ও সজিনার ছাল পেষণ করিয়া বাঁধিয়া রাখিলে বেদনা থাকে না। ৩। ঠাণ্ডা  
জলে বা বরফে স্থানটির বেদনা কমাইয়া দেয়।

**কাঁটা, লোহা বা সূচ বিঁধিলে :**—১। কাঁটা তুলিয়া সেই স্থানে লবণ দিয়া রাখিবে।  
২। গরম চূণ লাগাইলেও ব্যথা থাকে না। ৩। লবণের গরম সেক দিলেও অনেকটা শান্তি হয়।

**কাঁটাটির দংশনে :**—১। মোমাছি কামড়াইলে মধু দিয়া সেইস্থানে গরম লাগাইবে।  
২। বোম্বা কামড়াইলে সরিষার তৈল বা কেরোসিন তৈল লাগাইবে। ৩। বিছা কামড়াইলে সস্ত গোবর  
গরম অবস্থায় লাগাইবে। চূণ ও লেবুর রস লাগাইলেও যন্ত্রণা সমূলে নষ্ট হয়। ৪। শুয়াপোকা লাগিলে  
ছুরি দিয়া ঘষিয়া চূণ লাগাইলে যন্ত্রণা থাকে না। ৫। বকুল বীচি পিষিয়া চন্দনবৎ করিয়া প্রলেপ দিলে যে  
কোন কাঁটদষ্ট যন্ত্রণা তৎক্ষণাৎ দূর হয়। সিংমাছ কাঁটা দিলে কাঁটানটের পাতার রস লাগানমাত্র যন্ত্রণা  
কমিয়া যায় [ কাঁকড়া বিছা কামড়াইলে হোগলা পাতা পুড়াইয়া উহার ছাই ক্ষতস্থানে দিবামাত্র যন্ত্রণা  
দূর হয়।—সম্পাদক ]

**কুকুর বা শিয়াল কামড়াইলে :**—ইক্ষুগুড় ধুব পাউবেন এবং স্তম্ভক নিরামিষ তিন  
সপ্তাহ খাইবেন। শাক-অম্বল না খাইলে অবশ্য আরোগ্যলাভ করিবেন। ইহা বহু পরীক্ষিত।

**বিষ খাইলে :**—প্রথমেই বমন করাইবে, নিদ্রা যাইতে দিবে না। ১। লবণজল তামা  
জলের সঙ্গে দিলে বমি হয়। লবণজল বা কলমীশাকের রস পান করাইলে বমন হয়। ২। ১ রতি

## ভারতের মারী

ভূতে চূর্ণ পুরাতন ঠেতুল ভিজান জলে কিছু চিনি দিয়া পান করিলে তৎক্ষণাৎ বমন হইয়া যাইবে ।  
৩। স্বর্ণভঙ্গ ও মকরধ্বজ ১ মাত্রা দেওয়া ভাল । [ ঠেতুল ও গোবর জল পান করিলে বিষ কাটিয়া যায় ।—সম্পাদক ]

**সর্ব্বাঙ্গ-বেদনায়ুক্ত নবজ্বরে :**—সমপরিমাণে বেলপাতা ও আদার রস ১ ছটাক সৈন্ধব লবণসহ প্রাতে ও সন্ধ্যায় খাইবে ।

**জ্বরে মুর্ছা হইলে :**—কয়েক কোটা আদার রস নাকের ভিতর দিলে মুর্ছা থাকে না ।

**জ্বররোগীর হিক্কায় :**—১। শুটচূর্ণ ও সৈন্ধব জলে গুলিয়া ৫ কোটা নাকে দিলেই হিক্কা নষ্ট হইবে । শশার রস খাওয়াইলে হিক্কা ভাল হয় । প্রত্যক্ষ ফলপ্রদ ।

**জ্বররোগীর কাসে :**—বাকসপাতার রস ২ তোলা ও বচচূর্ণ ১/০ আনা মধুর সহিত খাইলে অবশ্যই কাস নষ্ট হয় ।

**সর্দিজ্বরে :**—দ্রোণপুষ্প ( দণ্ডকলস ) পাতার রস ৫৬ কোটা গরম জলে দিয়া পান করিবে । ১ ঘণ্টার মধ্যেই সর্দি নিঃসরণ হইতে থাকিবে ।

**ম্যালেরিয়া জ্বরে :**—তুলসীপাতার রস ১ তোলা ও বেলপাতার রস ১ তোলা মধুনহ প্রাতে ও সন্ধ্যায় ১ সপ্তাহ পান করিলে শরীরের ব্যথা ও জ্বর থাকে না ।

**আম্বাশয়ে :**—রাতে চূণের জলে হলুদচূর্ণ দিয়া খাইলে ১২ ঘণ্টার মধ্যেই আরোগ্য লাভ করিতে পারিবে । ২। নবোদগত পেয়ারার পাতা অর্ধেক, আদা সিকি, চিনি সিকি, পূর্ণমাত্রায় ১ তোলা সকালে ২ দিন খাইবে । ৩। থানকুনি পাতা, কচি ঠোঁটে কলার সহিত সিদ্ধ করিয়া খাওয়াইলে বিশেষ উপকার হয় ।

**ত্রিমতে :**—১। আনারসের কচি পাতার রস অর্ধ ছটাক মধুর সহিত সেবন করিলে তিন দিনেই সম্পূর্ণ আরোগ্য লাভ করিবে । ২। বিড়ঙ্গের ভিতরের সাদা অংশ ১/০ ও যষ্টিমধু অর্ধ-তোলা রাতে শীতল জলে গুলিয়া খাইলে ত্রিমির কুল নষ্ট হয় ।

**যকৃতের দোষ বা কামলা রোগে :**—১। ১ সপ্তাহ পটল পাতার রস ১ ছটাক মধুর সহিত প্রাতে ও সন্ধ্যায় পান করিলে আশাতীত ফল পাওয়া যায় । ২। কাঁচা হলুদের রস কামলার খুব উপকারী ।

**নাসিকা হইতে রক্তস্রাবে :**—দুর্লার রস বা পিঁয়াজের রস দ্বারা নস্ত গ্রহণ করিবে ।

**হাঁপানি রোগের :**—বচচূর্ণ মধুর সহিত অবলেহন করিলে সাময়িক অনেকটা শান্তি পাওয়া যায় ।

**বম্বমের :**—১। হরীতকীচূর্ণ মধুর সহিত চাটিলে বমি আর হয় না । ২। খালি পেটে বম্বনে—চিড়া বা মুড়ি-ভিজান জল পান করিলে বমি বন্ধ হয় ।

## কয়েকটা পরীক্ষিত টোটকা ঔষধ

**বাতব্যাধিতে :—**১। বেলপাতার রস ১ তোলা, নিশিন্দা পাতার রস অর্ধ-তোলা ও আদার রস অর্ধ-তোলা, সৈন্ধব লবণের সহিত প্রাতে ও সন্ধ্যায় ৭ দিন পান করিতে হইবে ও পীড়িত স্থানে তারপিন তৈল বা পুরাতন ঘৃত মালিশ করিয়া নেকড়ার উপর ভেরেণ্ডা পাতা পাড়িয়া তাহাতে গরম বালি ঢালিয়া পুঁটুলি করিয়া গরম গরম সেক দিবে। দু' দিনেই পক্ষাঘাতে পর্যাপ্ত উপকার পাওয়া যায়। নিশিন্দা পাতা গরম করিয়া যে-কোন ফুলার উপর রাখিয়া গরম কাপড় দ্বারা বাধিয়া রাখিবে। দিনে ৪।৫ বার দিলে একদিনেই সকল উপসর্গের উপশম হইবে।

**১-যক্ষ্মবৃদ্ধিতে :—**শুক মূলা, গুলঞ্চ ও কলমীশাকের রসে দেওয়ালের চূর্ণ ৮।০ আনা ও নীল ৮।০ আনা গোমূত্রে মর্দন করিয়া গরম করিয়া প্রলেপ দিবে। সন্ধ্যায় কালমেঘের পাতার রস অর্ধ-ছটাক মধুর সহিত পান করিবে। প্রাতে গোবৎসের চনা ৭ দিন সেবন করিবে।

**শোথে :—**আমলকী, হরীতকী ও বহেড়ার কাথ সেবন করিলে খুব উপকার পাওয়া যায়।

**কর্ণরোগে :—**কর্ণে উৎকট বেদনা হইলে, কানের ভিতর দপ্ দপ্ করিতে থাকিলে একটা কলিকায় আঙুন দিয়া উহার উপর গুগ্গুল রাখিয়া অল্প একটা কলিকা তাহার উপর স্থাপন করিবে। ইহাতে ছিদ্রপথে ধূম নির্গত হইতে থাকিবে। সেই ধূম কর্ণরন্ধ্রে ২।১ বার লাগাইলে যত অসহ্য বেদনাই হউক না কেন মুহূর্তেই উপশম হইবে।

**চক্ষুরোগে :—**১। চক্ষু রক্তবর্ণ হইলে রক্তচন্দন ঘষিয়া তাহাতে কর্পূর দিয়া চক্ষুর চতুর্দিকে প্রলেপ দিবে। শুকাইয়া আসিলেই আবার প্রলেপ দিবে। ৮।১০ বার দিলে একদিনেই চক্ষু পরিষ্কার হইবে ও যন্ত্রণা থাকিবে না। ২। পরিষ্কার রেড়ীর তৈল ২।১ বিন্দু চোখে দিলেও উপকার হইবে, জল পাড়িবে না। ৩। ত্রিফলার জল দ্বারা চক্ষু ধোঁত করিবে। ৪। ফটুকিরি জলে গুলিয়া সেই জলে চক্ষু ধোঁত করিলে যন্ত্রণা অনেকটা কমিয়া যায়।

**দন্তরোগে :—**১। দাঁতের পোকায় বড় পানার শিকড় চিনাইয়া পোকা-দাঁতের গোড়ায় রাখিলে পোকা মরিয়া যায় ও বেদনা নষ্ট হয়। ২। দাঁতের বেদনায় ভেরেণ্ডার রসের চারি আনা, ফটুকিরি দিয়া গরম গরম দাঁতের গোড়ায় প্রলেপ দিতে হইবে। প্রত্যক্ষ কাজ করিবে।

**ফোড়ায় :—**১। ভেরেণ্ডা বীজ দুধের সহিত বাটিয়া ফোড়ায় লেপন করিলে থাকিবেই। ২। ময়না ফল বাটিয়া প্রলেপ দিলে ফোড়া বসিয়া যায়। জ্বাশকুলের পাতা চূণের সহিত বাটিয়া লাগাইলে ফোড়া বসিয়া যায়। ৪। তেলাকুচা পাতা চিনিসহ বাটিয়া গরম করিয়া প্রলেপ দিলে ফোড়া থাকিয়া যায়। ৫। জবানের ফেনা ও চূণ ফোড়ার উপর পানের বোঁটা দ্বারা ফোঁটা দিলে সেই স্থানে মুখ হইয়া পুষ্ণ বাহির হয়।

**পাঁচড়ায় :—**১। নিম ও বাসকের পাতা গোমূত্রে বাটিয়া প্রলেপ দিলে ৭ দিনে সম্পূর্ণ আরোগ্য হয়। ২। কাঁচা হলুদের রস গুড়ের সহিত সকালে খাইতে হইবে। খুলকুড়ির পাতা প্রলেপ দিলে অতি মধুর পাঁচড়া নষ্ট হয়। পাঁচড়া বা কাটা দায় ডালিমের কচিপাতা ও খয়ের সমান মাত্রায় লইয়া জলে বাটিয়া প্রলেপ দিবে।

## ভারতের নারী

**বসন্তে :—**১। সকল অবস্থায় ২ রতি মকরধ্বজ উচ্ছে পাতার রস ও মধুসহ প্রাতে ও সন্ধ্যায় খাইবে। ইহাতে জ্বর, বসন্ত, হাম আরোগ্য হইবেই। ডাবের জলে ধৌত করিলে বসন্তের দাগ উঠিয়া যায়।

**শয্যামুক্তে :—**তেলাকুচা পাতার রস চিনিসহ রাত্রে পান করিলে এ রোগ হইতে অব্যাহতি পাওয়া যায়।

**মূত্ররুদ্ধে :—**১। ঘূতে স্থলপদ্ম পাতা বাটিয়া তলপেটে প্রলেপ দিবে। ২। জলে-পচা আমপাতা বাটিয়া প্রলেপ দিবে। ৩। তিনি ভিজান জল খাওয়াইবে। ৪। শ্বেত পল্লি জলসহ তলপেটে প্রলেপ দেওয়া বা নাভিতে দেওয়া ভাল। ৫। বরফ ২ মিনিট তলপেটে রাখিলে ভিতরে মূত্র থাকিলে অবশ্যই বাহির হইবে। ৬। রজনীগন্ধার শিকড় বাটিয়া জলের কলসীর তলাকার মাটি সমপরিমাণ মিশাইয়া তলপেটে প্রলেপ দিলে নিশ্চয়ই প্রশ্রাব হইবে ( ভারত কবিরাজ )।

**অর্শে :—**১। মাখন ও তিল-বাটা-অর্শে আশ্চর্য্য ফলপ্রদ। ২। আদা ও আনাদার রস ১ ছটাক কিছুদিন সেবন করিলে অর্শের যন্ত্রণা থাকে না। ৩। গরম জলে ফটুকিরি চূর্ণ মিশাইয়া শৌচ করিবে। ৪। হরীতকী ও সাদা চন্দন পিষিয়া দলমের মত করিয়া বলিতে প্রলেপ দিবে, ইহাতে রক্ত বন্ধ হইয়া বলি শুকাইয়া যায়। মলতাগ করিবার সময়ে আঙ্গুল দ্বারা ঘূত বা তৈল বলির ভিতর বেশ করিয়া মাখাইয়া দিলে যন্ত্রণাবোধ একেবারেই থাকে না।

**খুসখুসি কাসে :—**১। গোলমরিচ ১০টী, মিছরি ২ তোলা সহ পিষিয়া কাসের সময়ে মুখে দিলে কাসের বেগ কমিয়া যায়। ২। লবঙ্গ পোড়াইয়া গরম গরম চিবাইয়া খাইলে খুসখুসি কাসের সহ উপকার হয়।

**অরুচিতে :—**ক্ষুধা থাকিতেও আহারে বিদেষ জন্মিলেই তাহাকে অরুচি বলে। আহারের পূর্বে আদা কুচি করিয়া সৈন্ধব লবণসহ বেশ চিবাইয়া খাইলে। ইহাতে অগ্নি ও রুচি উভয়ই বৃদ্ধি হয়।

**পিপাসায় :—**১। হৃৎ শরীরে ছুধের সহিত গুড় মিশাইয়া পান করা ভাল। চিনি ও মিছরির সরবৎ পান করিলে পিপাসা একেবারে নষ্ট হয় না। ২। অহৃৎ শরীরে মৌরী-ভিজান জলে মিছরির সরবৎ করিয়া লেবুর অল্প অল্প রস দিয়া পান করিলে পিপাসার বেগ কমিয়া যায়। বরফ মুখে রাখিলে পিপাসা কমিয়া যায়।

**কোষ্ঠবদ্ধতার :—**১। দুগ্ধসহ কিশমিশ সিদ্ধ করিয়া চিনিসহ গরম গরম খাইলে পরিষ্কার বাহ্য হইয়া যায়। ২। ইসবগুলের ভূষ ও চিনি জলে গুলিয়া বা গরম দুগ্ধে গুলিয়া তৎক্ষণাত্ খাইতে হইবে নচেৎ শক্ত হইয়া উঠিবে, ইহাতে উপসর্গবিহীন বাহ্য হয়, আমের বাণা থাকে না। ৩। গরম-দুগ্ধের সহিত চা চামচের ২ চামচ যষ্টিমধুর চূর্ণ খাইলে বাহ্য পরিষ্কার হয়। ৪। ক্রুর কোষ্ঠের জন্য সোনামুখীর পাতা, কিশমিশ, জঙ্গীহরীতকী ও মিছরি সমপরিমাণে লইয়া ৮০ আনা মাত্রায় গরম জলের সহিত পান করিলে শরীরের গ্নানি নষ্ট হয়।

## কয়েকটি পরীক্ষিত টোটকা ঔষধ

**শিরঃপীড়ায় :—**১। খেতচন্দন কর্পূরের সহিত প্রলেপ দিলে খুব উপকার হয়।  
২। উর্দ্ধশ্লেষ্মাগত শিরঃপীড়ায় শুষ্ক বকুলফুল-চূর্ণ দ্বারা নস্তু গ্রহণ করিবে। দীর্ঘকালেরও যন্ত্রণাদায়ক শিরঃপীড়ায় পুরাতন তেতুলের সঙ্গে সৈন্ধব লবণ জলে গুলিষা গরম করিবে এবং হাতে সহ হয় এরূপ অবস্থায় বেশ গরম থাকিতেই কপালে লাগাইবে। ইহাতে মশার কামড়ের মতই একটু যন্ত্রণা বোধ হইবে ও সঙ্গে সঙ্গেই শান্তিবোধ হইবে।

**অনিদ্রায় :**—শুধুনী শাকের রস ৩০ তোলা, চিনি ১০ তোলা সহ খাইলে ঘুম হয়।  
২। বায়ুর প্রকোপে অনিদ্রায় পায়ে সরিষার তৈল মালিশ করিতে হইবে, সন্ধ্যার সময় শরীর ভাল করিয়া গরম জলে মুছিয়া রাখিতে হইবে, মাথায় তিল তৈল দিতে হইবে, এবং আহারের পরেই তৎক্ষণাতঃ গরে নিদ্রার জন্য অঙ্গপ্রত্যঙ্গকে শিথিল মনে করিবে।

## স্ত্রীরোগে

**প্রদরে :** খেত প্রদরে কাঁটানটের (কাঁটাখুরিয়া) রস ২০ তোলা, বজ্র ডুমুরের রস ১ তোলা মধুমত খাইবে। ২। অশোক ছালের কাথ ১ ছটাক মধুমত খাইবে।

**বাধকে :**—উলট কণ্ঠলের মূল ১০ সিকি ও গোলমরিচ ১০ আনা বাটিয়া প্রাতে শীতল জলসহ সেবনে বাধক বেদনা আরোগ্য হয়। রক্তজবা ছুইটির রস চিনিসহ খাইলেও বেদনার উপশম হয়।

**সূতিকায় :**—মধ্যাহ্নে কাঁচকলা সিদ্ধ চিনির দ্বারা মাখিয়া ভাত খাইতে হইবে, সঙ্গে কাঁচকলার কোলও খাওয়া চলে। আহারের পরে লেবুর আচার খাইতে হইবে। রাত্রি, বালি, শটি খাইতে হইবে - সঙ্গে কবিরাজী সর্বাঙ্গসুন্দর, মৃথার রসও মধুমত খাইলে খুব উপকার হইবে।

**গর্ভাবস্থায় নিয়ম পালন :**—১। শরীর সুস্থ থাকিলে শীতল জলে স্নান করা উচিত।  
২। নিয়মিত সময়ে পুষ্টিকর আহার করিবে, তাহাও অল্পপরিমাণে। ৩। আলস্য করিয়া বসিয়া না থাকিয়া সামান্য পরিশ্রম অবশ্যই করিতে হইবে, ভাগী জিনিস বা জলের কলস বহন না করাই ভাল।  
৪। বাত পরিষ্কার রাখিবার চেষ্টা সর্বদাই করিবে। ৫। মন সর্বদা প্রকৃত্ত রাখিবে। ৬। অসময়ে বেদনা উপস্থিত হইলে সরিষার তৈল কর্পূর দিয়া পেটে মালিশ করিলে তখনই বেদনা কমিয়া যায়।

**গর্ভাবস্থায় আশায় :**—গাঢ় মিছরির সরবৎ ১০ অর্দ্ধপোয়া ও ইসবগুলের পোয়া ১০ অর্দ্ধতোলা একত্রে মিশাইয়া প্রাতে ও সন্ধ্যায় খাইলে প্রত্যক্ষ ফল পাউবেন।

## প্রসবকালীন নিয়মাবলী

১। পোয়াতীকে জ্বোলাপ দিতে হইবে। সাবানের গরম জলে ডুস বা এরও তৈলের (আধুনিক ক্যাষ্টের অয়েল) ডুস দিবে।

## ভারতের নারী

- ২। সর্বদাই গর্ভিণীকে প্রবোধ দিবে যে, সকলেরই এরূপ হইয়া থাকে, কোন ভয়ের কারণ নাই।
- ৩। পানিমুচি ভাঙ্গার পর পোয়া তীকে উঠিতে দিবে না।
- ৪। পরিকার হস্তে প্রসবদ্বারে ঘৃত মালিশ করিয়া দিলে প্রসবের যন্ত্রণা বেশী হয় না।

## বালরোগে

(বালকমাত্রেই প্লেগপ্রধান ধাতু হয়, সেইজন্য বালকের সঙ্গে সাধারণের চিকিৎসা এক হইতে পারে না, সেই কারণে পৃথকভাবে ব্যবস্থা লিখিতেছি।)

**মাই ন। ধরা :**—প্রথমে স্তনদুগ্ধ কিছুকে গালিয়া শিশুকে খাওয়াইতে হইবে। পরে মুখে মধু দিয়া মিষ্ট স্বাদ পাইলে স্তনে ১ ফোটা মধু দিয়া মাই ধরাইতে হইবে।

**ঘামাচাঁ :**—বরফ, শীতল জল বা শ্বেতচন্দনের প্রলেপে খুব উপকার হয়।

**নাভি পাকিলে :**—অনেকেই নেকড়া পোড়াইয়া ছাই লাগান, কিন্তু তাহাতে অনেক সময় অপকার হয়, বরং শ্বেতচন্দন পুরু করিয়া নাভিতে প্রলেপ দিবে।

**ভড়কায় :**—প্রায়শ্চলেই শিশু ধনুকের মত বেঁকিতে থাকে। ইহার একমাত্র উপায় মাথায় ঠাণ্ডা জল বা বরফ দেওয়া এবং খুব গরম জলের পাত্রে পা ডুবাইয়া রাখা। এস্থলে অস্থির হইলে চলিবে না, মাঝে মাঝে চক্ষুতে জলের কাপটা দেওয়া, জ্ঞান ফিরিয়া আসিলে ও কাঁদিলে মুখে মাই দেওয়া উচিত। লজ্জাবতীর লতার শিকড় গলায় লাল সূতা দিয়া বাঁধিয়া দিলে তৎক্ষণাৎ উপসর্গ সকল আর দেখা যায় না।

**সন্তোজাত শিশুর জন্ম :**—১। স্তন্য দিবার পূর্বে স্তন জলদ্বারা ধৌত করা উচিত।  
২। শিশুকে ৪ ঘণ্টা অন্তর খাইতে দিবে। ৩। শিশুর জিহ্বায় ঘা হইলে মুখে মধু দিয়া দিবে।  
৪। শিশু কাঁদিলেই প্রশ্রাব করিয়াছে বুঝিতে হইবে, কারণ বিছানা ভিজিয়া গেলে ঠাণ্ডায় তাহার কষ্ট পায়।  
৫। শিশুপালন বৃদ্ধাদের নিকট হইতে শিক্ষা করাই ভাল।

**যকৃতে :**—প্রলেপ (গন্ধাধর যোগ)—লেবুর রসে সৈন্ধব লবণ তামার পাত্রে ঘষিয়া প্রলেপ দিলে সত্ত্বর যকৃতের ব্যথা নষ্ট হয়।

যে সব পার্থিব জিনিষ ব্যবহার করা হয় তাহাদের অযত্ন করা হল  
অজ্ঞতা ও অচেতনতার লক্ষণ।

যদি যত্ন না কর তাহলে কোন জিনিষই ব্যবহার করার অধিকার  
তোমার নেই। ওর প্রতি তোমার কোন আসক্তি আছে বলে  
নয়, শুগবৎ চেতনার কোন একটা অংশকে প্রকাশ করছে  
বলেই তুমি সে জিনিষের যত্ন নেবে। শ্রীমা—(পণ্ডিচেরী)











